

राजमल जैन

प्री पुस्तकी द्वा

श्रीपरमात्मने नमः ।

स्वर्गीय कविकर धानतरायजी विरचित

धमाविलास ।

(धानतविलास)



प्रकाशक—

श्रीजैनग्रन्थरत्नाकरकार्यालय—बंबई ।

सुद्रक—

निर्णयसागर प्रेस—बंबई ।

छोटी मोटी
ही छोटे रूपमें
छप गये हैं और
नहीं समझी गई ।

श्रीवीरनिर्वाण संवत् २४४०

३ जिम्मे प्रानत-

प्राचीन श्री जैन ग्रन्थ
रत्नकर कार्यालय हिराबाग, बॉम्बे

(संस्कृत)

Published by Nathuram Premi Proprietor Shri Jain Granth
Ratnakar Karyalaya Hirabag, near C. P. Tank Bombay.

Printed by R. Y. Shedge, at the Niranaya-Sagar Press
23 Kolbhat Lane, BOMBAY.

राजग्रन्थ मूल निवेदन।

पाठक शहाशय,

लगभग दो वर्ष पहले इस ग्रन्थके छपनेका कार्य प्रारंभ किया गया था, आज इतने समयके बाद तैयार होकर यह आपके हाथोंमें पहुँचता है। इच्छा थी कि इसके साथ कविवर व्यानतरायजीका परिचय और उनकी रचनाओंकी आलोचना आपकी मेंट की जाय; परन्तु इस समर्थ भेरे शरीरकी जो अवस्था है उसके अनुसार यही बहुत है कि यह ग्रन्थ किसी तरह पूरा होकर आपतक पहुँच जाता है। लगभग चार महीनेसे मैं अस्वस्थ हूँ और इस कारण बहुत कुछ सावधानी रखनेपर भी इसमें कहीं कहीं कुछ अशुद्धियाँ रह गई हैं उनके लिए मैं आपसे क्षमा चाहता हूँ। यदि कभी इसके दूसरे संस्करणका अवसर मिला तो ये अशुद्धियाँ भी न रहेंगी और ग्रन्थकर्त्ताका परिचय और ग्रन्थालोचन भी लिख दिया जायगा।

धर्मविलास बहुत बड़ा ग्रन्थ है। व्यानतरायजीकी प्रायः सब ही छोटी मोटी रचनाओंका इसमें संग्रह है। परन्तु आप इस ग्रन्थको बहुत ही छोटे रूपमें देखेंगे। इसका कारण यह है इसमेंके कई अंश जुदा छप गये हैं और इस लिए उनकी इसमें शामिल करनेकी आवश्यकता नहीं समझी गई।

इसका एक अंश तो जैनपदसंग्रह (चौथा भाग) है जिसमें व्यानतरायजीके सबके सब पदोंका संग्रह है। यह हमने जुदा छपवाया है।

दूसरा अंश प्राकृत द्रव्यसंग्रहका पद्यानुवाद है जो द्रव्यसंग्रह सान्वयार्थके साथ साथ छपा है।

तीसरा अंश चरचाशतक है जो इसी वर्ष सुन्दर भाषाटीकासहित प्रकाशित किया गया है।

चौथा अंश भाषापूजाओंका संग्रह है। यह लगभग चार पाँच फार्मका होगा। इसे हम इसीमें शामिल करना चाहते थे; परन्तु सर्वसाधारण पूजाप्रेमी लोगोंके लिए इसका जुदा छपवाना ही उचित समझा गया। इसकी कापी तैयार है। बहुत शीघ्र छप जायगा।

इस तरह इन सब अंशोंके मिलानेसे धर्मविलास पूर्ण हो जायगा।

बन्बई

३०-१२-१३

{

नाथूराम प्रेमी।

विषयसूची ।

पृष्ठा

जैनग्रन्थरताकरकार्यालय बम्बईके

छपाये हुए जैनग्रन्थ ।

१ प्रद्युम्नचरित्र-हिन्दी भाषामें वहुत ही बढ़ियाँ २॥१॥
२ मोक्षमार्गप्रकाश-पं० टोडरमलजीकृत १॥१॥
३ सप्तव्यसनचरित्र-हिन्दीवचनिका ३॥२॥
४ बनारसीविलास-बनारसीदासजीके विस्तृत जीवनचरित्रसहित १॥२॥
५ प्रवचनसारपरमागम-कविवर वृंदावनजीकृत अध्यात्मका ग्रन्थ १॥२॥
६ वृंदावनविलास-वृन्दावनजीकी समस्त कविताका संग्रह ... ३॥२॥
७ क्षत्रचूडामणिकाव्य-हिन्दी भाषानुवादसहित ३॥२॥
८ भाषापूजासंग्रह- २॥२॥
९ मनोरमा उपन्यास-वावू जैनेन्द्रकिशोरजीकृत २॥२॥
१० ज्ञानसूर्योदयनाटक-श्रीनाथूरामप्रेमीकृत २॥२॥
११ तत्त्वार्थसूत्र-बालबोधिनी भाषाटीकासहित ३॥२॥
१२ जैनपदसंग्रह प्रथमभाग-दौलतरामजीकृत, बड़ा अक्षर ... १॥३॥
१३ जैनपदसंग्रह दूसरा भाग-भागचंद्रजीकृत, २॥३॥
१४ जैनपदसंग्रह तीसरा भाग-भूधरदासजीकृत भजन ... १॥३॥
१५ जैनपदसंग्रह चौथा भाग-वानतरायजीकृत भजन ... १॥३॥
१६ जैनपदसंग्रह पांचवाँ भाग-बुधजनजीकृत १॥३॥
१७ उपमितिभवप्रपञ्चकथा-पहलाभाग ३॥३॥
१८ उपमितिभवप्रपञ्चकथा-दूसरा भाग १॥४॥
१९ चर्चाशतक-सरल भाषाटीकासहित ३॥४॥
२० न्यायदीपिका-सरल भाषाटीकासहित... ३॥४॥
२१ धर्मप्रश्नोत्तर-प्रश्नोत्तर रूपमें धर्मके सब विषयोंका वर्णन है ... ३॥४॥

२२ नागकुमारचरित-	१०
२३ यशोधरचरित-	१०
२४ यात्रादर्पण—यात्रियोंके बड़े ही सुभीतेका है	१०
२५ भाषानित्यपाठसंग्रह—रेशमी जिल्हा ॥), साधा	१०
२६ प्रतिभा उपन्यास—नाथूराम प्रेसीकृत	१०
२७ सूक्तिमुक्तावली—मूल भाषाकविता और टीका	१०
२८ सज्जनचितवल्लभ—मूल, कविता और भा. टी. सहित	१०
२९ परमार्थजकड़ीसंग्रह—१५ जंकड़ियोंका संग्रह	१०
३० विनतीसंग्रह—२४ विनतियोंका संग्रह	१०
३१ नित्यनियमपूजा—संस्कृत और भाषा	१०
३२ भक्तामरस्तोत्र—अन्वय अर्थ भावार्थ और हिन्दी कवितासहित	१०
३३ जैनबालबोधक प्रथमभाग—	१०
३४ शीलकथा—भारामलजीकृत ।) दर्शनकथा	१०
३५ श्रुतावतारंकथा—श्रुतस्कंधविधानादिसहित	१०
३६ अरहंतपासाकेवली—पौसा डालकर शुभ अशुभ जाननेकी रीति	१०
३७ भक्तामर—हेमराजजीकृत भाषा और मूल संस्कृत	१०
३८ पञ्चमंगल—अभिषेकपाठ और पंचामृताभिषेकपाठसहित	१०
३९ मृत्युमहोत्सव—और समाधिमरण	१०
४० धूर्ताख्यान—पुराणोंकी पोलें	१०
४१ प्राणप्रियकाव्य—भा. टी. सहित	१०
४२ जैनविवाहपद्धति—	१०
४३ क्रियामंजरी—श्रावकोंकी प्रतिदिनकी क्रिया	१०

पता—मैनेजर, जैनग्रन्थरालाकर कार्यालय
हीराबाग पो० गिरगांव, बम्बई।



दि. जै. मुनिधर्मसागर देव
भांडार अकल्पन, न.

श्रीवीतरागाय नमः ।

स्व० कविवर द्यानतरायजी विरचित ।

धर्मविलास ।

(द्यानतविलास ।)

मंगलाचरण ।

छप्य ।

बन्दौ आदि जिनेस, पापतमहरन दिनेस्वर ।

बन्दत हौ प्रभु चंद, चंद दुख तपन हनेस्वर ॥

सांतिनाथ बंदामि, मेघसम सान्तिप्रकासक ।

नमौ नमौ महावीर, वीर भौ-पीर-विनासक ॥

चौवीसौ जिनराजका, धर्म जगतमै विस्तरौ ।

सुभ ज्ञान भगति वैरागमय, धर्म विलास प्रगट करौ ॥१॥

उपदेशशतक ।

तीर्थकरस्तुति, छप्य ।

गुण अनंतकरि सहित, रहित दस आठ दोषकर ।

विमल जोति परगास, भास निज आन विषेहर ॥

सकल सुरासुरवृद्धवंद्य, नर इंद्र चंद्र गन ।

राग द्वेष मद मोह क्रोध, छल लोभ सकल हन ॥

महिमा अनंत भगवंत् प्रभु,
जगत् जीव असरन् सरन् ।
कर जोरि भविक बंदत् चरन्,
तारि तारि तारन् तरन् ॥ १ ॥

सहित अनंत चतुष्ट, नष्ट हुव चारि धाति जब ।
कहत वेद मुख चारि, चारि मुख लखत जगत् सब ॥
दहिय चौकरी चारि, चारि संज्ञा बल चुकौ ।
चारि प्रान संजुगत, चारिगति गमन विमुक्तौ ॥
चहुसंघसरन् बंधन हरन, अजर अमर सिवपदकरन ।
कर जोरि भविक बंदत् चरन्, तारि तारि तारन् तरन् ॥ २ ॥

सर्वैया इकतीसा (मनहर) ।

धर्मको बखानत है कर्मनिको भानत है,
लोकालोक जानत है ज्ञानको प्रकासकै ।
ममता तजै खिरी है वानी जो अनच्छरी है,
सुधारूप है झरी है इच्छाविना जासकै ॥
सिंघासन सोहत है सक्र मन मोहत है,
तीनि छत्र चौसठि चमर ढरै तासकै ।
आनंदकौ कारक है भव्यनकौ तारक है,
ऐसौ अंरहंत देव बंदौ मद नासकै ॥ ३ ॥

रागभाव टाख्यौ तातैं परिगह गहै नाहिं,
दोषभाव जाख्यौ तातैं आयुध न पेखिये ।

१ आहार, भय, मैथुन, परिग्रह । २ काय, श्वासोच्छ्वास, भाषा, आशु ।
३ नष्ट करता है । ४ शब्द हथियार ।

मोहभाव मास्यौ तातैं गहलता दूरि भई,
 अंतराय नासतैं अनंत बल पेखिये ॥
 ज्ञानावरनी विनासि केवल प्रकास भयौ,
 दर्शनावरनी गएँ लोकालोक देखिये ।
 ऐसे महाराज जिनराज हैं जिहाज सम,
 तिनकौ सरूप लखि आपकौं विसेखिये ॥ ४ ॥
 जान्यौ जिनदेव जिन और देव त्याग कीयौ,
 कीयौ सिववास जगवास उदवासकै ।
 पूज्यौ जिनराज सो तौ पूजनीक जिन भयौ,
 पायौ निज थान सब करम विनासकै ॥
 ध्यायौ वीतराग तिन पायौ वीतराग पद,
 भयौ है अडोले फेरि भववन नासकै ।
 जिनकी दुहाई जिनैं गहौ और देव कोऊ,
 जातैं लहै मोक्ष कभी जगमै न आ सकै ॥ ५ ॥
 सवैया तेर्इसा (मत्तगयन्द) ।

जो जिनराज भजै तजि राज, वहै शिवराज लहै पलमाहीं ।
 जो जिननाथ करै भवि साथ, सु होत अनाथ सबै गुण पाहीं ॥
 जो जिन ईस नमै निज सीस, वहै जगदीस तजै पैरछाई ।
 जो जिनदेव करै नित सेव, लहै शिव एव महा सुखदाई ॥ ६ ॥
 छंद मल्लिकमाला ।

देखि भव्य वीतराग कीन घातिकर्म त्याग,
 तास रूप पेखि भाग लज्ज कामरूप ।

— १ छोड़कर । २ निश्वल । ३ मत गहो । ४ अनाथ अर्थात् जिसका कोई
 नाथ न हो, स्वयं सबका नाथ । ५ पराई अर्थात् पुद्धलकी छायाको छोड़ देता
 है, उससे रहित हो जाता है । अथवा छायारहित (केवली) हो जाता है ।

आठ वर्ष धाटि जोय कोटि पुब्ब आयु होय,
 लेर्त ना अहार सोय जोर है अनूप ॥
 इंद्र औ फनिंद चंद जच्छ औ नरिंद विंद
 तीन काल तास वंदि होत मोखभूप ।
 सर्वज्ञेयकौ प्रमान तुच्छ कालमाहिं जान,
 ताहिं वंदिये सुजाने छांडि दौरधूप ॥ ७ ॥

सर्व तिहुँ लोक सु अलोक तिहुँकालके,
 सहित परजाय निज ज्ञानमाहीं ।
 देखियौ जास परतच्छ जिमि करतलैं,
 तीन हू रेख आंगुरी पाहीं ॥
 जासकैं राग औ द्वेष भय चपलता,
 लोभ जम जरा गद आदि नाहीं ।
 सो महादेव मैं नमौं मन बचन तन,
 दीजियै नाथ मुझ मोक्ष ठाहीं ॥ ८ ॥

कुंडलिया ।

बीते जाके धातिया, राग दोष भ्रम नास ।
 सुरपति सत वंदत चरन, केवलज्ञान प्रकास ॥
 केवलज्ञान प्रकास, भास केवलसुख जाकै ।
 दरसन जास अपार, सार वल प्रगव्यौ ताकै ॥
 गुण अनंत घनरास, आस त्रासा भय जीते ।
 ताकौं वंदौं सदा, धातिया जाके बीते ॥ ९ ॥

१ यह छन्द अकलंकाश्कके “त्रैलोक्यं सकलं त्रिकालविपर्यं” आदि
 श्लोकका भावानुवाद है ।

छप्पय ।

भरम हरिय मन मरिय, जरिय मद टरिय मदनबल ।
 सकलि फुरिय अघ दुरिय, तुरिय गज तजिय सुरथ दल ॥
 परम लखिय पर नसिय, खखिय निजरस रस विरचिय ।
 धरम वसिय दुख नसिय, खसिय गद जनम मरण तिये ॥

वसु करम दलन भव भय हरन,
 त्रिभुवनपतिनुत तुम चरन ।
 तुम अभय अखय निरमल अचल,
 जय जिनवर असरन सरन ॥ १० ॥

जै जै स्वामी आदिनाथ, मैं तेरा बंदा ।
 जै जै स्वामी आदिनाथ, काटौ भव फंदा ॥
 जै जै स्वामी आदिनाथ, देवोंके देवा ।
 जै जै स्वामी आदिनाथ, मैं कीनी सेवा ॥
 तू जै जै स्वामी आदिजी, मेरी सेवा जानही ।
 तातैं मोपै कीजै कृपा, वासा दीजै पास ही ॥ ११ ॥

करखा ।

करम-धनहर पवन, परम निजसुखभवनै,
 भरमतम रवि मदन,-तपत-चंदा ।
 कोपगिरि वज्रधर, मान गज हरन हंर,
 कपट वन हर दंहन लोभ मंदा ॥

१ सुरायमान हुई । २ भाग गये । ३ तुरग-घोड़ा । ४ खिसक गये,
 दूर हो गये । ५ तीन अर्धात् रोग जन्म और मरण । ६ वादल । ७ घर ।
 ८ कामदेवरूपी तापको शमन करनेके लिये चन्द्रमाके समान शीतल । ९ इन्द्र ।
 १० सिंह । ११ आग ।

केरन अहि मंत्र वर, मरण रिपु हनन सेर,
पतित उद्धरण जिन नाभिनंदा ।
सकल दुख दहन घन, दिपत जस कनक तन,
सरव सुर असुर नर चरन बंदा ॥ १२ ॥

दर्शनस्तुति; छण्य ।

तुव जिनिंद दिठियौ, आज पातक सब भजे ।
तुव जिनिंद दिठियौ, आज वैरी सब लजे ॥
तुव जिनिंद दिठियौ, आज मैं सरवस पायौ ।
तुव जिनिंद दिठियौ, आज चिंतामणि आयौ ॥

जै जै जिनिंद त्रिभुवन तिलक;

आज काज मेरो सख्यौ ।

कर जोरि भविक विनती करत,

आज सकल भवदुख टख्यौ ॥ १३ ॥

तुव जिनिंद मम देव, सेव मैं तुमरी करिहौं ।

तुव जिनिंद मम देव, नाम तुम हिरदै धरिहौं ॥

तुव जिनिंद मम देव, तुही साहिव मैं बंदा ।

तुव जिनिंद मम देव, मही कुमुदनि तुव चंदा ॥

जै जै जिनिंद भवि कमल रवि, मेरो दुःख निवारिकै ।

लीजै निकाल भव जालतैं, अपनो भक्त विचारिकै ॥ १४ ॥

अष्टद्रव्य चढानेका फल, सवैया इकतीसा ।

नीरके चढ़ायैं भवनीर-तीर पावै जीव,

चंदन चढ़ायैं चंद सेवैं दिन रात है ।

अक्षतसौं पूजतैं न पूजै अक्ष सुख जाकौं,
 फूलनिसौं पूजैं फूलजातिमैं न जात है ॥
 दीजै न इवेद तातैं लीजै निरवेद पद,
 दीपक चढ़ायैं ज्ञानदीपक विरख्यात है ।
 धूप खेये सेती भ्रम दौर धूप खइ जाय,
 फलसेती मोक्ष फल अर्ध अघ घात है ॥ १५ ॥

र्वतमान चौबीसीके नाम, कवित (३१ मात्रा) ।

ऋषभ अजित संभव अभिनंदन, सुमति पद्म सुपास प्रभु चंद ।
 पुहपदंत शीतल श्रेयांस प्रभु, वासपूज्य प्रभु विमल सुछंद ॥
 स्वामि अनंत धर्म प्रभु शांति सु, कुंथु अरह जिन मलि अनंद ।
 मुनिसुव्रत नमि नेमि पास, वीरेश सकल बंदौं सुखकंद ॥ १६ ॥

सिद्धस्तुति, सवैया इकतीसा ।

ज्ञान भावके विलासी छैदी जिनौं भवफाँसी,
 कर्म शत्रुके विनासी त्रासी दुःख दोषके ।
 चेतन दरबभासी अचल सुंधामवासी,
 जिनकै है निधि खासी पोषे सुधा चोषके ॥
 मन वच काय नासी सिद्ध खेतके निवासी,
 ऐसे सिद्ध सुखरासी ज्ञाता ज्ञेयकोषके ।
 भव्य जगतैं उदासी हैकै मनमैं हुलासी,
 तीन काल तिन्हैं ध्यासी वासी सुख मोषके ॥ १८ ॥

साधुस्तुति, कुंडलिया ।

पंच महाब्रत जे धरैं, पंच समिति प्रतिपाल ।
 पाँचौं इंद्री वसि करैं, पडावसिक गहि चाल ।

पडावसिक गहि चाल, टाल मंजन कच लुंचे ।

एक बार ठाड़े अहार, लघु अंवर मुंचै॥ २७ ॥

भूमिसैन दंतवन त्याग, निजभावविषे रत ।

ते वंदौं मुनिराज, धरैं जे पंच महाव्रत॥ २९ ॥

सर्वगुरुल्खुति, सर्वया इकतीसा (सर्वे गुरु एक लखु) ।

काहसौं ना बोलै वैना जो बोलै तौं साता दैना,
देखै नाहीं नैनासेती रागी दोषी होइकै ।

आसा दासी जानै पाखै माया मिथ्या दूर नाखैं,
रीधा हीयेमाहीं राखैं सूधी दृष्टी जोइकै ॥

इंद्री कोई दौरै नाहीं आपा जानै आपामाहीं,
तेर्ई पावै मोख ठांहीं कर्मै मैले धोइकै ।

ऐसे साधू वंदौ प्रानी हीया वाचा काया ठानी,
जातै कीजै आपा ज्ञानी भर्मै बुद्धी खोइकै ॥ ३० ॥

करखा (सर्व लखु, एक गुरु) ।

नगन नैगपर रहत, मैदन मद नहिं गहत,

मैमत मत नहिं लहत, दहत आसा ।

कैरनसुख घटत जस, मरन भय हटत त्रस,

सरन बुध छुटत पुनि, मद विनासा ॥

अमल पद लखत जब, समल पद नखत सत्र,

परम रस चखत तब, मन निरासा ।

नमत मन वचन तन, सकल भव भय हरन,

अज अमर पद करन, शिव निवासा ॥ ३१ ॥

१ सुमतिरूपी स्त्रीको । २ पर्वतपर । ३ कामदेव । ४ यह मेरा है, इस
प्रकार ममत्वबुद्धि । ५ इन्द्रियसुख ।

पंचपरमेष्ठीको नमस्कार, छप्पर ।

प्रथम नमूँ अरहंत, जाहि इंद्रादिक ध्यावत ।
 बंदूँ सिद्ध महंत, जासु सुमिरत सुख पावत ॥
 आचारज वंदामि, सकल श्रुत ज्ञान प्रकासत ।
 बंदत हाँ उवज्ञाय, जास बंदत अघ नासत ॥
 जे साधु सकल नरलोकमैं, नमत तास संकट हरन ।
 यह परम मंत्र नित प्रति जपौ, विघ्न उलटि मंगल करन ॥

सद्बुद्धिकृतजिनस्तुति, करखा ।

राग रंगति नहीं दोष संगति नहीं,

मोहै व्यापै न निजकला जागी ।

धातिया खै गया, ज्ञान परगट भयौ,

ज्ञेयकौं जानि परदर्व त्यागी ॥

सकल औगुण गये, सकल गुणनिधि भये,

सकल तन जस सुकुल रीति पागी ।

कृपा करि कंतकौं मोख पद दीजिये,

कहत है सुबुधि जिनपाय लागी ॥ २३ ॥

करखा छंद ।

कहत है सुबुद्धि जिननाथ बिनती सुनो,

कंत तौ मूढ़ समुझै न क्यौं ही

घोर संसारके हेत जे विषय हैं,

तिन्हैं भोगत चैह सुख स्यौं ही ॥

जाइगौं नर्क तब विषय फल जानसी,

तहाँ पिछतात सिर धुनै यौं ही ।

१ ज्ञानावरण पांच, दर्शनावरण नव, मोहनीय अद्वाईस, अंतराय प्रांच ।

देहु उपदेश अब रहै जु सुहागमुझ,
 छांडि जग चलै शिव ओर त्यौं ही ॥ २४ ॥
 कहौं इस भाँति सुनि चिदानँद वावरे,
 कौन विधि नारि पर हियैं पैठी ।
 कुजसकी खानि दुख दोषकी वहिनि है,
 तुमैं दुख देति जो मंहाहेठी ॥
 छांडि वह संग तुम परम सुख भोगवो,
 सुमतिके संग निज हिये वैठी ।

छांडि जगवास शिववास पलमैं लहौ,
 परत हौं पाय कहुं जीव ऐठी ॥ २५ ॥

व्यवहार हितोपदेश वर्णन, सबैया तेहसा (मत्तगयन्द) ।

चेतनजी तुम चेतत क्यौं नहिं, आव घटै जिम अंजुलिपानी ।
 सोचत सोचत जात सबै दिन, सोवत सोवत रैनि बिहानी ॥
 “हारि जुवारि चले कर झारि,” यहै कहनावत होत अज्ञानी ।
 छांडि सबै विषयासुखस्वाद, गहौं जिनधर्म सदा सुखदानी ॥
 पुन्य उदै गज वाजि महारथ, पाइक दौरत हैं अगवानी ।
 कोमल अंग सरूप मनोहर, सुंदर नारि तहां रति मानी ॥
 दुर्गति जात चलै नहिं संग, चलै पुनि संग जु प्राप निदानी ।
 यौं मनमाहिं विचारि सुजान, गहौं जिनधर्म सदा सुखदानी ॥
 मानुष भौं लहिकै तुम जो न, कस्यौं कछु तौं परलोक करौंगे ।
 जो करनी भवकी हरनी, सुखकी धरनी इस माहिं वरौंगे ॥
 सोचत हौं अब वृद्धि लहैं, तब सोचत सोचत काठ जरौंगे ।
 फेरि न दाव चली यह आव, गहौं निज भाव सु आप तरौंगे ॥

आव घटै छिन ही छिन चेतन, लागि रहौं विषयारसहीको ।
 केरि नहीं नर आव तुमैं, जिम छांड़त अंध बटेर गहीको ॥
 आगि लगैं निकसै सोई लाभ, यही लखिकै गहु धर्म सहीको ।
 आव चली यह जात सुजान, “गई सुगई अव राखि रहीको”
 कुड़लिया ।

यह संसार असार है, कदली वृक्ष समान ।

यामैं सारपनो लखै, सो मूरख परधान ॥

सो मूरख परधान, मानि कुसुमनि नंभ देखै ।

सलिल मधै धृत चैह, श्रृंग सुंदर खेर पेखै ॥

अगनिमाहिं हिमै लखै, सर्पमुखमाहिं सुधा चह ।

जान जान मनमाहिं, नाहिं संसार सार यह ॥ ३१ ॥

कवित (३१ मात्रा) ।

तात मात सुत नारि सहोदर, इन्हैं आदि सब ही परिवार ।
 इनमैं वास सराय सरीखो, ‘नदी नाव संजोग’ विचार ॥
 यह कुदुंच स्वारथकौ साथी, स्वारथ विना करत है ख्वार ।
 तातै ममता छांड़ि सुजान, गहौ जिनधर्म सदा सुखकार ॥३२
 चेतनजी तुम जोरत हो धन, सो धन चलै नहीं तुम लार ।
 जाकौं आप जानि पोषत हौ, सो तन जरिकै है है छार ॥
 विषै भोगिकै सुख मानत हौ, ताकौं फल है दुःख अपार ।
 यह संसार वृक्ष सेमरकौ, मानि कहौ मैं कहूं पुकार ॥ ३२ ॥

सबैया इकतीसा ।

सीस नाहिं नम्यौ जैन कान न सुन्यौ सुवैन,
 देखे नाहिं साधु नैन ताकौ नेह भान रे ।

१ पकड़ी हुई बटेरको । २ आकाशके कुसुम अर्थात् फूलोंको । ३ गधेके सींग । ४ ठंडापन । ५ सेमरका वृक्ष जिसका फूल तो सुहावना होता है, पर फलमें निस्सार धुआ निकलता है । ६ ल्याग दे ।

बोल्यौ नाहिं भगवान करतै न दयौ दान,
उरमै न दया आन यौं ही परवान रे ॥

पाप करि पेट भरि पीछि दी न तीय पर,
पाँव नाहिं तीर्थ कर सही सेती(?) जान रे ।

स्याल कहै बार बार अरे सुनि श्वान यार,
इसकौं तू डारि डारि देह निंद्यखान रे ॥ ३३ ॥

देखो चिदानंद राम ज्ञान दिष्टि खोल करि,
तात मात भ्रात सुत स्वारथ पसारा है ।

तू तौ इन्हैं आपा मानि ममता मगन भयौ,
बह्यौ भ्रममाहिं जिनधरम विसारा है ॥

यह तौ कुडुंब सब दुःखहीकौ कारन है,
तजि मुनिराज निजकारज विचारा है ।

तातैं गहौ धर्म सार स्वर्गमोक्षसुखकार,
सोई लहै भवपार जिन धर्म धारा है ॥ ३४ ॥

सोचत हौ रैनि दिन किहिं विधि आवै धन,
सो तौ धन धर्म विना किनहू न पायौ है ।

यह तौ प्रसिद्ध बात जानत जिहान सब,
धर्मसेती धन होय पापसौं विलायौ है ॥

धर्मके कियेतैं सब दुःखकौ विनास होत,
सुखकौ निवास परंपरा मोख गायौ है ।

तातैं मन वच काय धर्मसौं लगन लाय,
यह तौ उपाय वीतरागजी बतायौ है ॥ ३५ ॥

व्यवसायचतुष्क ।

केर्द सुर गावत हैं केर्द तौ बजावत हैं,
 केर्द तौ बनावत हैं भांडे मृत्ति सानिके ।
 केर्द खाक फटकै हैं केर्द खाक गटकै हैं,
 केर्द खाक लपटै हैं केर्द स्वांग आनिके ॥
 केर्द हाट बैठत हैं अंदुंधिमै पैठत हैं,
 केर्द कान ऐंठत हैं आप चूक जानिके ।
 एक सेर नाज काज अपनो सरूप त्याज,
 डोलत हैं लाज काज धर्म काज हानिके ॥ ३६ ॥
 शिष्यकौं पढ़ावत हैं देहकौं बढ़ावत हैं,
 हेमकौं गढ़ावत हैं नाना छल ठानिके ।
 कौड़ी कौड़ी मांगत हैं कायर हैं भागत हैं
 प्रात उठि जागत हैं स्वारथ पिछानिके ॥
 कागदको लेखत हैं केर्द नख प्रेखत हैं,
 केर्द कृषि देखत हैं अपनी प्रवानिके ।
 एक सेर नाज काज अपनो सरूप त्याज,
 डोलत हैं लाज काज धर्म काज हानिके ॥ ३७ ॥
 केर्द नटकला खेलैं केर्द पटकला वेलैं,
 केर्द घटकला झेलैं आप वैद मानिके ।
 केर्द नाच नाचि आवैं केर्द चित्रकौं बनावैं,
 केर्द देश देश धावैं दीनता बखानिके ॥
 मूरखको पास चहैं नीचनकी सेवा बहैं,
 चोरनैके संग रहैं लोक लाज मानिके ।

एक सेर नाज काज अपनो सरूप त्याज,
डोलत हैं लाज काज धर्म काज हानिके ॥ ३८ ॥

केर्दि सीसको कटावैं केर्दि सीस बोझ लावैं,
केर्दि भूपद्वार जावैं चाकरी निदानकै ।

केर्दि हरी तोरत हैं पाहनको फोरत हैं,
केर्दि अंग जोरत हैं हुंनर विनानकै ।

केर्दि जीव घात करै केर्दि छंदकाँ उचरैं,
नानाविधि पेट भरैं इन्हें आदि ठानकै ।

एक सेर नाज काज अपनो सरूप त्याज,
डोलत हैं लाज काज धर्म काज हानकै ॥ ३९ ॥

यहदुःखचतुष्क ।

रुजगार बनै नाहिं धन तौ न घरमाहिं,
खानेकी फिकर वहु नारि चाहै गहना ।

दैनेवाले फिरि जाहिं मिलै तौ उधार नाहिं,
साझी मिलै चोर धन आवै नाहिं लहना ॥

कोऊ पूत ज्वारी भयौ घरमाहिं सुत थयौ,

एक पूत मरि गयौ ताकौ दुःख सहना ।

पुत्री वर जोग भई व्याही सुता जम लई,

एते दुःख सुख जानै तिसै कहा कहना ॥ ४० ॥

देहमाहिं रोग आयौ चाहिजै जिया भरायौ,

फटि गये अंबर चरणदासी हैं नहीं ।

नारी मन जार भायौ तासौं चित्त अति लायौ,

यह तौ निवल वह देत दुःख अतिही ॥

गृहमाहिं चोर परें आगी लगे सब जरें,
 राजा लेहि लट बांधे मारे सीस पनही ।
 इष्टकौं वियोग औं अनिष्टकौं संजोग होइ,
 एते दुःख सुख माने सो तौ मूढ़मति ही ॥ ४१ ॥
 जेठमास धूप परे प्यास लगे देह जरै,
 कहीं सुनी शादी गमी तहां जायी चहिये ।
 वर्षमें चुचात भौन लकरी निवरि गई,
 ताकौं चलौ लैन पाँव डिगौ दुःख लहिये ॥
 शीतके सहायमाहिं अंवर नवीन नाहिं,
 भूख लगे प्रात मिलै नाहिं कष सहिये ।
 जे जे दुःख गृहमाहिं कहांलौ खाने जाहिं,
 तिन्हैं सुख जाने सो तौ महामूढ़ कहिये ॥ ४२ ॥
 तिनकौं पुरानो घर कौड़ी सौं न धान जामैं,
 मूसे विछी सांप बीदू न्योले जु रहत हैं ।
 भाजन तौ मृत्तिकाके फूटे खाली धान नाहिं,
 दूटी जो खेररी खाट मछिकौं लहत हैं ॥
 कुटिल कुरूप नारी कानी काली कलहारी,
 कर्कश वचन वोलै औगुन महत है ।
 हाहा मोहकर्मकी विटंवना कही न जाइ,
 ऐसौ गृह पाय मूढ़ त्यागौ ना चहत है ॥ ४३ ॥

उपदेश ।

जिंदगी सँहलपै नाहक धरम खोवै,
 जाहिर जहान दीख ख्यावका तमासा है ।

१ फूसका । २ चुभनेवाली । ३ खटमल । ४ थोड़ीसी । ५ खप्त ।

कंवीलेके खातिर तू काम वद करता है,
अपना मुँलक छोड़ि हाथ लिया कांसा है ॥
कौड़ी कौड़ी जोरि जोरि लाख कोरि जोरता है,
कालकी कुँमक आएँ चलना न मासा है ।
सौइत न फरामोश हृजिये गुसईयाको,
यही तौ सुखन खूब ये ही काम खासा है ॥ ४४ ॥

कवित (३१ मात्रा) ।

हर छिन नाव लेइ साँईका, दिलका ऊँफर सबै करि दूर ।
पाक वेएव हमेश भिस्त दे, दोजकं-फंद करै चकचूर ॥
हंमां सुमां जहान सब वूझै, नाहीं वूझै वंदै ते कूर ।
वेचि मूल वेचमन साहिव, चैसमों अंदर खड़ा हुजूर॥ ४५ ॥

जीवके वैरी वर्णन, सर्वया इकतीसा ।

सफरस फास चाहै रसना हू रस चाहै,
नासिका सुवास चाहै नैन चाहै रूपकाँ ।
श्रवन शबद चाहै काया तौ प्रमाद चाहै,
वचन कथन चाहै मन दोर धूपकाँ ॥
क्रोध क्रोध कर्खाँ चाहै मान मान गद्धाँ चाहै,
माया तौं कपट चाहै लोभ लोभ कूपकाँ ।
परिवार धन चाहै आशा विष-सुख चाहै,
एते वैरी चाहैं नाहीं सुख जीव भूपकाँ ॥ ४६ ॥

वैरी दूर करनेका उपाय ।

जीव जो पै स्याना होय पांचाँ इंद्री वसि करै,
फास रस गंध रूप सुर राग हरिकं ।

१ परिवार । २ अपना राज्य । ३ निक्षाका पात्र । ४ चढाइ । ५ क्षण-
भर भी । ६ भूल जाना । ७ मलिनता । ८ मोक्ष । ९ नर्कवा जंजाल । १० हम
तुम सब । ११ आखोंके ।

आसन वतावै काय वचकौं सिखावै मौन,
 ध्यानमाहिं मन लावै चंचलता गरिकै ॥
 क्षमा करि क्रोध मारै विनै धरि मान गारै,
 सरलसौं छल जारै लोभदसा टरिकै ।
 परिवार नेह त्यागै विषे-सैन छांडि जागै,
 तव जीव सुखी होय वैरी वस करिकै ॥ ४७ ॥

नरकनिगोददुःख कथन ।

वसत अनंतकाल वीतत निगोदमाहिं,
 अंखर अनंत भाग ग्यान अनुसरै है ।
 छासठि सहस तीनसै छतीस बार जीव,
 अंतर मुहरतमैं जन्मै और मरै है ॥
 अंगुल असंखभाग तहां तन धारत है,
 तहांसेती क्यां ही क्यां ही क्यां ही कै निसरै है ।
 इहां आय भूलि गयां लागि विषे भोगनिमैं,
 ऐसी गति पाय कहा ऐसे काम करै है ॥ ४८ ॥

निगोदके छतीस कारण ।

मन वच काय जोग जाति रूप लाभ तप,
 कुल वल विद्या अधिकार मद करना ।
 फरस रसन धान नैन कान मगनता,
 भूपति असन नारि चोरका उच्चरना ॥

१ संख्या प्रमाण; श्रुतज्ञानके अक्षरोंका भाग श्रुतकेवलीके ज्ञानमें देनेपर जो लब्ध अन्वे, उसको अक्षर कहते हैं। उसमें अनन्तका भाग दिया जाय फिर जो लब्ध आवै, उसका एक भाग सूक्ष्म निगोद लच्यपर्याप्तकका ज्ञान होता है। २ राजकथा, भोगनकथा, स्त्रीकथा और चोरकथाका कहना।

जूवा मांस मद दाँरी आखेद चोरी पर,—
 नारी विसन क्रोध मान माया लोभ धरना ।
 एकांत विनय विपरीत संसय अग्यान,
 ऐ भाव त्यागि कै निगोद पंथ हरना ॥ ४९ ॥

नरकदुःख ।

सीत नर्कमाहिं परै मेरुसम उख गोला,
 उख नर्क सीत गोला बीचमैं विलायौ है ।
 छेदनता भेदनता काटनता मारनता,
 चीरनता पीरनता नाना भाँति तायौ है ॥
 रोग छयानवै विख्यात एक एक अंगुलमैं,
 परनारी भोगी आगि—पूतली जलायौ है ।
 सागरोंकी थिति पूरी करी तैं अनंती बार,
 अजहूं न समझै है तोहि कहा भायौ है ॥ ५० ॥

भूख तौ विसेस जो असेस अन्न खाइ जाइ,
 मिलै नाहिं एक कन एतौ दुःख पायौ है ।
 तृष्णा तौ अपार सब अंबुधिकौ नीर पीवै,
 पावै नाहिं एक वूँद एतौ कष्ट गायौ है ॥

अँखकी पलक मान साता तौ तहां न ज
 क्रोधभाव भूरि वैर उद्धत बतायौ है ।
 सागरोंकी थिति पूरी करी तैं अनंती बार,
 अजहूं न समझै है तोहि कहा भायौ है ॥ ५१ ॥

पुष्पपाप कथन, छप्पय ।

कबहुं चढ़त गजराज, बोझ कबहुं सिर भारी ।
 कबहुं होत धनवंत, कबहुं जिम होत भिखारी ।

कवहुं असन लहि सरस, कवहुं नीरस नहिं पावत ।
 कवहुं वसन सुभ सघन, कवहुं तन नगन दिखावत ॥
 कवहुं सुछंद वंधन कवहुं, करमचाल वहु लेखिये ।
 यह पुन्यपाप फल प्रगट जग, राग दोष तजि देखिये ॥ ५२ ॥
 कवहुं रूप अति सुभग, कवहुं दुर्भग दुखकारी ।
 कवहुं सुजस जस प्रगट, कवहुं अपजस अधिकारी ॥
 कवहुं अरोग सरीर, कवहुं वहु रोग सतावत ।
 कवहुं वचन हित मधुर, कवहुं कछु वात न आवत ॥
 कवहुं प्रवीन कवहुं मुंगध, विविधरूप जन पेखिये ।
 यह पुन्यपापफल प्रगट जग, राग दोष तजि देखिये ॥ ५३ ॥

मिथ्यादृष्टि कथन, सबैया इकतीसा ।

नारीरस राचत है आठौं मद माचत है,
 रीझि रीझि नाचत है मोहकी मगनमै ।
 ग्रंथनकौं वांचत है विषैकौं न वांचत है,
 आपनैपो वांचत है भ्रमकी पगनमै ॥
 स्वारथकौं जांचत है स्वारथ न जांचत है,
 पाप भूरि सांचैत है कामकी जगनमै ।
 पोपत है पांचर्नकौं सहै नक्क आंचनकौं,
 ऐसी करतूति करै लोभकी लगनमै ॥ ५४ ॥
 ग्रंथनके पढ़ै कहा पर्वतके चढ़ै कहा,
 कोटि लच्छि वढ़ै कहा कहा रंकपनमै ।

१ सच्छन्द, सतंत्र । २ मुख्य, मूर्ख । ३ विषयोंको नहीं छोड़ता है
 ४ आत्मत्वसे वंचित होता है । ५ अपने मतलबके लिये याचना करता है
 ६ आत्महित । ७ संचित करता है । ८ पांचों इंद्रियोंको ।

संजम आचरै कहा मौनव्रत धरै कहा,
 तपस्याके करै कहा कहा फिरै वनमै ॥
 छंद करै नये कहा जोगासन भये कहा,
 दानहूके दये कहा वैठै साधुजनमै ।
 जौलौ ममता न छूटै मिथ्याडोरी हू न ढूटै,
 ब्रह्मज्ञान विना लीन लोभकी लगनमै ॥ ५५ ॥

सबैया तेइसा ।

मौन रहै वनवास गहै, वर काम दहै जु सहै दुख भारी ।
 पाप हरै सुभरीति करै, जिनवैन धरै हिरदे सुखकारी ॥
 देह तपै वहु जाप जपै, न वि आप जपै ममता विसतारी ।
 ते मुनि मूढ़ करै जगरूढ़, लहै निजगेह न चेतनधारी ॥ ५६ ॥

गुह शिष्यके प्रश्नोत्तर ।

सोचत जात सबै दिनरात, कछू न वसात कहा करिये जी ।
 सोच निवार निजातम धारहु, राग विरोध सबै हरिये जी ॥
 याँ कहिये जु कहा लहिये, सु वहै कहिये करुना धरिये जी ।
 पावत मोख मिटावत दोष, सु याँ भवसागरकौं तरिये जी ॥ ५७ ॥

वीतरागस्तुति, छप्य ।

वीतरागकौं धर्म, सर्व जीवनकौं तारन ।
 वीतरागकौं धर्म, कर्मकौं करै निवारन ॥
 वीतरागकौं धर्म, प्रगट क्रोधादिक नासै ।
 वीतरागकौं धर्म, ग्यान केवल परगासै ॥
 जय वीतरागकौं धर्म यह, राग दोष जामैं नही ।
 संसार परत इस जीवकौं, धर्म सरन जिनवर कही ॥ ५८ ॥

धर्मदा महत्त्व, सर्वया इक्षीया ।

चिंतामनि पोरसा (?) रसायन कलपवृच्छ,
कामधेनुं चिंतावेलि पारस प्रमान रे ।
इन्हें आदि उत्तम पदारथ हैं जगतमें,
मिलें एक भव सुख देत परधान रे ॥
परभौ गमन किये चलत न संग कोऊ,
विना पुन्य उदै एज मिलत न आन रे ।
धर्मसौं अनेक सुख पावै भव भव जीव,
तातैं गहौं धर्म परंपरा निरवान रे ॥ ५९ ॥

मिथ्यादृष्टिवर्ण ।

असिधारी देव मानै लोभी गुरु चित्त आनैं,
हिंसामैं धरम जानैं दूरि सो धरमसौं ।
माटी जल आगि पौन वृच्छ पशु पंखी जौन,
इन्हें आदि सेवैं कैसैं हृष्टे ते करमसौं ॥
रोम चाम हाड़ विष्टा आदि जे अपावन हैं,
तिन्हैं सुचि मानै आंखि मूंदी है भरमसौं ।
दीरघ संसारी तिन्हैं देखि संत चुप्पु धारी,
सबसौं वसाय न वसाय वेसरमसौं ॥ ६० ॥

सम्प्रगटीकी इच्छा, सर्वैया (मदिरा) ।

आगमकौं पढ़िवौं जिनवंदन, संगतिं साधरमीजनकी ।
संजमवंत गुनज्ज कथा, गहि मौन कथा सठ लोगनकी ॥
सर्वनिसौं हितवैन उचारन, भावन पावन चेतनकी ।
ए प्रगटौ भवभौ मुझ तौ लग, जौलग मोख न कर्मनकी ॥ ६१ ॥

१ पवित्र आत्माकी भावना ।

व्यवहारसम्यक्तव तथा निश्चयसम्यक्तव, छप्पय ।

नमौं देव अरहंत, अष्टदश दोप रहित है ।

बंदौं गुरु निरग्रंथ, ग्रंथ ते नाहिं गहत है ॥

बंदौं करुनाधर्म, पापगिरि दलन वज्र वर ।

बंदौं श्रीजिनवचन, स्यादवादांक सुधाकर ॥

सरधान द्रव्य छह तत्त्वकौ, यह सम्यक विवहार मत ।

निहचैं विसुद्ध आतम दरब, देव धरम गुरु ग्रंथ नुता ॥ ६२ ॥

सोचके छोड़नेका वर्णन, सबैया तेइसा ।

काहेकौं सोच करै मन मूरख, सोच करै कछु हाथ न ए है ।

पूरव कर्म सुभासुभ संचित, सो निहचैं अपनो रस दै है ॥

ताहि निवारन को बलवंत, तिहूं जगमाहिं न कोइ लसै है ।

तातैं हि सोच तजौ समता गहि, ज्याँ सुख होइ जिनंद कहै है ॥

उदयम वर्णन, सबैया इकतीसा ।

रोजगार विना यार यारसौं न करै प्यार,

रोजगार विना नार नाहर ज्याँ घूरै है ।

रोजगार विना सब गुण तौ विलाय जाय,

एक रोजगार सब औगुनकौं चूरै है ॥

रोजगार विना कछू वात वनि आवै नाहिं,

विना दाम आठौं जाम बैठो धाम झूरै है ।

रोजगार बनै नाहिं रोज रोज गारी खाहिं,

ऐसौं रोजगार एक धर्म कीये पूरै है ॥ ६४ ॥

ज्ञानीचिन्तवन, सबैया तेइसा ।

कर्म सुभासुभ जो उदयागत, आवत हैं जब जानत ज्ञाता ।

पूरव भ्रामक भाव किये बहु, सो फल मोहि भयौ दुखदाता ॥

सो जड़रूप सरूप नहीं मम, मैं निज सुद्ध सुभावहि राता ।
 नास कराँ पलमैं सबकाँ अब, जाय वसाँ सिवखेत विख्याता ॥
 सिद्ध हुए अब होंइ जु होंइगे, ते सब ही अनुभौगुनसेती ।
 ताविन एक न जीव लहैसिव, घोर करौ किरिया वहु केती ॥
 ज्यौं तुपमाहिं नहीं कनलाभ, किये नित उद्यमकी विधि जेती ।
 यौंलखि आदरिये निजभाव, विभाव विनास कला सुभ एती,
 ज्ञानीका बलवर्णन, छाप्य ।

धाम तजत धन तजत, तजत गज वर तुरंग रथ ।
 नारि तजत नर तजत, तजत भुवपति प्रमादपथ ॥
 आप भजत अघ भैजत, भजत सब दोष भयंकर ।
 मोह तजत मन तजत, सजत दल कर्म सत्रुपर ॥
 अरि चैद्वचद्व सब कट्केरि, पट्टैपट्ट महि पैद्व किय ।
 करि अद्व नद्व भैवकद्व दहि, सद्व सद्व सिव संद्वलिय ॥६७॥
 तजत अंग अरधंग, करत थिर अंग पंग मन ।
 लखि अभंग सरवंग, तजत वचननि तरंग मन ॥
 जित अनंग थिति सैलसिंग, गहि भावलिंग वर ।
 तप तुरंग चढ़ि समर रंग रचि, करम जंग करि ॥
 अरि झद्व झद्व मद हद्व करि, सद्व सद्व चौपट्ट किय ।
 करि अद्व नद्व भव कद्व दहि, सद्व सद्व सिव सद्व लिय ॥६८॥
 भरम नष्ट भय नष्ट, कष्ट तन सहत धीर धर ।
 वचन मिष्ट गहि रहत, लहत निज धाम पुष्टकर ॥

१ मैं अपने शुद्ध स्वभावमें रक्त हूँ । २ भागते हैं । ३ चंटाचट, चटपट ।
 ४ काटकरके । ५ पटापट । ६ पृथ्वीपर । ७ पछाड़ दिये । ८ नष्ट ।
 ९ भवकष्ट । १० पा लिया । ११ शैलशृंग, पर्वतका शिखर ।

सुखदृष्टि लखि दुष्ट, सिष्टकौ हेत विहंडित ।
 करम धान करि भिष्ट, भाव उतकिष्ट सुमंडित ॥
 सुभ परम मिष्ट समता सुधा, गट्ट गट्ट तिन गट्ट किय ।
 करि अट्ट नट्ट भव कट्ट दहि, सट्ट सट्ट सिव सट्ट लिय ॥६९॥
 गहत पंच ब्रत सार, रहित परपंच करन पैन ।
 समिति पंच प्रतिपाल, जपत नित इष्ट पंचे मन ॥
 धरत पंच आचार, पंच विग्यान विचारत ।
 लहत पंच सिवहेत, पंच चारित्त चितारत ॥
 अरि छट्ट छट्ट परिकट्ट करि, तट्ट तट्ट दहवट्ट किय ।
 करि अट्ट नट्ट भवकट्ट दहि, सट्ट सट्ट सिव सट्ट लिय ॥७०॥
 मिथ्यात्वादि सिद्धपर्यंत अवस्थाएँ, सबैया इकतीसा ।

मिथ्या भाव मारत हैं सम्यककौं धारत हैं,
 अब्रतकौं टारत हैं गारत हैं ममता ।
 महाब्रत पारत हैं श्रेणीकौं सँभारत हैं,
 वेदभाव जारत हैं लोभ भाव ममता ॥
 धातिया निवारत हैं ज्ञानकौं पसारत हैं,
 लोकालोककौं निहारैं इंद्र आय नमता ।
 जोगकौं विडारत हैं मोखकौं विहारत हैं,
 ऐसी गति धारैं सुख होत अनोपमता ॥ ७१ ॥

सर्वगुरुस्तुति वर्णन, छंद करखा । '

मोहकौं भानिकै, आपकौं जानिकै,
 ज्ञानमैं आनिकै, होत ग्याता ।

मारकौं मारिकै, वामकौं टारिकै,
पापकौं डारिकै, पुन्य पाता ॥
क्रोधकौं जारिकै, मानकौं गारिकै,
वंकेकौं दारिकै, लोभ हाता ।
कर्मकौं नासिकै, मोखमैं वासिकै,
ताहिकौं चित्तमैं, भव्य ध्याता ॥ ७२ ॥

उपदेश, सैवया इकतीसा ।

जगतके निवासी जगहीमैं रति मानत हैं,
मोखके निवासी मोखहीमैं ठहराये हैं ।
जगके निवासी काल पाय मोख पावत हैं,
मोखके निवासी कभी जगमैं न आये हैं ॥
एतौ जगवासी दुखवासी सुखरासी नाहिं,
वे तो सुखरासी जिनवानीमैं बताये हैं ।
तातैं जगवासतैं उदास होइ चिदानंद,
रत्नत्रयपंथ चलैं तेई सुखी गाये हैं ॥ ७३ ॥
याही जगमाहिं चिदानंद आप डोलत हैं,
भरम भाव धरै हरै आत्मसकतकौं ।
अष्टकर्मरूप जे जे पुद्गलके परिनाम,
तिनकौं सरूप मानि मानत सुमतकौं ॥
जाहीसमै मिथ्या मोह अंधकार नासि गयौ,
भयौ परगास भान चेतनके ततकौं ।
तहीसमै जानौ आप आप पर पररूप,
भानि भव-भावैरि निवास मोख गतकौं ॥ ७४ ॥

रागदोष मोहभाव जीवकौ सुभावनाहिं,
जीवकौ सुभाव सुझचेतन वखानियै ।
दर्व कर्मरूप ते तौ भिन्न ही विराजते हैं,
तिनकौ मिलाप कहो कैसैं करि मानियै ॥
ऐसो भेद ज्ञान जाके हिरदैं प्रगट भयौ,
अमल अवाधित अखंड परमानियै ।
सोई सु विचंच्छन मुकत भयौ तिहुँकाल,
जानी निज चाल पर चाल भूलि भानियै ॥ ७५ ॥

मूढ़दशा वर्णन ।

जैसैं गजराज कोई पाहनफ़टिक ज़ोई,
प्रतिविंव लखि सोई दंत दंतसौं अख्यौ ।
वानर मूठी विसेख पराधीन धरै भेख,
कूपमाहिं सिंह देख सिंह देखकै पख्यौ ॥
कांच्भौनमाहिं स्वान सोर करै आप जान,
नलिनीकौ सूवा मान मोहि किन पक्ख्यौ ।
तैसैं पसु-मोह व्याप परहीकौं कहै आप,
भ्रमसेती आपनपो आपन ही विसख्यौ ॥ ७६ ॥

जीवकी पूर्वदशा ।

स्वपर न भेद पायौ परहीसौं मन लायौ,
मन न लगायौ निजआतम सरूपसौं ।
रागदोषमाहिं सूताँ विभ्रम अनेक गूर्ता,
भयौ नाहिं बूताँ जो निकसौं भवकूपसौं ॥

१ विद्वान् । २ स्फटिक पत्थर । ३ देखकरके । ४ कांचका घर । ५ सोता

। ६ गूर्था, उलझा रहा । ७ सामर्थ्य ।

अब मिथ्यातम् मान प्रगटां प्रवोध-भान,
 महा सुखदान आन मोह दौर धूपसाँ ।
 आप आपरूप जान्यां परहीकाँ पर मान्या,
 आपरस सान्यां ठान्या नेह सिवभूपसाँ ॥ ७७ ॥

ज्ञानवर्णन ।

सरसाँ समान सुख नहीं कहूँ गृहमाहिं,
 दुःख तौ अपार मन कहांलाँ बताइयै ।
 तात मात सुत नारि स्वारथके सगे भ्रात,
 देह तौ चलै न साथ और कौन गाइयै ॥
 नरभौ सफल कीजै और स्वाद छांडि दीजै,
 क्रोध मान माया लोभ चित्तमै न लाइयै ।
 ज्ञानके प्रकासनकाँ सिद्धथान वासनकाँ,
 जीमै ऐसी आवै है कि जोगी होइ जाइयै ॥ ७८ ॥

अशोकपुण्यमंजरी छंद ।

रागभाव टारिकै सु दोपकाँ विडारिकै,
 सु मोहभाव गारिकै निहारि चेतनामई ।
 कर्मकाँ प्रहारिकै सु भर्मभाव डारिकै,
 सुचर्म दृष्टि दारिकै विचार सुझता लई ॥
 ज्ञानभाव धारिकै सु दृष्टिकाँ पसारिकै,
 लखौ सरूप तारिकै अपार मुञ्जता खई ।
 मत्तभाव मारिकै सु मारभाव छारिकै,
 सु मोखकाँ निहारिकै विहारकाँ विदा दई

भर्मभाव भानिकै सुभावकौं पिछानिकै,
 सुध्यानमाहिं आनिकै सु आनं-बुद्धि खै गई ।
 धर्मकौं वखानिकै सुधासुभाव पानिकै,
 सुप्रानभाव जानिकै सुजान चेतनामई ॥
 सुद्धभाव ठानिकै सुवानिकौं प्रवानकै,
 सुरूप सुद्ध मानिकै सु मान सुद्धता नई ।
 अष्टकर्म हानिकै सुदिष्टिकौं प्रधानकै,
 सुग्यानमाहिं आनिकै अग्यानकौं विदा दई ॥ ८० ॥
 चेतना सरूप जीव ज्ञानदृष्टिमैं सदीव,
 कुंभ आन आन धीव त्याँ सरीरसाँ जुदा ।
 तीनलोकमाहिं सार सास्वतो अखंडधार,
 मूरतीककौं निहार नीरकौं बुदेबुदा ॥
 सुद्धरूप बुद्धरूप एकरूप आपभूप,
 आतमा यही अनूप पर्मजोतिकौं उदा ।
 स्वच्छ आपने प्रमानि रागदोष मोह भानि,
 भव्यजीव ताहि जानि छांडि शोक औ मुँदा ॥ ८१ ॥
 सुद्ध आतमा निहारि राग दोष मोह टारि,
 क्रोध मान वंक गारि लोभ भाव भाँतु रे ।
 पापपुन्यकौं विडारि सुद्धभावकौं सँभारि,
 भर्मभावकौं विसारि पर्मभाव आनु रे ॥
 चर्मदृष्टि ताहि जारि सुद्धदृष्टिकौं पसारि,
 देहनेहकौं निवारि सेतर्ध्यान ठानु रे ।

जागि जागि सैने छार भव्य मोखकौं विहार,
एक बारके कहे हजार बार जानु रे ॥ ८२ ॥

छप्पय ।

जीव चेतनासहित, आपगुन परगुन जानै ।

पुगलद्रव्य अचेत, आप पर कछु न पिछानै ॥

जीव अमूरतिवंत, मूरती पुगल कहियै ।

जीव ज्ञानमयभाव, भाव जड़ पुगल लहियै ॥

यह भेद ज्ञान परगट भयौ, जो पर तजि अनुभौ करै ।

सो परम अतिंद्री सुखं सुधा, भुंजत भौसागर तिरै ॥ ८३ ॥

यहै असुद्ध मैं सुद्ध, देह परमान अखंडित ।

असंख्यातपरदेस, नित्य निरभै मैं पंडित ॥

एक अमूरति निर उपाधि, मेरो छँय नाहीं ।

गुनअनन्तज्ञानादि, सर्व ते हैं मुझमाहीं ॥

मैं अतुल अचल चेतन विमल, सुखअनन्त मोमैं लसैं ।

जब इस प्रकार भावत निपुन, सिद्धखेत सहजै बसैं ॥ ८४ ॥

सवैया तेईसा ।

केवलग्यानमई परमात्म, सिद्धसरूप लसै सिवठाहीं ।

ग्यायकरूप अखंड प्रदेस, लसै जगमैं जग सौं वह नाहीं ॥

चेतन अंके लियैं चिनमूरति, ध्यान धरौ तिसकौ निजमाहीं ।

राग विरोध निरोध सदा, जिम होइ वही तजिकै विधि-छाहीं ॥

राग विरोध नहीं उरअंतर, आप निरंतर आत्म जानै ।

भोगसँयोगवियोगविषै, ममता न करै समता परवानै ॥

१ सोना छोड़ । २ सुखरुपी अमृत । ३ पुद्गलद्रव्य । ४ नाश । ५ चिह्न ।

६ द्वेष । कर्मोंकी छाया ।

आन बखान सुहाइ नहीं, परधान पदारथसौं रति मानै ।
 सो बुधिवान निदानं लहै सिव, जो जगके दुख यौं सुख मानै॥
 ज्ञायकरूप सदा चिनमूरति, राग विरोध उभै परछाहीं ।
 आप सँभार करै जब आतम, वे परभाव जुदे कछु नाहीं ॥
 भाव अज्ञान करै जबलौं, तबलौं नहिं ग्यान लखै निजमाहीं ।
 भ्रामकभाव बढ़ाव करै जग, चेतनभाव करै सिवठाहीं ॥८७॥

सिंहावलोकन-छाप्य ।

सुनहु हंसै यह सीख, सीख मानौ सदगुरकी ।
 'गुरकी औंन न लोपि, लोपि मिथ्यामति उरकी ॥
 उरकी समता गहौ, गहौ आतम अनुभौ सुख ।
 सुख सरूप थिर रहै, रहै जगमै उदास रुख ॥
 रुखै करौ नहीं तुम विषयपर, पर तजि परमात्म मुनेहु ।
 मुनहु न अजीव जड़ नाहिं निज, निज आतम वर्नन सुनहु ॥
 भजत देव अरहंत, हंत मिथ्यात मोहकर ।
 करत सुगुरु परनाम, नाम जिन जपत सुमन धर ॥
 धरम दयाजुत लखत, लखत निजरूप अमलपद ।
 पैदमभाव गहि रहत, रहत हुव दुष्ट अष्ट मद ॥
 मदर्नवल घटत समता प्रगट, प्रगट अभय ममता तजत ।
 तजत न सुभाव निज अपर तज, तज सुदुःख सिव सुख भजत
 लहत भेदविज्ञान, ज्ञानमय जीव सु जानत ।
 जानत पुगल अन्य, अन्यसौं नातौ भानैत ॥

१ अखिरकार । २ हे आत्मन् । ३ आज्ञा । ४ अभिलापा । ५ समझो ।
 ६ कमलकी तरह अलिस रहकर । ७ रहित । ८ कामदेवका जोर । ९ नाश
 करता है ।

भानत मिथ्या-तिमिर, तिमिर जासम नहिं कोई ।
 कोई विकलप नाहिं, नाहिं दुविधा जस होई ॥
 होई अनंत सुख प्रगट जब, जब प्रानी निजपद गहत ।
 गहत न ममत लखि गेय सब, सब जग तजि सिवपुर लहत ॥
 जपत सुद्धपद एक, एक नहिं लखत जीव तन ।
 तनक परिग्रह नाहिं, नाहिं जहँ राग दोष मन ॥
 मन वच तन थिर भयौ, भयौ वैराग अखंडित ।
 खंडित आसंवद्वार, द्वारसंवर प्रभु मंडित ॥
 मंडित समाधिसुख सहित जब, जब कपाय अरिगन खपत ।
 खप तनममत्त निरमत्त नित, नित तिनके गुण भवि जपत ॥

ज्ञाता साता कथन, सवैया (मुन्दरी) ।

जिनके घटमैं प्रगच्छौ परमारथ,
 रागविरोध हिये न विद्यारैं ।
 करकै अनुभौ निज आतमकौ,
 विषया सुखसौं हित मूल निवारैं ॥
 हरिकै ममता धरिकै समता,
 अपनौ बल फोरि जु कर्म विडारैं ।
 जिनकी यह है करतूति सुजान,
 सुआप तिरैं पर जीवन तारैं ॥ ९२ ॥

सवैया इकतीसा ।

चेतनासहित जीव तिहुंकाल राजत है,
 ग्यान द्रसन भाव सदा जास लहिए ।

१ आत्मामें कर्म आनेका रास्ता । २ आत्मामें नवीन कर्मका न आना ।

३ विस्तरैं-फैलें ।

रूप रस गंध कास पुदगलकौ विलास,
 मूरतीक रूपी विनासीक जड़ कहिए ॥
 याही अनुसार परदर्वकौ ममत डारि,
 अपनौ सुभाव धारि आपमाहिं रहिए ।
 करिए यही इलाज जातें होत आपकाज,
 राग दोष मोह भावकौ समाज दहिए ॥ ९३ ॥
 मिथ्याभाव मिथ्या लखौ ग्यानभाव ग्यान लखौ,
 कामभोग भावनसौं काम जोरजारिकै ।
 परकौ मिलाप तजौ आपनपौ आप भजौ,
 पापपुन्य भेद छेद एकता विचारिकै ॥
 आतम अकाज करै आतम सुकाज करै,
 पावै भवपार मोख एतौ भेद धारिकै ।
 यातै हूं कहत हेर चेतन चेतौ सबेर,
 मेरे मीत हो निचीत एतौ काम सारिकै ॥ ९४ ॥

अडिल ।

अहो जीव निरग्रंथ, होय विषयन तजौ ।
 निरविकल्प निरद्वंद, सुद्ध आतम भजौ ॥
 तत्त्वनिमैं परधान, निरंजन सोइ है ।
 अविनासी अविकार, लखैं सिव होइ है ॥ ९५ ॥

मंदाकान्ता ।

देखौं देखौं भविक अंधुना, राजते नाभिनंदा ।
 धोरं दुःखं भजत भजते, सेवते सौख्यकंदा ॥

जाकौ नामै जपत अमरा, होत ते मुक्तिराजा ।
एई, एई भवदधिविष्णु, धर्मरूपी जिहाजा ॥ ९६ ॥

ज्ञाताका चिन्तवन ।

सिद्धौ सुद्धौ अमल अचलौ, निर्विकल्पौ अवंधौ ।
स्वच्छं भावं अजर अमरौ, निर्भयौ ज्ञानवंधौ ॥
वर्नातीतौ रसविरहितौ, फासभिन्नं अगंधौ ।
सोहं सोहं निज निजविषै, पश्यतो नैव अंधौ ॥ ९७ ॥

बुद्ध्यातीतौ अखल अतुलं, चेतनं निर्विकारौ ।
क्रोधं मानं रहित अछलं, लोभभिन्नं अपारौ ॥
रागं दोषं रहित अखयं, पर्म आनंदसिंधौ ।
सोहं सोहं निज निजविषै, पश्यतो नैव अंधौ ॥ ९८ ॥

अक्षातीतौ गुणगणनिलौ, निर्गदौ अप्रमादौ ।
लोकालोकं सकल लखितं, निर्ममत्तौ अनादौ ॥
सारं सारं अतनु अमनं, शब्दभिन्नं निरंधौ ।
सोहं सोहं निजनिजविषै, पश्यतो नैव अंधौ ॥ ९९ ॥

षट्द्वयकथन—सैवया इकतीसा ।

जीव और पुद्गल धरम अधरम व्योम,
काल एई छहाँ द्रव्य जगके निवासी हैं ।
एक एक दरवमै अनंत अनंत गुण,
अनंत अनंत परजायके विकासी हैं ॥

१ वर्णरहित । २ देखता नहीं है ।

ध. वि. ३

अनंत अनंत सक्ति अजर अमर सबै,
सदा असहाय निजसत्ताके विलासी हैं ।
सर्व दर्व गेयरूप परभाव हेयरूप,
सुद्धभाव उपादेय यातैं अविनासी हैं ॥ १०० ॥

द्वादश अधिकार ।

परिनामी दोय जीव पुद्गल प्रदेसी पांच,
कालविना करतार जीव भोगै फल है ।
जीव एक चेतन अकास एक सर्वगत,
एक तीन धर्म और अधर्म भेद लहै ॥
मूरतीक एक पुदगल एकक्षेत्री व्योम,
नित्य चार जीव पुदगल विना सु लहै ।
हेतु पंच जीवकौं है क्रिया जीव पुदगलमैं,
जुदे देस आनपच्छ भाषत विमल है ॥ १०१ ॥

नवतत्त्वखरूप वर्णन ।

जीवतत्त्व चेतन अजीव पुगलादि पंच,
कर्मनके आवनकौं आस्त्रव वखानिए ।
आतम करमके प्रदेस मिलैं वंध कह्यौ,
आस्त्रव निरोध ताहि संवर प्रमानिए ॥
कर्म उदै देय कछू खिरैं निर्जरा प्रसिद्ध,
सत्तातैं कर्मकौ विनास मोख मानिए ।
ई सात तत्त्व यामैं पुन्य पाप और मिलैं,
एही हैं पदारथ नौ भव्य हिये आनिए ॥ १०२ ॥

वीस स्थानोंके नाम ।

गुणथान चौदै जीवं-थान चौदै पर्याप्त,
पट प्रैण दस संज्ञा गति चारि चार हैं ।
इंद्री पांच काय पट जोगे पंद्रे वेद तीन,
हैं कपाय चारि ज्ञान आठ परकार हैं ॥
संज्ञम हैं सात चारि दर्शन लेस्या हैं पट,
भव्य दोय जानि पट संम्यक विथार हैं ।
सैनी दोय आहारक दोय उपयोग वारै,
वीसठान आतमाके भाखे गणधार हैं ॥ १०३ ॥

कुबुद्धि वचन (निन्दा स्तुति) करखा ।

कहत है कुबुधि सुनि कर्त मेरौ कह्यौ,
भूलि जिन जाहु जिननाथ पासै ।
जाहुगे कहैंगे छांडि धन धाम तिय,
गहौ तप सहौ दुख भूख प्यासै ॥

१ वादर एकेन्द्रिय सूक्ष्मएकेन्द्रिय द्वीन्द्रिय त्रीन्द्रिय चतुरन्द्रिय असंज्ञी पंच-
न्द्रिय संज्ञी पंचेन्द्रिय इनके, पर्याप्ति और अपर्याप्ति इसप्रकार १४ जीव समास
हैं । २ आहार शरीर इन्द्रिय श्वासोद्धृत्स भाषा मन इसप्रकार छह पर्याप्ति होती
हैं । ३ पांच इन्द्रिय मनोबल वचनबल कायबल श्वासोद्धृत्स और आँख इसप्रकार
१० प्राण हैं । ४ आहार भय मैथुन परिग्रह ये चार संज्ञा हैं । ५ सत्य मनो-
योग असत्य मनोयोग उभय मनोयोग अनुभय मनोयोग इसतरह चार वचन
योग और औदारिक काययोग औदारिकमिश्र काययोग वैकियिक काययोग
वैकियिक मिश्र काययोग आहारक काययोग आहारक मिश्रकाययोग कार्माण
काययोग इसप्रकार १५, योग हैं । ६ अव्रत देशव्रत सामायिक छेदोपस्थापन
परिहारविशुद्धि सूक्ष्मसांपराय यथाख्यात इसतरह सात संयम हैं । ७ मिथ्या
सासादन मिश्र औपशमिक क्षायोपशमिक और क्षायिक ये ६ सम्यकत्वके भेद
८ पति । ९ मत जाओ ।

जहांकौ गयौ वाहुरौ कोई नहीं,
देत वह वास जगवासमासैं ।
खान नहिं पान नहिं टकटकापुरीसम,
मोहि तजि चलौ हाँ कहाँ कासैं ॥ १०४ ॥

जिनस्तुति वर्णन—सवैया इकतीसा ।

स्याल ज्यौं जुरैं अनेक काम तौ सरै न एक,
सिंह होय एक तौ अनेक काज हुही है ।
तारे जो असंख्य मिलैं कहा अंधकार दावैं,
एक भानै—ज्योति दसौंदिसा जोति उही है ॥
पाथर अपार भरे दारद न कहूँ टरे,
चिंतामनि एक मन चिंता जिन दुही है ।
तैसैं भगवान गुनखान करुनानिधान,
सब देव आनमैं प्रधान एक तुही है ॥ १०५ ॥

ज्ञाता तथा मूढदशा, छप्पय ।

मिथ्यादृष्टी जीव, आपकौं रागी मानै ।
मिथ्यादृष्टी जीव, आपकौं दोषी जानै ॥
मिथ्यादृष्टी जीव, आपकौं रोगी देखै ।
मिथ्यादृष्टी जीव, आपकौं भोगी पेखै ॥
जो मिथ्यादृष्टी जीव सो, सुखातम नाहीं लहै ।
सोई ज्ञाता जो आपकौं, जैसाका तैसा गहै ॥ १०६ ॥

ज्ञानकथन, सवैया इकतीसा ।

चेतनके भाव दोय ग्यान औ अग्यान जोय,
एक निजभाव दूजौ परउतपात है ।

तातैं एक भाव गहौ दूजौ भाव मूल दहौ,
जातैं सिवपद लहौ यही ठीक वात है ॥
भावकौ दुखायौ जीव भावहीसौं सुखी होय,
भावहीकौं फेरि फेरै मोखपुर जात है ।
यह तौ नीकौं प्रसंग लोक कहैं सरवंग,
आगहीकौं दाधौं अंग आग ही सिरात है ॥

ज्ञाता आलोचना कथन ।

आत्मा सचेतन है पुगल अचेतन है,
जीव अविनिस्वर सरीर छबि छारसी ।
यह तौ प्रगट भेद आलसी न जानै क्यौं हूँ,
जानै उद्यमीक सो तौ मोखकौं विहारसी ॥
घटमैं दयाविसेख देख और जीवनकौं,
आत्मगवेषी बुध झूर मन नारसी ।
जहां देखौं ग्याताजन तहां तौ अचंभौ नाहिं,
आरसीके देखैं उर लागत है आरसी ॥ १०८ ॥

मूढ़कथन ।

ग्यानके लखनहारे विरले जगतमाहिं,
ग्यानके लखनहारे जगमैं अनेक हैं ।
भाखैं निरपेक्षवैन सज्जन पुरुष कई,
दीखत वहुत जिन्हैं वचनकी टेक हैं ॥
चूक परैं रिसखात ऐसे वहु जीव भ्रात,
औसर अचूक थोरे धरें जे विवेक हैं ।

१ जला हुआ । २ जिसका कभी निरन्वय (सर्वथा) नाश न हो

ग्याता जन थोरे मूढ़मती बहुतेरे नर,
जाने नाहिं ग्यान संर कूपकैसे भेक हैं ॥ १०९ ॥

हितोपदेश वर्णन, मत्तगयन्द ।

ज्ञान सोई जु करै हितकारज,
ध्यान सोई मनकौं वसि आनै ।

बुद्ध सोई जु लखै परमारथ,
मीर्तं सोई दुविधा नहिं ठानै ॥

भूप सोई उर नीत विचारत,
नारि सोई भरता सनमानै ।

द्यानतं सो न गहै परकौं धन,
पीर सोई पर्पीरकौं जानै ॥ ११० ॥

छन्दशास्त्रके आठगणोंके नाम, खण्ड, खामी, फल, कवित ३१ मात्रा ।

यगन आदिलघु, उंदक, देत सुत,

भगन आदि गुरु, ससि, जस देह ।

रगण मध्य लघु, अगनि, मृत्यु फल,

जगन मध्य गुरु, रवि, गंदगेह ॥

तगन अंतलघु, व्योम, अफल है,

सगन अंतगुरु, पवन, भजेह ।

नगन त्रिलघु, सुर, आयु प्रदाता,

मगन त्रिगुरु भू, लच्छि भरेह ॥ १११ ॥

१ तालाव । २ मैडक । ३ पंडित । ४ मित्र । ५ दयाननदार अर्थात्
ईमानदार और ग्रन्थकर्त्ता का नाम । ६ पराया कष्ट । ७ यगणके आदिमें लघु होता
है, शेष दो वर्ण गुरु होते हैं । ८ यगणका देव जल है । ९ यगण पुत्रका दाता
है । १० रोगोंका घर ।

अंतर्लापिका, छप्पय ।

कौन धर्म है सार, आन-मत भजे कि नाहीं ।
 किहि त्यागैं है सुजस, भरत हारे किहि ठाहीं ॥
 किहि थिर कीनै ध्यान, कौन वेंदै अघ नासै ।
 लोभवंत धन देह, श्रवणतैं कहा अभ्यासै ॥

बहु पाप कौनतैं बुद्धि सठ,

दया कौनकी धरहि मन ।

मुनिराज कहा कहि भव्य प्रति,

जैनधरम मुन सुमन जन ॥ ११२ ॥

शार्दूलविक्रीडित ।

चैतन्यं अमलं अनादि अचलं, आनंद भावं मयं ।

त्रैलोक्ये अखयं अखंडित सदा, सारं सुजानं स्वयं ॥

राग द्रेष त्रिकर्म सर्व रहितं, स्वच्छं स्वभावं जुतं ।

सोहं सिद्ध विशुद्ध एक परमं, ज्ञानं उपाधिच्युतं ॥ ११३ ॥

जीवके नव दृष्टान्त, सवैया इकतीसा ।

जैसौ रैनिदीपक अरुन परकास वन्यौ,

तैसौ परकास सुद्ध जीवकौ वखान्यौ है ।

दधिमाहिं धीव खीरमाहिं नीर पाहनमैं,

धात जैसैं तैसैं जीव पुद्गलमैं जान्यौ है ॥

१ इस छप्पयमें किये हुए सब प्रश्नोंके उत्तर जैन धरम मुन
 जन इस पदमें निकलते हैं। इस पदके प्रत्येक अक्षरके साथ अन्तर्वे
 मिलानेसे क्रमसे १२ प्रश्नोंके इस प्रकार १२ उत्तर होते हैं—१ जैन
 ३ धन, ४ रन, ५ मन, ६ मुन(नि), ७ नन, ८ सुन, ९ मन, १०
 जन, १२ जैन धरम मुन सुमन जन ।

जैसैं हेमरूपो और फटिक जु निर्मल है,
तैसैं जीव निर्मल सुदिष्टिसौं पिछान्यौ है ।
नव दृष्टान्त करिकै जीवकौ सरूप जान्यौ,
परभाव भान्यौ सुख भाव मन आन्यौ है ॥ ११४ ॥

हर्ष-शोकजय मंत्र ।

केर्द केर्द बार जीव भूपति प्रचंड भयौ,
केर्द केर्द बार जीव कीटरूप धस्यौ है ।
केर्द केर्द बार जीव नौग्रीवक जाय वस्यौ,
केर्द बार सातमैं नरक अवतस्यौ है ॥
केर्द केर्द बार जीव राधौ मच्छ होइ चुक्यौ,
केर्द बार साधारन तुच्छ काय वस्यौ है ।
सुख और दुःख दोऊ पावत है जीव सदा,
यह जान ग्यानवान हर्ष सोक हस्यौ है ॥ ११५ ॥

ज्ञानीमहिमा, कुंडलिया ।

समदिष्टी निजरूपकौं, ध्यावत है निजमाहिं ।
कर्मसत्रु छय करत है, जाकै ममता नाहिं ॥
जाकै ममता नाहिं, आप परभेद विचारै ।
छहौं दव्यतैं भिन्न, सुख निजआतम धारै ॥
करै न राग विरोध, मिलै जो इष्ट अनिष्टी ।
सो सिवपदवी लहै, वहै जो है समदिष्टी ॥ ११६ ॥

उपसंहार ।

बार बार कहैं पुनरुक्त दोष लागत है,
जागत न जीव तूतौ सोयौ मोह झगमै ।

आतमासेती विमुख गहै राग दोपरूप,
 पंचइंद्रीविषये सुखलीन पगपगमै ॥
 पावत अनेक कष्ट होत नाहिं अष्ट नष्ट,
 महापद भिष्ट भयौ भमै सिष्टमगमै ।
 जागि जगवासी तू उदासी बैकै विषयसौं,
 लागि सुख अनुभौ ज्यौं आवै नाहिं जगमै ॥ १७ ॥
 ग्रन्थमहिमा ।

जो इसकौं सुनै तिसै काननकौं हितकारी,
 जो इसकौं सुनै तिसै मंगलकौं मूल है ।
 जो इसकौं पढ़ै ताहि ज्ञान तौं विशेष बढ़ै,
 यादि कर सो तौं पावै भव दधिकौं कूल है ॥
 सकल ग्रंथनिमैं सार सार निज आतमा है,
 सुध उपयोगमर्द ताकौं जो न भूल है ।
 सोईं साध सोईं संत सोईं सब गुनवंत,
 लहै जु अनंत सुख नासै कर्म धूल है ॥ १८ ॥

कविलधुता ।

पिंगल न पढ़ैयौं नहीं देखी नाममाला कोऊँ,
 व्याकरण काव्य आदि एक नाहिं पढ़ैयौं है ।
 आगमकी छाया लैकैं अपनी सकति सार,
 सैलीके प्रभावसेती स्वर कोट (?) गढ़ैयौं है ॥
 अच्छर अरथ छंद जहां जहां भंग होंय,
 तहां तहां लीजै सोध ग्यान जिन्हैं बढ़ैयौं है ।
 वीतराग थुति कीजै साधरमी संग लीजै,
 आगम सुनीजै पीजै ग्यानरस कढ़ैयौं है ॥ १९ ॥

सत्रैसौ ठावन मगसिरवदी छटि बही,
 आगरेमैं सैली सुखी निजमनधनसौ ।
 मानसिंहसाह औ विहारीदास ताकौ शिष्य,
 बानत विनती यह कहै सब जनसौ ॥
 जिहिविधि जानौ निजआतम प्रगट होइ,
 वीतरागधर्म बहै सोई करौ तनसौ ।
 दुखित अनादिकाल चेतन सुखित करौ,
 पावै सिवसुखसिंधु छूटै दुःख बनसौ ॥ १२० ॥
 बानी तौ अपार है कहांलग बखान करौ,
 गणधर इंद्र आदि पार नहीं पायौ है ।
 तुच्छमती जीव ताकी कौन वात पूछत है,
 जे तौ कहू कहै ते तौ तहां ही समायौ है ।
 अच्छर अरथ बानी तीनौ तौ अनादि मानी,
 करै कहै कौन मूढ़ कहत मैं गायौ है ।
 याही ममतासौ चिरकाल जगजाल रुलै,
 ज्यानी सब्दजाल भिन्न आपरूप पायौ है ॥ १२१ ॥

इति उपदेशशतक ।



अथ सुवोध पंचासिका ।

सोरठा ।

ओंकार मङ्गार, पंचपरमपद वसत हैं ।
 तीन भवनमें सार, बंदौं मनवचकायसौं ॥ १ ॥
 अच्छरज्ञान न मोहि, छंदभेद समझौं नहीं ।
 बुधि थोरी किम होय, भापा अच्छर—यावनी ॥ २ ॥
 आतम कठिन उपाय, पायौ नरभौ क्याँ तजै ।
 राई उदधि समाय, द्वंडी फिर नहिं पाइए ॥ ३ ॥
 इहविधि नरभौ कोइ, पाय विषैरससौं रमै ।
 सो सठ अंमृत खोय, हालाहल विष आचरै ॥ ४ ॥
 ईसुर भास्यौ एह, नरभव मति खोवै वृथा ।
 फिर न मिलै यह देह, पछितावौ वहु होइगौ ॥ ५ ॥
 उत्तम नर अवतार, पायौ दुखकरि जगतमै ।
 यह जिय सोच विचार, कछु तोसा सँग लीजिए ॥ ६ ॥
 ऊरधगतिकौ बीज, धर्म न जो नर आदरै ।
 मानुष जौनि लही जु, कूप परै नर दीप लै ॥ ७ ॥
 रिस तजिकै सुन वैन, सार मनुष सब जोनिमै ।
 ज्याँ मुख ऊपर नैन, भान दिपै आकासमै ॥ ८ ॥

छन्द चाल ।

रीझ रे नर नरभौ पाया, कुल गोत विमल तू आया ।
 जो जैनधर्म नहिं धारा, सब लाभ विषै सँग हारा ॥ ९ ॥
 लिखि वात हिये यह लीजै, जिनकथित धर्म नित कीजै ।
 भवदुखसागरकौं तरिए, सुखसौं नौका जो वरियै ॥ १० ॥

लीन विष्णु डंक अहि भरिया, भ्रममोहतै मोहित परिया ।
 विधिना जब दइ है घुमरिया, तब नरकभूमि तू परिया ॥ ११ ॥
 ए नर करि धर्म अगाऊ, जब लौं धनजोवन चाऊ ।
 जब लौं नहिं रोग सतावै, तुहि कालन आवन पावै ॥ १२ ॥
 ऐन हैं तुव आसन नैना, जब लौं तुव प्रकृति फिरै ना ।
 जब लौं तुव बुद्धि सवाई, करि धर्म अगाऊ भाई ॥ १३ ॥
 ओस जल ज्याँ जोवन जै है, करि धर्म जरा फिरि ऐहै ।
 ज्याँ बूढ़ा बैल थकै है, कछु कारज करि न सकै है ॥ १४ ॥
 औ खिन संयोग वियोग, खिन जीवन खिन मृत रोगा ॥
 खिनमैं धन जोवन जावै, किहिविधि जगमैं सुख पावै ॥ १५ ॥
 अंवर धन जीतव गेहा, गर्जकरन चपल धन एहा ॥
 तन दरपन छाया जानौ, यह वात सदा उर आनौ ॥ १६ ॥

दाल परमार्दीकी ।

अः जम ले नित आव, क्याँ नहिं धर्म सुनीजै ।
 नैन तिमिर नित हीन, आसन जोवन छीजै ॥ १७ ॥
 कमला चलै न पैँड़, मुख ढाँके परिवारा ।
 देह थकै वहु पोषि, क्याँ न लखै संसारा ॥ १८ ॥
 खन नहिं छोड़ै काल, जो पाताल सिधारै ।
 बसै उदधिके बीच, जो कहुं दूर पथारै ॥ १९ ॥
 गन सुर राखै तोहि, राखै उदधि मर्थया ।
 तबहु न छोड़ै काल, दीप पतंग परेया ॥ २० ॥
 घर गो सौना दान, मणि औपध सब याँ ही ।
 मंत्र यंत्र करि तंत्र, काल मिट्ठ नहिं क्याँ ही ॥ २१ ॥

१. हाथीके कानके सदृश धन चंचल है ।

नरकतने दुख भूरि, जो तू जीव सम्हारै ।
 ताँ न रुचै आहार, अब सब परिग्रह डारै ॥ २२ ॥
 चेतन गरभ मङ्कार, नरक अधिक दुख पायौ ।
 वालपनेका खेद, सब जग परगट गायौ ॥ २३ ॥
 छिनमें धनका सोक, छिनमें विरह सतावै ।
 छिनमें इष्टवियोग, तरुन कवन सुख पावै ॥ २४ ॥

दाल दोहरेकी ।

मन भाई रे, चेत मन भाई रे ॥ टेक ॥
 जरापनै दुख जे सहे, मुन भाई रे,
 सो क्याँ भूलैं तोहि, चेत मन भाई रे ॥
 जो तू विषयनमें लग्यौ, मन भाई रे,
 आतमहित नहिं होइ, चेत मन भाई रे ॥ २५ ॥
 झूठ पाप करि ऊपज्यौ, मन भाई रे,
 गरभ वस्यौ वस पाप, चेत मन भाई रे ।
 सात धात लहि पापतैं, मन भाई रे,
 अजहु पापरत आप, चेत मन भाई रे ॥ २६ ॥
 नहीं जरा गद आइ है, मन भाई रे,
 कहां गयौ जम जच्छ, चेत मन भाई रे ।
 जो निचिंत तू हूँ रह्यौ, मन भाई रे,
 ए सब हैं परतच्छ, चेत मन भाई रे ॥ २७ ॥
 दुक सुखका भवदधि पर्यौ, मन भाई रे,
 पाप लहर दुख देत, चेत मन भाई रे ।
 पकरौ धर्म जिहाजका, मन भाई रे,
 सुखसाँ पार करेत, चेत मन भाई रे ॥ २८ ॥

ठीक रहे धन सासतौ, मन भाई रे,
 होइ न रोग न काल, चेत मन भाई रे ।
 तबहु धर्म न छाँड़ियै, मन भाई रे,
 कोटि कर्तृं अघजाल, चेत मन भाई रे ॥ २९ ॥
 डरपत जो परलोकतैं, मन भाई रे,
 चाहत सिवसुख सार, चेत मन भाई रे ।
 क्रोध मोह विषयनि तजौ, मन भाई रे,
 धर्मकथित जिन धार, चेत मन भाई रे ॥ ३० ॥
 ढील न करि आरंभ तजौ, मन भाई रे,
 आरंभमैं जियधात, चेत मन भाई रे ।
 जीवधाततैं अघ वढ़े, मन भाई रे,
 अघतैं नरकनिपात, चेत मन भाई रे ॥ ३१ ॥
 नरक आदि तिहु लोकमैं, मन भाई रे,
 इह परभव दुखरास, चेत मन भाई रे ।
 सो सब पूर्व पापतैं, मन भाई रे,
 जीव सहे वहु त्रास, चेत मन भाई रे ॥ ३२ ॥

दाल, वीरजीनिदकी ।

तिहु जगमैं सुर आदि दे जी, जो सुख दुलभ सार ।
 सुंदरता मनभावनी जी, सो दे धर्म अपार ॥
 रे भाई, अब तू धर्म सँभार, यह संसार असार, रे भा० ३३
 धिरता जस सुख धर्मतैं जी, पावै रतन भैंडार ।
 धर्मविना प्रानी लहै जी, दुख नाना परकार ॥रे भा० ३४
 दान धर्मतैं सुर लहै जी, नरक होत करि पाप ।
 इहविध जानैं क्याँ पड़े जी, नरकविष्ट तू आपा॥रे भा० ३५

धर्म करत सोभा लहै जी, जय धनरथ गज वाज॑ ।
 प्रासुकदान प्रभावसाँ जी, घर आवै मुनिराज॥रे भा० ३६
 नवल सुभग मनमोहना जी, पूजनीक जगमाहिं ।
 रूप मधुर वच धरमतें जी, दुख कोउ व्यापै नाहिं॥रे भा० ३७
 परमारथ यह वात है जी, मुनिकाँ समता सार ।
 विन मूल विद्यातनी जी, धर्म दया सिरदार ॥ रे भा० ३८
 फिर सुन करुना धर्मसाँ जी, गुरु कहियै निरग्रंथ ।
 देव अठारह दोप विन जी, यह सरथा सिवपंथ॥रे भा० ३९
 विन धन घर सोभा नहीं जी, दान विना घर जेह ।
 जैसें विष्ट तापसी जी, धर्म दयाविन तेह ॥ रे भा० ४०
 दोहा ।

भाँदू धनहित अघ कर, अघसाँ धन नहिं होय ।
 धरम करत धन पाइयै, मन माँन कर सोय ॥ ४१ ॥
 मति जिय सोच किंच तू, होनहार सो होय ।
 जे अच्छर विधिना लिखे, ताहि न मैट्ट कोय ॥ ४२ ॥
 यह वह वाँतं वहु कराँ, पैठाँ सागरमाहिं ।
 सिखर चढँ वस लोभके, अधिकाँ पावौ नाहिं ॥ ४३ ॥
 रैनि दिना चिता चिंता,—माहिं जलै मति जीव ।
 जो दीया सो पाय है, और न होय सदीव ॥ ४४ ॥
 लागि धरम जिन पूजियै, साँच कहै सब कोय ।
 चित प्रभुचरन लगाइयै, तब मनवांछित होय ॥ ४५ ॥
 वह गुरु हो मम संजमी, देव जैन हो सार ।
 साधरमी संगति मिलौ, जब लौं भव अवतार ॥ ४६ ॥

शिवमारग जिन भासियौ, किंचित जानै कोइ ।
 अंत समाधिमरण करै, चहुँ गति दुख छ्य होइ ॥ ४७ ॥
 धंदू द्वै गुण सम्यक गहै, जिनवानी रुचि जास ।
 सो धनसौं धनवान है, जगमैं जीवन तास ॥ ४८ ॥
 सरधा हिरदै जो करै, पढ़े सुनै दे कान ।
 पाप करम सब नासिकै, पावै पद निरवान ॥ ४९ ॥
 हितसौं अरथ बताइयौ, सुगुरु बिहारीदास ।
 सत्रह सौ वावन बदी, तेरस कातिकमास ॥ ५० ॥
 ग्यानवान जैनी सवै, वसैं आगरेमाहिं ।
 अंतरग्यानी बहु मिलैं, मूरख कोऊ नाहिं ॥ ५१ ॥
 छ्य उपशम बल, मैं कहे, व्यानत अच्छर एहु ।
 दोष सुवोधपचासिका, बुधजन सुझ करेहु ॥ ५२ ॥

इति सुवोधपंचासिका ।



१ निःशांकित, निःकांक्षित, निर्विचिकित्सित, अमूढदृष्टि, उपगृहन, स्थिति-करण, वात्सल्य, प्रभावना, ये पठद्वै अर्धांत् आठ सम्यगदर्शनके अंग हैं ।

धर्मपश्चीसी ।

दोहा ।

भव्य-कमल-रवि सिद्ध जिन, धर्मधुरंधर धीर ।
नमत संत जग-तम-हरन, नमौं त्रिविध गुरु वीर ॥ १ ॥

गौणाई (१५ गाथा ।)

मिथ्याविषयनिमैं रत जीव, तातैं जगमैं भमै सदीव ।
विविध प्रकार गहै परजाय, श्रीजिनधर्म न नेक सुहाय २
धर्मविना चहुं गतिमैं परै, चौरासी लख फिरि फिरि धरै ।
दुखदावानलमाहिं तपंत, कर्म करै फल भोग लहंत ॥ ३ ॥
अति दुर्लभ मानुष परजाय, उत्तम कुल धन रोग न काय ।
इस औंसरमैं धर्म न करै, फिर यह औंसर कबधौं वरै ॥ ४ ॥
नरकी देह पाय रे जीव, धर्म बिना पशु जान सदीव ।
अर्थकाममैं धर्म प्रधान, ताबिन अर्थ न काम न मान ॥ ५ ॥
प्रथम धर्म जो करै पुनीत, सुभसंगम आवै करि प्रीत ।
विघ्न हरै सब कारज सरै, धनसौं चाखौं कौनैं भरै ॥ ६ ॥
जनम जरा मृतुके बस होय, तिहंकाल जग डोलै सोय ।
श्रीजिनधर्म रसायन पान, कबहुं न रुचिउपजै अग्यान ७
ज्यौं कोई मूरख नर होय, हालाहल गहि अंमृत खोय ।
त्यौं सठ धर्म पदारथ त्याग, विषयनिसौं ठानै अनुराग ॥ ८ ॥
मिथ्याग्रह-गहिया जो जीव, छांडि धरम विषयनि चित दीव ।
यौं पसु कल्पवृक्षकौं तोड़ि, वृक्ष धतूरेके बहु जोड़ि ॥ ९ ॥
नरदेही जानौं परधान, विसरि विषै करि धर्म सुजान ।
त्रिभुवन इंद्रतने सुख भोग, पूजनीक हो इंद्रन जोग ॥ १० ॥

चंद विना निसि गज विन दंत, जैसे तरुण नारि विन कंत ।
धर्म विना त्यौं मानुष देह, तातैं करियै धर्म सनेह ॥ ११ ॥

हय गव रथ वहु पायक भोग, सुभट वहुत दल चमर मनोग ॥
ध्वजा आदि राजा विन जानि, धर्म विना त्यौं नरभौ मानि ॥ १२ ॥

जैसैं गंध विना है फूल, नीर विहीन सरोवर धूल ।
ज्यौं धन विन सोभित नहिं भौन, धर्म विना त्यौं नर चिंतौन ॥

अरचै सदा देव अरहंत, चरचै गुरुपद करुनावंत ।

खरचै दाम, धर्मसौं प्रेम, न रचै विषै सफल नर एम ॥ १४ ॥

कमला चपल रहै थिर नाहि, जोबन कांति जरा लपटाहि ।

सुत मित नारि नावसंजोग, यह संसार सुपनका लोग ॥ १५ ॥

यह लखि चित धरि सुद्ध सुभाव, कीजै श्रीजिनधर्म उपाव ।

यथा भाव जैसी मति गहै, तैसी गति तैसा सुख लहै ॥ १६ ॥

जो मूरख धिषनांकरि हीन, विषै-ग्रंथै-रत ब्रत नहिं कीन ।

श्रीजिनभाषित धर्म न गहै, सो निगोदकौ मारग लहै ॥ १७ ॥

आलस मंदबुद्धि है जास, कपटी विषैमगन सठ तास ।

कायरता मद परगुण ढकै, सो तिरजंच जोनि लहि सकै ॥ १८ ॥

आरत रौद्र ध्यान नित करै, क्रोध आदि मच्छरता धरै ।

हिंसक वैरभाव अनुसरै, सो पापिष्ठ नरकगति परै ॥ १९ ॥

कपटहीन करुणाचितमाहिं, हेय उपादे भूलै नाहिं ।

भक्तिवंत गुणवंत जु कोय, सरलभाषि सो मानुष होय ॥ २० ॥

श्रीजिनवचनमगन तपवान, जिन पूजै दे पात्रहिं दान ॥

रहै निरंतर विषय उदास, सोई लहै सुरग आवास ॥ २१ ॥

१ हिताहित बुद्धिसे । २ परिप्रहर्में ।

मानुषजोनि अंतकी पाय, सुनि जिनवचन विष्णु विसराय ।
 गहै महाब्रत दुःखरवीर, सुकलध्यान थिरलहि सिव धीर २२
 धरम करत सुख होय अपार, पाप करत दुख विविधप्रकार ।
 बाल गुपाल कहैं सब नारि, इष्ट होय सोई अवधारि ॥२३॥
 श्रीजिनधर्म मुकतिदातार, हिंसाधरम करत संसार ।
 यह उपदेश जानि बड़ भाग, एक धर्मसाँ करि अनुराग २४
 ब्रत संयम जिनपद थुति सार, निर्मल सम्यक भावन चार ।
 अंत कषाय विषय कृश करौ, ज्याँ तुम मुकतिकामिनी वरौ २५
 दोहा ।

बुधकुमुदनि ससि सुख करन, भवदुख सागर जाँन ।
 कहै ब्रह्म जिनदास यह, ग्रंथ धर्मकी खान ॥ २६ ॥
 ध्यानत जे बाँचै सुनैं, मनमैं करै उछाह ।
 तै पावैं फल सासतौ, मनवांछित फल-लाह ॥ २७ ॥

इति धर्मपञ्चीसी ।



तत्त्वसार भाषा ।

दोहा ।

आदिसुखी अंतःसुखी, सिद्ध सिद्ध भगवान् ।
 निज प्रताप परताप विन, जगदर्पन जग आन ॥ १ ॥
 ध्यान दहन विधि-काठ दहि, अमल सुद्ध लहि भाव ।
 परम जोतिपद वंदिकै, कहुं तत्त्वकौ राव ॥ २ ॥
 चौपाई ।

तत्त्व कहे नाना परकार, आचारज इस लोकमँझार ।
 भविक जीव प्रतिबोधन काज, धर्मप्रवर्तन श्रीजिनराज ॥ ३ ॥
 आत्मतत्त्व कह्यौ गणधार, स्वपरभेदतै दोइ प्रकार ।
 अपनौ जीव सुतत्त्व वखानि, पर अरहंत आदि जिय जानि
 अरहंतादिक अच्छर जेह, अरथ सहित ध्यावै धरि नेह ।
 विविध प्रकार पुन्य उपजाय, परंपराय होय सिवराय ॥ ५ ॥
 आत्मतत्त्वतने द्वै भेद, निरविकल्प सविकल्प निवेद ।
 निरविकल्प संवरकौ मूल, विकल्प आस्त्रव यह जिय भूल ॥ ६ ॥
 जहांन व्यापै विषय विकार, है मन अचल चपलता डार ।
 सो अविकल्प कहावै तत्त, सोई आपरूप है सत्त ॥ ७ ॥
 मन थिर होत विकल्पसमूह, नास होत न रहै कछु रुह ।
 सुद्ध सुभावविषय है लीन, सो अविकल्प अचल परवीन ॥ ८ ॥
 सुद्धभाव आत्म दृग ग्यान, चारित सुद्ध चेतनावान ।
 इन्हैं आदि एकारथ वाच, इनमै मगन होइकै राच ॥ ९ ॥
 परिग्रह त्याग होय निरग्रंथ, भजि अविकल्प तत्त्व सिवपंथ ।
 सार यही है और न कोय, जानै सुद्ध सुद्ध सो होय ॥ १० ॥

अंतर वाहिर परिग्रह जेह, मनवच तनसौँ छांडै नेह ।
 सुद्धभाव धारक जव होय, यथा ग्यान मुनिपद है सोय ११
 जीवन मरन लाभ अरु हान, सुखद मित्र रिपु गनै समान।
 राग न रोष करै परकाज, ध्यान जोग सोई मुनिराज ॥१२॥
 काललविधिवल सम्यक वरै, नूतन वंध न कारज करै ।
 पूरब उदै देह खिरि जाहि, जीवन मुक्त भविक जगमाहि ॥
 जैसै चरनरहित नर पंग, चढ़न सकत गिरि मेरु उतंग ।
 त्यौं विन साध ध्यान अभ्यास, चाहै करौ करमकौ नास १४
 संकितचित्त सुमारग नाहिं, विषैलीन वांछा उरमाहिं ।
 ऐसैं आस कहै निरवान, पंचमकाल विषै नहिं जान ॥१५॥
 आत्मग्यान हृग चारितवान, आत्म ध्याय लहै सुरथान ।
 मनुज होय पावै निरवान, तातैं यहां मुक्ति मग जान १६
 यह उपदेस जानि रे जीव, करि इतनौ अभ्यास सदीव ।
 रागादिक तजि आत्म ध्याय, अटल होय सुख दुख मिटि
 जाय ॥ १७ ॥

आप प्रमान प्रकास प्रमान, लोक प्रमान, सरीर समान ।
 दरसन ग्यानवान परधान, परतैं आन आत्मा जान १८
 राग विरोध मोह तजिवीर, तजि विकल्प मन वचन सरीरा
 है निचिंत चिंता सब हारि, सुद्ध निरंजन आप निहारि ॥१९॥
 क्रोध मान माया नहिं लोभ, लेस्या सल्य जहां नहिं सोभ ।
 जन्म जरा मृतुकौ नहिं लेस, सो मैं सुद्ध निरंजन भेस २०
 वंध उदै हिय लबधि न कोय, जीवथान संठान न होय ।
 चौदह मारगना गुनथान, काल न कोय चेतना ठान २१

फरस वरन रस सुर नहि गंध, वरंग वरगनाँ जास न खंडा।
 नहिं पुदगल नहिं जीवविभाव, सो मैं सुद्ध निरंजन राव॥२२॥
 विविध भाँति पुदगल परजाय, देह आदि भाषी जिनराय।
 चेतनकी कहियै व्योहार, निहचैं भिन्न भिन्न निरवार॥२३॥
 जैसैं एकमेक जल खीर, तैसैं आनाँ जीव सरीर।
 मिलैं एक पै जुदे त्रिकाल, तजै न कोङ अपनी चाल॥२४॥
 नीर खीरसौं न्यारौ होय, छांछिमाहिं ढारै जो कोव।
 त्याँ ग्यानी अनुभौ अनुसरै, चेतन जड़सौं न्यारौ करै॥२५॥

दोहा ।

चेतन जड़ न्यारौ करै, सम्यकदृष्टी भूप।

जड़ तजिकैं चेतन गहै, परमहंसचिदूप॥ २६॥

ज्ञानवान अमलान प्रभु, जो सिवखेतमङ्गार।

सो आतम मम घट वसै, निहचै फेर न सार॥ २७॥

सिद्ध सुद्ध नित एक मैं, ग्यान आदि गुणखान।

अगन प्रदेस अमूरती, तन प्रमान तन आन॥ २८॥

सिद्ध सुद्ध नित एक मैं, निरालंब भगवान।

करमरहित आनंदमय, अँभै अँखै जग जान॥ २९॥

मनथिर होत विषै घटै, आतमतत्त्व अनूप।

ज्ञान ध्यान बल साधिकै, प्रगटै ब्रह्मसरूप॥ ३०॥

अंवर धन फट प्रगट रवि, भूपर करै उदोत।

विषय कथाय घटावतै, जिय प्रकास जग होत॥ ३१॥

१ समान अविभाग प्रतिच्छेदोंके बारक प्रलेक क्रमंपरमाणुको वर्ग कहते हैं।
 २ वर्गके समूहको वर्गण कहते हैं। ३ स्कन्ध। ४ निर्बन्ध। ५ अङ्गव।
 ६ आकाशमें।

मन वच काय विकार तजि, लिखविकारता आर ।
 प्रगट होय लिज आतमा, परमादमयद भार ॥ ३२ ॥
 मौनगहित आसन सहित, चिन्त चक्षाचल स्वीय ।
 पूरुष मत्तमें गहै, नयं कहै लिप्र होय ॥ ३३ ॥
 मत्त छहै चिक्षाल तप, लहै न लिप्र विन स्यान ।
 स्यानवान तनकाल ही, पाँवं पद लिप्रान ॥ ३४ ॥
 देह आदि परद्वयमें, समता करे गँवार ।
 भवी परस्मै ठान सो, बाँधै करै अवार ॥ ३५ ॥
 इंद्रियिर्थ मगन रहै, राग दोष वटमाहिं ।
 क्रोध मान क्षुणित कुदी, स्यानी ऐसी नाहिं ॥ ३६ ॥
 देखै सो चेतन नहीं, चेतन देखी नाहिं ।
 राग दोष किहिसौं करौं, हीं में समतामाहिं ॥ ३७ ॥
 थावर बंगम लिप्र रिहु, देखै आय समान ।
 राग विरोध करै नहीं, सोइ समतावान ॥ ३८ ॥
 सब असंख्यरंभजुत, जनमै मरै न कोध ।
 गुणअनंत चेतनमहै, दिव्यदिष्टि धरि जोध ॥ ३९ ॥
 निहते रूप अमेद है, भेदल्प ल्लोहार ।
 स्यादवाद मानै सदा, तजि रागादि विकार ॥ ४० ॥
 राग दोष क्षेत्रविन, जो मन जल थिर होय ।
 सो देखै निवृत्यकौं, और न देखै कोय ॥ ४१ ॥
 अमल सुथिर सरवर भवैं, दीमै रतनमेंदार ।
 त्यां मन निरमल थिरविर्थैं, दीमै चेतन सार ॥ ४२ ॥
 देखै विमलसृजकौं, इंद्रियविर्थै विकार ।
 होय मुक्ति खिन आवमैं, तजि नरमौं अवतार ॥ ४३ ॥

ज्ञानरूप निज आतमा, जड़सरूप परं मान ।
 जड़तवि चेतन ध्याइयै, सुखभाव सुखदान ॥ ४४ ॥
 निरमल रत्नत्रय धरै, सहित भाव वैराग ।
 चेतन लक्षि अनुभौ करै, वीतरागपद जाग ॥ ४५ ॥
 देखै जानै अनुसरै, आपविष्णु जब आप ।
 निरमल रत्नत्रय तहां, जहां न पुन्य न पाप ॥ ४६ ॥
 धिर समाधि वैरागजुत, होय न ध्यावै आप ।
 भागहीन कैसैं करै, रत्न विसुद्ध मिलाप ॥ ४७ ॥
 विषयसुखनमैं मगन जो, लहै न सुख विचार ।
 ज्ञानवान विषयनि तजै, लहै तत्त्व अविकार ॥ ४८ ॥
 अधिर अचेतन जड़मई, देह महादुखदान ।
 जो धासौं ममता करै, सो वहिरातम जान ॥ ४९ ॥
 तरै परै आमय धरै, जरै मरै तन एह ।
 हरि ममता समता करै, सो न वरै पन-देह ॥ ५० ॥
 पापउदैकौं साधि, तप, करै विविध परकार ।
 सो आवै जो सहज ही, बड़ौ लाभ है सार ॥ ५१ ॥
 करमउदय फल भोगतैं, करै न राग विरोध ।
 सो नासै पूरव करम, आगैं करै निरोध ॥ ५२ ॥

चौपाई (१५ मात्रा)

कर्मउदै सुख दुख संज्ञोग, भोगत करै सुभासुभ लोग ।
 तातैं वांधैं करम अपार, ज्ञानावरनादिक अनिवारा ॥ ५३ ॥
 जबलौं परमानुसरम राग, तबलौं करम सकैं नाहिं त्याग ।
 परमारथ ज्ञायक मुनि सोय, रागतजैं विनु काज न होय ॥ ५४ ॥

सुख दुख सहै करम बस साध, करै न रागविरोध उपाध ।
 ज्यानध्यानमैं थिर तपवंत, सो मुनि करै कर्मकौ अंत ॥ ५५
 गहै नहीं पर तजै न आप, करै निरंतर आत्मजाप ।
 ताकैं संवर निर्जर होय, आस्रव वंध विनासै सोय ॥ ५६ ॥
 तजि परभाव चित्त थिर कीन, आप-स्वभावविषै है लीन ।
 सोई ज्यानवान दृगवान, सोई चारितवान प्रधान ॥ ५७ ॥
 आत्मचारित दरसन ज्यान, सुद्धचेतना विमल सुजान ।
 कथन भेद है वस्तु अभेद, सुखी अभेद भेदमैं खेद ॥ ५८ ॥
 जो मुनि थिर करि मनवचकाय, त्यागै राग दोष समुदाय ।
 धरै ध्यान निज सुद्धसरूप, बिलसै परमानंद अनूप ॥ ५९ ॥
 जिह जोगी मन थिर नहिं कीन, जाकी सकति करम आधीना
 करइ कहा न फुरै बल तास, लहै न चेतन सुखकी रास ॥ ६० ॥
 जोग दियौ मुनि मनवचकाय, मन किंचित चलि बाहिर जाया
 परमानंद परम सुखकंद, प्रगट न होय घटामैं चंद ॥ ६१ ॥
 सब संकल्प विकल्प विहंड, प्रगटै आत्मजोति अखंड ।
 अविनासी सिवकौ अंकूर, सो लखि सांध करमदल चूर ॥ ६२ ॥
 विषय कषाय भाव करि नास, सुद्धसुभाव देखि जिनपास ।
 ताहि जानि परसौं तजि काज, तहां लीन हूजै मुनिराज ॥ ६३ ॥
 विषय भोगसेती उचटाइ, शुद्धतत्त्वमैं चित्त लगाइ ।
 होय निरास आस सब हरै, एक ध्यानअसिंसौं मन मरै ॥ ६४ ॥
 मरै न मन जो जीवै मोह, मोह मरै मन जनम न होय ।
 ज्ञानदर्शआवर्न पलाय, अंतरायकी सत्ता जाय ॥ ६५ ॥

१ बादलोंकी घटामैं । २ परसौं-परपदायोंसे । ३ ध्यानरूपी तलबारसे ।

जैसैं भूप नंसैं सब सैन, भाग जाइ न दिखावै नैन ।
 तैसैं मोह नास जव होय, कर्मधातिया रहै न कोय ॥ ६६ ॥
 कीनैं चारिधातिया हान, उपजै निरमल केवलग्यान ।
 लोकालोक त्रिकाल प्रकास, एक समैमैं सुखकी रास ॥ ६७ ॥
 त्रिभुवन इंद्र नमैं कर जोर, भाजैं दोषचोर लखि भोर ।
 आवैं जु नाम गोत वेदनी, नासि भयैं नूतन सिवधनी ॥ ६८ ॥
 आवागमनरहित निरवंध, अरस अरूप अफास अगंध ।
 अचल अवाधित सुख विलसंत, सम्यकआदि अष्टगुणवंत ६९
 मूरतिवंत अमूरतिवंत, गुण अनंत परजाय अनंत ।
 लोक अलोक त्रिकाल विथार, देखै जानै एकहि वार ॥ ७० ॥

सोरठा ।

लोकसिखर तनुवात, कालअनंत तहाँ बसै ।
 धरमद्रव्य विख्यात, जहाँ तहाँ लौं धिर रहै ॥ ७१ ॥
 ऊरधगमन सुभाव, तातैं वंक चलै नहीं ।
 लोकअंत ठहराव, आगैं धर्मदरव नहीं ॥ ७२ ॥
 रहित जन्म मृति^१ एह, चरम्देहतैं कछु कमी ।
 जीव अनंत विदेहैं, सिङ्ग सकल वंदौं सदा ॥ ७३ ॥
 ते हैं भव्य सहाय, जे दुस्तर भवदधि तरै ।
 तत्त्वसार यह गाय, जैवंतौ प्रगटौ सदा ॥ ७४ ॥
 देवसेन मुनिराज, तत्त्वसार आगम कह्यौ ।
 जो ध्यावै हितकाज, सो ग्याता सिवसुख लहै ॥ ७५ ॥

१ राजाके मर जानेपर । २ आयुःकर्म । ३ अनंतज्ञान वीर्य सुख दर्शन
 सूख अव्यावाध अवगाहन अगुरुलघु । ४ अन्तिम शरीरसे । ५ शरीररहित ।
 ६ मूलग्रन्थ (७४ गाया) देवसेनसूरिका प्राकृतमें है, उसका यह अनुवाद है ।

सम्यकदरसन ग्यान, चारित सिवकारन कहे ।
 नय व्यवहार प्रमान, निहचैं तिहुमैं आतमा ॥ ७६ ॥
 लाख वातकी वात, कोटि ग्रंथकौ सार है ।
 जो सुख चाहौ भ्रात, तो आतम अनुभौ करौ ॥ ७७ ॥
 लीजौ पंच सुधारि, अरथ छंद अच्छर अमिल ।
 मो मति तुच्छ निहारि, छिमा धारियौ उरवियै ॥ ७८ ॥
 द्यानत तत्त्व जु सात, सार सकलमैं आतमा ।
 ग्रंथ अर्ध यह भ्रात, देखौ जानौ अनुभवौ ॥ ७९ ॥

इति तत्त्वसार ।



दर्शनदशक ।

छम्पय ।

देखे श्रीजिनराज, आज चब विधत किलाये ।
 देखे श्रीजिनराज, आज चब मंगल आये ॥
 देखे श्रीजिनराज, काज करना कछु नाहीं ।
 देखे श्रीजिनराज, हाँच पूरी ननमाहीं ॥
 तुम देखे श्रीजिनराजपद, भौजल बंजुलिजल भया ।
 अचिननि पारत कलपत्र, मोह चबनिसाँ उठि गया ॥१॥
 देखे श्रीजिनराज, भाज अघ जाहिं दिसंतर ।
 देखे श्रीजिनराज, काज चब होइ निरंतर ॥
 देखे श्रीजिनराज, राज मनवांछित करिए ।
 देखे श्रीजिनराज, नाथ दुख कवहुं न भरिए ॥
 तुम देखे श्रीजिनराजपद, रोमरोम सुख पाइए ।
 बनि आजदिवस धनि अब धरी, माय नाथकाँ नाइए ॥२॥
 बन्द बन्द जिनधर्म, कर्मकाँ छिनमैं तोरै ।
 बन्द बन्द जिनधर्म, परमपदसाँ हित जोरै ॥
 बन्द बन्द जिनधर्म, भर्मकाँ मूळ मिटावै ।
 बन्द बन्द जिनधर्म, सर्मकी राह वतावै ॥
 जग बन्द बन्द जिनधर्म यह, सो परगट तुमनैं किया ।
 भवि खेत पाप-तप तपतकाँ, मेघरूप है सुख दिया ॥३॥
 तेज सूरतम कहुं, तपत दुखदायक प्रानी ।
 क्षांति चंदसम कहुं, कलंकित मूरति मानी ॥

१ अल्पाशकी, आत्महितकी । २ पापहृष्टभ्रमिसे तप । ३ सूर्यसदा ।

वारिविसम गुण कहुं, सारमैं कौन भल्प्यन ।
 पारसप्तम जस कहुं, आपस्तम करै न परन्तरै ॥
 इन आदिपदारथ लोकमैं, तुम समानै क्याँ दीजिये ।
 तुम महाराज अनुपमदत्ता, मोहि अनूपम कीजिये ॥ ४ ॥
 तव विलंब नहिं कियौ, चीर द्रोपदिकौ चाढ़यौ ।
 तव विलंब नहिं कियौ, सेठ सिंहासन चाढ़यौ ॥
 तव विलंब नहिं कियौ, सियातैं पावक टाढ़यौ ।
 तव विलंब नहिं कियौ, नीरै मातग उवाढ़यौ ॥
 इहविधि अनेक दुख भगतके, चूर दूर किय सुख अवैनि ।
 प्रभु मोहि दुःख नासनविष्यैं, अब विलंब कारन कवन॥ ५ ॥
 कियौ भौन्तं गौनै, मिटी आरति संसारी ।
 राह आन तुम ध्यान, फिकर भाजी दुखकारी ॥
 देखे श्रीजिनराज, पापमिथ्यात विलायौ ।
 पूजा थुति वहु भगति, करत सम्यकगुन आयौ ॥
 इस मार्वार संसारमैं, कल्पवृक्ष तुम दरस है ।
 प्रभु मोहि देहु भौभौविष्यैं, यह वांछा मन सरस है ॥ ६ ॥
 जै जै श्रीजिनदेव, सेव तुमही अवनासक ।
 जै जै श्रीजिनदेव, भेवं पटद्रव्य प्रकासक ॥
 जै जै श्रीजिनराज, एक जो प्रानी ध्यावै ।
 जै जै श्रीजिनदेव, टेव अहमेव मिटावै ॥

१ पराये शरीरको अर्थात् दूसरी धातुओंको । २ पटतर, उपमा ।
 ३ जलमेंसे । ४ हाथी । ५ पृथ्वीमें । ६ घरसे । ७ गमन । ८ मारवाड़ली
 (वृक्षरहित सूखेदेश) संसारमें । ९ भेद ।

जै जै श्रीजिनदेव प्रभु, हेय करमरिपु दलनकौं ।
हूँजै सहाय सँघरायजी, हम तयार सिवचलनकौं ॥ ७॥

जै जिनंद आनंदकंद, सुखवृंदवंद पद ।

ग्यानवान सब जान, सुगुन-मनि-खान आन पद् (?) ॥

दीनदयाल कृपाल, भविक भौजाल निकालक ।

आप वूझ सब सूझ, गूझ नहिं बहुजन पालक ॥

प्रभु दीनबंधु करुनामई, जगउधरन तारन तरन ।

दुखरास निकास स्वदासकौ, हमै एक तुम ही सरन ॥ ८॥

देखनीक लखि रूप, बंदि करि बंदनीक हुव ।

पूजनीक पद पूज, ध्यान करि ध्यावनीक धुव ॥

हरण बढ़ाय बजाय, गाय जस अंतरजामी ।

दरब चढ़ाय अधाय, पाय संपति निधि स्वामी ॥

तुम गुण अनेक मुख एकसौं, कौन भाँति बरनन करौं ।

मन बचन काय बहु प्रीतिसौं, एक नामहीसौं तरौं ॥ ९॥

चैत्यालय जो करै, धन्य सो श्रावक कहिए ।

तामैं प्रतिमा धरै, धन्य सो भी सरदहिए ॥

जो दोनौं विस्तरै, संघनायक ही जानौं ।

बहुत जीवकौं धर्म,-मूल कारन सरधानौं ॥

इस दुखमकाल विकराल मैं, तेरौं धर्म जहां चलै ।

हे नाथ काल चौथौं तहां, ईति॑ भैति सब ही टलै ॥ १०॥

दर्सनदसक कवित्त, चित्तसौं पढ़े त्रिकालं ।
 प्रतिमा सनमुख होय, खोय चिंता गृहजालं ॥
 सुखमैं निसिदिन जाय, अंत सुरराय कहावै ।
 सुर कहाय सिवपाय, जनम मृति जरा मिटावै ॥
 धनि जैनधर्म दीपक प्रगट, पापतिमिर छ्यकार है ।
 लखि साहिवराय सु आँखिसौं, सरधा तारनहार है ॥११॥

इति दर्शनदशक ।



ज्ञानदशक ।

कुंडलिका ।

देखें मूरत स्वामिकी, बीउराग ए आप ।
 रागभाव इनको गयो, रही चेतना व्याप ॥
 रही चेतना व्याप, जापकी सोई जाने ।
 गयो भाव पर जान, म्यान निहचै दर आने ॥
 ते सोई निजरूप, भूप सिवसुंदर पेखें ।

म्याता आठों वाम, स्वामिकी मूरति देखें ॥ १ ॥
 जिननैं जिन नैननैनसाँ, देखों दर्विलास ।
 दरवित अविनासी सदा, उपजै उतपति नास ॥
 उपजै उतपति नास, तासेतैं सच्चा साधी ।
 निजगुन गुनी अभेद, वेद मुखरीत अराधी ॥
 साधक साध उपाध, व्याध तजि दीनी तिननैं ।
 आप आपरस्तमगन, लगन लौ कीनी जिननैं ॥ २ ॥
 मानी क्रोधी कौन है, जिनै छिमाधर क्रोध ।
 मान जिनै चितधारतै, जीवभाव नहिं होय ॥
 जीवभाव नहिं होय, जोय विकल्प उपजावै ।
 नामकथन स्वर्मलाप, आप निरनाम कहावै ॥
 नय परमान निषेय, लेपकी कौन कहानी ।
 आप आप निर्वाच, राच हमनैं यह मानी ॥ ३ ॥
 मैं मैं काहे करत है, तन धन भवन निहार ।
 तू अविनासी आतमा, जिनासीक संसार ॥

विनासीक संसार, सार तेरौ तोमाहों ।

आप आप सिरमौर, और उपमा जग नाहों ॥

विन जाँच चिरकाल, जाल जग फ़िरौ वहुत तैं ।

सुद्ध बुद्ध अविरुद्ध, आतमा सो मैं सो मैं ॥ ४ ॥

करता किरिया कर्मकौ, करै जीव व्योहार ।

निहचै रतनत्रयमई, है अभेद निरधार ॥

है अभेद निरधार, धारना ध्यान न जाँके ।

साहब सेवक एक, टेक यह वरतै ताँके ॥

आप आपमैं आप, आपकौ पूर्न धरता ।

सुसंवेद निजधरम, करम किरियाकौ करता ॥ ५ ॥

ग्यानी जानै ग्यानमैं, नमैं वचन मन काय ।

कायम परमारथविषै, विषै-रीति विसराय ॥

विषै रीति विसराय, राय चेतना विचारै ।

चारै क्रोध विसार, सार समता विसतारै ॥

तारै औरनि आप, आपकी कौन कहानी ।

हानी ममता-बुद्धि, बुद्धि अनुभाँतैं ग्यानी ॥ ६ ॥

सोहं सोहं होत नित, साँस उसासमँझार ।

ताकौ अरथ विचारियै, तीन लोकमैं सार ॥

तीन लोकमैं सार, धार सिवखेतनिवासी ।

अष्टकर्मसौं रहित, सहित गुण अष्टविलासी ॥

जैसौं तैसौं आप, याप निहचै तजि सोहं ।

अजपा-जाप संभार, सार सुख सोहं सोहं ॥ ७ ॥

दरव करम नोकरमतैं, भावकरमतैं भिन्न ।
 विकलप नहीं सुखुद्धकै, सुख चेतनाचिन्न ॥
 सुख चेतनाचिन्न, भिन्न नहिं उदै भोगमै ।
 सुखदुख देहमिलाप, आप सुखोपयोगमै ॥
 हीरा पानीमाहिं, नाहिं पानी गुण है कव ।
 आग लगै घर जलै, जलै नहिं एक नभदरब ॥ ८ ॥

जो जानै सो जीव है, जो मानै सो जीव ।
 जो देखै सो जीव है, जीवै जीव सदीव ॥
 जीवै जीव सदीव, पीव अनुभौरस प्रानी ।
 आनन्दकंद सुवंद, चंद पूरन सुखदानी ॥
 जो जो दीसै दर्व, सर्व छिनभंगुर सो सो ।
 सुख कहि सकै न कोइ, होइ जाकैं जानै जो ॥ ९ ॥

सब घटमैं परमातमा, सूनी ठौर न कोइ ।
 बलिहारी वा घट्टकी, जा घट परगट होइ ॥
 जा घट परगट होइ, धोइ मिथ्यात महामल ।
 पंच महाव्रत धार, सार तप तपै ग्यानबल ॥
 केवल जोत उदोत, होत सरवग्य दसा तव ।
 देही देवलँ देव, सेव ठानैं सुर नर सब ॥ १० ॥

१ पुद्गल पिण्डको द्रव्यकर्म कहते हैं । २ कर्मके उदयको जो सहकारी द्रव्य वह नोकर्म द्रव्य है । ३ पुद्गलपिण्डमें आत्मगुण धातनेकी जो शक्ति सो भाव कर्म है । ४ मन्दिर ।

द्यानत चक्री जुगलिये, भर्वनपती पाताल ।
 सुर्गइंद्र अहमिंद्र सब, अधिक अधिक सुख भाल ॥
 अधिक अधिक सुख भाल, काल तिहुं नंत गुनाकर ।
 एकसमै सुख सिद्ध, रिद्ध परमात्मपद धर ॥
 सो निहचै तू आप, पापविन क्याँ न पिछानत ।
 दरस ग्यान थिर थाप, आपमै आप सु द्यानत ॥ ११ ॥

इति ज्ञानदशक ।



इन्द्रादि चौबोल-पचीसी ।

क्षेत्र ।

द्रव सेत अह काल, माव द्रव पट तत्त्व नव ।
न्वावक दीनद्वाल, सो अरदंत नमाँ सदा ॥ १

इन्द्रादि गिनदी । सर्वशा इन्द्रादि ।

जघन एक वर्मद्रव्य, कालान् असंख्यात,
तारैं अनंते अभव, सुव्र दव्य गहे हैं ।
ताहीरैं अनंते सिद्ध, वंदाँ मन वच काय,
सिद्धरैं अनंते चीव, निगोद्दैं लहे हैं ॥
यारैं अनंते निगोद, पांचाँड़ीआव्रवतैं,
अनंते सों परमान् उतकिटे कहे हैं ।
यही द्रव्य मेद है, जघन्य मध्य उतकिट,
सरथा करंते, सरथानी सुरदहे हैं ॥ २ ॥

इन्द्रादि गिनदी ।

जघन एक आकासकौ प्रदेस अनूसुम,
सर्व दर्वदेसनिकौ थानदान देत है ।
आठ परदेस मेल्लर्लैं जीव छुवै नाहिं,
जघनै निगोद देह असंख्यात सेत है ॥
अंगुष्ठ जाँ हाथ बनुप कोस जोजनमेद,
सैनी औं प्रतर लोक दर्वकौ निकेत है ।

१ चतुर्गिनिगोदमें । २ निलनिगोदमें । ३ उच्चपयाँसुकनिगोदिवाक्री
मवन्यावगाहना । ४ येद्वंश्च ।

लोकतं अनंत है अलोकस्वेत उत्किष्ट,
ब्रोमसौ अमल मेरा आत्मा सचेत है ॥ ३ ॥

भावद्वया गिनती ।

जयन काल एक ही समैक्य है वर्तमान,
तीन समै अनाहार आवली उसास है ।
घरी दिन मास वर्ष पूरवांग आदि भेद,
इकरीस ताके अंक ढेढ़सौ विलास है ॥
पहुँ सागर छभेद नाना भाँति और एक
ताहींतं अनंतता अरीत समै रास है ।
याहींतं अनंत गुनैं समै हैं अनांगतके,
काल उत्किष्ट सब ग्यानमैं प्रकास है ॥ ४ ॥

भावद्वया गिनती ।

भावकौ जयन्य कह्याँ सूच्छम निगोदियाको,
एक समै एक अंस खुल्याँ निरोवर्न है ।
तीनसै चाँतीस स्वास छह हजार बारै बार,
जनम मरने करै अंत बेर मर्न है ॥
भयाँ है कलेस घोर खुली है तनक कोर,
दूजे समै वढ़े ग्यान विधिकौ आचर्न है ।

१ मरने बाद जीव जबतक आदारवर्णणाको व्रहण नहीं करता है, उस समयतक
उसे अनाहारक कहते हैं । २ व्यवहारपत्व उद्धारपत्व अद्वापत्व इसीतरह व्यवहार
सागर उद्धारसागर अद्वापागर । ३ आनेवाला काल । ४ सूझनिगोद लव्यपन्थ्यासक
जीवके उत्पन्न होनेके प्रथम समयमें सबसे छोटा हमेशा प्रशाशमान और
त्रिमुक्त ढोईं कर्म उक्तेवाला नहीं है ऐसा ज्ञान होता है, उसको निराव-
रण कहते हैं । ५ ज्ञानावरणादि कर्मोंका ।

मति श्रुति औंधि^१ मनपरजै अनेक भेद,
उत्किष्टो केवल सरव संसै हर्न है ॥ ५ ॥

छह द्रव्यके बारह अधिकार ।

परिनामी दोय जीव पुगल प्रदेसी पांच,
काल विना करतार जीव भोगै फल है ।

जीव एक चेतन आकास एक सर्वगत,
एक तीन धर्म औ अधर्म नभदल है ॥

मूरतीक एक पुदगल एक छेत्री व्योम,
नित्य चार जीव पुदगल विना सु लहै ।

हेत पञ्च जीवकाँ है क्रिया जीव पुगलमै,
जुदे देस आन पञ्च भासतु विमल है ॥ ६ ॥

छह द्रव्यकी और प्रदेशोंकी संख्या ।

धर्म औ अधर्म एक दर्व देस असंख्यात,
व्योम एक है ताके परदेस अनंत हैं ।

काल असंख्यातके प्रदेस असंख्यात जुदे,
चेतन अनंत एकके असंख नंत हैं ॥

पुगल अनंतानंत दर्व तीन भाँति देस,
संख भी असंख भी अनंत भी महंत हैं ।

एही छहों दर्व लोक आगै और है अलोक
देत हौं त्रिकाल धोक जामै झलकंत हैं ॥ ७ ॥

१ अवधि ज्ञान । २ एक हालतको थोड़कर दूसरी हालतमें जानेवाले ।

३ कहुत प्रदेशवाले । ४ एक अर्धात् अखंड द्रव्य । ५ मिथ्या दर्शन अविरति प्रमाद कथाय और योग ये वंध कारण है । ६ यह कवित शृष्टि ३४ में भी आ चुका है ।

निगोद जीवसंख्या ।

खंध हैं निगोद गोल लोकतैं असंख गुणे,
 एक खंधे अंडर असंख लोक कहे हैं ।
 एक एक अंडरमै आवास असंख लोक,
 पुलवी आकासमै असंख लोक लहे हैं ॥
 एक एक पुलवी असंख लोक हैं सरीर,
 एक तन सिद्धसौं अनन्त जीव गहे हैं ।
 आठ थानमाहिं नाहिं भरे तीन लोकमाहिं
 आप जान दया आन ग्याता सरदहे हैं ॥ ८ ॥
 क्षेत्रका भेद, परमाणुसम्प्रदेशसे योजनतक ।
 अनंते परमानूकौ खंध सन्नासन्न नाम,
 त्रैटरैन त्रसरैन रथरैन सुने हैं ।
 कुरुहरि हैमवत भर्त वाल लीख तिल,
 जौ अंगुल वारै भेद आठ आठ गुने हैं ॥
 अंगुल चौवीस हाथ चार हाथकौ है चाप,
 चाप दो हजार कोस चौ जोजन मुने हैं
 पंच सत गुना महा जोजनकौ पँछकूप,
 बंदत हैं ग्यान जिन संसै सब धुने हैं ॥ ९ ॥

१ लोकसे असंख्यात गुणे स्कंध होते हैं । २ एक एक स्कंधमें उससे असंख्यात लोकगुणे अंडर हैं इसीतरह सर्वत्र जानना । ३ पृथिवी, जल, तेज वायु, केवली, आहारक, देव और नारकियोंके शरीरमें निगोद नहीं रहते हैं । ४ अनन्त परमाणु समूहके स्कंधको सन्नासन कहते हैं (यद्यपि अनन्ते परमाणु, पुंजको अवसन्नासन और आठ अवसन्नासनको एक सन्नासन कहते हैं, तथापि यहां उसकी विविधा नहीं है) ५ सन्नासनसे आठगुना त्रटरैन । ६ कुरुक्षेत्रके जीवोंके वाल रथरैनसे आठ गुणे हैं, इसी प्रकार हरिक्षेत्रमें समझना । ७ व्यवहारपत्त्यका गड़ ।

जंबूदीपरे शागेके द्वीपरागुण किताने २ ग्रन्थी है ।

जंबू एक लाख दो दोनों ओर छोनोर्दधि,

सब पांच सूची गुनी पच्चीस फलाइए ।

दीप एकलौ निकार चौवीस समुद्रधार,

जंबूसौं चौवीस गुणे उदधि घटाइए ॥

धातखंड चार चार सब सूची तेरहकी,

गुनौ सौ उनहत्तरि पच्चीस घटाइए ।

जंबूसेती एक सौ चवाल गुनौ धातखंड

आगें दधि दीप यौं ही जिनवानी गाइए ॥ १० ॥

गोजनसे लेकर लोकाकाशातक थेष्ट्रभेद ।

विवहारपल्ल रोम एक एक रोमनिपै,

असंख्यात कोट वर्ष समै रोम राखिए ।

यह पैलु उद्धार कोराकोरी पच्चीसगुनौ,

एते दीप सागरकौ रँजू अभिलाखिए ॥

१ लवण समुद्र । २ एक समुद्र या द्वीपके सिरेसे लेकर दूसरे सिरे तककी रेखाके प्रमाणको जो कि केन्द्रमें होकर जाती है सूची कहते हैं । इसप्रकार १ लाख जंबू द्वीप, दोनों तरफ दो दो लाख लवणसमुद्र सब मिलकर पांच लाख, इसको इसीको गुणनेसे पच्चीस हुए । इसमेंसे जंबूदीपकी एक लाखसूचीको घटानेपर जंबूदीपसे लवणसमुद्र चौवीस गुणा भया । इसीप्रकार लवणसमुद्रके दोनों तरफ चार चार धातकी खंड है, सब मिलकर १३ हुए । इसको इसीसे गुणनेसे १६९ हुए । इसमेंसे पच्चीस घटानेसे १४४ गुना जंबूदीपसे धातकी खंड भया । इसी प्रकार सर्वत्र जानना । ३ व्यवहार पत्यके प्रत्येक रोमके ऊपर असंख्यातकोट वर्षके समय प्रमाण रोम रखनेसे उद्धार पत्य होता है । ४ उद्धार पत्यसे पच्चीसगुने (अठाइ सागर प्रमाण) सब द्वीप समुद्र होते हैं । इतने प्रमाणहीको एक राजू कहते हैं ।

सातराज् शोकसीनी उमचायराज्जिनी,
शोकसी प्रसर दोनीं गुणा शोक आविष् ।
मेंद खेतके अनेक मैंने कहा थोड़े यह,
करिक्के शिवेक आप मांतरय चालिष् ॥ ११ ॥

प्रथम प्रथम शेष पूर्णत बलवंद ।

अमंख्यात समै एक आवर्णी वसानी घानी,
मंख आवर्णी मिलें होत एक द्वाम है ।
मैतीमसे तिहजरि स्वाम एक मुहरत,
तीम एक दिन दिन तीम एक मास है ॥ १२ ॥

बारे मास वर्षे छाम चउरासी पूर्वांग,
गुणाकर सौ पूरव आर्ग मेंद रास है ।
नर्कस्वर्ग अवस्थित गुनथान मारगना,
रथानमैं प्रकास दर्वे देवो वट चास है ॥ १३ ॥

कालके बाहर भेद आर बलसंझ ।

चारि तीन दोर्य एक कोराकोरी दधि चौथा,
चीयालीस घाट दो वियालीस हजार हैं ।
तीन दोर्य एक पल्य आव कोर पूरवकी,
चीसाँ सौ चीसीं वर्षे नर त्रिजंच धार है ॥

१ सात राज् प्रमाण जगन्देशी होता है । २ उनचाम गुद्यूल लोड प्रसर होता है । ३ चौरासी लाखदो चौरासी लाखमे गुणा करनेमे पूर्वांग होता है । ४ प्रथम सुखमा सुखमा काल चार कोडाकोडी सागरक होता है । ५ दूसर सुखमा काल तीन कोडाकोडी सागरक । ६ दीनरु सुखमा दो कोडाकोडी सागरक । ७ चौथा दुखमा सुखमी १२००० वर्पंदम एक कोडाकोडी सागरक । ८ पांचवां दुखमाकाल २१ हजार वर्पंदा, इसी तरह छठा दुखमा दुखमा भी होता है । ९ चौथे कालमे उक्कट आयु एक दिरेड पूर्वे वर्पंदी होता है । १० पंचममें १२० वर्पंदी । ११ छठमें चौस वर्पंदी ।

तीन दोय एक दिन बीतें लेत हैं अहार,
 एक बार दोय बार वहुं बार कार हैं ।
 अवसर्पिनी छह काल उत्सर्पिनी उलटी,
 बीस कोराकोर भन्यौ प्रभुजी उद्धार है ॥ १३ ॥

पत्य सागर और निगोद ।

कूप रोम सौ सौ वर्ष विवहार पैल्य वीज,
 तातें असंख्यातकौ उधार पत्य नाम है ।

यातें असंख्यात गुणौ पत्य अद्धा उत्किष्ट,
 दस कोरा कोरीकौ इक साँगर स्वाम है ॥

बीस कोरा कोरी दधि ताकौ एक कल्प नाम,
 ता मध्य चौवीसी दोय तिनकौ प्रनाम है ।

निकलि निगोद दो हैजार-दधि इहां रहै,
 पावै सिव नाहीं जावै वही सही ठाम है ॥ १४ ॥

भाव चेतना तीन प्रकार, पांचो ज्ञानके मूल भाव पांच, उत्तर भाव त्रेपन ।

भाव एक चेतनसौं तीन कर्म फल ग्यान,
 ग्यान एक पंच भेद भाषत मुनीस हैं ।

१ कल्पकाल । २ एक योजन (चारकोस) लंबे चौड़े कूपमें एक दिनसे सात
 दिन तकके भेड़के बच्चेके जिनका कि कैचीसे दूसरा खंड न हो सके ऐसे भरे हुए
 बालोंमेंसे एक २ बालको सौ २ वर्षमें निकाले । जितने वर्षोंमें खाली होवें,
 उसे व्यवहार पत्य कहते हैं । ३ दश कोड़ा कोड़ी पत्यका सागर होता है ।
 ४ सागर । ५ दो हैजार सागर । ६ आत्मगुण । ७ कर्मचेतना, कर्म-
 फलचेतना, ज्ञानचेतना (सम्यग्दृष्टिके होनेवाली) ।

मति तीनसै छतीस श्रुत ग्यान भेद वीसे,
 अंग अंगे-वाहज पूरव सौ चालीस हैं ॥
 औधि तीनें षट भेद मर्नपरजै दो भेद
 केवल अभेद पांच भाव सिद्ध इस हैं ।
 मूल पंच भावके तरेपन उत्तर भाव,
 वंदत हों एक जहा सर्व भाव दीस हैं ॥ १५ ॥
 त्रेपनभाव और चौदह गुणस्थान ।

मिथ्या गुनथान भाव, चौतीस वत्तीस दूजे,
 तीजेमैं तेतीस, चौथे छतीसें वखानिए ।

१ वहु, वहुविधि, क्षिप्र, अनिःसृत अनुक्त, ध्रुव इनके उलटे एक, एकविधि, अक्षिप्र, निःसृत, उक्त, अध्रुव, इनको अवग्रह ईहा अवाय धारणासे गुणा करनेते ४८ हुए। इनको पांच इन्द्रिय छठे मनसे गुणा करनेते २८८ हुए। व्यंजनविग्रह चक्रः और मनसे नहीं होता, इस लिये चार इन्द्रियोंसे गुणाकरनेते ४८ हुए। सब मतिशानके भेद ३३६ हुए। २ पर्याय पर्यायसमास (सूक्ष्मनिगोद लब्ध्यपर्यासकक्त) अक्षर, अक्षरसमास, पद, पदसमास, संघात, संघातसमास, प्रतिपत्तिः, प्रतिपत्ति-समास, अनुयोग, अनुयोगसमास, प्राभृतप्राभृतः प्राभृतप्राभृतसमास, प्राभृत, प्राभृतसमास, वस्तु, वस्तुसमास, पूर्व, पूर्वसमास, ये २० भेद श्रुतशानके हैं। ३ अंगवाय । ४ देशावधि, परमावधि, सर्वावधि । ५ अनुगामिनी, अननुगामिनी, वर्धमान, हीयमान, अवस्थित, अनवस्थित । ६ कुमति, विपुलमति । ७ कुमति, कुश्रुत, विभंगावधि, चक्षुर्दर्शन, अचक्षुर्दर्शन, दान, लाभ, भोग, उपभोग, वीर्य, पांच लव्यधि, चार गति, चार कषाय, तीन लिङ्ग, मिथ्यादर्शन, अज्ञान, असंयत, असिद्ध, छै लेस्या, जीवत्व, भव्यत्व और अभव्यत्व ये चौतीस भाव मिथ्यात्व गुणस्थानमें हैं। ८ दूसरे गुणस्थानमें, मिथ्यादर्शन अभव्यत्व छोड़कर ३२ भाव होते हैं। ९ पिछले ३२ में अवधिदर्शन और मिलानेसे ३३ होते हैं। १० तीन अज्ञानकी बगह तीन सम्बद्धान और औपशमिक क्षायोपशमिक क्षायिक सम्बन्धत्व मिलानेसे ३६ होते हैं।

पांच छठे साते, इकट्ठीस आठे अठाईस,
नौमें अठाईस दसे बाईस प्रमाणिए ॥

ग्यारहे इकंबीस वारे बीसे तेरे चौदह,
चौदहमें तेरे सिद्धमाहिं पांच जानिए ।

सम्यक दरस ग्यान जीवत अनंत बल,
दर्व दिष्ट सासतो सुभाव आप मानिए ॥ १६ ॥

सामान्य विशेष २१ सभाव ।

असंत नासत नित्य अनित्य अनेक एक,
भव्य औ अभव्य भेद औ अभेद पर्म है ।

चेतन अचेतन अमूरत मूरत सुज्ञ
असुज्ञ विभाव एक परदेस धर्म है ॥

बहु परदेस उपचार दस ए विसेस
पहली तुकके ग्यारे ते समान धर्म हैं ।

२ नरक, देव गति और तीन अशुभ देश्य पटानेसे तथा असंय-
रक्षी जगह संयत होनेसे ३१ होते हैं । इसी प्रकार छठमें सातवेंमें संयता-
संदतकी जगह क्षायोपशमिक चारित्र तथा तिर्यगतिकी जगह मनःपर्यन्त
ज्ञान जोड़नेसे ३१ होते हैं । २ शुभ आदिकी दो देश्य क्षायोपशमिक सम्यकत्व
पटानेसे २८ होते हैं । ३ आदिकी तीन क्षयाय तीन वेद पटानेसे २२ भाव होते हैं
४ सुभम लोभकेविना २१ भाव होते हैं । ५ आयशमिक सम्यकत्व पटानेसे २० होते
हैं । ६ तीन दर्शन तीन ज्ञान पटानेसे १८ होते हैं । ७ एकदेश्य पटानेसे १३
भाव होते हैं । ८ अनंतज्ञान वीर्य दर्शन मुख जीवत्व ये पांच भाव यिदोंमें
हैं । ९ अस्तित्व नास्तित्व नित्यत्व अनित्यत्व अनेकत्व एकत्व भव्यत्व अभव्यत्व
भेद अभेद और परम (पारणामिक भावकी प्रधानतासे) ये द्रव्योंके ग्यारह सामान्य
सभाव हैं और चेतन अचेतन मूर्त अमूर्त शुद्ध अशुद्ध विभाव एकप्रदेश अनेक-
प्रदेश और उपचरित ये द्रव्योंके दश विशेष सभाव हैं ।

जीवके इकीस पुदगल वीस धर्माधर्म
नभ सोलै काल पंद्रे जानै होत सर्व है ॥ १७ ॥

द्रव्य क्षेत्र काल अल्प पहुँच तथा इनके राशोंके नाम रामणाग ।

अणूसौं अनंत काल समैसौं अनंत खेत,
नभसौं अनंतानंत भाव ग्यान मानिए ।

दर्वसौं समान धर्म दर्व औ अधर्म दर्य
खेतसौं समान पंच पैताला वसानिए ॥

कालसौं समान आव सागर तेतीस तहां
सर्वारथसिद्ध नर्क माघवी प्रवानिए ।

भावसौं समान ग्यानरूप है सरव जीव
एक आदि भेद वहु आगमतैं जानिए ॥ १८ ॥

पद द्रव्य नव तर्थके द्रव्य क्षेत्र कालभावका लुदा २ प्रमाण ।

दर्वकौ प्रमान, जीव सिद्धसौं अनंत गुणों,
खेतकौ प्रमान जीव लोकतैं अनंत है ।

कालकौ प्रमान, जीव अनूसौं अनंत गुणों,
भाव नभसौं अनंतानंत ज्ञानवंत है ॥

पांच दर्व नव तत्त्व, इनके प्रमान चार,
पंचसंग्रै ग्रंथमाहिं, भाषो विरतंत है ।

इहां कहैं भेद वहूँ धिरता न कौन पढ़ै,
जाही ताही भांति आप जानै सोई संत हैं ॥ १९ ॥

१ चेतनखभाव मूर्तस्यभाव अशुद्धस्यभाव विभावस्यभाव और उपचारितस्यभाव
में पांच पदानेसे धर्मादि तीनमें रोलह रहते हैं । २ अनेक प्रदेश धटानेरे
कालमें पन्द्रह स्वभाव हैं । ३ गोमठसारका दूरा नाम पंचसंप्रद भी है ।

छहों द्रव्य लोकमें हैं ।

छहों दर्व भरे लोक, कोई कहै कहूँ नाहिं,
अंहं शब्दसेती जीव जानियै प्रतच्छ है ।

पुगल प्रगट देह धन आदि दीसत हैं,
धर्मविना सिद्ध चले जाहिंगे कुपच्छ है ॥

अधरम दर्व विना थिरता सहाय कौन,
मास वर्ष बोदा नया, कालहीसौं लैच्छ है ।

व्योम विना रहैं कहां, सरधा मुकत मूल,
मोखपुरपंथी ताहि यह राह दच्छ है ॥ २० ॥

छहों द्रव्य क्षेत्र काल भाव उत्पाद व्यय ध्रौव्य स्वभाव विभाव ।

दर्व सत्तारूप आपखेतौं परदेस माप,
काल समै मरजादा, भाव॑ मूल सत्त है ।

चार-मई आप तिहुं काल सर्व दर्व लसै,
गुन द्रव्य परजाय होत नास व्यक्त है ॥

चारौंके सुभाव ग्यात ध्रौव्य व्यय उतपात,
सुभाव विभाव जीव जड़ सेतं रक्त है ।

पांचनिसौं कौन काज अपनौं विभाव त्याज,
कीजियै इलाज सुद्ध भाव बड़ी भक्ति है ॥ २१ ॥

१ आत्मामें अंहं (मै) ऐसा स्वसंवेदन प्रत्यक्ष होता है । २ पुराना । ३ देखा जाता है । ४ धर्म धर्मीमें अभेद विवक्षासे सत्त्वरूप पदार्थके देश ही सद्रव्य हैं । ५ आकाशमें स्थित अपने देशांश ही स्वक्षेत्र है । ६ निजगुणांश (जर्वांश पर्वांश) स्वकाल है । ७ निज ज्ञानादिगुण स्वभाव हैं । ८ स्वभावपरिणमन शुद्ध जीवस्वरूप है । ९ विभावपरिणमन पुद्गालका भाग है । यहां केवल पुद्गाल पर्वांशकी ही विवक्षा है । १० सफेद ।

श्री ॥ श्री टृ

पद्मव्यके दश सामान्य गुण और सोलह विशेष गुण ।

अस्ति वस्ति दरव अगुरु-लघु परमेय,
परदेस चेतन अचेतन अमूरती ।
मूरतीक समान दस हैं गुन दर्वनके,
जुदे जुदे आठ आठ भाषे बुध-पूरती ॥

ग्यान दर्स सुख बल वर्ण रस गंध फास,
गैति थिति॑ अवगाह वरतैना मूरती ।
चेतन अचेतन अमूरत विसेस सोलै,
दोके षट् चौके तीनैं जानैं आप सूरती ॥ २२ ॥

पद्मव्य पंचास्तिकाय ।

जीव पुगल धरम अधरम व्योम पंच,
अस्तिकाय काल मिलैं पट द्रव्य कहिए ।
एक एक दरवमैं अनंत अनंत गुन,
अनंत अनंत परजाय सक्ति लहिए ॥
ब्रह्मा करै विष्णु धरै ईस हरै कभी नाहिं,
तिहुं काल अविनासी स्वयं-सिद्ध गहिए ।

१ अस्तित्व, वस्तुत्व, द्रव्यत्व, अगुरुलघुत्व, प्रमेयत्व, प्रदेशत्व, चेतनत्व, अचेतनत्व, अमूर्तत्व, और मूर्तत्व दश गुण द्रव्योंके सामान्य हैं । २ चलनेमें सह-कारीपना । ३ रुकनेमें सहायपना । ४ अन्यवस्तुको अपनेमें जगहका देना । ५ वस्तुके रूपान्तर करनेमें सहाय होना । ६ जीवके ज्ञान दर्शन सुख वीर्य चेतनत्व और अमूर्तत्व ये हैं विशेष गुण हैं । अजीवके स्पर्श रस गंध वर्ण मूर्तत्व और अचेतनत्व ये हैं विशेष गुण हैं । ७ धर्ममें गतिहेतुत्व अमूर्तत्व अचेतनत्व हैं । अधर्ममें स्थितिहेतुत्व अमूर्तत्व अचेतनत्व है । आकाशमें अवगाहहेतुत्व अमूर्तत्व अचेतनत्व है । कालमें वर्तनाहेतुत्व अमूर्तत्व अचेतनत्व हैं ।

सब भेद जानौ जड़ मिलेकौं जुदा ही मानौ,
 आप आप-विषै देखै तातैं दुःख दहिए ॥ २३ ॥
 अन्त मंगल । कवित (३१ मात्रा)

दरव प्रछन्न काल कालान्, खेत प्रछन्न अलोक प्रदेस ।
 भाव ग्यान केवल मिथ्याती, काल अतीत अनागत भेस ॥
 दरव खेत अरु काल भाव सब, देखौ जानौ तुमहि जिनेस ।
 हाथ जोरि बंदना करत हौं, हर मेरौ संसार कलेस ॥ २४ ॥
 कवित बनाए सबनि सुनाए, मन आए गाए गुन ग्यान ।
 चरचा कूप अनूपम वानी, हंस भूप चिद्रूप-निसान ॥
 गोमटसार धार ध्यानतनैं, कारन जीव-तत्त्वसरधान ।
 अच्छर अरथ अमिल जो देखौ, लेखौ सुज्ज छिमा उर आन ॥

इति द्रव्य चौबोल पच्चीसी ।



व्यसनत्याग घोड़शा ।

सबैया तेहसा (मत्तगयन्द) ।

पापकौ ताप कलेस असेस,

निसेसं यथा छिनमाहिं हरैं हैं ।

देव नमैं गन-मौलि दियैं,

मनि नील मनौं अलि सेव करैं हैं ॥

नाम ही सांत करै जिनकौं,

तिनकौं जस इंद्र कहा उचरैं हैं ।

सांतिप्रभू जिन-रायके पाँय-

पयोज भजैं भवतैं निकरैं हैं ॥ १ ॥

ग्यारह प्रतिमा । सबैया इकतीसा ।

दंसनविसुद्ध बरै वारै ब्रतसौं न टरै,

सामायिक करै धरै पोर्सह विधानकै ।

सरब सचित्त टारि छांरिकै निसा अहार,

सदा ब्रह्मचार धार निरारंभ ठानकै ॥

परिग्रह त्याग देत पापसीखसौं न हेत,

याके काज किया लेत ना भोजन दानकै ।

श्रावक ग्यारह पालैं पहलैं विसन टालैं,

एक हू न प्रतिमा है एक विस्तवानकै ॥ २ ॥

कवित (३१ मात्रा) ।

ग्यारै प्रतिमा भिन्न भिन्न सब, कहीं सातमैं अंगमङ्गार
ताके सरब भेद लखि कीनैं, आचारजॉं श्रावकाचार ॥

१. चन्द्रमाके समान । २. भौंरा । ३. पाद-पयोज=चरणकमल । ४. प्रेषण-
प्रतिमा ।

अंग देखिके ग्रन्थ येखिकै, जानौ सकल गृही-व्योहार ।
 संजम नीव मनुष-भौ-सोभा, विसन त्याग-विधि कहूँ चिचार ॥
 सप्तव्यसनोके नाम । अडिह छन्द ।

जूवा आमिष, मदिरा दाँरी छोरिए ।
 आखेटक चोरी, पर-तियहित तोरिए ॥
 महा-सूर ए सात, विषम-दुख दैनकौं ।
 सात नरकनैं भेजे, जग-जिय लैनकौं ॥ ४ ॥

जूबा वसन । कवित (३१ मात्रा) ।

अजैस-धाम सवविसनस्वाम, इक नरक गौन्हकौं सौनै निहार
 सकल-आपदा-नदी-सैर्ल यह, पाप विरछकौं चीज विचार ॥
 धन सुभ धर्म सर्म सव खंडै, मंडै झूठ वचन-व्योहार ।
 द्यूत भूत वस ऊत परै मति, परगट देख देख संसार ॥ ५ ॥

सर्वैया इकतीसा ।

आरति अपार करै, मार सांचसौं विगार,
 जस सुख दर्ब पुन्य प्रभुता विनास है ।
 जीतेकौं त्रिपति नाहिं हारे पै न गांठिमाहिं,
 लेत है उधार देत महा दुःखरास है ॥
 और कौन बात तातकौं न इतवाँर जात,
 नारिकौं नहीं सुहात जात हूँ ज पास है ।
 चौपड़ हूँ त्याग धर्मध्यान लाग बड़भाग,
 आयु तौ तनक सोज होत सदा नास है ॥ ६ ॥

१ वेश्यागमन । २ शिकार । ३ अक्षीर्तिका घर । ४ जानेके लिये । ५ जीना,
 सोडिया । ६ पर्वत । ७ विश्वास ।

आमिष-ब्यसन ।

यानी पाक गंदी देह लोकमाहिं कहैं ऐह,
पाकसेती पाक गंधसेती गंध होत है ।
जलसेती मेवा नाज उत्तम सरव साज,
भूत-भयौ मांस कैसैं उत्तम उदोत है ॥
हिंसा विना बनै नाहिं करकै नरक जाहिं,
सहंज भयौ अनंत जीव्रकौ निगोत है ।
नाम लैनौ छूवनौ देखनौ नाहिं संतनिकौं,
अंगीकार कौन वात बँधै नीच गोत है ॥ ७ ॥
फिरत अनादि-काल एक एक जीवनिसौं,
तात मात सुत नारि नाते वहु भए हैं ।
एक जीव घात कियैं सब ही कुड़ुंब हत्यौ,
हिंसाके भावनिसौं निज हू मर गए हैं ॥
जोई जीव मरै सोई क्रोधकी लगनसेती,
मारै भव भव ताहि वैर-भाव छए हैं ।
जीतवता चाही जिनौं जीवौंकौं विराधे नाहिं,
भांति भांति पोष सुख आपनिकौं लए हैं ॥ ८ ॥

मदिरा-ब्यसन ।

कवित (३१ मात्रा)

मदिरा पीय मातसौंकु-नैजर, महानिलज ताकौं कहि कोय।
देख्लौ और राहमै चाटै, स्वान पूतमुख मीठा होय ॥

१ पवित्र । २ अपवित्र । ३ प्राणीसे पैदा हुआ । ४ आप ही आप हुआ
अर्थात् खयं मरे हुए प्राणीका मांस । ५ बुरी नजर-कामवासना ।

और लैन आयौ कहि हमकाँ, दीजै इसतैं अधिका होय ।
ऐसौ मद को गहै विचच्छन, भांग खाय नहिं उत्तम सोय ॥१॥

वेश्या-व्यसन ।

मत्तगयन्द सर्वया ।

माँसकाँ खात सुहात सदा मंद, वात मृपा तन नीचनि भींटा ।
कीरत दाहक जी रत चाहक, दामकी गाहक ज्याँ गुर-चींटा ॥
कूर सुभाव उपाव विना नर, अंवर छूबत लेत हैं छींटा ।
नर्कसखी लख आन मिलैं, गनिका कहैं जेम कुहारीकाँ धींटा ॥

शिकार-व्यसन ।

सर्वया इकतीरा ।

दर्व नाहिं हरै पर नरसौं न वात करै,
वेश्या मदकौ न काज जूवा नाहिं जानती ।

पंज ऐव सरै विना सदा दाँत धरै तिना,
पुरसौं दई निकास बनवास ठानती ॥

कछू नहीं पास भय-त्रास रच्छासौं निरास
सवकौ सहाय दिलीपति तोहि मानती ।

साहनिका साह पातसाह महंमदसाह

साहवसौं मृगी दीन वीनती वखानती ॥ ११ ॥

चोरी-व्यसन ।

भावौ कोई दर्व हरौ भावौ कोई प्रान हरौ,
दोज हैं समान केरै मूढ़ यौं कहत हैं ।

१ शराब । २ श्लट । ३ छुआ हुआ । ४ मनमें संभोग चाहनेवाली । ५ जैसे
गुडपर चीटे आ लगते हैं । ६ यदि किसीने वेश्या का बछ छू जावे, तो उसे
छींटा लेने पड़ते हैं—झान करना पड़ते हैं । ७ कुल्हाड़ीमें जो लकड़ी पोइं
जाती है, उसे बींगा या बेंट कहते हैं । ८ चाहै ।

दर्व लैन काज प्रान दैन जात रनमाहिं,
याको नाव जीतवसाँ जीतव रहत हैं ॥
प्रान हरैं एक नास दर्वसाँ कुटंव त्रास,
प्रानसेती दर्व-दुःख अति ही महत हैं ।
यातैं चोर भाव निरवार है द्यानतदार
सत्तकी पदवी सार सज्जन लहत हैं ॥ १२ ॥

परब्र्हीव्यसन ।

साधनिनैं त्रिया जात लखी सुतो सुसाँ मात
हीन्सत्तक सचै छांडि व्याही एक वरी है ।
रावनकाँ देखौ सच परनारि सेँइ कच,
अवलौं अकीरति दसाँ दिसामैं भरी है ॥
चोरी दोप जिहमाहिं संतान रहत नाहिं,
हाकिमकौं दंड पंच फिटकार परी है ।
एते दुःख इहाँ आगैं पूतली नरक जहाँ,
कच्छ-लंपटी है कौन जाकी बुद्धि खरी है ॥ १३ ॥

सातों व्यसन जूआसे उत्पन्न होते हैं ?

* कंथौ यह स्वामी ? नहीं सर्फरी गहन जाल
खेलत सिकार ? कभी मांस चाह भएतैं ।

१ द्यानतदार अर्थात् ईमानदार । २ पुत्री । ३ वहिन । ४ हीनशक्ति
होनेके कारण—ब्रह्मचर्यकी सामर्थ्य न होनेके कारण । ५ कथरी । ६ मछली
पकड़नेका जाल ।

* एक राजाको जूआ खेलनेकी आदत पढ़ गई थी । उसे छुड़ानेके लिए
उसका मंत्री साधूका वैष्ण धरकर आया । साधूका जब राजा भक्त हो गया,
तब एक दिन राजाने उससे जो प्रश्न किये और उनके जो उत्तर पाये, वे सब
इस कवितमें वर्णित हैं ।

मांस हू भखत ? कभी दारुकी खुमारीमांहिं
 सुरापान करो ? कभी वेश्या-घर गएतैं ॥
 वेश्या हू गमन ? परनारी जोपै मिलै नाहिं
 परनारी भोगो ? कभी दाम चोर लएतैं ।
 चोरी हू करत ? कभी जूवे माहिं हार होय
 सर्वे गुन भरे नष्ट भाव परनएतैं ॥ १४ ॥
 एक एक व्यसनके भारक पुण ।

छप्य ।

पंडपूत दुख दूत, भूप वक मांस दुखी भुव ।
 जादौं मदजल छार, चारदत वेस्यावस हुव ॥
 ब्रह्मदत्त कु सिकार धार, सिवभूत चोर विध ।
 रावन तिय अविवेक, एक इक विसन गई रिध ॥
 ए सात विसन दुखमूल जग, सात नरक करतार हैं ।
 करि सात तत्त्व सरधान दस, लच्छन पार उतार हैं ॥ १५ ॥
 सात विसन इक थूल, भूल परनामनिकेरी ।
 जब जब चलै कुराह, वाहि तब फेरि सवेरी ॥
 जथासकति ब्रत धरी, करौं नरभौं सफला इम ।
 धन जोबनकौ चाव, आव चंचल चपला जिम ॥
 यह विसनत्याग श्रावक कथा, निज परहित यानत कही ।
 सुनि विसन राग दुखखानि है, मानहिंगी सज्जन सही ॥ १६ ॥

इति व्यसनत्याग शोङ्का ।

सरधा चालीसी ।

दोहा ।

बंदौं हो परमात्मा, जगग्यायक जगभिन्न ।
दरपन सब परगट करै, होय न सवसौं चिन्न ॥ १ ॥

नास्तिक निन्दा ।

पट मत मानै ईसकाँ, जाप ध्यान तप दान ।
महा निंदमत नासतिक, सदा पापकी खान ॥ २ ॥

नास्तिकके चार प्रथ ।

कहै जीव नाहीं कहीं, पुन्य पाप नहिं दोय ।
मुरग नरक दोनाँ नहीं, करि फल लहै न कोय ॥ ३ ॥

चापांदे ।

नास्तिकप्रश्न—लोहमई इक मंदिर करौ,
छिद्र बिना तामैं नर धरौ ।
ताकाँ काढो जब मरि जाय,
किहि मग जीव गयौ समझाय ॥ ४ ॥

उत्तर—ता मंदिरमैं राखौ ढोल, ताहि वजावौ करौ किलोल ।
बाहर मुनियै छेक न होय, तैसैं जीव दरब है लोय ॥ ५ ॥

प्रश्न—फिरि बोल्याँ-इक प्रानी लेय, ताकाँ तौलौ ठीक करेय ।
मूए पीछैं तोलौ सोय, घटै नहीं जी कैसैं होय ॥ ६ ॥

उत्तर—मसक एकमैं भरिए बार्य, मुखकाँ वाँधि तौल मन लाया ।
पाँन काढ़ि फिरि तौलि सुजान, घटै नहीं त्यौं चेतनमान

प्रश्न—चोर! एक ले दो खँड करौ, सौ हजार लाखों विसतरौ।

जुदे जुदे देखौ निरधार, दीसै नहीं कहीं जिय सार १

उत्तर—अरनैकी लकड़ी लै बीर, टूंक किरोर करौ किन धीर

विना घसै न अगनि परगास, त्यां आतम अनुभौ अभ्यास

प्रश्न—भूजल अगन पवन नभ मेल, पांचौं भए चेतना खेल ।

ज्याँ गुड़ आदिकतैं मद होय, मद ज्याँ चेतन थिर नहिं कोय

दोहा ।

उत्तर—पांचौं जड़ ए आप हैं, जड़तैं जड़ ही होय ।

गुड़ आदिकतैं मद भयौ, चेतन नाहीं सोय ॥ ११ ॥

भू जल पावक पौन नभ, जहां रसोई जान ।

क्याँ नहिं चेतन ऊपजै, यह मिथ्या-सरधान ॥ १२ ॥

प्रश्न—जल बुद्बुदवत जीव है, उपजै और विलाय ।

देह साथ जनमै मरै, जैसैं तरवरछाय ॥ १३ ॥

चौपाई ।

उत्तर—बालक मुखमै थनकौं लेय, दावै अंचै दूध पिवेय ।

जो अनादिकौ जीव न होय, सीखविना क्याँ जानै सोय ॥ १४ ॥

मरिकै भूत होंय जे जीव, पिछली वातैं कहैं सदीव ।

सिर चढ़ि बोलै निज घर आय, तातैं हंस अमर ठहराय ॥ १५ ॥

प्रश्न—पुन्य पाप भापै जगमाहिं, पै काहूनै देखे नाहिं ।

भिड़हाँ चाल चलै संसार, समझै कोई समझनिहार ॥ १६ ॥

१ जंगलकी । २ जहां रसोई बनती है, वहां पांचों भूत एकत्र होते हैं ।
३ भेड़चाल, जहां एक भेड़ जावे, वहां उसके पीछे सब जाती हैं ।

उत्तर—एक भूप सुख करै अनेक, पेट भरि सके नाहीं एक ।
 परगट दीखे धोखा कौन, चार वरन छत्तीसाँ पाँने ॥१७॥
 प्रश्न—सुरग नरक नाहीं निरधार, जिन देखे सो कहाँ पुकार ।
 खंजर वेग? कहैं सब लोग, लरकै डरपावैं हित जोग ॥१८॥
 करिकैं धरम सुरग गयो, कह्याँ न फिरि जिह आय ।
 भयों पापतैं नारकी, क्यों नहिं आयो भाय ॥ १९ ॥

चैपाद्य ।

उत्तर—पापी पकरथ्यौ औगुनकार, पगवेरी गल संकल धार ।
 धेरैं रहैं निकास न होय, त्याँ आवै नहिं नारक कोय ॥२०॥
 न्हाय सुगंध वसन सुम-माल, नेवज दीप धूप फल थाल ।
 पूजन चल्याँ दिसाकौं जाय, तैसैं नहिं आवै सुरराय ॥२१॥
 तुम निचिंत तप करौ न धीर, हम तप करैं धेरैं मन धीर ।
 जौ परलोक न हम तुम सोय, है परलोक तुमैं दुख होय ॥२२
 प्रश्न—खेती कीनी सुपनैमाहिं, पै काहूनैं खाई नाहिं ।
 कोई काटै कोई खाय, कोई हाथ धेरैं मरि जाय ॥ २३॥
 उत्तर—कोई काहूकौं दे दाम, ताहीपै मांगै अभिराम ।
 जोई खाय पेट ता भैर, जहर खाय है सोई मरै ॥ २४ ॥

दोहा ।

जो काहूकौं धन हरै, मारै काहू कोय ।
 जनम जनम सो क्रोधतैं, हरै प्रान धन दोय ॥२५॥

१ जातियां । २ यदि परलोक नहीं है तो हम तुम वरावर है, और यदि कहीं हुआ तो तुम्हें दुख भोगना पड़ेगा हम आनन्दसे रहेंगे ।

चौपाई ।

जो तरु बोवै सो फल होय, नरतैं नर पसुतैं पसु होय ।
करै सुपावै बोवै लुनै, परगट वात लोग सब सुनै ॥ २६ ॥

दोहा ।

जीव धरम परलोक फल, चारौं हैं निरधार ।
तातैं सरवग सेइयै, वांछितफलदातार ॥ २७ ॥

चौपाई ।

मिथ्यातीकी शंका—सरवग कहा कहां है सोय,
देखो सुनो न हमनैं कोय ।

देसे मिथ्या वचन सुनेय, जैनी हित लखि उत्तर देय २८
समाधान—इस पिरथी इस कालमङ्गार,
न कहौं तौ तुम वच सत सार ।

और लोक अरु कालमङ्गार, है सरवग सब जाननहार २९
शंका—तीन लोक तिहुं कालनि माहिं,
हम जानैं हैं सरवग नाहिं ।

समाधान—तुम जाने तिहुं जग तिहुं काल,
तुम ही सरवग दीनदयाल ॥ ३० ॥

दोहा ।

जब यह वचन प्रगट सुन्यौ, जान्यौ जिनमत सार ।

छांडि नासतिक निपुन नर, कर जोरे सिर धार ॥ ३१ ॥

अथ पंच मतवालोंके वचन ।

चौपाई ।

कोई कहै छहौं मतमाहिं, निज निज क्रिया करैं सिव जाहिं ।
जैसैं एक महल षट द्वार, छहौं राह पहुचैं नर नारि ॥ ३२ ॥

(९१)

दोहा ।

उत्तर—कहै लाख नौंका वरु(?) , सबको एक दुवार ।
 बहुत भेद मतकल्पना, एक जैन सिवकार ॥ ३३ ॥

चौपाई ।

अंधे पांच खरे इक ठैर, आगै गज इक आयौ दौर ।
 एक एक अँग सबनैं गहा, सो सरधान जीवमै लहा ॥ ३४ ॥

सूंडि पकरि गज मूसल होय, छाँज कानतैं मानैं कोय ।

माना थंभ पकरि पग अंग, पेट पकरि चौंतरा अभंग ॥ ३५ ॥

पूँछ पकरि लाठी सरदहा, पाँचौनैं गजभेद न लहा ।

झगरै लरै करै बहु रार, समझाए सब देखनहार ॥ ३६ ॥

उपदेश वर्णन ।

सरवग देव सुगुरु निरग्रंथ, दया धरम तीनौं सिवपंथ ।
 पहली यह सरधा थिर करौ, पीछैं सकति देखि ब्रत धरौ ॥ ३७ ॥

दोहा ।

अंतरतत्त्व सु आप लखि, बाहर दया निहार ।

दोनौं धरि करि हूजियै, सिव-वनिता-भरतार ॥ ३८ ॥

निकटभव्य जे पुरुष हैं, तिनकौं यह उपदेस ।

दीरघ-संसारी सुनैं, धारै अधिक कलेस ॥ ३९ ॥

द्वानत जिनमत न्याय लखि, किए छंद चालीस ।

पढँ सुनैं तिनके हियैं, सरधा विस्वावीस ॥ ४० ॥

इति सरधाचालीसी ।

अथ सुखवत्तीसी ।

दोहा ।

सिद्ध सरव बंदौं सदा, सुखसरूप चिद्रूप ।
जाकी उपमा देनकौं, वसत न तिहुँजगभूप ॥ १ ॥

सिद्धोंका सुखवर्णन ।

चौपाई ।

जो कोई नर औगुनधार, नख सिख बंध बँध्यौ निरधार ।
एक सिथिल कीनैं सुख होय, सब टूटैं ता सम नहिं कोय ॥ २ ॥
वाय पित्त तप कफ सिर-वाह, कोढ़ जलोदर दम अरु दाह ।
एक गए कछु साता गहै, सरव गए परमानंद लहै ॥ ३ ॥
एक साख जो पढ़े पुमान, कछु संदेह होय हैरान ।
ताकौं समझैं हरष अपार, क्यौं न सुखी सब जाननहार ॥ ४ ॥

दोहा ।

नरक गरभ जनमन मरन, अधिक अधिक दुख होय ।
जहाँ एक नहिं पाइयै, सुखिया कहियै सोय ॥ ५ ॥

नरकदुःख ।

तन दुख मन दुख खेत दुख, नारक असुर करंत ।
पांचौं दुख ये नरकमैं, नारक जीव सहंत ॥ ६ ॥

तिर्यचदुःख ।

भूमि खोदि जल गरम करि, अगिनि दाह दुख जोय ।
पौन बीजना तरु कटैं, त्रस निरोध दुख होय ॥ ७ ॥

चौपाई ।

छुधा तृषा करि पीड़ित रहै, गलमैं फाँस सीस तप सहै ।
मारखाय अरु मोल बिकाय, बिन विवेक पसुगति दुख दाय ॥

खगं मृग मीन दीन अति जीव, मारै हिंसक भाव सदीव ।
तेहूं मरै महा दुख पाय, भौ भौ वैर चल्यौ सँग जाय ॥१॥

मनुष्यगतिदुःख ।

हीन होय अरु गर्भ विलाय, जनमत मरै ज्वान मर जाय ।
इष्ट वियोग अनिष्ट सँयोग, महादुखी नर व्यापै सोग ॥१०॥
मूतनि हगनि महा दुख वीर, द्रव्य उपावन गहर गँभीर ।
चाहदाहदुख कह्यौ न जाय, धन्न सिद्ध अविनासी काय ॥१

दोहा ।

रुखा भोजन करज सिर, और कलहिनी नार ।
चौथे मैले कापड़े, नरक निसानी चार ॥ १२ ॥
उद्दिम विन अरु मांगना, वेटी चलनाचार ।
सब दुख जिनके मिट गए, तेईं सुखी निहार ॥ १३ ॥

चौपाई ।

रस-लोह-अरु मांस बखान, मेद हाड़ अरु मज्जा जान ।
वीरज सांत धात नहिं जहां, सुद्ध सरूप विराजैं तहां ॥१४॥

दोहा ।

कान आंख मुख नाक मल, मूत पुरीपै पसेवै ।
सातौं मल जाकै नहीं, सोईं सुखिया देव ॥ १५ ॥

देवगतिदुःख ।

चौपाई ।

हीन होय पर-संपति देख, मरन वार दुख करै विसेख ।
देव मरै एकेंद्री होय, जनम मरन वसि ढौलै सोय ॥१६॥

चारचौं गतिमैं दुःख अपार, पांचपरावर्तन संसार ।
करम काटि जे सिव-पुर गए, तिनके सुख कौनै वरनए ॥१६॥
सिद्धखलूपवर्णन ।

दोहा ।

तीन लोकके सीसपै, ईस रहें निरधार ।
छहाँ दरस मानै सदा, एक अंग लखि सार ॥१७॥
चौपाई ।

सुर-नर-असुर-नाथ थुति करै, साध तपैं सो पद मन धरै ।
ध्यावै ब्रह्मा विष्णु महेस, विन जानै वहु करै कलेस ॥१९॥
जो जो दीसै दुख जगमाहिं, ताकौ एक अंस हू नाहिं ।
जा दुखकौंसुख जानै जीव, सरब करम तन भिन्न सदीव ॥२०॥
इह भव भै पर भव भै दोय, रोग मरन भै सबकौं होय ।
रच्छक नहीं चोर भै महा, अकस्मात जीतैं सुख लहा ॥२१॥
देसभूप परभूप विगार, वहु वरसै वरसै न लगार ।
मूसे तोते टीड़ी वधैं, सात ईति विन सब सुख सधैं ॥२२॥
फरस दंति^१ रस मीनै पतंग, रूप गंध अँलि कान कुँरंग ।
एक एक वस खोवै प्रान, पांचौं नहीं सुखी सो मान ॥२३॥
व्यापै क्रोध लराई करै, व्यापै काम नारि वस परै ।
व्यापै मोह गहै दुख भूर, जहाँ नहीं सो सुख भरपूर ॥२४॥
दोष अठारह जिनकै नाहिं, गुन अनंत प्रगटे निजमाहिं ।
अमर अजर अज आनंदकंद, ग्यायक लोकालोक सुछंद ॥२५॥
व्यापै भूख जलै सब अंग, व्यापै लोभ दाह सरवंग ।
तन दुरगंध महादुखवास, जहाँ नहीं सोई सुखरास ॥ २६॥

१ द्रव्य क्षेत्र काल भाव भव । २ हाथी । ३ मछली । ४ भौंरा । ५ हरिण ।

दोहा ।

अमल अनाकुल अचल पद, अमन अवचन अकाय ।
ग्यानस्वरूप अमूरती, समाधान मन ध्याय ॥ २७ ॥

चौपाई ।

नरक पसू दोन्यौं दुखरूप, वहु नर दुखी सुखी नरभूप ।
तातैं सुखी जुगलिए जान, तातैं सुखी फनेस वखान ॥ २८
तातैं सुखी सुरगकौ ईस, अहमिंदर सुख अति निस दीस ।
सब तिहुँ काल अनंत फलाय, सो सुख एक समै सिवराय ॥ २९

दोहा ।

परम जोति परगट जहाँ, ज्यौं जलमैं जलबुंद ।
अविनासी परमातमा, निराकार निरदुंद ॥ ३० ॥

सिद्धनिके सुख को कहै, जानै विरला कोय ।

हमसे मूरख पुरुपकौं, नाम महा सुख होय ॥ ३१ ॥

द्यानत नाम सदा जपै, सरधासौं मनमाहिं ।

सिववांछा वांछाविना, ताकौं भौदुख नाहिं ॥ ३२ ॥

इति सुखवतीसी ।



विवेक-चीर्ती ।

छन्द ।

जनम जरा नृति बरति, राग भै दोष मोह मद ।
 चिंता विस्मै नीद, भूत्व तित्त तोग स्वेद गद ॥
 चिंता विस्मै नीद, भूत्व तित्त तोग स्वेद गद ॥
 लेद अगरे चूरि, दूरि धातिया भगाए ।
 गुन जनंत भगवंत, छवालिस परगट गाए ॥
 देवाविदेव अरहंत पद, सुरन्नर-पति पूजा करै ।
 वंदाँ त्रिकाल तिहुँ जोगत्ताँ, विघ्नपुंज छिनमैं हरै ॥ १ ॥

ज्ञाना प्रसादा ।

कीरतिकी रति नाहिं, मान कविता न करनको ।
 ज्ञान गान गुदरान (?) जैन परवान धरनको ॥
 ज्ञान गान गुदरान (?) जैन परवान धरनको ॥
 आपद संपद सबै, फैरै पुगलके माहीं ।
 मैं निज सुद्ध विसुद्ध, सिद्ध सम दूजाँ नाहीं ॥
 इम आठ पहर जाकी दसा, गुसा खात हूँ ज्ञानले ।
 ज्ञानत सोई ज्ञाता महा, कहा करै जमराज भै ॥ २ ॥
 ज्ञानकूप चिद्रूप, भूप सिवरूप अनूपम ।
 रिद्ध सिद्ध निज वृद्ध, सहज ससमृद्ध सिद्ध सम ॥
 अमल अचल अविकल्प, अजल्प, अनल्प मुखाकर ।
 सुद्ध बुद्ध अविरुद्ध, सुगुन-गन-मनि-रतनाकर ॥
 उत्पात-नास-धुव साव सत, सत्ता दरव सु एकही ।
 ज्ञानत आनंद अनुभौ दसा, बात कहनकी हैं नहीं ॥ ३ ॥
 क्रोध कर्मपै करै, मूलसंती इह भानौं ।
 मान महा परचंड, त्रिजगपति हों किह मानौं ॥
 कपट-खान परवान, स्वाद अनुभौ न वतावै ।

लोभी दूजौ नाहिं, सुगुन धन दै न दिखावै ॥
 मै करे चहूँ-गति गमनकौ, दया विस्त लीनौ पकर ।
 तव करम साहके हुकमतै, चहूँथौ मुकति गढ़ ग्वालियर ॥४
 तिय मुख देखनि अंध, मूक निधात भननकौ ।
 बधिर दोष पर सुनन, लुंज पटकाय हननकौ ॥
 पंगु कुतीर्थ चलन, सुन्न हिय लोभ धरनकौ ।
 आलनि विषयनिमाहिं, नाहिं बल पाप करनकौ ॥
 वह अंगर्हान किह कामकौ, करे कहा जग चैठकै ।
 व्यानत तातै आड़ै पहर, रहै आप धर घैठकै ॥ ५ ॥
 होनहार सो होय, होय नहिं अनहोना नर ।
 हरय मोक क्याँ करै, देख सुख दुःख उद्देकर ॥
 हाथ कङ्गू नहिं परै, भाव-चंसार बहौवै ।
 मोह करमकौ लियौ, तहां सुख रंच न पावै ॥
 यह चाल महा मूरखतर्नी, रोय रोय आपद चुहै ।
 न्यानी विभाव नामन निषुन, न्यानल्प लति मिव लङ्घै ॥६
 अरचै नित अरहंत, सुगुदपद्यंकज चरचै ।
 परचै तत्त्वनिमाहिं; धरम कारज धन त्वरचै ॥
 पात्र दान नित दैहिं, लैहिं त्रत निरमल याहै ।
 छुधित त्रिपित जन पोन्त, मोखमारगमल दाहै ॥
 धरमी सजनसाँ हित धरै, इन घृहस्थ शुति दुब कै ।
 जे मोह-जालमैं फँसि रहे, ते चहुंगति दुख-दौँ चरै ॥७ ॥
 तत्त्व दोय परकार, सु-पर भाष्यो जिन-स्वामी ।
 पर अरहंत सरूप, पुन्यकारन जग नार्मी ॥
 आप तत्त्व दो भेद, सहित विकल्प निरविकल्प ।
 निरविकल्प निरवंध, वंध विकल्प ममता ज्ञ ॥

निजदरव भाव नोकर्मसौं, भिन्न सरूप विवेक है ।
 सरथान आन दुख दान सब, यानत अनुभौ टेक है ॥८॥
 निहचै अरु विवहार, ताल दो हाथन बाजै ।
 दरवतने परजाय, सौँठ गुड़ मारत भाजै (?) ॥
 उदै उद्यमी भाव, दोय कर मथ धी लहियै ।
 ग्यान क्रियासौं मोख, पंग अँध मिलि पथ गहियै ॥
 इमि स्याद्वाद नै समझकै, तत्त्वज्ञान निहचै किया ।
 यानत सोई ग्याता पुरुष, बाहर मन अंतर दिया ॥९॥
 भोग रोगसे देखि, जोग उपयोग बढ़ायौ ।
 आन भाव दुख दान, ग्यानकौ ध्यान लगायौ ॥
 सकलप विकलप अल्प, बहुत सब ही तजि दीनै ।
 आनंदकंद सुभाव, परम समतारस भीनै ॥
 यानत अनादि भ्रमवासना, नास कुविद्या मिट गई ।
 अंतर बाहर निरमल फटक, झटक दसा ऐसी भई ॥१०॥

पंचभेद धर्मवर्णन ।

एक दया उर धरौ, करौ हिंसा कछु नाहीं ।
 जति श्रावक आचरौ, मरौ मति अब्रतमाहीं ॥
 रतनत्रै अनुसरौ, हरौ मिथ्यात अँधेरा ।
 दसलच्छन गुन वरौ, तरौ दुख-नीर सवेरा ॥
 इक सुज्ज भाव जल घट भरौ, डरौ न सु-पर-विचारमै ।
 ए धर्म पंच पालौ नरौ, परौ न फिरि संसारमै ॥ ११॥

सज्जा साधु ।

सोई साँचौ साध, व्याध भै नाहीं जाकै ।
 सोई साँचौ साध, आध व्यापै ना ताकै ॥

सोईं साँचौं साध, बाध लाहेकौं जानै ।
 सोईं साँचौं साध, लाध आपौं भौं भानै ॥
 सोईं जोगी भोगी नहीं, ताहीकी ल्यौं लाइए ।
 सोईं ग्याता ध्याता वही, सोईं साता पाइए ॥ १२ ॥
 छप्पय (सर्व लघु) ।

सदय हृदय नित रहत, कहत नहिं असत वचन मुख ।
 दत अनदत नहिं गहत, चहत नहिं छिन मनमथ-सुख ।
 सब परिगह परिहरत, करत थिर मन वच तन तिय ।
 दुख सुख अरि मित जनम, मरन सम लखत हरख हिय ॥
 सहत सुवलधर परिसह सरव, दरव अमल पद मन धरत ।
 तजि थविरकलप जिनकलप तनि, धनि मुनिवर सिवतिय
 वरत ॥ १३ ॥

दयाविचार ।

अंगहीन धन भी न, लीन बहु रोग लोग हुव ।
 जीवभाव परभाव, चहै जीवन न मरन धुव ॥
 तीन लोककौं राज लेय, नवि देय प्रान छिन ।
 यह विचार मनमाहिं, राजकौं हरै मोह विन ॥
 ऐसे प्यारे निज प्रानकौं, दान समान सु दान नहिं ।
 तप सील भाव सब ही रहैं, सुखसौं करुना ग्यान महिं १४
 सुरग राग ब्रत नाहिं, नरक अति दुखी भयंकर ।
 पसु विवेक नहिं रंच, मनुष तप विरत जयंकर ॥
 सो तैं नरभौं पाय, कियौं परमारथ कछु ना ।
 नाम तिहारौं बड़ौं, राय चेतन पर चछु ना ॥
 जिन धर्म रसायन पायकै, जिन अपना कारज किया ।
 सो धन्य पुरुष संसारमैं, तिन ही नर-लाहा लिया ॥ १५ ॥

वहिर भाव सब खोय, होय अंतर आत्म सम ।
 परमात्म लख भ्रात, वात यह बड़ी अनूपम ॥
 देव धरम गुरु जान, आन सरधान अकंपत ।
 पूजा दान विधान, करौ सफली घर संपत ॥
 अरु वहुत वात कहिये कहा, ज्ञान क्रियामै मन धरौ ।
 तुझ बीती रीती आव सब, अवै समझि कारज करौ ॥ १६ ॥
 एक वूंद लहि सीप, अमल मुक्ताफल होई ।
 एक वूंद गहि सर्प, महाविष उपजै सोई ॥
 एक वूंद तरु कंदलि, सुख कर्पूर विराजै ।
 ताते तए मङ्घार, तासकौ नाम न पाजै ॥
 इम स्वाति वूंद बहु भेदसौं, संगति फल परवानियै ।
 तिम सुगुरु वचन नर भेदसौं, भेद अनेक पिछानियै ॥ १७ ॥

एक सौ सैंतालीस शुभाशुभाक्रियाओंका लाग ।

मन वच तनसौं एक, एक मन वच इक मन तन ।
 इक वच तन इक वचन, एक मन जान एक तन ॥
 जोगभेद ए सात, सात कृत कारित अनुमत ।
 उनचास विध वरत,-मान सु अतीत अनागत ॥
 इक सौ सैंतालिस सब क्रिया, पुन्य पाप ममता तजौ ।
 निज परमाँनद समरस दंसा, आप आपमैं नित भजौ ॥ १८ ॥
 कुकवि मुकवि वर्णन ।

कुमति रात तम नैन, प्रगट मारग नहिं पावै ।
 कुकवि कुम्हुत रज डारि, अंध भौ-वन भरमावै ॥

सुकवि ध्यान रवि जोति, मुक्तिकौ पंथ चलावै ।
 भैविनि राह दिखलाय, आप सिव पदवी पावै ॥
 जिम मोह मिटै वैराग वढ़, सो बानी उर लेखियै ।
 धनि धानत तारन तरन जग, सुगुरु जिहाज विसेखियै ॥१९

अन्तमंगल ।

नमौं देव अरहंत, सिद्ध बंदौं जग ध्यायक ।
 आचारज उवझाय, साधु तीनौं सुखदायक ॥
 पंच समान न आन, ध्यान तिनकौं करि लीजै ।
 और उपाव न कोय, मनुप-भौं लाहो लीजै ॥
 ध्यानत विवेकवीसी सदा, पढ़ौं महागुनकार है ।
 निज आनेंद्रमगन सदा रहौं, सब ग्रंथनकौं सार है ॥२०॥

इति विवेकवीसी ।



भक्ति-दशक ।

सर्वेया इकतीसा ।

रिपभ अजित संभौ अभिनंदन सुमति,
 पदम सुपास चंदाप्रभु जिन गाईये ।
 सुविधि सीतल श्रेयांस वासुपूज्य विमल,
 अनंत धरम सांति कुंथु उर भाईये ॥
 महिला मुनिसुवरत नमि नेमि पारसजी,
 वर्धमान सुखदान हिये आन ध्याईये ।
 आदि मेर दक्षिखनके वर्तमान वीस कहे,
 नाए सीस निस दीस रिछि सिछि पाईये ॥ १ ॥

आदिनाथ तीर्थेकरके भवान्तर ।

जयवर्मा दिच्छावल विद्याधर महावल,
 दूजे स्वर्ग ललितांग वज्रजंघ दानी जू ।
 भोगभूमिमाहिं जाय सम्यक दरस पायौ,
 स्त्रीधर ईसानमै सुविधि भूप ध्यानी जू ॥
 सोलहैं सुरग इंद्र वज्रनाभि चक्री भए,
 सर्वारथसिद्धि वसे आदिनाथ ग्यानी जू ।
 वसे मोखदेस जाय द्वादस अवस्था पाय,
 गावै मनवचकाय द्यानत कहानी जू ॥ २ ॥
 गरभ जनम तप ग्यान निरवान भोग,
 लोग कहैं महाजोग धारयौ वन जाय जी ।
 वादी सिच्छ विक्रिया अवधि सुत मनपर्जैं,
 केवली गनेस धरे को तज्यौ बताय जी ॥

चामकी अपावन महा दुर्गधं नारि छारि,
 मोख नारि कंठ लाई सीलवान राय जी ।
 द्यानत चरित्र तेरे हमकाँ पवित्र करौ,
 बड़ेई विचित्र‘राग विनांत्यो बुलाय जी ॥ ३ ॥
 चोरीकौ अघोरी थोरी वारमै दया दयाल,
 कियौ है निरंजन तैं अंजनके नामतैं ।
 पांडौसे जुवारी अविचारी राजरिष्ठि हारी,
 किरपा तिहारी सिव धारी भव धामतैं ॥
 कीचक सौ नीच चाही द्रौपदी सती जीवीच,
 सौऊ तौ लियौ नगीच धोय कीच कामतैं ।
 द्यानत अचंभ कहा तपसौं वैकुंठ लहा,
 अधम उधारन हौं स्वामी जी प्रनामतैं ॥ ४ ॥
 घरमैं अलसानौ खान पानकौं सयानौ,
 कहालौं बखानौं सब जानौ वात हमरी ।
 चाहत हौं मोष वरचौ दोषनिकै कोष पोष,
 कोटीधुज भयौ चाहौं गांठमैं न दमरी ॥
 दया भक्ति नई कई (?) पामरी तिहारी दई,
 घरमैं है उठौ नाहिं डारि लोभ कमरी ।
 द्यानत कहाऊं दास यह तौ बड़ौ लिवास,
 कीजियै उदास नास जाय आस चैमरी ॥ ५ ॥
 वडे धनवान इंद धरनिंद चक्रवर्ति,
 जेऊ जाहि जाचैं ऐसे साहब हमारे हैं ।

फरसतें न्यारे रस न्यारे रूप गंध न्यारे,
 सबदतें न्यारे पै सब जाननहारे हैं ॥
 जैसा कोई भाव धरे तैसा सोई फल वर,
 आरसी सुभाव रागदोपसेती न्यारे हैं ।
 पास कछु राखें नाहिं दाता मनवांछितके,
 ऐसे देव जानें जिन पाँतिग विदारे हैं ॥ ६ ॥

सब सुख लायक सरव गेय ग्यायक,
 सकल लोकनायक हौं धायक करेनके ।
 मैन फैन नासत हौं नैन ऐन भासत हौं,
 वैन हु प्रकासत हौं पापके हरनके ॥
 कर्म भर्म चूरत हौं पर्म धर्म पूरत हौं,
 हुनर वतावत हौं भौ-जल तरनके ।
 व्यानतके ठाकुर हौं दासपै कृपा कर हौं,
 हर हौं हमारे दुख जनम मरनके ॥ ७ ॥
 देखौं जिनराज जिन राजकौं गुमान देखौं,
 मान देखौं देव मान मान पाईयत है ।
 जपके कियैतें जप तपकौं निधान होत,
 ध्यानके कियैतें आन ध्यान ध्याईयत है ॥
 नामके लियैतें पर नामकी न रहै चाह,
 चाहके कियैतें चाह दाह धाईयत है ।
 ऐसे जिन साहबके व्यानत मुसाहब,
 भए हैं पद पूज दूज चंद गाईयत है ॥ ८ ॥

अर्ह अरहंत अरिहंत भगवंत संत,
 ब्रह्मा विष्णु सिव जिन वीतराग बुद्ध हैं ।
 दाता देव देवदेव परब्रह्म सुरसेव,
 मुनीस रिसीस ईस जगदीस सुद्ध हैं ॥
 अनादि अनंत सार सरवग्य निराकार,
 जित-मार निराधार साहब विसुद्ध हैं ।
 भगवान गुनखान जती ब्रती धनी नाथ,
 राजा महाराजा आप व्यानत सुबुद्ध हैं ॥ ९ ॥
 ग्रंथ हैं अपार सब केतक पहेंगा कब,
 जामैं ना परेंगी सुधि तामैं पंचि मरि है ।
 दान जोग लच्छ लच्छ कोरि जोरि पापनितैं,
 तिनहीकी थापनितैं दुर्गतिमैं परि है ॥
 संजम अराध तीनौं जोग साध पुन्य महा,
 चित्तके चलायैं घट दुःकृतसौं भरि है ।
 व्यानत जो पूछै मोहि प्रानी सावधान होय,
 वीतराग नाव तोहि वीतराग करि है ॥ १० ॥
 आवके वरस धनै ताके दिन कई गनै,
 दिनमैं अनेक स्वास स्वासमाहिं आवली ।
 ताके वहु समै धार तामैं दोप हैं अपार,
 जीव भावके विकार जे जे वात वावली ॥
 ताकौं दंड अव कहा लैन जोग सक्ति महा,
 हैं तौ बलहीन जरा आवति उतावली ।
 व्यानत प्रनाम करै चित्तमाहिं प्रीत धरै,
 नासियै दया प्रकास दासकी भवावली ॥ ११ ॥

धर्मरहस्यावनी ।

मंगलाचरण । यवेया तेर्दरा (मत्तगयन्द) ।

पंचनिमैं कहियै परमेसुर, पंच हु अच्छर नाम दियेतैँ ।
 ‘अँनम’कार सबैं सिर ऊपर, पंचनितैँ उतपत्ति कियेतैँ ॥
 लोक अलोक त्रिकालमैं नाहिं, कोई तिनकी सम देख हियेतैँ ।
 आठहि रिद्धि नवाँ निधि सिद्धिकाँ, व्यानत पाइयै गाय लियेतैँ ।
 भाँ-अरि हंत भए अरिहंत, जपै नित संतनिके दुख-त्राता ।
 सिद्धि भई निज रिद्धिकी सिद्धिकाँ, नाम गहै लहै सेवक साता ।
 साधत मोखकाँ तीनहु साध मैं, साध अराधमैं व्यानत राता ।
 ए पद इष्ट महा उतकिष्ट सु, मंगल मिष्ट सुदिष्टके दाता ॥२॥
 जा पदमैं सब केवली व्यानत, जानत सो अरहंत हियेतैँ ।
 जा पद सुज्ज सबैं जिय रिद्धिकाँ, पाइयै सिद्धिकाँ नाम लियेतैँ ॥
 जी गुण थानक सातके वंदिय, सूरि गुरु मुनि जाप दियेतैँ ।
 घोर उदंगल संचक वंचक, पंचक मंगलचार कियेतैँ ॥३॥

अरहंतस्तुति ।

गर्भ छमास अगाऊ रचे पुर, जन्म सुरासुर मेरु न्हुलावैँ ।
 देव रिसीस विरांगि करै थुति, ग्यानविभौ हम कौन वतावैँ ॥
 आपनि जातकी वात कहा सिव, वातनितैँ परकाँ पहुंचावैँ ।
 पंचकल्यानक थानक व्यानत, जानत क्याँ न महा सुख पावै४
 केवल ग्यान अखैदगवान, महासुखखान सुवीरज पूरा ।
 व्यानत डं नरिंद फनिंदनि, वंदित घाति किये चकचूरा ॥
 चौंतिस आठ नमाँ गुन पाठ, दुवादस कोठनिकाँ हित पूरा ।
 भाँ-अरिहंत सु मो अरिहंतहु, नाम जपै तुम ठाम हजूरा ॥५॥

१ आचार्य, उपाध्याय, गर्वसाखु ।

मानुपत्तैं थुति देव करै वहु, देवनितैं अति इंद्र वखानैं ।
 इंद्रनितैं घुतकेवलि भासत, केवलितैं गनजी अधिकानैं ॥
 ताहूपै ओर न पुब्व किरोरन, काल गये हम कौन समानैं ।
 द्यानत पाय परै सिर नाय, विसेस वताय कहा हम जानैं ॥६॥

आदिनाथस्तुति ।

आदि नरेसुर आदि मुनीसुर, आदि जिनेसुर आदिवतारी ।
 सागर कोर किरोर अठारह, आरज रीति कुरीति निवारी ॥
 स्वर्ग विलासकै मोख निवासकै, राह चलाय कुराह विदारी ।
 द्यानत देव पसूनर को कहि, नारककौं सुखकारक भारी ॥७॥

चंद्रग्रभस्तुति ।

पावन वावन चंदन मोहके, द्रोहकी दाह हरै न हरै तू ।
 ताप लियै रविरूप उजासक, सांत अरूप प्रकास करै तू ॥
 द्यानत चंद असंखतैं जोति, अनंत गुनी प्रभु चंद धरै तू ।
 अङ्गुत राग विरागि कहावत, रागनिके घर रिछि भरै तू ॥८॥

शान्तिनाथस्तुति ।

सांति जिनेस निसेस दिनेसतैं, तेज विसेस सुरेस न बोलैं ।
 कामपदी वर चक्र-विभौधर, आपनि रिछि कहै किह तौलैं ॥
 वंदत चर्न निकंदत मर्न सु, वर्न दुई भव-वंधन खोलैं ।
 द्यानत हाथ गहौ किन नाथ, रहै तुम साथ नहीं भव डोलैं ॥९॥

नेमिनाथस्तुति ।

नेमकुमारसौं पेम किए विन, केम कहौ सुख हे मन पावै ।
 आनँद-लायक भौ-गद-घायक, स्यौ-पद-दायक ताहि न ध्यावै ।
 तीरथ दूरि अनेकनि धावत, गावत जीभ कहा घसि जावै ।
 द्यानत आप समान करै तोहि, चाहत और कहा सु वतावै ॥१०॥

पार्श्वताभग्नुति ।

पारसकौं भजि आरसकौं तजि, जा रसका रसता ररा पावे ।
कार सजाय सु आरस पाय, सुधारस काथ-जरा जरि जावे ॥
पारस पास कुधात विनास, सुधात प्रकास धरी न लगावे ।
नागिनि नाग किए धड़ भाग सु, यानत शोर न पाँन गिनावे ॥

महावीरस्तुति ।

वीर महा महावीर जिनेसुर, गोतम गान-धनेसुर जाए ।
बालक चालमैं सील धरेसुर, चंदना देखत धंप सुलाए ॥
मैंडक हीन किए अमरेसुर, दान सबै मन-यांछित पाए ।
यानत आज लौं ताहीकौं मारग, सागर हैं सुख होत सबाए ॥

तिदस्तुति ।

सिद्धकीरिद्धि प्रसिद्ध कहा कहुं, सूच्छम औपहु ग्यानी न जानै
लोक अलोक त्रिकाल समाय, गए किम थूलकौं गान प्रवानै ॥
बैन न आवत बुद्धि न पावत, चित्तमैं प्रीतिसौं नाम हू आनै ।
यानत ठानत जा पदकौं तप, सो पद आप ही दैं भगवानै ॥१३
आचार्यस्तुति ।

पंच अचार विना अतिचार, करावनहार सु पांच हु धारी ।
चारि हु ग्यान दुआदस वान, रचैं परवान लहैं रिधि भारी ।
बैकुल सुद्ध करैं प्रतिबुद्ध सु, यानत भव्यनके उपकारी ।
तास अचारजके पद-चारज, मंगल-कारज धोक हमारी ॥१४
उपाध्यायस्तुति ।

ग्यारह अंग सु चौदह पूरव, आप पढ़ैं सु पढ़ैं सब, यातैं ।
जीव अपार परे भवधार, निहार विचार दयामय वातैं ॥
आतम ग्यान सहैं दुख जान, करैं थुति ग्यान सुबुद्ध कहातैं ।
यानत ते उबझायनि पायनि, गायनिके गुन गाय हियातैं ॥१५

जीवाप्यतुति ।

शीतन-भोग तज्जी महि जोग, जीजोग नियोग गान गिहारि ।
 लंकुल लावत गर्ण कडावत, गुण चढावत खर्ण पहारि ॥
 देहगी शिष्ठ लम्बे निज निज, न खिंच परीगहर्ण सुख खरि ।
 गानत गाध गामाधि शराधिक, गोह निवारिके जोनि विधारि ।
 भू-जल पावक घृच्छ गर्णी रनि, गोध गमे गुप आनुह यारि ।
 शीत नहीरु भीपा गुपर, पावण घृच्छतह निग झारि ।
 पञ्च परे नहि ख्यान ढरे, खिंच-याहक चाहवी दाह विदारि ।
 गानत गाध गामाधि शराधिक, गोह निवारिके जोनि विधारि ।
 जीवाप्यतुति ।

द्रेगन गुज गहि प्रत गुज, विरज गमाधिकली शिष्ठ दारि ।
 पोसह ठान राचित गमान, रजे निगि खान सु गील रँगारि ॥
 आरेंग छेड परिमह छेडन, पाणकी बात कहि न तिकारि ।
 गानत भोजन ईहि उद्दंड, इकादग भुगि गरावक चालि १८
 जाठ धरि गुनमूल तुआदस, गृष्ट गहि तप द्वादस गारि ।
 च्चारि हु दान पिंड जल छान, न राति भग्ने गमता-रग लारि ॥
 ग्यारह भेद लहि प्रतिगा सुभ, दर्सन ख्यान चरित अरारि ।
 गानत व्रेपन भेद किया यह, पालत टालत कर्म-उपारि १९।

जीवाप्यतुति ।

देव गुरु सुभ धर्मको जानिये, सम्यक आनिये मोखनिसानी ।
 सिद्धनितैं पहलैं जिन मानिये, पाठ पहुँ द्वजिये सुतग्यानी ॥
 सूरज दीपक मानक चंद्रत, जाय न जो तम सो तम हानी ।
 ख्यानत मोहि कृपाकर दो वर, दो कर जोरि नमाँ जिनवानी ॥

ईप्सद्वाद(१) म थात भहा जड़, शाष्य-कला कवि सीरा परी है।
विस्म भसत्क विरक किए तिन, देख विसेख मिया पसरी है॥
रुम घड़े सुनि ताप घड़े तिन, दान शरी उधरी न घरी है।
थानत धात कहा यह मास, किया तुमसें सिव नारि घरी है॥
प्रतिगा-गाहारण ।

धृष्टु श्रीगरहतके विषकों, धात पखानके भव्य घनाए।
विन विना सिव राह घतायत, आसन ध्यान अनोपग गाए॥
थानत आन सिंगार न सोहत, मोहत तीन हु लोक सदाए।
पूजन गावन ध्यावन को कहि, देखत ही पद वांछित पाए॥ २२
केवलग्यानि इहाँ न सुखेतभैं, सिद्ध प्रसिद्ध न आँखिन पेखै।
सूरि गुरु महावीर मनै किय, साध नजीक न जाय विसेखै॥
बानि विसुद्ध लसै न धसै बुध, थानत सीख यही उर लेखै।
पंच-निकारक भौ जल तारक, प्रात उठें प्रतिमा मुख देखै॥ २३॥
पर्वतस्तुति ।

इंद फनिंद नरिंदतैं कामतैं, रूप अनूप कण्ठौ नहिं जाई॥
दीपक मानिक चंदकी सूरकी, जोतितैं देहकी जोति सवाई॥
चंदतैं चंदनहूतैं कपूरतैं, पालेतैं सीतल बानि बताई॥
थानत ए गुनकौ नहिं पार सु, केवलग्यानिकी कौन वड़ाई॥ २४
रंचक राग नहीं जिनरायकै, सर्व परिग्रह त्याग दिया है।
दोप कहा कहियै विन कारन, आयुध एक न संग लिया है॥
साम्यतया निज ग्यान भया सब, कर्म विनास प्रकास किया है।
आनेंदकंद महा सुख साहब, थानत नैं तकि याद किया है॥ २५
जान ।

पाँवनिसौं कछु पाबनौं नाहिं है, याहीतैं आवन जान तजा है।
हाथनिसौं करना कछु कामन, लंबै किए कर आप भजा है॥

आखिनसाँ सध देखि लियाँ प्रभु, नाक अनी लव ध्यान सजा है
काननिसाँ सुननाँ न लियाँ यन, घांधि निराकुल ध्यान धजा है
शान्तिष्ठकदशा ।

लोगनिसाँ मिलनाँ हमकाँ दुख, साहनिसाँ मिलनाँ दुख भारी ।
भूपतिसाँ मिलनाँ मरने सम, एक दसा मोहि लागत प्यारी ॥
धारकी दाह जलैं जिय मूरख, वे-परवाह महा सुखकारी ।
ज्ञानत याहीतैं ज्ञानी अबंछक, कर्मकी चाल सबै जिन टारी
गहारी गग्यानाथी बन्दगा के लिए धेणिकका गमन ।

ज्ञान प्रधान लहा महावीरनैं, सेनिक आनंद भेरि दिवाई ।
मत्त मतंग तुरंग बड़े रथ, ज्ञानत सोभत इंद्र सवाई ॥
घांभन छत्रिय वैस जु सूद, सु कामिनि भीर घटा उमडाई ।
कान परीन सुनै कोऊ घान सु, धूरके पूर कला रवि छाई ॥२८
आदिगाथयी ज्ञानावशा ।

भ्रीपम काल जलै भुवि जाल, खरे गिरि सीस सिलापर स्वामी ।
ईधन कर्म उदासकी पौनतैं, ज्ञानकी आगि जलै अभिरामी ॥
ता निकलौ कन जाम उभै दिन, सीस दिपै छविसाँ रवि नामी ।
आदि जिनेसुर हौं परमेसुर, वंदत पायँ करौं सिवगामी ॥२९
नार प्रकारके गग्या ।

ज्ञानत उत्तम आत्म चिंत, करैं न डरैं जमराज बलीतैं ।
मध्यम पूजन दान करैं, निकरैं दुरगीत (?) अँधेर गलीतैं ॥

—कायोरसर्गायताङ्गो जयति जिनपतिर्नाभिसूनुर्महारमा,
मध्याहे यस्ता भास्यानुपरि परिगतो राजते सोम्रमूर्तिः ।
चक्रे कर्मन्धनानां शतिष्ठुदहतो दूरमौदास्यवात्—
स्फूर्जारसज्ञानयहोरिव रचिरतरः प्रोद्धतो विस्फुलिङ्गः ॥
—पश्चननिदपश्चर्थितिका ।

अद्भुत जी रुजगार बखानत, ठानत पेटमैं आगि बलीतैं ।
 अद्भुत अद्भुत पाप उपार्जित, गाज उठैं मुख वात चलीतैं॥३०॥

भावनाचतुर्पक ।

धावर जंगम जीव सबै, समता धरि आप समान बखानै ।
 दर्सन ज्यान चरित्त गुनाधिक, देख विसेख विनै अति ठानै ॥
 भूख त्रपादि महा दुखवंतनि, संत भयौ करुना मन आनै ।
 साम्यदसा विपरीतनसाँ बुध, द्यानत चार विचच्छन जानै
 ज्ञाताको उपदेश ।

मैल भरयौ दुरगंध महाजल, गंग सुगंग प्रसंग हुएतैं ।
 काठ अपार निहारि भयौ दब, लागत नैकसी आग फुएतैं ॥
 द्यानत क्यौं नहिं देखहु वारिधि, वारिदकौ जल वूँद चुएतैं ।
 आतमतैं परमात्म होत है, वाती उदोत है दीप बुएतैं॥३२॥
 जाहीकौं ध्यावत ध्यान लगावत, पावत हैं रिसि पर्म पदीकौं ।
 जा थुति इंद फनिंद नरिंद, गनेस करैं सब छांडि मदीकौं ॥
 जाहीकौं वेद पुरान वतावत, धारि हरै जमराज वदीकौं ।
 द्यानत सो घट माहिं लखौ नित, त्याग अनेक विकल्प नदीकौं
 ज्ञातादशा ।

धातनके घर नीव महा वर, सोच नहीं छिनमैं ढहिजातैं ।
 पुत्र पवित्र सु मित्र विचित्र न, चित्र जहां लखिए जम खातैं ॥
 द्यानत इंद फनिंद नरिंदकी, संपत कंपत काल-कलातैं ।
 हांनन दीननकै सुख कौन, प्रवीन कहा विष्यारस रातैं ?॥३४॥

—सत्त्वेषु मैत्री गुणिषु प्रमोदं क्षुष्टेषु जीवेषु कृपापरत्वम् ।

माध्यस्थभावं विपरीतवृत्तौ सदा ममात्मा विदधातु देव ॥

—अमितगतिसूरि ।

बात कहै न गहै हट रंचक, बाद विवाद मिटै सब यातै ।
 कान सुनै बहु बान मुनै लह, हंस सुभाव सुकारज रातै ॥
 खोलत डोलत पापनि छोलत, खोलत मोख किवार धकातै ।
 द्यानत संतनकी यह रीत, द्या रस पीत अनीतनि यातै ॥३५॥

मूढदशा ।

पापकी बातनि प्रातकी प्रातलौं, जापकी बात न एक घरी हूँ ।
 खानकौं आप सु बाप सुता सुत, दानके भाव न नैक लरी हूँ ॥
 भौन चुनावनकौं गहना धरि, जैनके भौन न ईट परी हूँ ।
 ता पर चाहत हौं सुख द्यानत, जानत मोहिन मौति मरी हूँ ॥
 भूख गई घटि, कूख गई लटि, सूख गई कटि, खाट पख्यौ है ।
 वैन चलाचल नैन टलावल, चैन नहीं पल, व्याधि भख्यौ है ॥
 अंग उपंग थके सरखंग, प्रसंग किए जन नाक सख्यौ है ।
 द्यानत मोह चरित्र विचित्र, गई सब सोभ न लोभ टख्यौ है ॥
 बालक बालखियालिनि ख्याल, जुवानि त्रियान गुमान भुलानै
 मे घरबार सबै परिवार, सरीर सिंगार निहार फुलानै ॥
 वृद्ध भए तन वृद्धि गए खसि, सिद्धत काम न खाट तुलानै (?) ।
 द्यानत काय अमोलक पाय, न मोख दुवार किवार खुलानै ॥
 प्रात उठै सुमथैं विकथा रस, कै जल छान तमाखु भरावै ।
 रात ही जात तगाद उगाहनि, भोजन त्यार भए हिंग खावै ॥
 सोच करै रुजगारके कारन, काम कहा किहके घर जावै ।
 संकट चूरत मंगल मूरत, द्यानत पारसनाथ न गावै ॥३९॥
 जामहिं खाध किधौं विटिता, सठ ता रुजगार लगोई रहै है ।
 जामहिं नित नफा सब जानत, ताहि लग्यौ यह नाहिं कहै है ॥
 स्वारथ देस विदेस भमै धन, कर्मवसात लहै न लहै है ।
 द्यानत आतम स्वारथ है ढिंग, आलस त्याग करौ न चहै है ॥४०॥

हाट बनायके बाट लगायके, टाट विछायके उद्यम कीना ।
लैनकौं बाहु सु दैनकौं धाट, सुबाँटनि फेरि ठगे वहु दीना ॥
ताहूमैं दानकौं भाव न रंचक, पाथरकी कहुँ नाव तरी ना ।
व्यानत याहीतैं नर्कमैं वेदनि, कोर किरोरन ओर सही ना ॥४१
ल्लानकौं आतर ध्यानकौं कातर, मान महातर-डार चढ़े हैं ।
दैनकौं आरस लैन महा रस, बैन कहा रस रीति गढ़े हैं ॥
काम अनाहक दामके गाहक, राम अचाहक चाह मढ़े हैं ।
व्यानत या कलिकालके पंडित, ग्यान नहीं उर, पाठ पढ़े हैं ॥४२

उपदेश ।

क्रोध फसे गति नर्क वसे दुख,-नाग डसे फिर कोप कला रे ।
माया लए तिरजंच गए वहु, कष्ट सए फिर माया बला रे ॥
व्यानत कामके भावनि भाव, निवाह न होय कुलोभ जला रे ।
ल्लागि कपाय छिमा सुखदाय, सुनाय कहुँ अब दाव भलारे ॥४३
नर्कनिमाहिं कहे नहिं जाहिं, सहे दुख जे जब जानत नाहीं ।
गर्भमझार कलेस अपार, तलैं सिर था तब जानत नाहीं ॥
धूलके वीचमैं कीच नगीचमैं, नीच क्रिया सब जानत नाहीं ।
व्यानत दाव उपाव करौ जम, आवहिगौ अब जानत नाहीं ॥४४

उद्यम ।

अंवर डार अडंवर टार, दिगंवर धार सु संवर कीना ।
मंगल आस उदंगल नास, सु जंगल वास सुधातम भीना ॥
कोह निवारिकैं लोह विडारिकैं, मोह विदारिकैं आपप्रवीना ।
कर्मकौं भेदिकैं पर्मकौं वेदिकैं, व्यानत मोखविषैं चित दीना ॥४५
निंदक नाहिं छमा उरमाहिं, दुखी लखि भाव दयाल करै हैं ।
जीवकौं धात न झूठकी बात न, लैहि अदात न सील धरै हैं ॥
गर्व गयौ गल नाहिं कहुँ छल, मोम सुभावसौं जोम हरै हैं ।
देहसौं छीन हैं ग्यानमैं लीन हैं, व्यानत ते सिवनारि वरै हैं ॥४६

देवतैं आय बड़ा कुल पाय, हुए भुवि राय सदा सुख कीनैं ।
 सेवग जोगनि जाचक लोगनि, दान सबै मनवंचित दीनैं ॥
 त्यागकै मौन भये सिव सौन, करै श्रुति कौन महा रस भीनैं ।
 साधके पायनमैं सिर नाय, कहैं जस होत हैं पापतं हीनैं ॥४७
 साक्षुके अशुगुण ।

भूमि समान छमा गुनवान, अकास सरूप अलेप रहे हैं ।
 निर्मल ज्यौं जल आग ज्यौं तेज, सदा फलदायक वृच्छ गहे हैं ॥
 पापमहातमनासक सूरज, आनंददायक चंद लहे हैं ।
 मेघ समान सबै विध पोपक, आठ महा गुण साध कहे हैं ॥४८
 जो दुख देख विसेख दुखी जन, तामाहिं धोरजसौं थिरठाहे ।
 ग्रीषम सैल सिला तरु पावस, सीतमैं चौपथ भावनि गाहे ॥
 वज्र परै न समाधि टरै निज, आतम लौ रत आनंद वाहे ।
 व्यानत साधनकौ जस को कहि, वंदत पाप महा बन दाहे ॥४९
 एककौं देखनि जात सबै जग, कई देखें कई देख न पावें ।
 एक फिरै नित पेटके काज, मिलै नहिं नाज दुखी विललावें ॥
 सो यह पुन्यरु पाप प्रतच्छ, न राग विरोध सुधी सम भावैं ।
 व्यानत आतम काज इलाज, सुखी जनमाहिं सुखी कहलावैं
 बैठि सभा रस रीति सुनाय, कला कवि गायकै मूढ़ रिजावैं ।
 ऐसे अनेक भरे भुवि लोकमैं, आपनि झूवत और डुवावैं ॥
 ते धनि जे परमात्म म्यान, बखान सुमारगमाहिं लगावैं ।
 व्यानत ते विरले इस कालमैं, आपमैं आप जथारथ ध्यावैं ॥५१
 धर्म पचास कवित्त उभैजुत, भक्ति विराग सुम्यान कथा है ।
 आपनि औरनिकौं हितकार, पढ़ौ नर नारि सुभाव तथा है ॥
 अच्छर अर्थकी भूल परी जहाँ, सोध तहाँ उपकार जथा है ।
 व्यानत सज्जन आपविषै रत, हो यह वारिधि शब्द मथा है ॥५२
 इति धर्मरहस्यवाचनी ।

दान वावनी ।

छप्पम् ।

बंदौं आदि जिनिंद, वृत्त-तीरथ परगास्यौ ।
 नमौं खियांस नरिंद, दान-तीरथ अन्यास्यौ ॥
 दोङ चक्र अवक्र, धर्मरथकौं लहि नामी ।
 सिवपुर पुर वहु गए, जाहिं जै हैं आगामी ॥
 ए बड़े पुरुष संतारमैं, कौन महातम ऊचरै ।
 सोई जानौ मानौ चतुर, विरत दान रुचिसौं करै ॥ १ ॥

स्त्रैया इच्छासा ।

सबके अंतरजामी तीनलोकपति स्वामी,
 आदिनाथ प्रभु नामी गामी सिव भौनके ।
 तिनकौं दियौ अहार हथिनापुर मझार,
 ताके गुन कहैं सार ऐसे गुन कौनके ॥
 उज्जल सरद घन चंद जस व्यापि रह्यौ,
 लोकमैं सुगंध फैलि जाय चलैं पौनके ।
 तेर्ह सिरीअंस मोहि, लोभकौ विधंस करौ,
 धरौ हियै न्यान हरौ दुख आवागौनके ॥ २ ॥
 कुरुवंसी-भूप-मनिमालमधि नायक हैं
 सिरीअंस दानेस्वर दानीमैं गिनाईयै ।
 वार मासके उपास किवे आदिनाथ तास,
 दियौ जी गिरास जास कैसे जस गईयै ॥
 आनंद भयौ अकास वरसे रतन रास,
 तवतैं पृथ्वीकौं वसुधा कहि बुलाईयै ।

सो दिन अजाँ लौं चिद्ध अखैतीज है प्रसिद्ध,
कौनसी न रिद्ध सिद्ध नाम लेत पाईये ॥ ३ ॥

सर्वया तेइसा । (मत्तगमन्द)

दुष्टभ मानुष भौं सु विभौं जुत, पाय कहा गरवाय अनारी ।
आव कला कमला पट पेखनि, देखनिकौं चपला उनहारी ॥
लोभ महातम कूप परे तिन, देखि दया हम चित्त विचारी ।
तास निकारन कारन वैन, कहैं पकरौ निकरौ मतिधारी ॥ ४ ॥
उत्तम नारि सपूत कुमार, भयौ धन सारतैं मोह बढ़यौ है ।
बारन पार समुद्र विषैं सुभ, दान विधान जिहाज चढ़यौ है ॥
खेवट भावसौं प्रीति भई तव, भीति गई सुख राह पढ़यौ है ।
धर्म जिहाज इलाज विना, दुख वारिधितैं जिय कौन कढ़यौ है

अडिल ।

बहुत जीव हितकार, सार धन संग्रहा ।
पात्र दान विधि जान, सफल गिरही कहा ॥
पावै सुभगतिद्वार, धारकैं दानकौं ।
ज्यौं वारिधि तरि जाय, पायकैं यानकौं ॥ ६ ॥

सर्वया तेइसा ।

देस विदेस कलेस अनेक, करोर उपाय कमाय रमा रे ।
नारि सुहात न पूत ददात न, आपनि खात न जोरि जमा रे ॥
ऐसौं महा धन प्यारौ लहा जन, संत कहैं सुनि वैन हमारे ।
ता इक दान सु गति(?) विना दुख, चेति अबैं फिरि नाहिं समारे
कवित ।

भोजन आदिमाहिं जो जन धन, नित प्रति खात जात है सोया
ताकौं सुपनै विषैं न दरसन, ताते तए वृँद अबलोय ॥

मुनिवर दान जोग सुभ खरच्यौ, सोई दरव लहै परलोय ।
 इक बट बीज सुखेत बोयकैं, फल अनेक पावै सब कोय ॥८॥
 जिन अहार दीनैं मुनिवरकौं, तिननैं धख्यौ मोखपुर माहिं ।
 निज हू अमर नगर घर कीनैं, उच्च संगतैं धोखा नाहिं ॥
 जैसैं राज चुनैं जिनमंदिर, तिनकै साथहि ऊरध जाहिं ।
 दैहिं दान अभिमान लोभ तजि, धन चंचल है ढरती छाहिं ॥

अडिल ।

जो थोरौ हू दान भगतिसौं देत है ।
 साधुनिकौं सु अनंतगुनौ फल लेत है ॥
 जैसैं खेतमझार बीज कछु डारियै ।
 तातैं अति वहु पुंज प्रतच्छ निकारियै ॥ १० ॥

कवित ।

जिननैं दान दियौ साधुनिकौं, निरमल मनवच काय लगाय ।
 तिननैं पुन्य बीज उपराज्यौ, जातैं भौ वारिधि तरि जाय ॥
 ताकी इंद करै अभिलाषा, कव मैं दैहुं मनुज भव पाय ।
 तू क्यौं ढील करत है प्रानी, जानी वात देहि मन लाय ॥ ११ ॥

अडिल ।

मोख हेत रतनत्रै, मुनिवर धरत हैं ।
 काय सहाय उपाय, सु भोजन करत हैं ॥
 मुनिकौं दान भगतिसौं, जिन स्नावक कख्यौ ।
 तिन गृह जननैं, सिव मारगमैं लै धख्यौ ॥ १२ ॥

कवित । (३१ मात्रा)

जप तप संजम सील विविध वृत, स्नावकैं संपूरन नाहिं ।
 आरंभ झूठ वचन चंचल मन, पाप पुंज बाढ़े घर माहिं ॥

दान एक पूरी सब गुनमैं, देकैं सुरग लोकमैं जाहिं ।
 मन वच काय सुज्ज है दीजै, कीजै नहिं वांछा तिह ठाहिं १३
 भौन-सैलतैं दान तनक जल, सरता जेम बड़े विसतार ।
 लछमी सलिल बढ़े दिन दिनप्रति, सुजसफैन सिवदधिलग सार
 सम्यकवंत पुरुप सरधासौं, दियौ दान सुभ पात्र विचार ।
 वात कहत नहिं वस्तु लहत है, 'देय लेय' परगट व्यौहार १४
 धरि परिगहकौ भार माहिं नहिं, थिरता परमात्मकौ ग्यान ।
 सिव विन तीनौं अर्थ सधत हैं, साधैं साध चार सुख दान ॥
 चारौं हाथ बीच हैं जाके, देय प्रीतिसौं पात्र दान ।
 "भवन दान वन माहिं तपस्या," यह तौ परगट वात जहान १५
 सोरठा ।

सिव-पुर-पंथी साध, नाम रटै पातग हटै ।
 चारौं दान अराध, तिरै जगत अचिरज कहा ॥१६॥
 सवैया तेइसा । (मत्तगयन्द)

भौन कहा जहां साध न आवत, पावन सो भुव तीरथ होई ।
 पाय प्रछालकैं काय लगायकैं, देहकी सर्व विथा नहिं खोई ॥
 दान करचौ नहिं पेट भस्यौ वहु, साधकी आवन वार न जोई ।
 मानुप जोनिकौं पायकैं मूरख, कामकी वात करी नहिं कोई १७
 देव कहा जहां भाव विकार, भजौं कि न देव विरागमई है ।
 साधु कहा जिसकैं नहिं ग्यान, गुरु वह जास समाधि भई है ॥
 धर्म कहा जिसमैं करुना नहिं, धर्म दया अघरीति खई है ।
 दानविना लछमी किह कारन, 'हाथ दई तिन साथ लई है' १८
 कवित । (३१ मात्रा)

गुन बहु भए ग्यान नहिं पायौ, बहुत भोग नहिं वृत्त लगार ।
 धनकौं पाय दान नहिं दीनौं, गुन धन भोगनिकौं धिकार ॥

तीन जगत यस करन हरन दुख, धरम मंत्र न जपे सुखकार ।
 'वहते पानी हाथ न धोवै', फिर पछिताय होय का सारा ॥ १ ॥
 पात्र दानमें जो धन सरचं, इह पर भौ सुख विविध प्रकार ।
 आप देस परदेस भोगवै, राजलच्छमी कहियै सार ॥
 दान बिना इह भौमें दारिद, पर भौ दुरगति दुःख अपार ।
 दान समान न आन पुन्य कछु, देहि ढील मति कर लगार ॥ २ ॥
 काय पायकै व्रत नहिं कीनै, आगम पढ़ि नहिं मिटी कशाय ।
 धनकौं जोरि दान नहिं दीनौं, कहा काम कीनौं इह आय ॥
 लीनौं जनम मरनकै कारन, रतन हाथसौं चलौं गमाय ।
 तीनौं वात फेरि कब पावै, सात्त्वग्यान धन नर-परजाय ॥ ३ ॥
 सर्वया इक्तीसा (मनहर) ।

पापकौं इलाज त्याज पुन्य काजके समाज,
 स्वात हैं परायौं नाज आनंदकौं खेत है ।
 ग्यानकौं जगावत है मानकौं भगावत है,
 पारकौं लगावत है, जैनधर्म केत है ॥
 मानुष जनम पाय, तप कीजै मन लाय,
 भौसागर सुखसेती, तरिवेकौं सेत है ।
 बुरौं धन घरमाहिं, पूजा दान बनै नाहिं,
 दुर्गतिके दुख हाँहिं तासौं कहा हेत है ॥ २२ ॥

अद्वितीय (२१ मात्रा) ।

श्रीजिनचरनकमलकी पूजा ना करी ।
 देखि संघमी दान भगति नहिं आदरी ॥
 धाममाहिं वसि काम, कहा तैनैं किया ।
 गहरे जलमैं, नरभौकौं पानी दिया ॥ २३ ॥

भौ सागरमें भमत, कठिन नरभी लहै ।
 भौ-तन-भोग विराग, धन्य जो तप गहै ॥
 जौ न बने ताँ घरमें, अनुव्रत पालियै ।
 पात्रदानविधि, दिन दिन अधिक संभालियै ॥२४॥
 चल्यौ धामतैं गाम, बहुत तोसा लिया ।
 राहमाहिं दुख नाहिं, सदा सुख तिन किया ॥
 भवतैं पर-भव जात, दान व्रत जो धरै ।
 अङ्गुत पुन्य उपाय, साहवी सो करै ॥ २५ ॥
 सर्वया तेझा (मत्तगयन्द) ।

या जगमें नर भोग विथारन, कीरत कारन काम बनावै ।
 पाप उदैमहिं जोग बनै नहिं, आपकौं दुःखकी बेलि बढ़ावै ॥
 दैनके भाव सदा अति उत्तम, दान दियै वहु-पुन्य कमावै ।
 दानकौं देत है भाव समेत है, सो जगमें जनस्यौ कहलावै २६
 गीता ।

निज सत्रु जो घरमाहिं आवै, मान ताकौं कीजियै ।
 अति ऊंच आसन मधुर वानी, बोलिकैं जस लीजियै ॥
 भगवान सुगुन-निधान मुनिवर, देखि क्याँ नहिं हरखियै ।
 पड़गाहि लीजै दान दीजै, भगति वरखा धरखियै ॥२७॥
 कुंडलिया ।

दान देत है साधकौं, नित प्रति प्रीति लगाय ।
 जा दिन मुनि आवै नहीं, दुख मानै अधिकाय ॥
 दुख मानै अधिकाय, पुत्र मृतुतैं अति भारी ।
 अहो कर्म दुर्भाग्य, बात तैं कहा विचारी ।
 विफल आज दिन गयौ, भयौ नहिं धर्महेत है ।
 चित उदार तजि लोभ, साधकौं दान देत है ॥ २८ ॥

सैवया इकतीसा ।

साधनकाँ दान देय सो तौ फल-पुंज लेय
 ताकाँ लखि अभिलाखै सो भी फल पावै है ।
 चंदकांत मनि देखौ सुधा झरै चंद देखि,
 भावना ही फलै जो कै नीकै मन भावै है ॥
 धन होतैं साध पाय दान देत जो न मूढ़,
 धरमी कहावै आप मायाकाँ बढ़ावै है ।
 विजली कपट परलोक सुख-गिरि फोड़ै
 जापै दान वनि आवै मोहि सो सुहावै है ॥ २९ ॥

अडिल (२१ मात्रा) ।

ग्रास अर्ध चौथाई नित प्रति दीजियै ।
 जथा सकति ज्यौं आपन भोजन कीजियै ॥
 आवत है जम भील न ढील लगाइयै ।
 मनवांछित धन साध समा कव पाइयै ॥ ३० ॥

दोहा ।

मिथ्याती पसु दानरुचि, भोग भूमि उपजंत ।

कल्पवृच्छ दस सुख लहै, क्यौं न लेत नर संत ॥ ३१ ॥

कवित (३१ मात्रा) ।

जैसैं खान निधान पाय तजि, और ठौर खोदै अग्यान ।
 तैसैं घरमै दैन जोग सव, नैननि देखै मुनि गुन खान ॥
 दानबुद्धि जाकै नहिं उपजै, तासौं महा मूढ़ को आन ।
 पुन्य जोगतैं द्रव्य कमायौं, सो न लगायौं उत्तम थान ॥ ३२ ॥
 ज्यौं नर रतन गमाय जलधिमैं, छूढ़े भागौं पावै कोय ।
 त्यौं चिरकाल भमत भवसागर, कठिन मनुष भौ प्रापति सोय

देननि जोग सँजोग दरवकौ, दान देय नहिं मूरख जोय ।
बहूं सछिद्र जिहाज रतन लै, सागर पार कौन विधि होय ॥३३
चौपाई ।

जो धनवान करै नहिं दान, इह भौ जस पर भौ सुख खान ।
ता नरकौ साहव है और, सेवक भेजौ रच्छा-ठौर ॥ ३४ ॥
सवैया तेर्दसा ।

संजममैं तन-भोग लखै पन, इंद्रनसैं रन जीतवौ चाहै ।
धान विषै मन चाह रहै वन, कोप नहीं छन सांत दसा है ॥
पूजा विषै मन पोख दुखी जन, दान विषै धनकौ निरवा है ।
धर्म लगै लछमी अपनी वह, आन लहै धन औरनका है ॥३५ ।
पुन्य घटै विघटै लछमी घर, दान दियै न घटै धन भाई ।
सोच निवारहु कूप निहारहु, काढ़ततैं जल बाढ़त जाई ॥
पात्रकौ दान निरंतर ठान, हियैं सरधान महासुखदाई ।
खाय गयौ वह खोय गयौ नर, लेय गयौ जिह और खिलाई ॥३६
कवित (३१ मात्रा) ।

खान पान पट भौन गौनमैं, लोभ अकीरतवान बखान ।
पूजामाहिं नाहिं जल फल सुभ, दीजै नीरस दानविधान ॥
इह परलोक थोक सुख चूरै, महालोभ पूरै दुखदान ।
लोभी होइ लोभ तजि भाई, देय हाथ ले साथ निदान ॥३७ ॥
सवैया तेर्दसा ।

लच्छि भई न भई घरमैं, नरमैं उपगार महा मन ढीलौ ।
जन्म भयौ न भयौ तिनकौ, जिनकौ चित नाहिं दया रस गीलौ ।
संखकी भाँति मुए जगमैं, जिनकौ कोऊ नाम सुनै नहि कीलौ ।
दोष नहीं पर नाउ न लैं जन, लेत हि होत अहारकौ हीलौ ॥३८ ॥

रोडकी ।

स्वान पेट निज भरै, भूप हू पेट भरै है ।
 कहा बड़ाई भई, खाय दुरगंध करै है ॥
 पात्रदान नित देइ, लेइ नर-भौ-फल तेरै ।
 अंत रहै कछु नाहिं, नाम तिनकौ जग लेइ ॥ ३१ ॥

कवित (३१ मात्रा) ।

इंद फानिंद नरिंदन स्वामी, गामी सिवमारगके साध ।
 लोक अलोक स्कल परकासत, निरमल रतनत्रै आराध ॥
 तिनकी घिरता होत असनतै, दै भोजन करि भगति अगाध ॥
 यह गृहि-धर्म कौन नहिं चाहै, एक दान विन सबै उपाध ॥ ३२ ॥

अद्वितीय ।

घरा घरामै द्रव्य, पैड़ इक ना टलै ।
 परिजन मरघट थाप, आप घरकौं चलै ॥
 भली विचारी लकड़ी, जो साथैं जलै ।
 आगैं दीरथ राह, धरम कीनाँ फलै ॥ ४१ ॥
 जस सौभाग्य सल्प, सूर सुख कुल भला ।
 जाति लाभ सुभ नाम, विभौ पंडित कला ॥
 सरब संपदा पात्र-दानतैं पाइयै ।
 जतन करौं किन जीव, वहुत क्या गाइयै ॥ ४२ ॥

सबैवा तेरैसा ।

भौंन करौं सुत नारि वरौं, धन गाढ़ि धरौं कठिनी महिं खैहौं ।
 काम धने इतने करने, अब दान सदा मनवंछित दैहौं ॥
 लोभ मलीन प्रवीन लखै निज, जानहुंगा जब ही कर लैहौं ।
 सोचत सोचत आय गई थिति, तौन कहै अबकै मरि जैहौं ॥ ४३ ॥

दूसरकों जीवन है जगमें कहा, आपन साथ क्या यह भर्तुँ ?
 दूर्वके बंधनमाहिं बंध्यो इह, दानको आत् पूर्ण भर्तुँ कर्म ॥
 तातैं बहौं गुन कागमें देखिंथ, जात् कुलायहैं यंज्ञम रह्ये ॥
 लोभबुरीं सब ओंगुनमें इक, ताहि तज्ज निष्क्रृत्य इम यहैं ॥
 दीनकों दीजियै होय दया मन, मात्रकों दीजियै प्राप्ति अद्वितीय ॥
 सेवक दीजियै काम करे बहु, मादव दीजियै आदर पर्य ॥
 सत्तुकों दीजियै वैर रहै नहिं, भाद्रकों दीजियै अपर्याप्ति सम्य ॥
 साधकों दीजियै मोखके कारन, हाथ दियों न अचार द्वर्षी ॥

अद्वितीय ।

दाता पुरुषनि पास, नाम है जान है ।
 रहैं सूर घर माहिं, मुहाग विलान है ॥
 विद्या पंडित धाम, सांति दुख को भर्है ।
 लछी कृपनकों पाय, महा माता गर्है ॥ ४३ ॥

कवित (३१ नाट्रा) ।

उत्तम पात्र साध सिवसाधक, मध्यम पात्र उरावग सार ।
 जघन पात्र समकिती अविरती, विन समकित कुपात्र ब्रह्म-धार
 समकित विरत-रहित अपात्र हैं, पांच भेद भास्ते निरधार ।
 उत्तम मध्यम जघन भेदसाँ, एड़ पंद्र पात्र विचार ॥ ४७ ॥
 उत्तम मध्यम जघन पात्रतें, तीनाँ भोगभूमिमुख होय ।
 लहै कुभोग कुपात्र दानतें, दान अपात्र दियैं दुख होय ॥
 वीज सु खेत डारि फल खड़यै, उसर डारि वीज मति खोय ।
 तातैं मन वच काय प्रीतिसाँ, पात्रदान दीजौं सब कोय ॥ ४८ ॥

१ शूरं स्यजामि वैवद्यादुदारं लब्ध्या पुनः ।

सापद्यात्पिण्डितमपि तस्मात्कृपणमाश्रये ॥

साख्र अभै आहार ओषधी, चारौं दान वडे संसार ।
 निहचैं सुरग मुक्तिके दाता, दाता भुगता देखि निहार ॥
 गो गज राज वाजि दासी रथ, कनक भूमि तिल मंदिर नारि ।
 दसौं कुदान पापके कारन, देत लेत सो नरक मझार ४९
 जो दीजै चैत्याले कारन, भूमि आदि वहु वस्तु अपार ।
 तामैं श्रीजिनविंव विराजै, चमर छत्र सिंहासन सार ॥
 पूजा करै पढँ जिनवानी, चारौं संघ मिलै निरधार ।
 वहुत काललौं वडे जैनमत, धरम मूल पर-भौ-सुखकार ५०
 दान वखान किया हमनैं यह, कृपन दुःख सबकौं सुखदाय ।
 पाय चमेली अलिगन गुंजै, काग न जानैं गुन समुदाय ॥
 चंद किरनितैं कुमुदनि विकसै, पाथर कौन भाँति हरखाय ।
 भान तेज दसदिसि उजियारौ, एक उलू दुख नाहिं उपाय ५१
 रतनत्रै आभरन विराजै, वीरनंदि गुरु गुनसमुदाय ।
 तिनकै चरन कमल जुग सुमिरत, भयौ प्रभावग्यान अधिकाय ।
 तव श्रीपद्मनंदिनैं कीनैं, दान प्रकास काव्य सुखदाय ।
 पद्मनंदिपद वंदि बनाई, दानवावनी व्यानतराय ॥ ५२ ॥

इति दानवावनी ।

चारसौ छह जीवसमास ।

दोहा ।

बंदौं नेमि जिनंद पद, सब जीवन सुखदाय ।
 बालब्रह्मचारी भए, पसुगनवंध छुड़ाय ॥ १ ॥
 जीवसमास अनेक विध, भाखे गोमटसार ।
 नेमिचंद गुरु वंदिकैं, कहूं एक अधिकार ॥ २ ॥
 चौपाई ।

पृथ्वीकाय दुभेद वखान, कोमल माटी कठिन पखान ।
 पानी पावक पौन विचार, नित्य इतर साधारन धार ॥ ३ ॥
 सातौं सूच्छम सातौं थूल, इनकै चौदै भेद कबूल ।
 कहीं प्रतेककाय दो जात, परतिष्ठत अप्रतिष्ठत भ्रात ॥ ४ ॥
 दोहा ।

दूब बेलि छोटा विरख, वड़ा विरख अरु कंद ।
 पंच भेद परतेकके, लखत नाहिं मतिमंद ॥ ५ ॥
 जब इनमाहिं निगोद हैं, तब परतिष्ठत जान ।
 जब निगोद नहिं पाइए, अपरतिष्ठ तब मान ॥ ६ ॥
 जाति दसौं परतेककी, वे चौदह चौवीस ।
 परज अपरज अलव्यसौं, भेद बहत्तरि दीस ॥ ७ ॥
 वे ते चौं इंद्री त्रिविध, परज अपरज अलव्य ।
 विकलञ्चैक भेद नव, हिंसा करै निषिद्ध ॥ ८ ॥
 चौपाई ।

करम भूमि तिरजंच विख्यात, गर्भज सनमूर्छन दो जात ॥
 गरभज परज अपरज प्रवीन, अलव्य हूं सनमूर्छन तीना ॥ ९ ॥

सैनी पंच असैनी पंच, दसों भेद जलचर तिरजंच ।
 दसों भेद थलचर पगुकाय, दसों व्योमचर उड़े सुभाय १०
 करम भूमि तिरजंच मझार, तीस भेद भाखे निरधार ।
 भोग भूमि अब सुनौ सुजान, थलचर नभचर दो सरधान ११
 परज अपर्जपति दो भेद, चारि भेद जानौ विन खेद ।
 उत्तम मधम जघन भूतनैं, बाँरे भेद जिनागम भनैं ॥ १२ ॥

दोहा ।

पंचेद्री तिरजंचके, कहे छियालिस भेद ।
 तेरे भेद मनुष्यके, समझौ गरभ उछेद ॥ १३ ॥

चौपाई ।

उत्तम भोगभूमि सुख खान, उत्तम पात्रदानफल जान ।
 मध्यम जघन भोग भुव दोय, चौथे कुभोग भू नर जोय १४
 पंचम मलेछ खंड मझार, छठे आरज गरभज सार ।
 परज अपरज दुवादस जान, अलवधि नर इनमैं नहिं मान १५
 अहिल ।

नारि जोनि थन नाभि, कांखमैं पाइए ।
 नर नारिनकै, मल मूतरमैं गाइए ॥ १६ ॥
 मुरदेमैं संमूर्छन, सैनी जीयरा ।
 अलवंध परजापती, दया घरि हीयरा ॥ १७ ॥

सोरथा ।

नरक पटल उनचास, परज अपरजापत कहे ।
 जीवसमास प्रकास, सातोंमैं अढानवै ॥ १८ ॥

चौपाई ।

त्रैसठ पटल सुरगके पाठ, भुवनपती दस व्यंतर आठ ।
 जोतिस पांच छियासी भए, परज अपरजापति गति लए १९

प्रोक्षा ।

नरक माहिं अठानवै, पसु इक सौ तेर्ष्विस ।
नर तेरं सव देखकै, सतक बहत्तरि दीस ॥ २० ॥

धारित्र ।

परजापत एक सौ, छियासी जानियै ।
अपरजाप्त एक सौ, अठासी मानियै ॥
अलबध परजापत्ता जीव, चाँतीस हैं ।
चव सत पट पर करना, कर्त मुनीस हैं ॥ २१ ॥

प्रोक्षा ।

नियत एक चेतनमर्ष, भेद सरव व्योहार ।
निहर्चे अरु व्योहारका, जाननहारा सार ॥ २२ ॥
सुदया समता आपर्म, यह परदया विचार ।
द्वानत सुपरदया कर्त, ते विरले संयार ॥ २३ ॥

इति चारसौ-छाल-आश्रयमाण ।



त्रिपात्रानश्चीर्थीस्मि ।

७३४ ।

रिषभदेव रिषिरेष, धीर गंभीर धीर शुनि ।
 चार धीरा जगदीस, ईरा रोईस युगुन शुनि ॥
 मुरग-ठाम निज नाम, मात पुर तात धरन तन ।
 आव काय सुभ चिष, मुकल आसन धस धरनन ॥
 जस गाय पुन्य उपजाय शुभि, पाय फरी मंगल अमर ।
 सिर नाय नमौं जुग जोर कर, भो जिनिंद भव-ताप-हरा ॥३॥

लघुगमये ।

रिषभदेव रिषिनाथ, पृष्ठभ लच्छन तन सोहै ।
 नाभिराय-कुल-कमल, मात मरुदेवी मोहै ॥
 चौरासी लख पुब्ब आव, सत पंच धनुप तन ।
 नगर अजोध्या जनम, कनक वपु धरन हरन मन ॥
 सर्वार्थसिद्धते गमन पद,-मासन केयल ग्यान वर ।
 सिर नाय नमौं जुग जोरि करि, भो जिनिंद भव-ताप-हरा ॥४॥

शजितनाथ ।

अजित अजित रिषु अजित, हेम तन गज लच्छन भन ।
 पिता राय जितसश्व, अत्र (१) खरगासन आसन ॥
 लाख बहत्तरि पुब्ब, आव पुर जनम अयोध्या ।
 धनुप चारिसै साठि, गाढ़ बच बहु प्रतिबोध्या ॥
 तजि विजय थान परधान पद, वसे विजैसैना उदर ।
 सिर नाय नमौं० ॥ ३ ॥

श्रवनाथ ।

संभव संभव-हरन, पुरी यावत्ती जानौँ ।
 मात सुप्तना स्थ, भूप दिदृराज प्रवानौँ ॥
 खरगासन सुख स्यादि, आदि ग्रीवकर्त आए ।
 चिन्ह तुरंग उतंग, रंग केचनर्म गाए ॥
 थिति माटि लाख पूरब भुगति, धनुप चारिसे लखि चतुरा
 सिर नाय नमौँ० ॥ ४ ॥

अभिनन्दन ।

अभिनन्दन अभिनन्दन, कंद सुख भूप स्वयंवर ।
 माता सिद्धारथा, कथा सुवरन तन मनहर ॥
 तीन सतक पंचास, धनुप तन नगरि विनीता ।
 पुच्छ लाख पंचास, तास कपि लांछन मीता ॥
 खरगासन विजय विमानतैं, करम नास परकास कर ।
 सिर नाय नमौँ० ॥ ५ ॥

गुमतिनाथ ।

सुमति सुमतिदातार, सार वस वैजयंत मन ।
 भूप मेघरथ तात, मात मंगला कनक तन ॥
 पुच्छ लाख चालीस, ईस तन धनुप तीनसै ।
 चक्रवाक लखि चिन्ह, खरग आसन सुख विलसै ॥
 छहमास अगाऊ गरभतैं, भयौ विनीता सुर-नगर ।
 सिर नाय नमौँ० ॥ ६ ॥

पद्मप्रभ ।

पदम पदम भवि भमर, पदम लांछन सुखदाई ।
 धरन भूप गुनकूप, सरूप सुसीमा माई ॥

अंतम् ग्रीवक वास, तुसे पंचास चाप तन ।
खरगासन बहु सकत, रक्त तन हरख करन मन ॥
थिति तीस लाख पूरब पुरी, कौसंबी सब जन सुधर ।
सिर नाय नमौ० ॥ ७ ॥

सुपार्खनाथ ।

देत सुपास सुपास, पंच ग्रीवकतै आए ।
सुपरतिष्ठ भूपाल, पृथीसैना मन भाए ॥
नगर बनारस धाम, स्वाम खरगासन राजै ।
चिन्न साथिया बीस, लाख पूरब थिति छाजै ॥
तन हरित वरन दोसै धनुष, सुर ढारै चौसठ चमर ।
सिर नाय नमौ० ॥ ८ ॥

चंद्रप्रभ ।

चंद्रप्रभू प्रभ चंद, चंदपुर चंद चिन्न गन ।
महासैन विख्यात, मात लछमना स्वेत तन ॥
वैजयंततै आय, काय खरगासनधारी ।
आव पुञ्च दस लाख, भए सबकौं सुखकारी ॥
डेड़सै धनुष तन भविक जन, हंस पाय तुम मानसर ।
सिर नाय नमौ० ॥ ९ ॥

पुष्पदन्त ।

सुबुधि सुबुधि करतार, सार प्रानतके थानी ।
महा भूप सुग्रीव, जीव जयवामा रानी ॥
उज्जल वरन सरीर, धीर खरगासन जानौ ।
काकंदीपुर साख, लाख दो पूरब मानौ ॥

तन धनुष एक सौ भौ-रहित, सहित चिन्न जलचर मकर ।
सिर नाय नमौ० ॥ १० ॥

शीतलनाथ ।

सीतल सीतल वचन, भद्रपुर आरन स्वर वर ।
दिढरथ तात विख्यात, सुनंदा माता अवतर ॥
नवै धनुषकौ देह, धीर कंचनमय गायौ ।
आव पुञ्च इक लाख, खरगआसन सुख पायौ ॥
श्रीवृच्छ चिन्न केवल प्रगट, भिन्न भिन्न भाख्यौ सुपरा
सिर नाय नमौ० ॥ ११ ॥

ध्रेयांसनाथ ।

भज स्नेयांस स्नेयास, स्वर्ग सोलमके वासी ।
विस्मुराज महाराज, मात नंदा परकासी ॥
असी चाप तनमाप, आप गैँडेकौ लच्छन ।
खरगासन भगवान, सिंहपुर कनक वरन तन ॥
चौरासी लाख वरस भुगत, दुख-दावानल-मेघ-झार ।
सिर नाय नमौ० ॥ १२ ॥

वासुपूज्य ।

वासुपूज्य वासुपूज्य, भूप वसु विधिसौं पूजौ ।
दसम लोकतैं आय, रकत सुभ काय न दूजौ ॥
सत्तर चाप सरीर, धीर चंपापुर आए ।
लंछन महिष मनोग, जोग पदमासन गाए ॥
थिति लाख वहत्तरि वरसकी, जयावती माता सुमर ।
सिर नाय नमौ० ॥ १३ ॥

विमलनाथ ।

विमल विमल अवलोक, लोक द्वादस वस स्वामी ।
 कंपिलापुर आय, काय कंचन जग नाभी ॥
 कृतवर्मा भूपाल, भाल जयस्यामा माता ।
 सूकर चिन्न निसान, साठि धनु तन अति साता ॥
 धिति साठिलाख वरसन सुखी, खरगासन सबते जुवरा
 सिर नाय नमौ० ॥ १४ ॥

अनंतनाथ ।

सुगुन अनंत अनंत, अंत सुर सोल जिनेश्वर ।
 तिंधसैन नृपराय, माय जयस्यामाके घर ॥
 कनक वरन परगास, तास पंचास चाप तन ।
 आव लाख है तीस, ईसकौ सेही लंछन ॥
 खरगासन कौसलपुर जनम, कुसल तहाँ आठौं पहरा
 सिर नाय नमौ० ॥ १५ ॥

धर्मनाथ ।

धर्म धर्म परकास, वास सरवारथसिधि भुव ।
 भान राज जस ख्यात, मात सुप्रभादेवी हुव ॥
 खरगासन निहपाप, चाप चालीस पंच तन ।
 आव लाख दस वरस, सरस कंचनमय है तन ॥
 लखि वज्र चिन्न सुभ रतन पुर, पार न पावै सुरनिकर ।
 सिर नाय नमौ० ॥ १६ ॥

शान्तिनाथ ।

सांति जगत सब सांति, भोगि सरवारथसिधि रिधि ।
 कामदेव तन कनक, रतन चौदहौं नवौं निधि ॥

विश्वसैन नृप तात, मात ऐरा मृगलंडन ।
हथनापुरमें आय, काय चालीस धनुष तन ॥
थिति लाख वरस आसन पदम, नाम रट्टं अघ जाय टर ।
सिर नाय नमौं० ॥ १७ ॥

कुंभनाथ ।

कुंथु कुंथु रखवार, सार सरवारथसिधि वस ।
हस्तिनागपुर आय, काय चामीकर हर सस ॥
सूरसैन नृप जैन, ऐन स्त्रीकांता सुभ मन ।
पंचानवै हजार, वरस पंतीस धनुष तन ॥
खरगासन लंछन छाग सुभ, तारे जिन वैराग धर ।
सिर नाय नमौं० ॥ १८ ॥

अरनाथ ।

अर अरि-करि-हर सिंध, जयंत विमान जानि जन ।
भूप सुदरसन सार, मित्रसैना माता भन ॥
हस्तिनागपुर आय, चाप तन तीस विराजै ।
थिति चौरासी सहस, वरस कंचन छवि छाजै ॥
खरगासन लंछन मीन सुभ, बैन जलद सर-भविक भर ।
सिर नाय नमौं० ॥ १९ ॥

नहिनाथ ।

मल्लि करम-रिपु-मल्ल, धान अपराजित जानौ ।
मिथिलापुर अवतार, सार घट चिन्न पिछानौ ॥
कुंभराज महाराज, खरगआसन सरदहियै ।
धनुष पचीस सरीर, सहस पचपन थिति लहियै ॥

देवी प्रजायती कनक तन, अमल अचल अविकल अजर
सिर नाय नमौ० ॥ २० ॥

गुणिगुप्त ।

मुनिसुप्रत प्रत वर्ग, स्वर्ग प्रानतके थानी ।
भूष सुमित्र पवित्र, मित्र सुभ सोमा रानी ॥
राजगृहीमें आय, काय कज्जल छवि छाजै ।
वरस सहस धिति तीस, बीस तन चाप विराजै ॥
लच्छन कछुआ आसन खरग, दीनदयाल दया नजर ।
सिर नाय नमौ० ॥ २१ ॥

नमिनाथ ।

नमि नमि सुरनरराज, राज सरवारथसिधि कर ।
विजयराज महाराज, विष्पला रानी उर धर ॥
आव वरस दस सहस, पुरी मिथिला सुखदाई ।
पंद्रै धनुप सरीर, खरगआसन लौ लाई ॥
तन कनक वरन लच्छन कमल, ग्यान भान हर भ्रम तिमर
सिर नाय नमौ० ॥ २२ ॥

नमिनाथ ।

नेमि धरम-रथ-नेमि, जयंत विमान वास किय ।
समुदविजै महाराज, सिवादेवी जानौ जिय ॥
नगर द्वारिका नाम, स्याम तन जन-मन-हारी ।
आव वरस इक सहस, चाप दस रजमति छाँरी ॥
खरगासन आसन मोखकौ, संख चिन्न हरिवंस-नर ।
सिर नाय नमौ० ॥ २३ ॥

पार्श्वनाथ ।

पास पास अघ नास, वास प्रानत करि आए ।
 अस्वसैन अवदात, मात वामा मन भाए ॥
 नगर वनारसि थान, जान फनि लच्छन नामी ।
 आव एक सौ वरस, खरग आसन सिवगामी ॥
 तन हरित वरन नव कर धरन, वज्र प्रगट संवर सिखरा
 सिर नाय नमौं० ॥ २४ ॥

वर्धमान ।

वर्धमान जस वर्ध,-मान अच्युत विमान गति ।
 नगर कुँडपुर धार, सार सिद्धारथ भूपति ॥
 रानी प्रियकारनी, वनी कंचन छवि काया ।
 आव वहत्तर वरस, जोग खरगासन ध्याया ॥
 तन सात हाथ मृग नाथपति, तुमतैं अवलौं धरम जर ।
 सिर नाय नमौं जुग जोरि कर,० ॥ २५ ॥

समुच्चय चौबीस तीर्थकर ।

रिपभ अजित संभव अभिनंदन सुमति पदम सम ।
 जिन सुपास प्रभु चंद, सुविधि सीतल स्नेयांस नम ॥
 वासपूज्यजी विमल, अनंत धरम पंदरमा ।
 सांति कुंथु अर मल, सु मुनिसोविरत बीसमा ॥
 नमि नेमि पास वीरेस पद, अष्ट सिद्धि नौ रिद्धि धर ।
 सिर नाय नमौं० ॥ २६ ॥

पांच कुमारतीर्थकर ।

वासुपूज्य सुरपूज्य, मल विधिमलजयंकर ।
 नेमि देह जम नेम, पास भौ-पास-छयंकर ॥

नहावीर महावीर, धीर पर-पीर-निवारन ।
 बड़े पुरुष संसार, सार संपत्ति सुखकारन ॥
 ए पंच कुमरपद्मि सुमर, कठिन सील वालक उमर ।
 सिर नाय नमौ० ॥ २७ ॥

कलपवृच्छ कलपत्रै, चिंततै चिंतामनि मन ।
 पारन हूँ परत्ततै, करै हित एक जनम जन ॥
 भगत अकल्प अचिंत, अपरस तिहारी नामी ।
 मौ भौ सब सुख देहि, कौन उपमा है स्वामी ॥
 हाँ निपट स्थिलताके विषै, चपल चित्त निसदिन फिकर ।
 सिर नाय नमौ० ॥ २८ ॥

नहापुरान प्रवाँन, जान आठै विध वरनन ।
 वाचङ ठान वसान, जान दो लच्छन आसन ॥
 होय कोय संदेह, नेह करि तहाँ निहारौ ।
 सुद्ध छंद सो सुद्ध, फेरिकै कवित समारौ ॥
 हाँ अलपवुद्धि बुद्धनविषै, एक वात लीनी पकर ।
 सिर नाय नमौ० ॥ २९ ॥

जै जै मल ब्रह्मचरिज, अटल बल सकल बनाए ।
 एक एक जिन स्वाम, नाम दस्त दस्त गुन गाए ॥
 खुनत मुनत चित चुनत, धुनत दुख-संतत प्रानी ।
 धानतराय उपाय, गाय जिन पाय कहानी ॥
 गद जनम जरा भृतु नहिं भगत, भगति एक ओषध विगरा ।
 सिर नाय नमौ० जुग जोरि कर, भो जिनंद भवतापहर३०
 इति दशस्थानचौदोत्तो ।

व्यौहार-पचीसी ।

अरहंतस्तुति-सवैया इकतीरा ।

सरवग्यपदधारी तीनलोकअधिकारी,
क्रोध लोभ परिहारी ऐसौ महाराज है ।
सबकौं समान गिना राग दोप भाव विना,
पास नहिं तिना सक सौकौं सिरताज है ॥
ताहीकौं वखान्यौ धर्म सोई सांचौ सोई पर्म,
औरकौं कह्यौ अधर्म झूठकौं समाज है ।
सिवपुर बाटकै बंटाउनिकौं संबल है,
सुखकौं दिवैया महाकौलमाहिं नाज है ॥ १ ॥

दयाधर्मस्वरूप ।

साध और स्वावक सकलब्रत जातें पढ़े,
गलै जास विना सुख संपत्तिकी जननी ।
धर्मतरुमूल पाप धूल पुंज महा पौन,
विद्या उपजावनकौं बड़ी एक गननी ॥
उच्च मोख भौनकी नसैनी इच्छपद देनी,
जैनी प्रान-दया करौ दोपनिकी हननी ।
अदयाकौं नाम दसौं दिसामाहिं सुन गिना,
दया पुन विना एक बात हू न वननी ॥ २ ॥
दान दियैं कहा सिद्धि ध्यान कियैं कहा रिद्धि,
पाठ पढ़ैं कहा वृद्धि जीवनकौं जोरिकै ।

१ बटोही-मुसाफिर । २ कलेबा-पाथेय । ३ दुर्भिक्षके समयमें । ४ अ-
नाज-अन्न ।

कथिता वसान करी लोगनिमें रीष परी,
 तपमाहि बुजि धरी चंचलता छोरिके ॥
 एक विना सबै हेय, ऐसी दया क्यों न लेय,
 छहाँ धर्ममाहि ध्येय पाप डोरि तोरिके ।
 कोमलता हियेकी सहेली आप ही अकेली,
 स्वर्गकी नवेली निधि करै दुख बोरिके ॥ ३ ॥

महालोभद्रशा ।

पाय दो अटपटात जान हू थकत जात,
 कटि हू पिरात गात घात बात बनी है ।
 छाती छवि छीज गई पीठ हू सकुच भई,
 हाथ हलै चलै नई जरा पौन घनी है ॥
 बैन गद्दौ रूप और आंखि लाज तजी ठौर,
 कान बान सुनै कौन आन बनी अनी है ।
 काल असवारीपै हुस्यारी मृत वासनकी, (?)
 हूबै जहाँ बांस तहाँ पोरी किन गनी है ॥ ४ ॥

दानखलूप ।

अजस विहार करै वारिधि हू जाय परै,
 आपदा प्रसंग हरै विस्त (?) एक हू कहाँ ।
 क्रोधकी न जौन होय लोभकी न पौन होय,
 नरककौ न गौन होय कौन कहै दुख तहाँ ॥
 पापकौ विनास होय भोगभूमिवास होय,
 स्वर्गमें निवास होय शत्रु को रहै जहाँ ।
 साधनकै दानतै निधान—पुंज व्योम देत,
 या समान दूसरौ न मोटाँ गुन है इहाँ ॥ ५ ॥

राजनता ।

दानको विसन जापै ख्यानमें रिस न कापै,
खानको न तिसना पै मिसना सरलता ।
सोमता सुभाव लियैं जोमकी न बात हियैं,
मोमरीति लई गई मानकी गरलता ॥
भोगनसाँ विरमात जोगनसाँ निजरात,
लोगनकी सुनत बात दोपमें न लरता ।
रोस रीति भाननकाँ तोप प्रीति ठाननकाँ,
मोखफल खाननकाँ वई हैं वर लता ॥ ६ ॥

शोकनिवारण ।

पीतम मरेको सोच करै कहा जीव पोच,
तजे तैं अनंते भव सो कदू सुरत है ।
एक आवै एक जाय ममतासाँ विललाइ,
रोज मरे देखै सुनै नैक ना झुरत है ॥
पूतसाँ अधिक प्रीत वह ठानै विपरीत,
यह तौ महा अनीत जोग क्याँ जुरत है ।
मरनौ है सूझै नाहिं मोहकी गहलमाहिं,
काल है अवैया स्वास नौवति घुरत है ॥ ७ ॥

धनतृष्णानिवारण ।

एकनकै सैकड़े हजार लाख कोटि दर्व,
रोज आवै रोज जाहि ताहि ना खवर है ।
एक हाट हाट माहिं वाट वाट विललाहिं,
कौड़ी कन पावै नाहिं नैक ना सवर है ॥

सुभासुभ परतच्छ चच्छसौं विलोकत है,
पाप धन जोरि धन भानकौं अवर है ।
धन परजन तन सवसौं निराला आप,
सुच्छ लखै दच्छ कर्म नासकौं जवर है ॥ ८ ॥

ममतानिवारण ।

भोगक कियेतैं पापकर्मकौं संजोग भूरि,
संजम धेरेतैं पुन्य कर्मकौं निवास है ।
धनकै वढ़ेतैं मोह भावनकी वढ़वार,
आसकै निरोधसेती बोधकौं प्रकास है ॥
परगह भार गहैं आरंभ अपार होय,
संग-निरवार करैं दयाकौं विलास है ।
चानत कुदुंब माहिं ममता हूटै है नाहिं,
एकरूप भए सम सुखता अभ्यास है ॥ ९ ॥

आशा ।

केर्द विषै भोग पाय त्यागै मन वच काय,
हैकैं मुनिराय पाय वंदनीक भए हैं ।
केर्द विषैमैं निवास चित्तमैं रहैं उदास,
ग्यानकौं प्रकास भववास पर गए हैं ॥
किनहीकैं विषै नाहिं वांछा हू न उरमाहिं,
चाह दाह हीन आप-लीन परनए हैं ।
हमैं विषै योग उपयोग सुझ दोनौं नाहिं,
वृथा आस-पास परे दोषनिसौं छए हैं ॥ १० ॥

देस देस धाए गढ़ वांके भूपती रिङ्गाय,
भल हू खुदाए गिरि ताए पारा ना मस्थौ ।

सागरकौं तरि धाए मंत्र हूँ मसान ध्याए,
पर घर भोजन संसंक काक ज्याँ कस्थी ॥
बड़े नाम बड़े ठाम कुल अभिराम धाम,
तजिकै पराए काम करे काम ना सम्हाँ ।
तिसना निगोड़ीनैं न लोड़ी वात भाँड़ी कोऊ,
मति हूँ कनाँड़ी कर काँड़ी धन ना सम्हाँ ॥ ११ ॥

हरपशोकत्यागके छह द्वयान्त ।

आंव फल छाहिं खरबूजे फल छाहिं नाहिं,
नीवमाहिं फल नाहिं छाहिं ही सहाय है ।
आक फूल छाहिं नाहिं कंटक थूहर माहिं,
कांटे हैं बंवूर राह आए दुखदाय है ॥
पुन्य पाप उतकिए मध्यम जघन्य भेद,
जैसा उदै तैसा धन दारा मुत पाय है ।
हरख सोक कीयैं कहा वीज वोय बृच्छ लहा,
दावा तजि साखी होय आव वीती जाय है ॥ १२ ॥

वाद विवादमें मत पढ़ो ।

साधरमी जन माहिं जो चरचा बनै नाहिं,
भेषधारी सिष्यनिमैं कहैं जे अवन हैं ।
सेतपटधारी जे पुजारी लौंके द्वंद्विये हैं,
वांभन वैरागी औं संन्यासी जे कठन हैं ॥
मीमांसक आदि जात जिनसौं मिलै न वात,
राग दोष कियैं धात ग्यानकै पतन हैं ।
समता सरूप धरौ ऐंच खैंचमैं न परौ,
ग्रंथ नाय करौ हरौ दोष भरे जन हैं ॥ १३ ॥

शीतकालपरीषद् ।

कंज मुरझात कपिहूकौ मद गल जात,
दहत वृच्छनि पात रंक रोम खरे हैं ।
सीतकी विधा अपार पानी जमै बारबार,
पैन लगै तीर धार लोक दुख भरे हैं ॥
तप-भौनमाहिं साधि ध्यान ऊषमा अराधि,
नदी तट चौपथमै कर्मनिसौं अरे हैं ।
जोगी बड़े धीर वीर पावैं भव नीर तीर,
देहु मोखलच्छि हियैं भद्र भाव धरे हैं ॥ १४ ॥

ग्रीष्मकालपरीषद् ।

ग्रीष्मकौ तेज सूर गरमी परत भूर,
सूकत है जलपूर धूर पांवकौं धरे ।
धूप है अगनिरूप लू फुलिंगकौं सरूप,
दिनमैं दुखी अनूप रात नींद को करे ॥
भूमिकी तपतिसौं दसौं दिसा तपै है सैल-
सिलापर निराधार खरे साध भै हरे ।
ग्यान जोत उर धार तमकी हरनहार,
वंदत हैं पाय जातैं मेरे भव भय टरे ॥ १५ ॥

वर्षाकालपरीषद् ।

स्याम घटा अति घोर वरसै करत सोर,
रहै नाहिं एक ओर मूसलसी धार हैं ।
मानौं जल पियौ छार सोई वम्यौ है अपार,
नदी दौरै दूटि दूटि खरते पहार हैं ॥
कारी निस वीजली गरज और झंझा पैन,
तामैं साध वृच्छ तलैं ठड़े निरधार हैं ।

आप सुख ध्यावत हैं कर्मकौ बहावत हैं,
तेर्ह मोख पावत हैं नमौ सुखकार हैं ॥ १६ ॥

शाननी कार्यकारिता ।

सीत ताप पावसकौ सहैं धीर वीर होय,
भेदग्यान भए बिना आपसौं विकल है ।
तीन कर्म सेती भिज सदा चेतना ही चिन्न,
ताकी न खबरि कैसैं जगसौं निकल है ॥
बरसौं लौं धूल धोय न्यारिया सुखी न होय,
धातकी पिछान बिना दाम एक न लहै ।
आप ग्यान जानत है साम्य भाव आनत है,
घोर तप ठानत है कर्मसौं विकल है ॥ १७ ॥

हितोपदेश ।

भम्यौ तू अनंती बार सम्यक न लह्यौ सार,
तातैं देव धर्म गुरु तीनौ ठहराय रे ।
लाग रह्यौ धन धाम इनसौं है कहा काम,
जपै क्यौं न जिन नाम अंत सो सहाय रे ॥
क्रोध है कठिन रोग छिमा ओषधी मनोग,
ताकौ भयौ है सँजोग संगत उपाय रे ।
पूरब कमायौ सो तौ इहां आय खायौ अब,
करि मन लाय जो पै आगैं जाय खाय रे ॥ १८ ॥
वाग चलनैकौं त्यार ढीलौ तीरथ मझार,
झूठ कहनकौं हुस्यार सांच ना सुहाय रे ।
देखत तमासा रोज दर्सनकौ नाहिं खोज,
विकथा सुनन चोज साखकौं रिसाय रे ॥

खान पानकौं खुस्ताल व्रत सुनैं विकराल,
 स्नावककी कुल चाल भूलौ वहु भाय रे ।
 पूरब कमायौ सो तौ इहां आय खायौ अब,
 करि मन लाय जो पै आगैं जाय खाय रे ॥ १९ ॥

उद्यमी पुष्य । अनंगशेखर छन्द ।

मिथ्यात जात घातकैं सुधा सुभाव रातकैं,
 अवृत्तकौं निपातकैं सुवृत्तकी दसा वरी ।
 कुराग दोस नासकैं कुआसकौ निरासकैं,
 प्रसांतता प्रकासकैं उदास रीत आदरी ॥ २० ॥

सरीर प्रीत छारकैं अनेक रिद्धि डारकैं,
 सुसिद्धिकौं निहारकैं स्वरिद्धि सिद्धि लौं धरी ।
 अकर्म कर्म है गया सुग्यान ग्यानमै भया,
 महा स्वरूप देखकैं सुवंदना हमौं करी ॥ २० ॥

छुधा त्रिपा न भै करै न सीत तापसौं डरै,
 न राग दोषकौं धरै न काम भोग भोगना ।
 त्रिभेद आप धारकैं त्रिकर्मसौं निवारकैं,
 त्रिजोगसौं विचारकैं त्रिरोगका मिटावना ॥

अराधना अराधकैं कपायकौं विराधकैं,
 सु सामभाव साधकैं समाधका लगावना ।
 वहाय पाप पुंजकौं जलाय कर्म कुंजकौं,
 सुमोख माहिं जाहिंगे इहां न फेर आवना ॥ २१ ॥

भगवानसे यथार्थ विनती । सवैया—इकतीसा ।
 तारक स्वरूप तेरौ जानत है मन मेरौ,
 ध्यान माहिं धेरौ धिरै नाहिं को उपाय है ।

तात मात ब्रात नात सात-धात-ज्ञात गात,
हमसौं निराले सदा चित्त क्यों लुभाय है ॥
क्रोध मान माया लोभ पांचौं इंद्रीविष्व सोभ,
महा दुखदाय जीव काहे ललचाय है ।
न्याय तौं तिहारे हाथ व्यानत व्रिलोकनाय,
नावत हौं माय करौं जो तुमें सुहाय है ॥ २२ ॥

शिक्षा ।

चाह रहै भोगनिसौं लागत है लोगनिसौं,
वेज तौं फकीर तोहि कैसैं सुख करेंगे ।
जाकी छाहिं छिन माहिं चाह कट्टू रहै नाहिं,
ताहि क्यौं न सेवै तेरे सब काम सरेंगे ॥
ग्रीष्म तपत सैल नीचैं वहु जलकुण्ड,
धाराधर आए विन कौन ताप हरेंगे ।
गंगा जमना अनेक नदी क्यौं न चली जाहु,
चातककौं स्वाति वूंद महाराज झरेंगे ॥ २३ ॥
आए तजि कौन धाम चलिवौ है कौन ठाम,
करते हैं कौन काम कट्टू हू विचार है ।
पूरव कमाय लाय इहां आय खाय गए,
आगैंकौ खरच कहा वांध्यौ निरधार है ॥
विना लियैं दाम एक कोस गामकौं न जात,
उतराई दियैं विना कौन भयौ पार है ।
आजकाल विकराल काल सिंह आवत है,
मैं कह्यौ पुकार धर्म धार जो तू यार (?) है ॥ २४ ॥

धर्मनहिना ।

धर्म नात करै ताक्यैं धर्म भी विनात करै,
धर्म रच्छा करै ताकी धर्म रच्छा करै है ।
दुखों करैं दुख जाय सुखी करैं सुख पाय,
नक्क दुःखतैं निकाल मोख माहिं धरै है ॥
धर्म करैं जय होय पाप करैं छय होय,
नासत हैं तब लोय ताहि क्यैं विस्तरै है ।
आगिमैं चलत नाहिं पानीमैं गलत नाहिं,
जगन्न जैवंत सदा धर्म धरैं तरै है ॥ २५ ॥
चाहत धन तंतान नई देह मिलै आन,
डरै कालसेती सदा तनहीमैं रहै है ।
वांछा जह भय दोऊ भाव भखौ दीसत है,
नाना भाँति सुख देखि साता नहिं लहै है ॥
पाप देखि रोवै पाप खोवै नाहिं महामूढ़,
स्वान-वान डारि कोऊ सिंह-वान गहै है ।
यानत व्याहारकी पचीसी पढ़ौ संत सदा,
व्यान बुद्धि यिर होय आन नाहिं वहै है ॥ २६ ॥

इति व्यवहारपचीसी ।



आरतीदशक ।

इह विघ मंगल, आरती कीजै ।
 पञ्च परम पद भजि, सुख लीजै ॥ इह० ॥ टेक ॥
 प्रथम आरती, श्रीजिनराजा ।
 भव-जल-पार उतार जिहाजा ॥ इह० ॥ १ ॥
 दूजी आरति, सिद्धन केरी ।
 सुमिरन करत मिटै भवफेरी ॥ इह० ॥ २ ॥
 तीजी आरति सूरि मुनिंदा ।
 जनम मरन दुख दूरि करिंदा ॥ इह० ॥ ३ ॥
 चौथी आरति श्रीउचज्ञाया ।
 दर्सन देखत पाप पलाया ॥ इह० ॥ ४ ॥
 पंचमि आरति साध तुमारी ।
 कुमतिविनासन सिव अधिकारी ॥ इह० ॥ ५ ॥
 छठी ग्यारह प्रतिमाधारी ।
 स्नावक वंदौ आनँदकारी ॥ इह० ॥ ६ ॥
 सातमी आरती श्रीजिनवानी ।
 द्यानत सुरग मुक्तिकी दानी ॥ इह० ॥ ७ ॥

जिनराजकी आरती ।

आरती श्रीजिनराज तुमारी ।
 करम दलन संतन-हितकारी । टेक ॥
 सुर नर असुर करत तुम सेवा ।
 तुम हि देव देवनिकै देवा ॥ आरती० ॥ १ ॥

पंच महाब्रत दुः्खर धारै ।

राग दोष परनाम विडारै ॥ आरती० ॥ २ ॥
भवभयभीत सरन जे आए ।

ते परमारथ पंथ लगाए ॥ आरती० ॥ ३ ॥
जो तुम नाम जपै मन माहीं ।

जनम मरन भय ताकौं नाहीं ॥ आरती० ॥ ४ ॥
समोसरन संपूरन सोभा ।

जीते क्रोध मान छल लोभा ॥ आरती० ॥ ५ ॥
तुम गुन हम कैसे करि गावै ।

गनधर कहत पार नहिं पावै ॥ आरती० ॥ ६ ॥
करुनासागर करुना कीजै ।

चानत सेवककौं सुख दीजै ॥ आरती० ॥ ७ ॥
मुनिराज—आरती ।

आरती कीजै श्रीमुनिराजकी ।

अधम उधारन आतम काजकी ॥ टेक ॥

जा लच्छीके सब अभिलाखी ।

सो साधनि कर्दम वत नाखी ॥ आरती० ॥ १ ॥

सब जग जीति लियौं जिन नारी ।

सो साधनि नागिन वत छारी ॥ आरती० ॥ २ ॥

विषयन सब जग वौरे कीनै ।

ते साधनि विष वत तजि दीनै ॥ आरती० ॥ ३ ॥

भूकौं राज चहत सब प्रानी ।

जीरन तृन वत त्यागत ध्यानी ॥ आरती० ॥ ४ ॥

सत्तु मित्र दुख सुख सम मानै ।
 लाभ अलाभ वरावर जानै ॥ आरती० ॥ ५ ॥
 छहाँ काय पीहर ब्रत धारै ।
 सबकौं आप समान निहारै ॥ आरती० ॥ ६ ॥
 यह आरती पढ़े जो गावै ।
 द्यानत मनवांछित फल पावै ॥ आरती० ॥ ७ ॥
 नेमिनाथ तीर्थकरकी आरती ।
 किह विध आरति करौं प्रभु तेरी ।
 अगम अकथ जस बुधि नहिं मेरी ॥ टेक० ॥
 समुदविजै सुत रजमति छांरी ।
 याँ कहि थुति नहिं होय तुम्हारी ॥ किह० ॥ १ ॥
 कोट खंभ वेदी छवि सारी ।
 समोसरन थुति तुमतैं न्यारी ॥ किह० ॥ २ ॥
 चारग्यानजुत तिनके स्वामी ।
 सेवकके प्रभु यह वच खामी ॥ किह० ॥ ३ ॥
 सुनकैं वचन भविक सिव जाहीं ।
 सो पुद्गलमैं तुम गुन नाहीं ॥ किह० ॥ ४ ॥
 आतम जोति समान वताऊं ।
 रवि ससि दीपक मूढ़ कहाऊं ॥ किह० ॥ ५ ॥
 नमत त्रिजगपति सोभा उनकी ।
 तुम सोभा तुममैं निज गुनकी ॥ किह० ॥ ६ ॥
 मानसिंघ महाराजा गावै ।
 तुम महिमा तुम ही बनि आवै ॥ किह० ॥ ७ ॥

निश्चय आरती ।

इह विध आरति करौं प्रभु तेरी ।

अमल अबाधित निज गुन केरी ॥ टेक ॥

अचल अखंड अतुल अविनासी ।

लोकालोक सकल परगासी ॥ इह० ॥ १ ॥

ग्यान दरस सुख बल गुन धारी ।

परमात्म अविकल अविकारी ॥ इह० ॥ २ ॥

क्रोध आदि रागादि न तेरे ।

जनम जरा मृतु कर्म न नेरे ॥ इह० ॥ ३ ॥

अवपु अवंध करन-सुखनासी ।

अभय अनाकुल सिवपदवासी ॥ इह० ॥ ४ ॥

रूप न रेख न भेख न कोई ।

चिनमूरति मूरति नहिं होई ॥ इह० ॥ ५ ॥

अलख अनादि अनंत अरोगी ।

सिद्ध विसुद्ध सु आत्मभोगी ॥ इह० ॥ ६ ॥

गुन अनंत किम वचन वतावै ।

दीपचंद भवि भावन भावै ॥ इह० ॥ ७ ॥

आत्माकी आरती ।

करौं आरती आत्मदेवा ।

गुन परजाय अनंत अभेवा ॥ टेक ॥

जामैं सब जग वह जगमाहीं ।

वसत जगतमैं जग सम नाहीं ॥ करौं० ॥ १ ॥

ब्रह्मा विस्तु महेसुर ध्यावैं ।

साधु सकल जिहके गुन गावैं ॥ करौं० ॥ २ ॥

बिन जानैं जिय चिर भव डोलै ।
 जिहि जानैं छिन सिव-पट खोलै ॥ करौ० ॥ ३ ॥
 ब्रती अब्रती विध व्यौहारा ।
 सो तिहु काल करमतैं न्यारा ॥ करौ० ॥ ४ ॥
 गुरु सिख उभै वचन करि कहिए ।
 वचनातीत दसा तिस लहिए ॥ करौ० ॥ ५ ॥
 सुपर भेदकौ देखि उछेदा ।
 आप आपमै आप निवेदा ॥ करौ० ॥ ६ ॥
 सो परमात्म पद सुखदाता ।
 होहि विहारीदास विख्याता ॥ करौ० ॥ ७ ॥
 गौरी राग, आरती ।

कहा लै पूजा भगत बढ़ावै ।
 जोग वस्तु कहांतै लै आवै ॥ टेक ॥
 छीरउदधि जलमेरु न्हुलावै ।
 सो गिरि नीर कहां हम पावै ॥ कहा० ॥ १ ॥
 समोसरनविधि सरव वनावै ।
 सो न बनै मुख क्या दिखलावै ॥ कहा० ॥ २ ॥
 जल फल स्वर्ग लोकतै ल्यावै ।
 सो हमपै नहिं कहा चढ़ावै ॥ कहा० ॥ ३ ॥
 नाचैं गावैं वीन वजावै ।
 सो न सकति किम पुन्य उपावै ॥ कहा० ॥ ४ ॥
 द्वादसांग सुत जो थुत गावै ।
 सो हम बुद्धि न कहा बतावै ॥ कहा० ॥ ५ ॥
 चार ग्यान धर गनधर गावै ।
 सो थिरता नहिं चपल कहावै ॥ कहा० ॥ ६ ॥

द्यानत प्रीतिसहित सिर नावैं ।
जनम जनम यह भक्ति कमावैं ॥ कहा० ॥ ६ ॥
वर्धमानकी आरती, राग गौरी० ।

करैं आरती वर्धमानकी ।
पावापुर निरवान थानकी ॥ टेक ॥
राग विना सब जग-जन तारे ।
दोष विना सब कर्म विडारे ॥ करौ० ॥ १ ॥
सील धुरंधर सिव-तिय-भोगी ।
मनवचकायन कहियै जोगी ॥ करौ० ॥ २ ॥
रत्नत्रयनिधि परिगह डारी ।
ग्यान-सुधा-भोजन ब्रत-धारी ॥ करौ० ॥ ३ ॥
लोकअलोकव्यापि निज माहीं ।
सुखमय इंद्री सुख दुख नाहीं ॥ करौ० ॥ ४ ॥
पंचकल्यानकपूज्य विरागी ।
विमल दिगंबर अंवरत्यागी ॥ करौ० ॥ ५ ॥
गुनमनिभूपन भूपन स्वामी ।
जगत उदास जगंतरजामी ॥ करौ० ॥ ६ ॥
कहै कहाँ लौं तुम सब जानौ ।
द्यानतकी अभिलाख प्रमानौ ॥ करौ० ॥ ७ ॥
बृषभनाथकी आरती ।

कहा ले आरती भगत करैं जी ।
तुम लायक नहिं हाथ परैं जी ॥ टेक ॥
छीर जलधिकौ नीर चढ़ायौ ।
कहा भयौ मैं भी जल लायौ ॥ कहा० ॥ १ ॥

उजल मुक्ताफलसौं पूजौ ।
हम पै तंदुल और न दूजौ ॥ कहा० ॥ २ ॥
कलपवृच्छ-फलफूल तुम्हारे ।
सेवक क्या ले भगति विथारे ॥ कहा० ॥ ३ ॥
तनसौं चंदन अगर न लागै ।
कौन सुगंध धरै तुम आगै ॥ कहा० ॥ ४ ॥
नख सम कोटि चंद रवि नाहीं ।
दीपक जोति कहो किह माहीं ॥ कहा० ॥ ५ ॥
ग्यानसुधाभोजन व्रतधारी ।
नेवज कहा करै संसारी ॥ कहा० ॥ ६ ॥
ध्यानत सकत समान चढ़ावै ।
कृपा तिहारीतै सुख पावै ॥ कहा० ॥ ७ ॥
परमात्माकी आरती ।

मंगल आरती आत्मराम ।
तन मंदिर मन उत्तम ठाम ॥ टेक ॥
सम रस जल चंदन आनंद ।
तंदुल तत्त्व-सरूप अमंद ॥ मं० ॥ १ ॥
समैसार फूलनकी माल ।
अनुभौ सुख नेवज भरि थाल ॥ मं० ॥ २ ॥
दीपक ग्यान ध्यानकी धूप ।
निर्मल भाव महा फलरूप ॥ मं० ॥ ३ ॥
सुगुन भविक जन इक रंग लीन ।
निहचै नौधा भगति प्रवीन ॥ मं० ॥ ४ ॥
धुनि उत्साह सु अनहद ग्यान ।
परमसमाधिनिरत परधान ॥ मं० ॥ ५ ॥

बाहज आतम भाव वहाव ।
 अंतर है परमात्म ध्याव ॥ मं० ॥ ६ ॥
 साहव सेवक भेद मिटाय ।
 द्यानत एकमेक हो जाय ॥ मंगल० ॥ ७ ॥
 मंगल आरती ।

मंगल आरती कीजै भोर, विघ्नहरन सुख करन किरोर ॥१
 अर्हत सिद्ध सूरि उवझाय, साध नाम जपियै सुखदाय ॥ मंगल०
 नेमिनाथ स्वामी गिरनार, वासुपूज्य चंपापुर धार ।
 पावापुर महावीर मुनीस, गिरिकैलास नमौ आदीस ॥२ मंगल०
 सिखर समेद जिनेसुर बीस, बंदौं सिद्धभूमि निसदीस ।
 प्रतिमा स्वर्ग मर्त्य पाताल, पूजौं कृत्य अकृत्य त्रिकाल ॥३ मंगल०
 पंचकल्यानक काल नमाम, परमौदारक तन गुनधाम ।
 केवल ग्यान आतमाराम, यह पटविध मंगल अभिराम ॥४ मंगल०
 मंगल तीर्थकर चौबीस, मंगल सीमंधर जिन बीस ।
 मंगल श्रीजिनवचन रसाल, मंगल रत्नत्रय गुनमाल ॥५ मंगल०
 मंगल दसलच्छन जिन धर्म, मंगल सोलैकारन पर्म ।
 मंगल बारै भावन सार, मंगल चार संघ परकार ॥६ मंगल० ॥७ ॥
 मंगल पूजा श्रीजिनराज, मंगल सात्र पहुँ हितकाज ।
 मंगल सतसंगति समुदाय, मंगल सामायिक मन लाय ॥८ मंगल०
 मंगल दान सील तप भाव, मंगल मुक्तवधूकौ चाव ।
 द्यानत मंगल आठौं जाम, मंगल महाभक्ति जिन स्वाम ॥९ मंगल०

इति आरतीदशक ।

दशावोल पञ्चीसी ।

मंगलाचरण, छप्पय ।

एक सरूप अभेद, दोय विधि विधि-निपेधमै ।
रत्नत्रै करि तीन, चार विधि दर्वादिकमै ॥
पंचम गति सुचि ठौर, आप पटकारक राजै ।
सातौं भैकरि भिन्न, आठ गुनसहित विराजै ॥
नव नो-कपाय दस बंध हरि, तास रूप हिरदै धरौं ।
पूजौं ध्याओं गाओं सदा, जिह तिह विधि भव जल तरौं ॥

एक बोलके चौबीस भेद ।

बंदौं वानी एक, एक ध्यानी अघनासक ।
एक दरव आकास, एक केवल सब भासत ॥
परमानू इक चलै, एक कालानू परसै,
एक समै निरअंस, एक तीर्थकर दरसै ॥
इक गुरु निरग्रंथ जिहाज सम, एक दया-मारग भला ।
इक समै जीव रिजुगति करै, एक आप अनुभौ कला ॥२॥
एक प्रान चौदहैं बंध, इक तेरम जिनवर ।
एक मेर मरजाद, एक मिथ्यात घातकर ॥
जघन देह इक समै, राजु चौदै अनु जावै ।
धर्म अधर्म विमान, एक वसि सिव पद पावै ॥
सृत ग्यान करम विन इक समै, जीव तत्त्व नौ परिनमै ।
इक नभ प्रदेस बहु देसकौ, ठौर देत जिनवचनमै ॥३॥

दो बोलके चौबीस भेद ।

नमौं दुविधि जिनराय, जीव निरजीव वखानै ।
सिद्ध और संसार भेद, त्रस थावर जानै ॥

कही प्रतेक निगोद, नित्त ईतर साधारन ।
 सूच्छम थूल बखान, पंचइंद्री मन विन मन ॥
 आगम अध्यातम कथन सुन, सुपर भेदकौं परनए ।
 थिरकंलप ल्यागि जिन कलप धरि, केवल ग्यान दरस भए
 बंदौं बंदसरूप, साध स्नावग सुखदायक ।

नित्त अनित्त प्रवान, गुनी गुन सबके ग्यायक ॥
 पुन्य पाप परकासि, तास फल सुख दुख भाखै ।
 रूप अरूप निहार, दोय परिगह नहिं राखै ॥
 दो भेद ग्यान वरनन करै, दरव भावसौं पूजियै ।
 निहचै व्यौहार सँभार मन, दोय दयामय हूजियै ॥५॥
 तीन बोलके चौबीस भेद ।

तीन साध आराध, वचन मन काय लायकर ।
 तीन पात्र सरधान, तीन विध आतम मन धर ॥
 तीन लोककौं जान, काल तीनौं अवधारौ ।
 संख असंख अनंत, दरव गुन परज विचारौ ॥
 संसे-विमोह-विभ्रमरहित, ध्यान ध्येय ध्याता मुनौ ।
 करतार करम किरिया समझि, ग्यान ग्येय ग्याता सुनौ ॥
 सामायिक तिहुँ बार, तीन सब सळ नसाऊं ।
 तीनौं दरसन मोह, जनम मृत जरा मिटाऊं ॥
 तजि तीनौं अग्यान, तीन समकित मन आनौं ।
 तीन समै अनहार, देवगुरुर्धर्म प्रवानौं ॥
 लखि भाव पारनामी त्रिविध, तीन करमसौं भिन्न है ।
 तजि राग दोष अरु मोहकौं, तीन चेतना चिन्न है ॥७

चार बोलके चौबीस भेद ।

चतुरानन भगवान, दान विध च्यारि व्रतावै ।
 च्यारि अराधन धारि, च्यारि अरथनिकौं पावै ॥
 च्यारि संघ आराधि, च्यारि विध वेद वखानै ।
 नमै च्यारि विध देव, च्यारि निच्छेषै जानै ॥
 बहु धाति करम चकचूर करि, जरि संगया चारौं गई ।
 चहु ध्यान वखान विधानसौं, च्यारि भावना मन भई ॥
 सहित अनंत चतुष्ट, च्यारि चौकरी विनासी ।
 च्यारि कषाय जलाय, च्यारि विकथा नहिं भासी ॥
 प्रान च्यारि परकार, च्यारि दरसन परगासक ।
 पुगलके गुन च्यारि, नारि चहु सील विनासक ॥
 सहि च्यारि जात उपर्सर्गकौं, च्यारि भेद मन वस किया ।
 तिन वंध च्यारि परकार हरि, चहु गतिकौं पानी दिया ॥

पांच बोलके चौबीस भेद ।

नमौं पंच पद सार, पंच इंद्री वस कीजै ।
 पंच लवधिकौं पाय, पंच स्वाध्याय पढ़ीजै ॥
 चारित पंच विचारि, पंच परमाद विसारौ ।
 अंतराय विध पांच, पांच मिथ्यात निवारौ ॥
 पांचौं सरीर ममता तजौ, नीद पांच नहिं कीजियै ।
 धरि पंच महाब्रत भावसौं, पंच समिति चित दीजियै ॥
 सिद्ध पंच ही भाव, पांच पैताले जानौ ।
 पंचाचार विचार, पंच सिवकारन मानौ ॥

पंच जोतिषी देव, पंच गोले साधारन ।

पढ़ पंचासैतिकाय, मूलके भाव पंच गन ॥

भव पंच परावरतनि निकलि, पंच नरक दुखसौं डरौ ।
वहु भेद पंच थावर समझि, पंच कल्यानकपद धरौ ॥१

छह बोलके चौबीस भेद ।

नमौं छमतमैं सार, दर्व पट भेद प्रकासक ।

वाहज तप पट भेद, भाव तप पट दुखनासक ॥

पट अनायतन तजौ, हानि पट वृद्धि अगुरु लघु ।

पुगलकै पट भेद, क्रिया पट गेह माहिं अघ ॥

पट नरक जाय नारी कुमति, पट विध समकित वरनयौ ।

पूजादि कर्म पट पापहर, पडावसिकसौं सुख भयौ ॥१२॥

पट मंगल वंदामि, छहौं परजापति जानौ ।

पट सैना चक्रेस, संधनन पट परवानौ ॥

संसथान पट जान, छविधि परजै नै धारौ ।

छहौं काल परवान, काय पट दया विचारौ ॥

जिय मरन वेर पट दिसि चलै, पट लेस्या जो धारि है ।

पट अवधि ग्यानके भेद पट, विध निहचै व्यौहार है ॥१३

सात बोलके चौबीस भेद ।

सात नरक भयकार, व्यसन सातौं तज भाई ।

सात खेत धन खराचि, प्रकृति सातौं दुखदाई ॥

सक्र सात विध सैन, रतन सब सात कृष्ण घर ।

सात अचेतन रतन, सात चेतन चक्रेसर ॥

१ स्कंध-अंडर-आवास-पुलवि-देह गौलाकार पांच साधारण हैं । २ पांच आस्तिकाय ।

लखि सात धातमय तन असुचि, मौन सात विध धारकै ।
 दाता गुन सातौं सात विध, अंतरायकौं टारकै ॥१४॥
 सात भंग सरधान, जान तन जोग सात हैं ।
 समुद्रघात हैं सात, सात संज्ञम विख्यात हैं ॥
 तीन जोग विध सात, सात तन मैल वखानैं ।
 सात स्वरनके भेद, सीलब्रत सातौं जानैं ॥
 निज नाम सात सातौं उदधि, यहां सात ही खेत हैं ।
 प्रभु नाम ईति सातौं टलैं, सात तत्त्व सिवहेत हैं ॥१५॥

आठ बोलके चौबीस भेद ।

आठ मूलगुन पाल, आठ मद तजौं सयानैं ।
 सम्यक आठौं अंग, ग्यानके आठ वखानैं ॥
 आँठ ठौर न निगोद, आठ गुन सुरगन छाजैं ।
 आठ जुगलके देव, आठ विध व्यंतर राजैं ॥
 पूजियै आठ विध देव जिन, आठौं अंग नवाइयै ।
 देहरे आठ मंगल दरव, आठ पहर लौं लाइयै ॥१६॥
 आठौं प्रवचन धार, जोगके आठ अंग हैं ।
 आठ रिद्धि दातार, फरसके आठ भंग हैं ॥
 आठ समै दंडादि, आठ उपमान वखानैं ।
 आठ भेद सत आदि, आठ लौकांतिक जानैं ॥
 अंगुल उत्तमभुव रोम वसु, आठ प्रातहारज भले ।
 सब आठ ध्यान-पावकविषैं, काठ करम आठौं जले ॥१७॥

नव बोलके चौबीस भेद ।

नवौं पदारथ धार, दरसनावरनी नौ विधि ।
 नौ नै नैगम आदि, चक्रधारीकै नौ निधि ॥

१ पृथ्वी, जल, तेज, वायु, केवलीका शरीर, तथा आहारक ये छह और
 देव नारकीके शरीर, इन आठ स्थानोंमें निगोदजीव नहीं होते हैं ।

नौ नारायण जानि, मानि नौ हैं वलभद्र ।
 प्रतिनारायण नवौं, नवौं नारद हरि हितकर ॥
 नौ नै गुन परजै दरवकी, आव वंध नौ बार है ।
 नौ गुनथानकके भेद नौ, समकित नौ परकार है ॥ १८ ॥
 छायक गुन नौ नमौं, सील नौ बारि संभारौ ।
 प्रायश्चित नौ भेद, सांत रस नौमैं धारौ ॥
 नौ ग्रैवक उर धार, नौ नउत्तरे भरे बुध ।
 जोनि-भेद नौ जान, मान मंगल नौ पद सुध ॥
 नौ गुनथानक नव कोरि मुनि, नौ गुरु अच्छर अंक सव ।
 नौ दानतनी विध जानकै, नौधा भगति विना गरव ॥ १९
 दश बोलके चौबीस भेद ।

पूजौं दस अवतार, जनम दस गुन जिन साहब ।
 धाति धाति दस सुगुन, दसौं समकित भाखे सव ॥
 इंद्र आदि दस भेद, भवनवासी दस जानै ।
 पुगल दस परजाय, सूत्र दस भेद बखानै ॥
 दस दोपरहित आलोचना, काम कुचेष्टा दस तजै ।
 भुव आदि जीवके भेद दस, वैयावृत्त दस विध भजै ॥ २०
 दसौं दिसा मन रोकि, प्रान दस भिन्न चेतना ।
 दरवतने दस भेद, संग दस साथ लेत ना ॥
 दस विध हैं दिगपाल, निरजरा दस विध जानी ।
 दसौं विसेख सुभाव, अंक दस सिवपदवानी ॥
 दस विध कुदान फल नरक दुख, दस सामानिक गुन दरव
 सुभ समोसरनमैं दस धुजा, धरमध्यान दस विध सरव ॥

पट्ट नय ।

असत कथन उपचार, जीवकौं जन धन जानौ ।
 असत विना उपचार, काय आत्मकौं मानौ ॥

सांच कथन उपचार, हंसकौं राग विचारौ ।

सांच विना उपचार, ग्यान चेतनकौं धारौ ॥

निहचैं असुद्ध नर भेदनै, रागसरूपी आतमा ।

आदेय सुद्ध निहचैं समझि, ग्यानरूप परमातमा ॥२२॥

व्यवहार और निथय नयसे द्रव्य कर्म, भाव कर्म, शुद्ध भावका कर्ता कौन है ?

दरव करमकौं करै, जीव व्यौहार वतावै ।

दरव करम पुद्धलसरूप, निहचै नै गावै ॥

भाव करम करतार, धार व्यौहार सु पुद्धल ।

भाव करम आतमारूप, निहचै नैकौं वल ॥

दोनौं असुद्ध जिय मोहमैं, पुगल खंध लगावना ।

अनुभवौ सुद्ध पुद्धल अनू, जीव ग्यानमय भावना ॥२३

शिक्षारूप थद्वान ।

न रचौ विपयनि माहिं, करौ परचौ इनमैं नर ।

खरचौ दरव सुखेत, सदा अरचौ श्रीजिनवर ॥

चरचौ वारंवार, अतरचौ (?) मन सुखदायक ।

पुद्धल धर्म अधर्म, व्योम जम जड़ जी ग्यायक ॥

सब अकृत अनादि अजर अमर, गुन परजाय दरवर्मई ।

प्रतिभासै केवल आरसी, माहिं मोहि सरधा भई ॥२४॥

कविकृत लघुता ।

वृषभसैन गुनसैन, गोतम नरोत्तम गनधर ।

सकल पाय सिर नाय, पुन्य उपजाय बुद्धि वर ॥

कहे कवित हितकार, सार जहां हीन अधिक अति ।

छमा वरौ सुख करौ, दोप मति धरौ विपुलमति ॥

यह शब्द ब्रह्म वारिधि लहर, गनत पार को पाय है ।

ग्यानत ग्यानी आतम मगन, यह पुद्धल-परजाय है ॥२५

इति दश-बोल-पचीसी ।

जिनगुणमालसंस्मी ।

अशोकपुष्पमंजरी (एक गुरु एक लघुके क्रमसे ३१ वर्णे)

मान थंभ देख औ सरोवरी भरी विसेख,
खातका गभीर पेख पुष्प वारि राज हीं ।
रूपकोट नाटसाल भाग दो बनै विसाल,
वेदिका धुजा सताल माल आदि छाजहीं ॥
हेमकोट कल्पवृच्छ वाग सोहने प्रतच्छ,
रत्नपुंज धाम आवली मनोग गाजहीं ।
बज्र कोट चार पौल वार कोट सोल भीत,
बीच वेदिका त्रिपीठ संभुजी विराजहीं ॥ १ ॥

जन्मके दश गुण । सवैया इकतीसा ।

बल तौ अतुल वीर स्मकौ न होय नीर,
हितमित वानी सब प्रानीकौं सुहावनी ।
आदि संसथान है गभीर संहनन धीर,
रूपकी सोभा अनूप सबकौं रिङ्गावनी ॥
सहस आठ लच्छन सरीर लोहू है खीर,
देहकी सुगंध और गंधकौं लजावनी ।
मलकौ न लेस लीयै उपजै दसौं जिनेस,
मेर करै न्हैन सो सुरेस भक्त भावनी ॥ २ ॥

धातिया कर्मोंके नाशसे दश गुण ।

जोजन सौ सौ सुभिच्छ व्योम चलैं अंतरिच्छ,
चारौं मुख चारौं दिस सब विद्यापत हैं ।
जीवकौ न वध होय उपसर्ग नाहीं कोय,
कौलाहार लेत नाहिं ग्यानसुधा-रत हैं ॥

निर्मल सरूप माहिं तनकी न परै छाहिं,
नख केस चढ़ैं नाहिं आंख ना लगत हैं ।
घातिया करम नासि दसौं गुन परगास,
जिनकी भगत कीयैं पाप-भै भगत हैं ॥ ३ ॥

देवोकृत चौदह गुण ।

अरध मागधी भापा सबै रितु फल फूल,
सिंह स्याल प्रीति रीति आरसी अवनि है ।
पौन बुहारे मेघ जल कन सुगंध झारे,
पाय तलैं कंज धारे आनंद सवनि है ॥
निर्मल गगन और दसौं दिसा उज्जल हैं,
फलैं खेत सोभै भूमि धर्म चक्र मनि है ।
आठौं मंगलीक सार सुर करैं जैजैकार,
चौदै अतिसय तेरैं देवकृत धनि है ॥ ४ ॥

आठ प्रातिहार्य ।

फूल सनमुख वरखत मानौं वंदनिकौं,
देव दुंदुभीके वाजैं भाजैं पापभार जी ।
सिंधासन तीनसेती तीनलोकसाहव हौ,
तीन छत्र कहैं रतनत्रय दातारजी ॥
जानौं अच्छर सुपेद चौसठि चमर ढुरैं,
औ कहा असोक वृच्छ हू असोक धारजी ।
भामंडल आरसी है वानी सुधा-धारसी है,
नमौं आठ प्रातिहारजके सिरदारजी ॥ ५ ॥

अनंतचतुष्य ।

लोकालोक दर्व गुन परजाय तिहं काल,
टांकी ज्यौं उकेर राखै ग्यानमैं प्रकास है ।

चंद भान असंख्याततैं अनंतगुनी जोति,
 सोज नाहिं लगै ऐसैं दर्सनकी रास है ॥
 निरावाध सास्वतौ अनाकुल अनंत सुख,
 अंस हूँ न लोकमाहिं इंद्री सुखभास है ।
 सत इंद्रसेती जोर बलकौ नहीं है ओर,
 अनंतचतुष्टै नाथ चंदौं अघ नास है ॥ ६ ॥

छियालीस गुणवर्णन ।

दसौं जनमत सार दसौं धात धात कर,
 चौदै सुरकृत प्रातिहारज आठौं गहे ।
 अनंतचतुष्टै कहिवतकौं छियालीस हैं,
 गुन हैं अनंत तेरे ग्यानी ग्यानमैं लहे ॥
 तारनकौं मान मेघ धारके प्रवानं और,
 संभूरमनि-लहर तातैं अधिके कहे ।
 कौन भाँति भाखे जाहिं थिरता औ बुद्धि नाहिं,
 व्यानत सेवकने न्यारे न्यारे सरदहे ॥ ७ ॥

इति जिनगुनमालसप्तमी ।



समाधिमरण ।

जोगीरासा ।

गौतम स्वामी बंदौं नामी, मरनसमाधि भला है ।
 मैं कव पाऊं निसदिन ध्याऊं, गाऊं वचन कला है ॥

देवधरम गुरु प्रीति महा दिढ़, सात विसन नहिं जानै ।
 तजि वाईस अभच्छ संयमी, वारह व्रत नित ठानै ॥ १ ॥

चक्की उखरी चूल बुहारी, पानी त्रस न विराधै ।
 बनिज करै परद्रव्य हरै नहिं, कर्म छहौं इम साधै ॥

पूजा सात्र गुरुकी सेवा, संजम तप वहु दानी ।
 पर उपगारी अल्प अहारी, सामायिकविधग्यानी ॥ २ ॥

जाप जपै तिहुं जोग धरै थिर, तनकी ममता टारै ।
 अंतसमै वैराग सँभारै, ध्यानसमाधि विचारै ॥

आग लगै अरु नाव जु छूवै, धर्मविघ्न जब आवै ।
 चार प्रकार अहार त्यागिकै, मंत्रसु मनमै ध्यावै ॥ ३ ॥

रोग असाध्य जरा वहु दीखै, कारन और निहारै ।
 बात बड़ी है जो बनि आवै, भार भवनकौ डारै ॥

जो न बनै तौ घरमै रहिकै, सबसौं होइ निराला ।
 मात पिता सुत तियकौं सोंपै, निज परिगह अहि काला ॥ ४ ॥

कुछ चैत्यालै कुछ स्नावक जन, कुछ दुखिया धन देई ।
 छिमा छिमा सबसौं करि आछै, मनकी सल्य हनेई ॥

सत्रुनिसौं मिलि निज कर जोरै, मैं वहु करी बुराई ।
 तुमसे पीतमकौं दुख दीनै, ते सब बकसौ भाई ॥ ५ ॥

धन धरती जो मुखतै मांगै, सो सब दे संतोखै ।
 छहौं कायके प्रानी ऊपर, करुना भाव विसेखै ॥

नीचैं घर बैठे इक जागै, कुछ भोजन कुछ पै लै ।
 दूधाधारी क्रमक्रम तजिकैं, छाछि अहार पहै लै (?) ॥६॥
 छाछि त्यागिकैं पानी राखै, पानी तजि संथारा ।
 भूमिमाहिं थिर आसन मांडै, साधरमी ढिग प्यारा ॥
 जब तुम जानौ यह न जपै है, तब जिनवानी कहियौ ।
 यौं कहि मौन लियौ सन्यासी, पंच परमपद गहियौ ॥७॥
 च्यारौं आराधन मन ध्यावै, वारै भावन भावै ।
 दस लच्छन मुनिधर्म विचारै, रत्नत्रय मन लावै ॥
 पैतिस सोलै पट पन चारौं, दो इक वरन विचारै ।
 काया तेरी दुखकी ढेरी, ग्यानमई तू सारै ॥८॥
 अजर अमर निज गुनगन पूरौ, परमानंद सुभावै ।
 आनन्दकंद चिदानन्द साहब, तीन जगतपति ध्यावै ।
 छुधा तृपादिक हाँहिं परीपह, सहै भाव सम राखै ।
 अतीचार पांचौं सब त्यागै, ग्यानसुधारस चाखै ॥९॥
 हाड़ चाम रहि सूकि जाय सब, धरमलीन तन त्यागै ।
 अदभुत पुंन उपाय सुरगमै, सेज उठै ज्यौं जागै ॥
 तहाँसौं आवै सिवपद पावै, विलसै सुक्ख अनंता ।
 व्यानत यह गति होहि हमारी, जैनधर्म जैवंता ॥१०॥

इति समाधिमरण ।

आलोचनापाठ ।

प्रथम नमौं अरहंतानं, दुतिय नमौं सिद्धानं जी ।
 त्रितिय नमौं आइरियानं, नमौं उवज्ञायानं जी ॥
 चंच नमौं लोए सब्ब, साहूनं गुन भाऊं जी ।
 चारौं मंगल अरहंत, सिद्ध साधु धर्म ध्याऊं जी ॥ १ ॥
 चारौं उत्तम लोकमैं, जिन सिद्ध साधु सुधर्म जी ।
 चारौं सरन गहौ जिनवर, सिद्ध साध धर्म पर्म जी ॥
 वृषभ चंदप्रभ सांतजिनं, वर्धमान मन वंदौं जी ।
 हुई होहिंगी चौवीसी, सब नमि पाप निकंदौं जी ॥ २ ॥
 श्रीजिनवचन सुहावने, स्याद्वाद अविरुद्धं जी ।
 तीन भवनमैं दीपक वंदौं, त्रिकरण सुद्धं जी ॥
 प्रतिमा श्रीभगवंतकी, स्वर्ग मर्त्य पातालं जी ।
 कृत्य अकृत्य दुभेदसौं, वंदन करौं त्रिकालं जी ॥ ३ ॥
 पूरव पाप जु मैं कियौं, कृत कारन अनुमोदं जी ।
 मन वच काय त्रिभेदसौं, सब मिथ्या होदं (?) जी ॥
 आगैं पाप जु होयगौ, उनंचास विध नासौं जी ।
 वर्तमान अघ छै करौं, तुम आगैं परकासौं जी ॥ ४ ॥
 सर्व जीवसौं मित्रता, गुनी देखि हरखाऊं जी ।
 दीन दया सठसौं समता, चारौं भावन भाऊं जी ।
 प्रभु पूजूं जुग भेदसौं, गुरुपदपंकज सेजं जी ।
 आगम अभ्यासौं सदा, रतनत्रै नित बेझं जी ॥ ५ ॥
 अच्छर मात्र अरथ अनमिल, भूलि कह्यौ सु खिमाऊं जी ।
 ग्रात दोपहर सांझकौं, अर्ध रात्रमैं भाऊं जी ॥
 व्यानत दीनदयालनौ, भौ भौ भगति सु दीजै जी ।
 अंत समाधिमरन करौं, राग विरोध हरीजै जी ॥ ६ ॥

इति आलोचनापाठ ।

एकीभावस्तोत्रभाषा ।

दोहा ।

वंदौं श्रीजिनराजपद, रिद्धिसिद्धिदातार ।

विघनहरन मंगलकरन, दारिद् दलन अपार ॥

चौपाई ।

मिथ्याभावकरमवैध भयौ, दुरनिवार भव भव दुख दयौ ।
 सो सब नास भगति तैं होय, रहै न प्रभु दुखकारन कोय ॥१॥
 ग्यान जोत अघतमछयकार, अघट प्रकासि कहैं गनधार ।
 मो मन-भवन वसै तुव नाम, तहां न भरम तिमिरकौ काम २
 पूजा गदगद वच मन काय, करौं हृषि-जल वदन न्हुवाय ।
 विषयव्याल चिरकाल अपार, भाजैं तज तन वंवैङ द्वार ३
 प्रथम कनकमय भू सब करौ, भविक भाग सुरतैं अवतरौ ।
 चित-गृह ध्यान-द्वार तुम आय, करौ हेम तन चित्र न काय ४
 बिन स्वारथ सब जग सुखदाय, जानौ सर्व दर्व परजाय ।
 भगति रची चित-सज्या मोहि, तुम वस दुख-गन कैसे होहिए ५
 भम्यौ जगत वनमैं चिरकाल, उपज्यौ खेद अगनि विकराल ।
 तुम नय-सुधा-सीत-वावरी, पुन्य उदै लहि सब तप हरी ॥६॥
 गमन प्रभाव कमल हैं देव, परमल श्रीजुत कनक अभेव ।
 मो मन परसै तुम सब काय, क्यौं न मिलै मुझ सब सुख आया ।
 विधि वन तजि सिवसुख घर कियौ, मदन-मानछिनमैं हर लियौ ७
 पीत-पात्र वच सुधा पिवंत, विषे रोगरिपु-त्रास हनंत ॥८॥
 तुम छिग मानसथंभ जु रहै, रतनरासि वहु सोभा लहै ।
 देखत मान रोग छ्य होय, जद्यपि है पाहनमय सोय ९

१ श्रीवादिराजसूरिके संस्कृत एकीभावस्तोत्रका भावानुवाद । २ वमीठ-
 सर्पका विल । ३ वावडी-वापी ।

तुम मूरति-गिरि सपरस वायै, लगैं कर्मरजपुंज पलाय ।
 ध्यान तोहि उर कमल मझार, होइ परम पद जग निस्तार १०
 भव भव पायौ दुःख अपार, यादि करत लागै असि-धार ।
 तुम सब जान प्रधान कृपाल, करी भगति अब होहु दयाल ११
 पापी स्वान अंतकी वार, लह्यौ स्वर्ग-सुख सुनि नौकार ।
 जपैं अमल मन तुम भगवान, अचरज कहा वरैं सिवथान ॥
 तुम प्रभु सुद्ध ग्यान-दगवंत, ताली-भगति विना जो संत ।
 मोह जरे हृषि मोख-किवार, खोल सकै न लहै सुख सार ॥१३॥
 मुकति-पंथ अघ तम वहु भख्यौ, गढ़े कलेस विषम विसतख्यौ ।
 सुखसौं सिवपद पहुंचै कोय? जो तुम वच मन दीप न होय ।
 कर्म धरा आतम निधि भूरि, दवी केवी पावै नहिं कूर ।
 भगति कुदाल खोद लैं संत, विलसैं परमानंद तुरंत ॥१५॥
 स्यादवाद हिमगिरिसौं चली, तुम पद परसि उदधि सिव रली ।
 भगति गंगमैं मो मन न्हाय, क्यौं न पाप मल कलुप तजाय १६
 परमात्म थिरपद सुखमई, मैं सदोप तुम सम बुध ठई ।
 यदपि असत यह ध्यान तुम्हार, तदपि सुवांछित फलदातार
 वचन उदधि सब जग विसतख्यौ, स्याद लहरि मिथ्यामल हख्यौ ।
 थिर मन द्वादसांगमैं धरै, ग्यान सुधा पी जम-भय हरै १८
 भूपन वसन कुसुम असि गहैं, सोभा रंचक देव न लहैं ।
 तुम निपरिग्रह अभै मनोग, कौन काज भूपन असि जोग १९
 तुम सोभा नहिं इंद्र जु नयौ, एकाअवतारी सो भयौ ।
 लोकनाथ भौ-वारिधि पोत, मुकति-कंत इह विध थुति होत ॥

ए शुतिवचन सु पुदगलरूप, नहिं व्यापै तुम गुन चिक्षुप ।
 तद्यपि भगति सुधा जो गहै, मनवांछित फल सुरतरु लहै ॥२२
 राग दोष विन परम उदास, चाहरहित अरु सब जग दास ।
 भुवनतिलक तुम ढिग रिपु नसै, यह प्रभुता कहिं आन न लसै ॥
 जस गावै सुरनारि अपार, ग्यानरूप ग्यायक संसार ।
 द्वादसांग पढ़ि मोह न रहै, थुति करि सुगमपंथ सिव लहै ॥२३
 अनंतचतुष्टयरूप निहाल, ध्यावै मन रुचि सहित त्रिकाल ।
 पुन्यवान सुभ मारग होइ, तीर्थकर पद विलसै सोइ ॥२४॥
 इंद्र सेव करि पार न लहै, गनधरादि सब गुन नहिं कहै ।
 हम भति तनक कियौ कछु एहु, भगतनि सिव सुरतरु सम देहु
 दोहा ।

सबद काव्य हित तर्कमैं, वादिराज सिरताज ।

एकीभाव प्रगट कियौ, व्यानत भगति जहाज ॥ २६ ॥

इति एकीभावस्तोत्र ।

राजमल जैन

बी. ए. बी. टी.



स्वयंभूस्तोत्र ।

वौपदे ।

राजविषें जुगलन सुख किया, राजत्याज भवि सिवपद दिया ।
 स्वयंबोध स्वंभू भगवान्, वंदौं आदिनाथ गुनखान ॥१॥

इंद्र छीरसागर जल लाय, मेर न्हुलाए गाय बजाय ।
 भद्रनविनासक सुखकरतार, वंदौं अजित अजितपदधार २
 सुकल ध्यान करि करम विनास, धाति अघाति सकल दुखरास
 लह्यौ मुक्तिपद सुख अविकार, वंदौं संभव भवदुखटार ३
 माता पच्छिम रैन मझार, सुपनै सोलै देखे सार ।

भूप पूछि फल सुन हरखाय, वंदौं अभिनन्दन मन लाय ४
 सब कुवादवादी सिरदार, जीते स्यादवाद धुनि धार ।
 जैनधरमपरकासक स्वाम, सुमतिदेव पद करौं प्रनाम ५
 गरभ अगाऊ धनपति आय, करी नगरसोभा अधिकाय ।
 वरखे रतन पंदरै मास, नमौं पदमप्रभु सुखकी रास ॥६॥

इंद्र फनिंद्र नरिंद्र त्रिकाल, वानी सुनि सुनि हौंहि खुस्याल ।
 वारै सभा ग्यानदातार, नमौं सुपारसनाथ निहार ॥७॥

सुगुन छियालिस हैं तुम माहिं, दोष अठारै कोऊ नाहिं ।
 मोह महातमनासक दीप, नमौं चंदप्रभु राख समीप ॥८॥

वारै विध तप करम विनास, तेरै भेद चरित परकास ।
 निज अनिच्छ भवि इच्छकदान, वंदौं पहुपदंत मन आन ९

भवि सुखदाय सुरगतैं आय, दसविध धर्म कह्यौ जिनराय ।
 आप समान सबनि सुख देह, वंदौं सीतल धरि मन नेह १०

समता सुधा कोपविषनास, द्वादसांग वानी परकास ।
 चारि संघ आनेंददातार, नमौं स्त्रिअंस जिनेसुरसार ११

रतनत्रय सिर मुकुट विसाल, सोभै कंठ सुगुनमनिमाल ।
 मुक्त-नारि-भरता भगवान्, वासुपूज्य वंदौं धरि ध्यान १२

परम समाधिसरूप जिनेस, ग्यानी ध्यानी हितउपदेस ।
 करम नास सिवसुख विलसंत, वंदौं विमलनाथ भगवंत २३
 अंतर बाहर परिगह डार, परम दिगंबर ब्रतकौं धार ।
 सरव जीव हित राह दिखाय, नमौं अनन्त वचन मन काय ।
 सात तत्त्व पंचासति काय, अरथ नवौं छ दरव वहु भाय ।
 लोक अलोक सकल परकास, वंदौं धर्मनाथ अघनास २५
 पंचम चक्रवाच्चि निधि भोग, कामदेव द्वादसम मनोग ।
 सांतिकरन सोलम जिनराय, सांतिनाथ वंदौं हरखाय २६
 वहु थुति करै हरख नहिं होय, निंदैं दोप गहैं नहिं सोय ।
 सीलवान परब्रह्मस्वरूप, वंदौं कुंयुनाथ सिवभूप ॥ २७ ॥
 वारै गन पूजैं सुखदाय, थुति वंदना करै अधिकाय ।
 जाकी निज थुति कवहु न होय, वंदौं अर जिनवर पद दोय ।
 परभौ रतनत्रै अनुराग, इस भौ व्याह समै वैराग ।
 वाल ब्रह्म पूरनब्रतधार, वंदौं मल्लिनाथ जितमार ॥ २९ ॥
 विन उपदेस स्वयं वैराग, थुति लौकांत करैं पग लाग ।
 'नमः सिद्ध' कहि सब ब्रत लैहिं, वंदौं मुनिसुव्रत ब्रत दैहिं २०
 स्थावक विद्यावंत निहार, भगतिभावसौं दियौं अहार ।
 वरखै रतनरासि ततकाल, वंदौं नमि प्रभु दीनदयाल २१
 सब जीवनके वंदी छोर, राग दोप दो वंधन तोर ।
 रजमति तजि सिव तियकौं मिले, नेमिनाथ वंदौं सुखनिले ।
 दैत्य कियौं उपसर्ग अपार, ध्यान देखि आयौं फनिधार ।
 गयौं कमठ सठ मुख करि स्याम, नमौं मेरु सम पारसस्वाम ।
 भौसागरतैं जीव अपार, धरमपोतमैं धरे निहार ।
 झूबत काढे दया विचार, वरधमान वंदौं वहु वार ॥ २४ ॥
 चौबीसौं पदकमलजुग, वंदौं मन वच काय ।
 द्यानत पढ़े सुनै सदा, सो प्रभु क्यौं न सुहाय ॥ २५ ॥
 इति स्वयंभूलोत्र ।

पार्वनाथस्तवन ।

भुजगप्रयात ।

नरिंदं फनिंदं सुरिंदं अधीसं ।
 सतिंदं सुपूजैँ भजैँ नाइ सीसं ॥
 मुनिंद्रं गनिंद्रं नमैँ जोरि हाथं ।
 नमौ देवदेवं सदा पार्सनाथं ॥ १ ॥
 गजेंद्रं मृगेंद्रं गद्यौ तू छुटावै ।
 महा आगतै नागतै तू बचावै ॥
 महानीरतै जुद्धतै तू जितावै ।
 महारोगतै वंधतै तू खुलावै ॥ २ ॥
 दुखी दुःखहर्ता सुखी सुःखकर्ता ।
 सवै सेवकोंकौं महानंदभर्ता ॥
 हरै जच्छ राच्छस्स भूतं पिसाचं ।
 विषं डाकिनी विघ्नके भै अवाचं ॥ ३ ॥
 दरिद्रीनिकौं तै भले दान दीनै ।
 अपुत्रीनिकौं तै भले पुत्र कीनै ॥
 महा संकटोंतै निकालै विधाता ।
 सवै संपदा सर्वकौं देह दाता ॥ ४ ॥
 महा चोरकौ वज्रकौ भै निवारै ।
 महा पौनके पुंजतै तू उवारै ॥
 महा क्रोधकी आगकौ मेघधारा ।
 महालोभ सैलेसहीं वज्र भारा ॥ ५ ॥
 महा मोह अंधेरकौ न्यान भानं ।
 महा कर्म-कांतारकौ दौ प्रधानं ॥

किये नाग नागी अधोलोकस्वामी ।
 हस्यौ मान तैं दैत्यकौ है अकामी ॥ ६ ॥
 तुही कल्पवृच्छं तुही कामधेनं ।
 तुही दिव्य चिंतामनिं नास ऐनं ॥
 पसू नर्कके दुःखसेती छुड़ावै ।
 महा स्वर्गमैं मोच्छमैं तू वसावै ॥ ७ ॥
 करै लोहकौं हेम पाखान नामी ।
 रटै नाम सो क्यौं न हो मोखगामी ॥
 करै सेव ताकी करै देव सेवा ।
 सुनै वैन सो ही लहै ध्यान मेवा ॥ ८ ॥
 जपै जाप ताकौं कहा पाप लागै ।
 धरै ध्यान ताके सबै दोष भागै ॥
 विना तोहि जानै धरे भौ धनेरे ।
 तिहारी कृपातैं सरे काज मेरे ॥ ९ ॥

सोरठा ।

गनधर इंद्र न करि सकैं, तुम विनती भगवान ।
 धानत प्रीत निहारिकैं, कीजै आप समान ॥ १० ॥

इति पार्थनाथस्तोत्र ।



तिथिपोड़शी ।

दोहा ।

वानी एक नमौं सदा, एक दरव आकास ।

एक धरम अधरम दरव, पड़िवा सुज्ज प्रकास ॥ १ ॥

चौपई ।

दोज दुभेद सिज्ज संसार, संसारी त्रस थावर धार ।

सु-पर-दया दोनौं मन धरौं, राग दोप तजि समता करौ॥२

तीज त्रिपात्र दान नित भजौं, तीन काल सामायिक सजौं ।

वै उतपात ध्रौव्य पद साध, मन वच तन थिर होय समाध॥३

चौथ चार विध ध्यान विचार, चाह्यौं आराधना सँभार ।

मैत्री आदि भावना चार, चार वंधसौं भिन्न निहार ॥ ४ ॥

पांच पंच लवधि लहि जीव, भज परमेष्ठी पंच सदीव ।

पांच भेद स्वाध्याय वखान, पांचौं पैताले पहचान ॥ ५ ॥

छट छै लेस्याके परनाम, पूजा आदि करौ पट काम ।

पुगलके जानौं पट भेद, छहौं काल लखिकैं सुख वेद ॥ ६ ॥

सातैं सात नरकतै डरौं, सात खेत धन जलसौं भरौं ।

सातौं नय समझौं गुनवंत, सात तत्त्व सरधा करि संत ॥७॥

आठैं आठ दरसके अंग, ग्यान आठ विध गहौं अभंग ।

आठ भेद पूजौं जिनराय, आठ जोग कीजै मन लाय ॥ ८ ॥

नौमी सील-वाडि नौ पाल, प्रायश्चित नौ भेद सँभाल ।

नौ छायिक गुन मनमै राख, नो कपायकी तजि अभिलाख ॥

दसमी दस पुगल परजाय, दसौं वंध हर चेतनराय ।

जनमत दस अतिसै जिनराज, दस विध परिगहसौं क्या काज

ग्यारसि ग्यारै भाव समाज, सब अहमिंद्र ग्यारै राज ।

ग्यार जोग सुरलोक मझार, ग्यारै अंग पढँ मुनि सार ॥१

वारसि वारै विध उपजोग, वारै प्रकृति दोपकी रोग ।
 वारै चक्रवर्ति लखि लेहु, वारै अन्नतकौं तजि देहु ॥ १२ ॥
 तेरसि तेरै स्नावक थान, तेरै भेद मनुज पहचान ।
 तेरै रागप्रकृति सब निंद, तेरै भाव अजोगि-जिनंद ॥ १३ ॥
 चौदस चौदै पूरव जान, चौदै वाहिज अंग वखान ।
 चौदै अंतर परिगह डार, चौदै जीवसमास विचार ॥ १४ ॥
 मावस सम पंद्रे परमाद, करम भूमि पंदरै अनाद ।
 पंच सरीर पंदरै रूप, पंदरै प्रकृति हरै मुनिभूप ॥ १५ ॥
 पूरनमासी सोलै ध्यान, सोलै स्वर्ग कहे भगवान ।
 सोलै कपाय राह घटाय, सोल कला सम भावनि भाय ॥ १६ ॥
 सब चरचाकी चरचा एक, आतम आतम पर पर टेक ।
 लाख कोटि ग्रन्थनकौं सार, भेद-ग्यान अरु दयाविचार ॥ १७
 दोहा ।

गुनविलास सब तिथि कहीं, हैं परमारथरूप ।
 पढ़ै सुनै जो मन धरै, उपजै ग्यान अनूप ॥ १८ ॥

इति तिथिपोड़शी ।



स्तुतिवारसी ।

दोहा ।

तुम देवनिके देव हौं, सुखसागर गुनखान ।
 मूरति गुन को कहि सकै, करौं कवू थुति गान ॥ १ ॥

फलै कलपतरुवेलि ज्यौं, वंछित सुर नर राज ।
 चिंतामनि ज्यौं देत है, चिंतित अर्थसमाज ॥ २ ॥

स्वामी तेरी भगतिसौं, भक्त पुन्य उपजाय ।
 तीन अरथ सुख भोगवै, तीनौं जगके राय ॥ ३ ॥

तेरी थुति जे करत हैं, तिनकी थुति जग होय ।
 जे तुम पूजैं भावसौं, पूजनीक ते लोय ॥ ४ ॥

नमस्कार तुमकौं करैं, विनयसहित सिर नाय ।
 वंदनीक ते होत हैं, उत्तम पदकौं पाय ॥ ५ ॥

जे आग्या पालैं प्रभू, तिन आग्या जगमाहिं ।
 नाम जपै तिस नामना, जग फैलै जस छाहिं ॥ ६ ॥

सफल नैन मेरे भये, तुम मुख सोभा देख ।
 जीभ सफल मेरी भई, तुम गुन नाम विसेख ॥ ७ ॥

सफल चित्त मेरौं भयौं, तुम गुन चिंतत देव ।
 पाय सफल आयें भये, हाथ सफल करि सेव ॥ ८ ॥

सीस सफल मेरौं भयौं, नमौं तुमैं भगवान ।
 नर-भौं लाहा मैं लहा, चरनकमल सरधान ॥ ९ ॥

गनधर इंद्र न जात हैं, तुम गुनसागर पार ।
 कौन कथा मेरी तहां, लीजै प्रीत निहार ॥ १० ॥

तातैं वंदौं नाथजी, नमौं सुगुनसमुदाय ।
 तीर्थकर पदकौं नमौं, नमौं जगत सुखदाय ॥ ११ ॥

पूजा थुति अरु वंदना, कीनी निज मन आन ।
 द्यानत करुना भावसौं, कीजै आप समान ॥ १२ ॥

इति स्तुतिवारसी ।

यतिभावनाष्टक ।

सर्वैया इकतीसा ।

जगत उदास आपकौं प्रकास संग नास,
धर सुभ ब्रत रास बनवास वसे हैं ।

मोह कर्मकौं प्रभाव संकल्प विकल्प भाव,
सबकौं अभाव करि अंतरकौं धसे हैं ॥

प्रानायाम विध साध ध्यानरीतिकौं अराध,
पौन मन ग्यान थिर एक रूप लसे हैं ।

परमानंद लीन धीर मेर ज्यौं अचल वीर,
नमौं साध पायनिकौं देखैं दुख नसे हैं ॥ १ ॥

मनकौं निरोध इंद्री सांपकौं जहर सोध,
सासोस्वास पौन सोऊ थिर भाव करी है ।

सूनी कंदरामैं पैठि वैठि पदमासनसौं,
सिव अभिलाखा अभिलाख सब हरी है ॥

तजि राग दोप व्याध समता चेतन साध,
धीरजसौं अंतर सरूप दिए धरी है ।

ऐसी दसा होयगी हमारी कव भगवान,
सोई पुरुषारथ है सोई धन धरी है ॥ २ ॥

धूलि करि मंडित न मंडित है अंवरसौं,
वैठि पदमासन खड़ासन अटल है ।

तत्त ग्यान सार गहि मौन सांत मुद्रा धारि,
अध खुले नैन दिए नासिका अचल है ॥

बाहर वैरागरूप अंतर निरंजन लौ,
खाजकौं खुजावैं मृग जानकै उपल है ।

ऐसी दसा होयगी हमारी तब जानहिंगे,
नरभव पाय पायौ सुकृतकौ फल है ॥ ३ ॥

सून्यवास घर वास छिमा नारिसौं अभ्यास,
दसौं दिसा अंवर संतोष महा धन है ।

सैल-सिला सेज सार दीप चंद्रमा निहार,
तपका व्यौहार सब मैत्री परिजन है ॥

ज्यान सुधा भोजन है अनुभौ-सरूप सुख,
ऐसी सौंज परसेती कहा परोजन है ।

एक दसा लई महाराजकी अवस्था भई,
समता कहा है महा लोभकौ सदन है ॥ ४ ॥

जगमैं चौरासी लाख जोनिकौ फिरनहार,
नर अवतार महा पुन्य उदै पावै है ।

उत्तम सुकुल दिह काय आयु पूरनता,
बुद्धि सास्त्र-ज्यान भागसेती बनि आवै है ॥

तिसपै वैराग होय तप तपै कृती सोय,
सोऊ ध्यान सुधापान करै लव लावै है ।

कंचन महल पर मैनिमै कलस धर,
आत्मतैं सोई परमात्म कहावै है ॥ ५ ॥

श्रीषम सिखर सीस पावसमै तरु तलैं,
सीत काल चौपथमै देह नेह हस्यौ है ।

वज्र परै त्रासनसौं आगके प्रकासनसौं,
प्रानके विनासनसौं ध्यान नाहिं टस्यौ है ॥

जप जोग तप धारि भेदग्यानकौं संभारि,
चंचलता चित्त मारिकै समाध वस्यौ है ।

समरस-धाम अभिराम साध राजत है,
 ऐसे कव हौंहिं हम ऐसौ मन कखी है ॥ ६ ॥
 विवहारमाहिं तत्त्व वैनद्वार आवत है,
 निहचै विसुद्धरूप न्यारौ है उपाधसौं ।
 चिदानंद जोतकौ उदोत अंतरंग भयौ,
 ताहीमैं मगन सदा भीजै है समाधसौं ॥
 सोई धन सोई धाम सोई सोभ सोई काम,
 सोई प्रीत सोई सुख सिद्धता अराधसौं ।
 ऐसे मुनिराज मम काज करौ दोप हरौ,
 निज मुद्रा देहु हम छूटै आध व्याधसौं ॥ ७ ॥
 पाप-अरि-हार चक्र सक्र सिव-सुखकार,
 धीरज वढ़े अपार वंछित दातार जी ।
 भागैं भोग कारे नाग प्रगटै महा विराग,
 साधभावनाअष्टक पढ़ौ तिहुं वार जी ॥
 चिदानंद भावमैं पदमनंद राजत हैं,
 भक्तिवस भव्यनकौ कीनौ उपगारजी ।
 भूल चूक सोधि लेहु हमैं मति दोप देहु,
 द्यानत या मिससेती लीनौ नाम सार जी ॥ ८ ॥
 दोहा ।

द्यानत जिनके नामतैं, पाप धूरि हो दूरि ।

तिन साधनकी भावना, क्यौं न लहै सुख भूरि ॥ ९ ॥

इति यतिभावनाष्टक ।

१ यह पद्मनन्दि आचार्यकी पद्मनन्दिपंचविंशतिकाके एक अष्टकका अनुवाद है ।

सज्जनगुणदशक ।

रावेया इक्तीया ।

तरोंकी कलम सिंधु स्याही भूमि कागदपै,
 सारदा सहस कर सदा लिखे नाथ जी ।
 तुम गुनकौ न पार ग्यानादि अनंत सार,
 कर्म घन हान निरावर्ण भान आथ (?) जी ॥
 तिनमैं कौ कोई एक गुनहूँकौ कोई अंस,
 हमैं देहु सज्जन कहावै संत साथ जी ।
 तुम हौं कृपाल प्रतिपाल दीनके दयाल,
 व्यानत सेवक वंदे हाथ लाय माथ जी ॥ १ ॥
 धन तौ तनक पाय दानकौ पन न जाय,
 काय है निवल ब्रत धीरजसौ धरै हैं ।
 वुज्जि थोरी जिय माहिं पै अभ्यास किये जाहिं,
 बात नाहिं कहैं जो पै कहैं सोई करै हैं ॥
 कैसे किन कष परै सज्जनतासौ न टरै,
 श्रीपमैं चंद किरन अमृत ही झरै हैं ।
 साहवसेती हजूर भोगनसौ रहैं दूर,
 सुख भरपूर लहैं दुःखमूर हरैं हैं ॥ २ ॥
 बात कहा दुष्टनिकी सांपकौ सुभाव लियैं,
 गुन दूध दियैं विष औगुन धरत हैं ।
 ऐसे वहु जीव गुन दोप गुन दोप करैं,
 गालागाली मुजरेसौ मुजरा करत हैं ॥
 धनि आम ईखसे हैं मारैं फल पीड़े रस,
 चंद जैसे जनदुख-तापकौ हरत हैं ।

पर उपगारी गुन भारी सो सराहनीक,
 और सब जीव भव भाँवर भरत हैं ॥ ३ ॥
 एकनिकैं पुन्य उदै पुन्यकर्मवंध होय,
 एकनिकैं पुन्य उदै पापवंध होत है ।
 एकनिकैं पाप उदै पापकर्मवंध होय,
 एकनिकैं पाप उदै वंधे पुन्य गोत है ॥
 उदै सारू कौन बात उदै कहै मूढ़ भ्रात,
 आलस सुभावी जिनके हियैं न जोत है ।
 उद्यमकी रीत लई पर्मारथ प्रीत भई,
 स्वारथ विसारैं निज स्वारथ उदोत है ॥ ४ ॥
 विद्यासौं विवाद करैं धनसौं गुमान धरैं,
 वलसौं लराई लरैं मूढ़ आधव्याधमै ।
 ग्यान उर धारत हैं दानकौं संभारत हैं,
 परभै निवारत हैं तीनौं गुन साधमै ॥
 पर दुख दुखी मुखी होत हैं भजनमाहिं,
 भवरुचि नाहीं दिन जात हैं अराधमै ।
 देहसेती दुवले हैं मनसेती उजले हैं,
 सांति भाव भरैं घट परैं ना उपाधमै ॥ ५ ॥
 पोषत है देह सो तौ खेहकौ सरूप बन्यौ,
 नारि संग प्यार सदा जार-रंग राती है ।
 सुतसौं सनेह नित 'देह देह' किया करै,
 पावै ना कदाचि तौ जलावै आन छाती है ॥
 दामसौं बनावै धाम हिंसा रहै आठौं जाम,
 लछमी अनेक जोरै संग नाहिं जाती है ।

नामकी विट्ठवनासौं खाम काम लागि रह्या,
साहबकौं जानें चिन होत ब्रह्मवाती है ॥ ६ ॥
काहू न सतावै छल छिद्र न चनावै सव-
हीके मन भावै परमारथ सुनावना ।

लोभकी न वाव होय क्रोधकौं न भाव जोय,
पांचौं इंद्री संवर दिगंवरकी भावना ॥

अरचाकी चाल लियैं चरचाकौं ख्याल हियैं,
साधनिकी संगतिमैं निहचैसौं आवना ।

मौन धर रहै कहै सुखदाई मीठे वैन,
प्रभुसेती लव लाय आपकौं रिज्ञावना ॥ ७ ॥

वृच्छ फलैं पर-काज नदी औरके इलाज,
गाय-दूध संत-धन लोक-सुखकार है ।

चंदन घसाइ देखौं कंचन तपाइ देखौं,
अंगर जलाइ देखौं सोभा विस्तार है ॥

सुधा होत चंदमाहिं जैसैं छांह तरु माहिं,
पालेमैं सहज सीत आतप निवार है ।

तैसैं साधलोग सब लोगनिकौं सुखकारी,
तिनहीकौं जीवन जगत माहिं सार है ॥ ८ ॥

पूजा ऐसी करैं हमैं सब संत भला कहैं,
दान इह विध दैहिं लैहिं मुझ नामकौं ।

साख्यके संजोग कर लोग आवै मेरे घर,
बात अच्छी कहूं मोहि पूछैं सब कामकौं ॥

प्रभुताकी फांसमैं फस्यौ है जगवासी जीव,
अविनासी वूझ नाहिं लाग्यौ धन धामकौं ।

धारी तें अनंती जोनि नाम गह्यौ कौन कौन,
 तेरी नाम चेतन तू देखि आप ठामकौं ॥ ९ ॥
 भाड़ा दे वसत जैसैं भौनमैं लसत ऐसैं,
 आपकौं मुसाफिर ही सदा मान लेत है ।
 धाय-नेह वालक ज्यौं पालक कुटंब सब,
 ओषध ज्यौं भोगनिकौं भोगत सचेत है ॥
 नीतिसेती धन लेय प्रीतिसेती दान देय,
 कव घर छूटै यह भावनासमेत है ।
 औसरकौं पाय तजि जाय एक रूप होय,
 द्यानत वेपरवाह साहवसौं हेत है ॥ १० ॥
 पंडित कहावत हैं सभाकौं रिङ्गावत हैं,
 जानत हैं हम बड़े यही बड़ी मार है ।
 पूरव आचारजौंकी वानी पेख आप देख,
 मैं तौं कछु नाहिं यह वात एक सार है ॥
 भापत हौं कौन ठाम ठानत हौं कौन काम,
 आवत है लाज दूजी वात सिरदार है ।
 तीजी वात वैन सब पुझल दरवरूप,
 द्यानत हम चिद्रूप लखैं होत पार है ॥ ११ ॥

इति सज्जनगुणदशक ।



वर्तमान-बीसी-दशक ।

कवित (३१ मात्रा) ।

सीमंधर परथम जिन साहच, अंत अजितबीरज परमेस ।
 भविक जीव मन-पदम विकासन, मोह तिमिरकौं हृन दिनेस
 समोसरन वारै जोजन धनु, पनसे पूर्व कोड़ गनेस ।
 बीसौं जिन अब हैं विदेहमैं, वंदि निकंदाँ पाप कलेस ॥ १ ॥

जंबु सुदरसन मेर मध्यतैं, पूर्वविदेह आठमा थान ।
 सीता नदी तासतैं उत्तर, नील सिखरतैं दच्छिन आन ॥
 देवारन वनके समीप है, पुंडरीकनी नगरी मान ।
 तामैं श्रीदेवाधिदेव सीमंधर स्वामि नमौं धरि ध्यान ॥ २ ॥

जंबु सुदरसन मेर मध्यतैं, पछिम विदेह आठमा ओर ।
 सीतोदाकी उत्तरकी दिसि, नील सिखरतैं दच्छिन जोर ॥
 भूतारन वनके समीप है, नगरी विजय वचन न कठोर ।
 परमपूज जुगमंधर सूरज, भजैं भजैंगे पातिग चोर ॥ ३ ॥

जंबु सुदरसन मेर मध्यतैं, पूर्व विदेह आठमा थान ।
 सीता नदी तासतैं दच्छिन, निपध सैलतैं उत्तर जान ॥
 देवारन वनके समीप है, पुरी सुसीमा सुखकी खान ।
 करुनासिंधु सुवाहु जिनेसुर, सेऊं मनवांछित-फल-दान॥ ४ ॥

जंबु सुदरसन मेर मध्यतैं, पञ्चिम दिसि अट्ठम सुभ खेत ।
 सीतोदातैं दच्छिनकी दिसि, निपध सैलतैं उत्तर चेत ॥
 भूतारन वनके समीप है, नगरी वीतसोक सुखहेत ।
 वाहु प्रभू सिवराह वतावत, वंदत पाऊं परम निकेत ॥ ५ ॥

विजय मेरतैं चार इही विध, अचल मेर चव इसी प्रकार ।
 मंदर मेर चार याही विध, विद्युतमाली इह विध चार ॥

अछम धान नदी गिर वन पुर, पूरववत सोले जिन सार।
 अनुक्रम नाम फेर अरु कछुना, वंदों वीसौं सुखदातार ॥६॥

रावेया इक्षतीरा ।

सीमंधर जुगमंधर औं सुवाहु वाहुजी,
 सुजात स्वयंप्रभजी नासौ भव-फंदना ।
 रिखभानन अनंत वीरज सौरीप्रभजी,
 विसाल वज्रधार चंद्राननकौं वंदना ॥
 भद्रवाहु स्त्रीभुजंग ईस्वरजी नेमि प्रभू,
 वीरसेन महाभद्र पापके निकंदना ।
 जसोधर अजितवीर्ज वर्तमान वीसौं जी,
 द्यानतपै दया करौ जैसैं तात नंदना ॥ ७ ॥

कवित (३१ मात्रा) ।

जहां कुदेव कुलिंग कुआगम,-धारक जीव छहाँ नहिं कोय ।
 तीन वरन इक जैन महामत, तहां पट् मतकौ भेद नहोय ॥
 चौथा काल सदा जहां राजै, प्रलैकाल कव हीं नहिं जोय ।
 तप करि साध विदेह होत सो, भूविदेह सरधैं बुध सोय ॥८॥
 इक सौ साठ विदेह विराजैं, वीसौं तीर्थकर नित ठाहिं ।
 कौन जिनेस्वर कौन थानमै, यह व्यौरा सब जानै नाहिं ॥
 द्यानत जाननि कारन कीनैं, हंसौ मती हाँ सठ बुधि माहिं ।
 जिह तिह भाँति नाम जिन लीजै, कीजैसवसुखदुखमिटिजाहिं ।

दोहा ।

वीसौं तीर्थकर उहां, इहां न जानै कोय ।

सरधा निहचै मन धरै, सम्यक निरमल होय ॥ १० ॥

इति वर्तमानवीसी-दशक ।

अध्यात्मपंचामिका ।

दोहा ।

आठ करमके वंधमें, वँधे जीव भवयाम् ।
 करम हरे सब गुन भेरे, नमां सिङ्ग सुखरास ॥ १ ॥

जगत माहिं चहु गतिविंपें, जनम-मरन-वस जीव ।
 मुकति माहिं तिहु कालमें, चेतन अमर सदीव ॥ २ ॥

मोख माहिं सेती कभी, जगमें आवै नाहिं ।
 जगके जीव सदीव ही, कर्म काटि सिव जाहिं ॥ ३ ॥

पूरव कर्म उदोततैं, जीव करै परनाम ।
 जैसैं मदिरा पानतैं, करै गहल नर काम ॥ ४ ॥

तातैं वाँधै करमकौं, आठ भेद दुखदाय ।
 जैसैं चिकने गातपै, धूलि पुंज जम जाय ॥ ५ ॥

फिर तिन कर्मनिके उदै, करै जीव वहु भाव ।
 फिरकै वाँधै करमकौं, यह संसार सुभाव ॥ ६ ॥

सुभ भावनतैं पुन्य है, असुभ भावतैं पाप ।
 दुहु आच्छादित जीव सो, जान सकै नहिं आप ॥ ७ ॥

चेतन कर्म अनादिके, पावक काठ खान ।
 खीर नीर तिल तेल ज्यौं, खान कनक पाखान ॥ ८ ॥

लाल वंध्यौ गठरी विंपें, भान छिप्यौ घन माहिं ।
 सिंह पींजरेमैं दियौ, जोर चलै कछु नाहिं ॥ ९ ॥

नीर बुझावै आगिकौं, जलै टोकनी (?) माहिं ।
 देह माहिं चेतन दुखी, निज सुख पावै नाहिं ॥ १० ॥

जदपि देहसौं छुटत है, अंतर तन है संग ।
 सो तन ध्यान अगनि दहै, तब सिव होय अभंग ॥ ११ ॥

रागदोषतैं आप ही, परै जगतके माहिं ।

ग्यान भावतैं सिव लहै, दूजा संगी नाहिं ॥ १२ ॥

जैसैं काहु पुरुषकौ, दरव गढ़ा घर माहिं ।

उदर भरै कर भीखसौं, व्यौरा जानै नाहिं ॥ १३ ॥

ता दिनसौं किनही कहा, तू क्यौं मागै भीख ।

तेरे घरमै निधि गढ़ी, दीनी उत्तम सीख ॥ १४ ॥

खोदि निकाले धन विना, हाथ परै कछु नाहिं ॥ १५ ॥

त्यौं अनादिकी जीवकै, परजै-बुद्धि वखान ।

मैं सुर नर पसु नारकी, मैं मूरख मतिमान ॥ १६ ॥

तासौं सदगुरु कहत हैं, तुम चेतन अभिराम ।

निहचै मुकति-सरूप हौ, ए तेरे नाहिं काम ॥ १७ ॥

काल लघिधि परतीतिसौं, लखौ आपमै आप ।

पूरन ग्यान भये विना, मिटै न पुन्य न पाप ॥ १८ ॥

पाप कहत हैं पापकौं, जीव सकल संसार ।

पाप कहै हैं पुन्यकौं, ते विरले मति-धार ॥ १९ ॥

वंदीखानामैं पख्यौ, जातै छूटै नाहिं ।

विन उपाय उद्यम कियैं, त्यौं ग्यानी जग माहिं ॥ २० ॥

सावुन ग्यान विराग जल, कोरा कपडा जीव ।

रजक दच्छ धोवै नहीं, विमल न लहैं सदीव ॥ २१ ॥

ग्यान पवन तप अगनि विन, देह मूस जिय हेम ।

कोटि वरपलौं राखियै, सुद्ध होय मन केम ॥ २२ ॥

दरव-करम नोकरमतैं, भाव करमतैं भिन्न ।

विकल्प नहीं सुबुद्धिकैं, सुद्ध चेतनाचिन्न ॥ २३ ॥

च्यारौं नाहीं सिद्धकैं, तू च्यारौंके माहिं ।

च्यारि विनासैं मोख है, और वात कछु नाहि ॥२६॥

म्याता जीवन-मुक्त है, एकदेस यह वात ।

ध्यान अगनि करि करम वन, जलै न सिव किम जात॥

दरपन काई अथिर जल, मुख दीसै नहिं कोय ।

मन निरमल थिर विन भयै, आप दरस क्यौं होय ॥२७॥

आदिनाथ केवल लह्यौ, सहस वरस तप ठान ।

सोई पायौ भरतजी, एक महूरति ग्यान ॥ २७ ॥

राग दोप संकल्प हैं, नयके भेदविकल्प ।

दोय भाव मिटि जायं जव, तव सुख होय अनल्प ॥२८॥

राग विराग दुभेदसौं, दोय रूप परनाम ।

रागी भ्रमिया जगतके, वैरागी सिवधाम ॥ २९॥

एक भाव है हिरनकैं, भूख लगैं तिन खाय ।

एक भाव मंजारकैं, जीव खाय न अघाय ॥ ३० ॥

विविध भावके जीव वहु, दीसत हैं जग माहिं ।

एक कछु चाहैं नहीं, एक तजैं कछु नाहिं ॥ ३१ ॥

जगत अनादि अनंत है, मुक्ति अनादि अनंत ।

जीव अनादि अनंत हैं, करम दुविध सुनि संत ॥३२॥

सबकैं करम अनादिके, कर्म भव्यकैं अंत ।

करम अनंत अभव्यकैं, तीन काल भटकंत ॥ ३३ ॥

फरस वरन रस गंध सुर, पाचौं जानै कोय ।

बोलै डोलै कौन है, जो पूछै है सोय ॥ ३४ ॥

जो जानै सो जीव है, जो मानै सो जीव ।

जो देखै सो जीव है, जीवै जीव सदीव ॥ ३५ ॥

जानपना दो विध लसै, विषै निरविषै भेद ।
 निरविषै संवर लहै, विषै आस्रव वेद ॥ ३६ ॥
 प्रथम जीवसरधानसौं, करि वैराग उपाय ।
 ग्यान क्रियासौं मोख है, यही वात सुखदाय ॥ ३७ ॥
 पुहलसौं चेतन वंध्यौ, यह कथनी है हेय ।
 जीव वंध्यौ निज भावसौं, यही कथन आदेय ॥ ३८ ॥
 वंध लखै निज औरसौं, उद्दिम करै न कोय ।
 आप वंध्यौ निजसौं समझ, त्याग करै सिव होय ॥ ३९ ॥
 जथा भूपकौं देखिकै, ठौर रीतिकौं जान ।
 तब धन अभिलाखी पुरुप, सेवा करै प्रधान ॥ ४० ॥
 तथा जीव सरधान करि, जानै गुन परजाय ।
 सेवै सिव धन आस धरि, समतासौं मिलि जाय ॥ ४१ ॥
 तीन भेद व्यवहारसौं, सरव जीव सम ठाम ।
 वहिरंतर परमातमा, निहचैं चेतनराम ॥ ४२ ॥
 कुगुरु-कुदेव-कुधर्मरत, अहंबुद्धि सब ठौर ।
 हित अनहित सरधै नहीं, मूढ़नमैं सिरमौर ॥ ४३ ॥
 आप आप पर पर लखै, हेय उपादे ग्यान ।
 अब्रती देशब्रती महा,-ब्रती सबै मतिमान ॥ ४४ ॥
 जा पदमैं सब पद लसैं, दरपन ज्यौं अविकार ।
 सकल विकल परमातमा, नित्य निरंजन सार ॥ ४५ ॥
 वहिरातमके भाव तजि, अंतर आतम होय ।
 परमातम ध्यावै सदा, परमातम है सोय ॥ ४६ ॥
 बूंद उदधि मिलि होत दधि, वाती फरस प्रकास ।
 लौं परमातम होत हैं, परमातम अभ्यास ॥ ४७ ॥

सब आगमकौ सार जो, सब साधनकौ धेव ।
जाकौं पूजैं इंद्र सौ, सो हम पायौ देव ॥ ४८ ॥

सोहं सोहं नित जपै, पूजा आगम सार ।
संतसंगतिमै वैठना, एक करै व्यौहार ॥ ४९ ॥

अध्यात्म पंचासिका, माहिं कह्यौ जो सार ।
व्यानत ताहि लगे रहौ, सब संसार असार ॥ ५० ॥

इति अध्यात्मपंचासिका ।



अक्षर-बावनी ।

ॐकार सरव अच्छरकौ, सब मंत्रनकौ राजा जी ।
 तीन लोक तिहुं काल सरव घट, व्यापि रह्यौ सुखकाजा जी ॥
 श्रीजिनवानी माहिं वतायौ, पंच परमपदरूपी जी ।
 द्यानत दिढ़ मन कोई ध्यावै, सोई मुकत-सरूपी जी ॥१॥
 अमर नाम साहिबका लीजै, काम सबै तजि दीजै जी ।
 आतम पुगल जुदे जुदे हैं, और सगा को कीजै जी ॥
 इस जग मात पिता सुत नारी, झूठा मोह बढ़ावै जी ।
 ईत भीत जम पकड़ मंगावै, पास न कोई आवै जी ॥२॥
 उसका इसका पैसा ठगि ठगि, लछमी घरमै लावै जी ।
 ऊपर मीठी अंतर कड़वी, वातै बहुत बनावै जी ॥
 रिन ले सुख हो देते दुख हो, घरका करै संभाला जी ।
 रीस विरानी करै देखिकै, वाहिर रचै दिवाला जी ॥३॥
 लिखै झूठ धन कारन प्रानी, पंचनमै परवानी जी ।
 लीन भयौ ममतासौं डोलै, बोलै अंमृत वानी जी ॥
 ए नर छलसौं दर्व कमाया, पाप करम करि खाया जी ।
 ऐन मैन (?) नागा हो निकला, तागा रहन न पायाजी ॥४॥
 ओस बूँद सम आव तिहारी, करि कारज मनमाहीं जी ।
 औसर जावै फिरि पिछतावै, काम सरै कछु नाहीं जी ॥
 अंतर करुनाभाव न आनै, हिंसा करै घनेरी जी ।
 अहि सम हो परजीव सतावै, पावै दुखकी ढेरी जी ॥५॥
 काम धरमके करै अधूरे, सुख लोरे भरपूरे जी ।
 खाया चाहै आंव गंडेरी, बोवै आक धतूरे जी ॥

गुरुकी सेवा ठानत नाहीं, ग्यान प्रकास निहारे जी ।
धरमैं दान देय नहिं लोभी, बंछे भोग पियारे जी ॥ ६ ॥
नेक धरमकी वात न भावै, अधरमकी सिरदारी जी ।
चरचामाहिं बुद्धि नहिं फैलै, विकथाकी अधिकारी जी ।
छिन छिन चिंता करै पराई, अपनी सुधि विसराई जी ।
जामन मरन अनेक किये तैं, सो सुध एक न आई जी ॥ ७ ॥
झूठे सुखकौं सुख कर जाना, सुखका भेद न पाया जी ।
निराकार अविकार निरंजन, सौं तैं कबहुं न ध्याया जी ।
टेक करै वातनिकी प्रानी, झूठे झगड़े ठानै जी ।
ठौर ठिकाना पावै नाहीं, संजम मूल न जानै जी ॥ ८ ॥
डरै आपदासौं निसवासर, पाप करम नहिं त्यागै जी ।
द्वृढ़े वाहिर स्वारथ कारन, परमारथ नहिं लागै जी ।
निसदिन बाँध्यौ आसाफासी, डोलै अचरज भारी जी ।
तब आसा वंधनसौं छूटै, होय अचल सुखकारी जी ॥ ९ ॥
थिरता गहि तजि फिकर अनाहक, समता मनमैं आनौ जी ।
दरसन ग्यान चरन रतनत्रै, आतमतत्त्व पिछानौ जी ।
धरम दया सब कहैं जगतमैं, पालैं ते बड़भागी जी ।
नेम विना कछु बनि नहिं आवै, भाव न होय विरागी जी ॥ १० ॥
पंच परम पद हिरदैं धरियै, सुरग मुकतिके दाता जी ।
फिरो अनंत वार चहु गतिमैं, रंच न पाई साता जी ।
विनासीक संसारदसा सब, धन जोबन घनछाहीं जी ।
भूला कहां फिरत है प्राणी, कर थिरता मन माहीं जी ॥ ११ ॥
मंत्र महा नौकार जपौ नित, जपैं तिहूं जग इंद्रा जी ।
यही मंत्र सुनि भए नाग जुग, पदमावति धरनिंद्रा जी ॥

राखौ संभ्यक सात विसन तजि, आठ मूल गुन पालौ जी ।
 लगन लगाय प्रथम प्रतिमासौं, वारै वरत संभालौ जी ॥ १२ ॥
 वह मन महा चपल थिर कीजै, सामायिक रस पीजै जी ।
 सिव अभिलाख धरौ पोसहब्रत, भोजन सचित न कीजै जी ॥
 षट निसभोजन नारी संगत, तजिकैं सील संभारौ जी ।
 सब आरंभ परिग्रह भाई, अघ उपदेस संभारौ जी ॥ १३ ॥
 हरिममता सब धन परिजनकी, करि निरभै भुव वासा जी ।
 लेहु अहार उदंड-विहारी, तजि कायाकी आसा जी ॥
 छिन छिन आतम आतम पर पर, यही भावना भाऊं जी ।
 बावन अच्छर पढँै अर्थसौं, अथवा मौन लगाऊं जी ॥ १४ ॥
 सुझ असुझ भाव दो तेरे, सुभ अरु असुभ असुझं जी ।
 असुभ भाव सरवथा विनासौ, सुभमैं हो प्रतिबुझं जी ॥
 सुझ भाव जिह बिध बनि आवै, सोई कारज धारौ जी ।
 व्यानत जीवन निपट सहल है, जगतैं आप निकारौ जी ॥ १५ ॥

इति अक्षरबावनी ।



नेमिनाथ-वहत्तरी ।

अदिल ।

बंदों नेमि जिनंद, चंद निरधार हैं ।

वचन किरन करि, भ्रम तम नासनिहार हैं ॥

भवि चकोर बुध कुमुद, नखत मुनि सुखदा ।

ग्यान-सुधा भौंतपत, नास पूरन सदा ॥ २ ॥

मथुरामैं हरि कंस, विधंस किया जवै ।

समुदविजै दस भ्रात, किस्त हलधर सवै ॥

जरासिंधसौं डरि, सौरीपुरकौं चले ।

आए सागर तीर, चतुर सव ही मिले ॥ २ ॥

होनहार श्रीनेम, जिनंद प्रभावतैं ।

नारायनकौं पुन्य, हली लखि चावतैं ॥

आयौं देव तुरंत, द्वारिका पुर किया ।

महावली लखि राज, किस्तजीकौं दिया ॥ ३ ॥

गरभ छमास अगाऊ, धनपति आइयौं ।

जनक भवन तिहुं काल, रतन वरसाइयौ ॥

कनक रतनमै, अति सोभा पुरकी करी ।

मात सिवादेवी सोई, वहु सुख भरी ॥ ४ ॥

सोलै सुपने देखे, पच्छिम रातमै ।

गज पावक अभिराम, उठी सो प्रातमै ॥

समुदविजै पै जाय, सुपन फल सुन लिया ।

तिहुजगपति सुत होसी, अति आनंद किया ॥ ५ ॥

कमलवासिनी देवी, सब सेवा करैँ ।

पंद्रह मास रतन, वरसासौं घर भरैँ ॥

आसन कांप्यौ इंद्र, जनम जिनकौ भयौ ।

ऐरावति चढ़ि आए, सब सुख लयौ ॥ ६ ॥

गजपै कोड़ सताइस, अपछर नाचहीं ।

देवी देव चहूं विध, मंगल राचहीं ॥

इंद्रानी प्रभु लाय, इंद्र करमै दियौ ।

गज चढ़ि छत्र चमर बहु, मेर गमन कियौ ॥ ७ ॥

पांडुक सिल सिंधासनपै, प्रभु थापियौ ।

सहस अठोतर कलस, धार जै जै कियौ ॥

पूजा अष्ट प्रकार, करी अति प्रीतिसौं ।

नेमिनाथ यह नाम, दियौ गुन रीतिसौं ॥ ८ ॥

मात पिताकौं सौंप, निरत बहु विध भया ।

देवकुमारन थाप, आप थानक गया ॥

खान पान पट भूषन, देवपुनीत हैं ।

भए कुमर दस गुन, तिहुं ग्यान सुरीत हैं ॥ ९ ॥

सारथ-वाह रतन ले, चक्रीपै गयौ ।

जरासिंधु मन कोप, कृस्त ऊपर भयौ ॥

हरि पूछे तब आय, जीत प्रभु कौनकी ।

वदन खुसी लखि, जान्यौ हम जै हौनकी ॥ १० ॥

सोरठा ।

जरासिंधुकौं जीत, सुर नर खग सब वसि करे ।

सोल सहस तिय प्रीत, तीन खंड राजा भये ॥ ११ ॥

भूप कुमर सब साथ, इक दिन कृस्त सभा गये ।

उठे सबै नरनाथ, सिंधासन बैठे प्रभू ॥ १२ ॥

बात चली बलरूप, एक कहैं पांडौ बड़े ।

एक कहैं हरि भूप, कंस जरासंध जिन हते ॥ १३ ॥

बलभद्र तिह ठाम, कहैं त्रिजग तिहुं कालमै ।

मति लो झूठा नाम, नेमिनाथ सम बल नहीं ॥ १४ ॥

कृस्त कहै तिह वार, स्वबल दिखाऊं स्वामिजी ।

सुनि आई सब नारि, लखैं झरोखेमैं खरीं ॥ १५ ॥

नेमि सहज कर वाम, दई कनिष्ठा अंगुली ।

मेर अचल ज्यौं स्वाम, कृस्त हलाय सक्यौं नहीं ॥ १६ ॥

नारायन सत भाय, कहै जोर अपनो करौ ।

ताही अंगुली लाय, कृस्त उठाय फिराइयौ ॥ १७ ॥

छोड़ि दियौ ततकाल, दीनदयाल दयाल है ।

बोल्यौ कृस्त खुप्याल, राज हमारौ अटल है ॥ १८ ॥

नाम भजैं जैकार, देव पहुप-वरथा करै ।

गुन शुति करि वहु वार, विदा किये प्रभु मान दे ॥ १९ ॥

हरिकौं फिकर अपार, राज सुथिर मेरौ कहां ।

जब लौं नेमिकुमार, मन सोचै देखौ हली ॥ २० ॥

मोतीदाम ।

बल तब हरिकौं समझावै, इन तिहुं-जग-राज न भावै ।

कछु कारन देखि धरैंगे, दिच्छा सिवनारि बरैंगे ॥ २१ ॥

तब रितु वसंत सुभ आई, सब भागि चले मिलि भाई ।

नेमीस्वर हरि बल सारे, परिजन तिय संग सिधारे ॥ २२ ॥

क्रीड़ा बहु करि वनमाहीं, हरि तिय भेजी प्रभु पाहीं ।
 सब नाचैं गाय बजावैं, होली सम ख्याल मचावैं ॥ २३ ॥
 बोली जंववंती नारी, तुम व्याह करौ सुखकारी ।
 प्रभु रंच भए न सरागी, सुचि जल न्हाए बड़ भागी ॥ २४ ॥
 यह धोती धोय हमारी, सुनि जंववती रिस धारी ।
 मैं कृस्ततनी पटरानी, तिन हू न कही ए वानी ॥ २५ ॥
 जिन संख धनुष फनि साधे, ए काम कठिन आराधे ।
 जब तुम तीनौं करि आवौं, तब धोती वात चलावौं ॥ २६ ॥
 सुनि बोली रुकमनी रानी, सो दिन तू क्यौं विसरानी ।
 प्रभु कृस्त उठाय फिरायौं, तब धोती धो गुन गायौं ॥ २७ ॥
 जब नेमीस्वर मन आई, जल रेखा सम गरमाई ।
 अहिसेजा धनुष चढ़ायौं, नासासौं संख बजायौं ॥ २८ ॥
 सुर असुरन अचिरजकारी, अदभुत धुनि सुनि नर नारी ।
 भई धूम देसमैं भारी, डरि कंपन लाग्यौं मुरारी ॥ २९ ॥
 जांववंती विध सुनि आयौं, प्रभुकौं हरि सीस नवायौं ।
 तुम सम तिहु जग बल नाहीं, जिन खुसी गए घरमाहीं ॥ ३० ॥

चौपैर्द

तब हरि उग्रसैनसौं भाखी, राजमती कन्या अभिलाखी ।
 उत्तम नेमि कुमर वर दीजै, समदविजै नृप समदी कीजै ॥ ३१ ॥
 उग्रसैन नृप सुनि हरखाया, नेमि कुमार जमाई पाया ।
 छड़ सुकल सावन ठहराया, व्याह लगन नृप भौन पठाया ॥ ३२ ॥
 कुल आचार दुहूं घर कीने, मंगल कारज आनंद भीने ।
 दान अनेक सबनि सुखदानी, बहु ज्यौनार बहुत विध ठानी ॥

चली वरात विविध विस्तारी, गान नृत्य वादित्र अपारी।
जादौ छप्पन कोड़ि तयारी, और भूप वहु विध असवारी ३४
रथ ऊपर श्रीनेमि विराजैं, छत्र चमर सिंघासन छाजैं।
देवेपुनीत दरव सब सोहैं, सुर नर नारिनके मन मोहैं॥ ३५॥
पसु पंखी घेरे बन माहीं, सबनि पुकार करी इक ठाहीं।
तुम प्रभु दीनदयाल कहाओ, कारन कौन हमें मरवाओ ३६॥
यह दुख-धुनि सुनि नेमिकुमारं, सारथिसाँ पूछी तिह बारं।
प्रभु तुम व्याह निमित सब घेरे, संग मलेच्छ भूप वहुतेरे ३७॥
कंटक-भै पैनही पग माहीं, जीवसमूह हनैं डर नाहीं।
पर प्राननि करि प्रान भरैं हैं, प्रानी दुरगति माहिं परैं हैं॥ ३८॥
धिग यह व्याह नरकदुखदानी, ततछिन छोड़ि दिये सब प्रानी
खुसी सरव निज थान सिधारे, प्रभु तुम बंदी छोर हमारे ३९॥
कुल हरिवंस पुनीत विराजै, यह विपरीत तहां क्यों छाजै।
राज-काज हरि यह विधि ठानी, प्रभु मनमै बातैं सब जानी ४०

चौपहै, दूजी ढाल ।

प्रभु भावै भावन निहपाप, भवतनभोग अधिर थिर आप।
चहु गति सब असरन सिव सर्न, सिद्ध अमर जग जंमन मर्न॥
एक सदा कोई संग नाहिं, निहचैं भिन्न रहै तन माहिं।
देह असुच सुच आतम पर्म, नाव छेक जल आन्धव कर्म॥ ४२॥
संवर दिढ़ वैराग उपाव, तप निर्जरा अवंछक भाव।
लोक छदरव अनादि अनंत, ग्यान भान भ्रम तिमर हनंत ४३
काम भोग सब सुख लभ लोय, एक सुद्ध पद दुरलभ सोय।
लौकांतिक आए तिह घरी, कुसुमांजली दे वहु थुति करी ४४॥

चतुर निकाय देव सब आय, छीरोदधि जल कलस न्हुलाय ।
 सीस मुकुट पट भूपन माल, मुकति वधू-वर बने रसाल ॥४५॥
 चढ़ि सुखपाल चले भगवंत, सुर नर खग जै जै उचरंत ।
 मात सिवादेवी बिललाय, दौरि पालकी पकरी आय ॥४६॥
 भई मूरछा सुधि बुधि खोय, ज्यौं त्यौं कीनी चेतन सोय ।
 अहो पुत्र तुम कुल सिंगार, मुझ दुखियाकौं को आधार ॥४७॥
 जीव भ्रम्यौं जग दुःख अपार, जनम मरन कीने वहु चार ।
 निज पर भौं भाले समझाय, गरभवास अब वस्यौं न जाय ॥४८॥
 तुम माता, चाहो सुख मोहि, हमैं दुखी लखि दुखिया होहि ।
 मैं जग तरौं वरौं सिव नार, सुत गुन सुनि तुम हरखौं सार ॥४९॥
 हल वलभद्र कहैं वहु भाय, राज करौं हम सेवैं पाय ।
 राज विनासी सो किह काज, हम पायौं परमात्मराज ॥५०॥

दोहाकी ढाल ।

जै जै स्वामी नेमिजी, नमौं स्वपद दातार हो ।
 आप स्वयंभूनैं धरी, दिच्छा गढ़ गिरनार हो ॥ ५१ ॥
 एक सहस नृप साथ ले, सिद्धरूप उर धार हो ।
 इंद्र करी थुति बंदना, सब मिलि वारंवार हो ॥ ५२ ॥
 वेलासौं उठि पारना, प्रासुक खीर अहार हो ।
 वरदत नृप घरमैं भए, पंचाचरज अपार हो ॥ ५३ ॥
 खग मृग ले फल फूल सो, वंदैं सीस नवाय हो ।
 जाकै दरसन देखतैं, जनम बैर मिटि जाय हो ॥ ५४ ॥
 छप्पन दिनमैं पाइयौं, केवल ग्यान अपार हो ।
 समोसरन धनपति कियौं, कहत न आवै पार हो ॥ ५५ ॥

रजमति अति विललायके, ग्यारह प्रतिमा धार हो ।
 सबै आरजामैं भई, गैननी पद सिरदार हो ॥ ५६ ॥

सूरज सम तम नासके, ससि सम वचन प्रकास हो ।
 मेघ समान सुखी करे, सुरतरु सम गुणरास हो ॥ ५७ ॥

हरि बल सब पूजा करै, पूजै इंद्र समस्त हो ।
 गनधर ठाडे थुति करै, पावै वंछित वस्त हो ॥ ५८ ॥

नारायन बलदेवनैं, पूछी प्रभुसौं वात हो ।
 द्वारापुर अरु किसनकी, कितनी थिति विख्यात हो॥५९॥

मदके दोष प्रभावतैं, द्वीपायन नर-नाह हो ।
 इनतैं वारै वर्षमैं, नगर द्वारिकादाह हो ॥ ६० ॥

हरिकौं जरदकुमारकौ, वाण लगैगौ आय हो ।
 तातैं संजम लीजियै, धंर वासा दुखदाय हो ॥ ६१ ॥

किसन दई पुर घोषणा, दिच्छा लो नरनारि हो ।
 मैं काहू रोकौं नहीं, नेमि-वचन उर धारि हो ॥ ६२ ॥

दोहाकी दूसरी टाल ।

हो स्वामी भौ जल पार उतार हो । (आंचली)
 सतभामा रुकमिनि सबै जी, प्रदमनि आदि कुमार ।
 वहुतनिनैं दिच्छा लई जी, जान अथिर संसार हो ॥ ६३ ॥

नगर जरन हरिकौ मरन जी, कहैं बढ़ै विसतार ।
 बलभद्र दिच्छा धरी जी, भयौ सुरग अवतार हो॥६४॥

पांचौं पांडौनैं लई, दिच्छा सहित कुटंब ।
 सुन सुन निज परजायकौं जी, जान्यौ जगत विटंब हो॥६५

१ आर्यिकाओंमें । २ गणनी-आर्यिकाओंके संघकी स्वामिनी ।

नाम कहा लौं मैं कहुं जी, धनि धनि नेमिकुमार ।
 बंदी छोरे परमजती जी, सब जग तारनहार हो ॥ ६६ ॥
 सुगुन अनंत महंत हौं जी, प्रगट छियालिस भास ।
 दोष अठारै छय गये जी, लोकालोक प्रकास हो ॥ ६७ ॥
 वहु नारी प्रतिबोधिकैं जी, भेजीं सुरगति सार ।
 रजमति तिय लिंग छेदिकैं जी, सोलै सुरग मझार हो ॥ ६८ ॥
 वहुतनकौं सुरपद दियौ जी, वहुतनकौं सिवठाम ।
 तीन सतक तेतीस संग जी, भये अमरसुखधाम हो ॥ ६९ ॥
 तन कपूर ज्यौं खिर गया जी, रहे केस नख धार ।
 सुगंध दरव धरि अगन सुर जी, मुकट नम्यौ तिह वार हो ॥ ७० ॥
 कथा तिहारी मुनि कहैं, हमनैं लीनौ नाम ।
 दो अच्छर नर जे जपैं जी, सीझैं वंछित काम हो ॥ ७१ ॥
 सांचे दीन दयाल हौं जी, वानत लौं तुम माहिं ।
 अपनौं पन प्रतिपाल हौं जी, चिंता व्यापै नाहिं हो ॥ ७२ ॥

इति नेमिनाथवहत्तरी ।



वज्रदंत कथा

चौपाई ।

बैठौ वज्रदंत भूपाल, माली लायौ फूल रसाल ॥ (टक) ।
 कमल माहिं मृत भ्रमर निहार, चक्री मन कंध्यौ तिह वार ॥
 नासा वसि इन खोई देह, मैं सठ कियौं पंचसौं नेह ॥ २ ॥
 मति सुत अवधि ग्यानकौं पाय, मैं न कियौं तप मोख उपाय ॥
 भव तन भोगनिकौं धिकार, दिच्छा धरौं वरौं सिव नार ॥ ३ ॥
 सुतकौं सर्व संपदा देय, सो वैरागी राज न लेय ॥ ५ ॥
 पुत्र हजार सबनसौं कहा, वौनैं जेम किनहू नहिं गहा ॥ ६ ॥
 आपनि मुकत होत हौ भूप, हमकौं क्यौं डोबौ जगकूप ॥ ७ ॥
 पोतेकौं दे राज समाज, आपन चले मुकतिके काज ॥ ८ ॥
 पिता तीर्थकरके ढिग जाय, नव निधि रख तजे दुखदाय ॥ ९ ॥
 तीस सहस नृप पुत्र हजार, साठि सहस रानी संग धार ॥ १० ॥
 आप मुकति सब सुगतिमझार, द्यानत नमौं सुपद दातार ॥ ११ ॥

इति वज्रदंतकथा ।

१ वमन-कैके समान किसीने राज्य नहीं लिया ।

आठ गणछन्द ।

दोहा ।

वर्धमान सनमति महा, वीर अति महावीर ।
 वीर पंच जिस नाम सो, नमौं अंत जिन धीर ॥ १ ॥

सोरठा ।

सब संसार अनित्य, नित्य एक परमात्मा ।
 वंदि कहूँ सुन मित्त, आठ छंद गन आठके ॥ २ ॥

यगण ।

अकर्ता च कर्ता अभुक्ता च भुक्ता,
 अनेका अनित्ता निता एक उक्ता ।
 मरै ऊपजै ना मरै ना पजै है,
 सदा आत्मा स्वांग ऐसे सजै है ॥ ३ ॥

रगण ।

चेतना आन है आन देही यही,
 तेयपै भेद ज्याँ भेद जानौ सही ।
 त्यागियै देहके नेहकी धापना,
 देखियै जानियै आत्मा आपना ॥ ४ ॥

तगण ।

जो देह सो देह जो ग्यान सो ग्यान,
 संवंधके होततैं होत ना आन ।
 जो भेदविग्यान धारंत धीवंत,
 सो नास भौ-वास स्यौ-वास वासंत ॥ ५ ॥

भगण ।

केवल दर्सन ग्यान विराजत,
 लोक अलोक लखैं गुण छाजत ।
 कर्म ढक्याँ नहिं आप पिछानत,
 सो परमात्म क्याँ नहि जानत ॥ ६ ॥

जगण ।

न राग न दोष न वंध न मोप,
 सदा अपने गुनमंडित कोप ।
 सुभाव रमै पर भावनि खोय,
 तिसै परमात्मकौ पद होय ॥ ७ ॥

सगण ।

जिसकी थुति इंद्र करै हरखै,
 जिसके गुन साध सदा परखै ।
 जिसकौं नित वेद वतावत है,
 सु तुही निजमैं किन ध्यावत है ॥ ८ ॥

नगण ।

धरम गगन जम अधरम,
 वध अवध पुदगल करम ।
 पर विरहत सुपदसहत,
 सुगुन गहत सु सुख लहत ॥ ९ ॥

मगण ।

सत्तोहं तत्तोहं गेयोहं ग्याताहं,
 ग्यानोहं ध्यानोहं ध्येयोहं ध्याताहं ।
 पर्मोहं धर्मोहं सम्मोहं बुद्धोहं,
 रिद्धोहं वृद्धोहं सिद्धोहं सुद्धोहं ॥ १० ॥

सोरथ ।

बारै अच्छर छंद, चार सहस अरु छयानबै ।
 द्यानत हम मतिमंद, भेद कहां लौं कहि सकै ॥ ११ ॥

इति आठगणछंद ।

धर्म-नाह गीत ।

मैं देव नित अरहंत चाहूं, सिद्धकौ सुमिरन करौं ।
 मैं सूरि गुरु मुनि तीन पदमैं, साध पद हिरदै धरौं ॥

मैं धरम करुनामई चाहूं, जहां हिंसा रंच ना ।
 मैं साख्यग्यान विराग चाहूं, जासमैं परपंच ना ॥ १ ॥

चौबीस श्रीजिनराज चाहूं, और देव न मन वसै ।
 जिन बीस खेत विदेह चाहूं, बंदतैं पातिग नसै ॥

गिरनार सिखर समेद चाहूं, चंपापुर पावापुरी ।
 कैलास श्रीजिनधाम चाहूं, भजत भाजै ध्रम-जुरी ॥ २ ॥

नौ तत्त्वका सरधान चाहूं, और तत्त्व न मन धरौं ।
 पद दरव गुन परजाय चाहूं, ठीक तासौं भै हरौं ॥

पूजा परम जिनराज चाहूं, और देव नहीं सदा ।
 तिहुं कालका मैं जाप चाहूं, पाप नहिं लागै कदा ॥ ३ ॥

सम्यक्त दरसन ग्यान चारित, सदा चाहूं भावसौं ।
 दसलच्छनी मैं धरम चाहूं, महा हरप बढ़ावसौं ॥

सोलहौं कारन दुखनिवारन, सदा चाहूं प्रीतिसौं ।
 मैं नित अठाई परव चाहूं, महा मंगल रीतिसौं ॥ ४ ॥

मैं वेद चाख्यौं सदा चाहूं, आदि अंत निवाहसौं ।
 पाए धरमके चारि चाहूं, अधिक चित्त उछाहसौं ॥

मैं दान चाख्यौं सदा चाहूं, भौन वसि लाहा लहूं ।
 मैं चारि आराधना चाहूं, अंतमैं एही गहूं ॥ ५ ॥

मैं भावना बारहौं चाहूं, भाव निरमल होत है ।
 मैं वरत बारै सदा चाहूं, त्याग भाव उदोत है ॥

प्रतिमा दिगंबर सदा चाहुँ, ध्यान आसन सोहता ।
 सब करमसौं मैं छुटा चाहुँ, सिव लहाँ जहाँ मोह ना॥३॥
 मैं साहमीकौं संग चाहुँ, मीत तिनहीकौं करौं ।
 मैं परवके उपवास चाहुँ, सरव आरंभ परिहरौं ॥
 इस दुखम पंचम काल माहीं, कुल सरावग मैं लहा ।
 सब महाब्रत धरि सकूं नाहीं, निवल तन मैंने गहा ॥७॥
 यह भावना उत्तम सदा, भाऊं सुनौ जिनराय जी ।
 तुम कृपानाथ अनाथ व्यानत, दया करनी न्याय जी ॥
 दुख नास कर्म विनास ग्यान, प्रकास मोकौं कीजियै ।
 करि सुगतिगमन समाधिमरन, भगति चरनकी दीजियै ॥८॥

इति धर्मचाहरीत ।



आदिनाथस्तुति ।

रेखता ।

तुम आदिनाथ स्वामी, बंदौं त्रिकाल नामी ।
 तुम गुन अनंत भारी, हम तनक बुद्धिधारी ॥ १ ॥
 श्रुति कौन भाँति गावैं, यह बुद्धि कहां पावैं ।
 तुम ही सहाय हूजौ, प्रभु सम न देव दूजौ ॥ २ ॥
 सर्वार्थसिद्धिवासी, तिहुं म्यान सुखविलासी ।
 गर्भ मास पट अगाऊ, सुर कियौ नगर चाऊ ॥ ३ ॥
 भवि भाग जोग आए, सुर मेरपै न्हुलाए ।
 नाभिरायके ढुलारे, मरुदेविके पियारे ॥ ४ ॥
 जब आठ वरस धारे, अनुविरत सब संभारे ।
 पट लाख पुब्ब आए, लखि सबनि सुख पाए ॥ ५ ॥
 नाभिराय चित विचारी, संतानवृद्धिकारी ।
 तुम परम गुरु सबनके, हम नाम गुरु भवनके ॥ ६ ॥
 कहना हमारा कीजै, पानियहन करीजै ।
 प्रभु मोह उदै बूझा, चुप रहे भाव सूझा ॥ ७ ॥
 तब इंद्र भी आया ही; दो भूप सुता व्याही ।
 भए एक सौ कुमारं, दो सुता गुन अपारं ॥ ८ ॥
 सब आप ही पढ़ाए, हुन्नर सबै सिखाए ।
 जब कलपवृच्छ भागे, सब नाभि चरन लागे ॥ ९ ॥
 नृप ले सबनिकौं आए, प्रभुकौं वचन सुनाए ।
 यह प्रजा राखि लीजै, सबहीकौं सुखी कीजै ॥ १० ॥
 प्रभु कालथिति विचारी, गई भोगभूमि सारी ।
 तब ही सुधर्म आए, पट कर्म सब लगाए ॥ ११ ॥

कलसाभिषेक कीनौं, नाभिनैं स्वराज दीनौं ।
 चीस लाख पुच्छ आए, तब प्रजापति कहाए ॥ २२ ॥
 सब दान सघकौं दीनैं, सब लोग सुखी कीनैं ।
 कियौं राज सुख उदारं, सब भोग वहु प्रकारं ॥ २३ ॥
 प्रभु भोग तजत नाहीं, इंद्र फिकर चित्त माहीं ।
 तब अपछरा पठाई, सो नाचिकै विलाई ॥ २४ ॥
 लखि जगत-थिति विनासी, भए पुच्छ लख तिरासी ।
 वैराग भाव भाए, लौकांत इंद्र आए ॥ २५ ॥
 दियौ भरत राजभारं, किय भूप सब कुमारं ।
 चौ सहस भूप साथं, भए जती जगतनाथं ॥ २६ ॥
 पट मास जोग दीनौं, तन अचल मेर कीनौं ।
 सब साथतैं सु भागे, छुध तृपा काज लागे ॥ २७ ॥
 प्रभु पाय जग परे हैं, फल फूल लै धरे हैं ।
 नमि विनमि तहां आए, प्रभुकौं वचन सुनाए ॥ २८ ॥
 सुत सरव भूप कीनैं, हम क्यौं विसारि दीनैं ।
 धरनेंद्र तहां आया, वामनका भेष लाया ॥ २९ ॥
 तुम जाहु भरत पासैं, अब राज लेहु वासैं ।
 तुझकौं कवन बुलावै, को भरत कौन जावै ॥ २० ॥
 इनका कहा करैगै, इनहीकै हो रहैगै ।
 तब इंद्र भगति भीने, खगपती भूप कीने ॥ २१ ॥
 प्रभु जोग पूरा कीना, आहार चित्त दीना ।
 आए नगरके माहीं, विधि जानैं कोई नाहीं ॥ २२ ॥
 वन माहिं फिर सिधारे, समताके भाव धारे ।
 दिन चार से भए हैं, गजपुरमै तब गए हैं ॥ २३ ॥

नौ भौकों नेह जानौ, दाता श्रेयंस ठानौ ।
 लिया ईखरस नवीना, सुर पंचचरज कीना ॥ २४ ॥
 तब भरत भूप धाया, श्रेयांस भुवन आया ।
 मौनीकी वात जानी, क्यौंकर तुमैं पिछानी ॥ २५ ॥
 कही भरतसौं विख्यातं, भव आठकेरी वातं ।
 वज्रजंघ श्रीमतीका, सब कहा भेद नीका ॥ २६ ॥
 तब दान विधि वताई, सबहीके मन सुहाई ।
 तप कियौं वहु प्रकारं, भए वरस इक हजारं ॥ २७ ॥
 चहु करम तब भगाया, तब ग्यान भान पाया ।
 सुर कियौं समोसरना, सो कापै जाय वरना ॥ २८ ॥
 सुर नर असुरनैं पूजा, तुही देव नाहिं दूजा ।
 बानी सु मेघ वरसै, सुनि सरव जीव हरसै ॥ २९ ॥
 गनधर भए चौरासी, वहु मुनि भए निरासी ।
 स्वावक अनेक कीनैं, सबहीकौ वरत दीनैं ॥ ३० ॥
 पसु नरकतैं निकारे, सुर मुकति सुख विथारे ।
 सब देस करि विहारं, इक लाख पुच्च सारं ॥ ३१ ॥
 मुनि एक सहस संगं, भए अमर सुख अभंगं ।
 तन खिरा ज्यौं कपूरं, इंद्र भए सब हजूरं ॥ ३२ ॥
 करि वंद वार वारं, नख केश संसकारं ।
 रज सीस लै लगाई, भावना चित्त भाई ॥ ३३ ॥
 जे गुन तिहारे ध्यावैं, पूजा करैं करावैं ।
 जे नामकौं भजै हैं, सब पापकौं तजै हैं ॥ ३४ ॥
 जे कथा तेरी गावैं, जे सुनैं प्रीति लावैं ।
 जे चित्तमैं धरै हैं, सब दुःखकौं हरै हैं ॥ ३५ ॥
 तुम कथा है वहुतसी, मैं कही है तनकसी ।
 यह चूक वक्स दीजौ, धानतकौ याद कीजौ ॥ ३६ ॥

इति आदिनाथस्तुति ।

शिक्षापंचासिका ।

त्रोदा ।

राग विरोध विमोह वस, भ्रमे जीव संसार ।
 तीनाँ जीतै देव सो, हमें उतारो पार ॥ १ ॥
 धंधेमैं दिन जात है, सोबत रात विलात ।
 कौन वेर है धरमकी, जब ममता मरि जात ॥ २ ॥
 नरकी सोभा रूप है, रूप सोभ गुनवान ।
 गुनकी सोभा ग्यानतैं, ग्यान छिमातैं जान ॥ ३ ॥
 आव गलै अघ नहि गलै, मोह फुरै नहिं ग्यान ।
 देह घटै आसा बढ़ै, देखौ नरकी वान ॥ ४ ॥
 चेतन तुम तौ चतुर हौ, कहा भए मतिहीन ।
 ऐसौ नर भव पायकै, विपयनमैं चित दीन ॥ ५ ॥
 ग्याता जो कुकथा करै, पीछै, निंदै सोय ।
 मूरख ग्यान वखानिकै, आदर करै न लोय ॥ ६ ॥
 त्याग करै त्यागी पुरुप, जानै आगम भेद ।
 सहज हरप मनमैं धरै, करै करमकौ छेद ॥ ७ ॥
 बालपने अग्यान मति, जोवन मदकर लीन ।
 वृद्धपने है सिथिलता, कहौ धरम कब कीन ॥ ८ ॥
 बालपने विद्या पढ़ै, जोवन संजमलीन ।
 वृद्धपने संन्यास ग्रहि, करै करमकौ छीन ॥ ९ ॥
 जाहर जगत विलात है, नाहर जममुख माहिं ।
 ता हरकै हूजै सुखी, चाह रहै कछु नाहिं ॥ १० ॥
 भमता जीव सदा रहै, ममता रत परजाय ।
 समता जब मनमैं धरै, जम तासौं डर जाय ॥ ११ ॥

लोभसैन विनसे भली, रमा विसन सविमार ।
जैत करन सुनरक तजै, रेचा जगत मग चार (?) १२
जैसैं विषे सुहात है, तैसैं धर्म सुहाय ।
सो निहचैं परमारथी, सुख पावै अधिकाय ॥ १३ ॥
सोरला ।

सम्यक अरु साचार, सज्जनता अरु सील गुन ।
मार्गैं मिलैं न चार, पूर्वले पुञ्चो विना ॥ १४ ॥
जे न करैं दस चार, ते बारह पच-पन कहे ।
जे हैं छप्पन ठार, आठ आठ पद सिद्धकौं ॥ १५ ॥
दोहा ।

जैनधर्म सब धर्मपै, सोभै तिलक समान ।
आन धर्म लागैं नहीं, ज्यौं पैटबीजन भान ॥ १६ ॥
चौपाई ।

विविध प्रकार राजकौं त्याग, जिन सिव साधी ध्यान समाज ।
भिञ्चा मांगि उदर तू भरै, अपनौ काज न काहे करै १७
दोहा ।

चिंता चिता दुहू विषैं, बिंदी अधिक सदीव ।
चिंता चेतनिकौं दहै, चिता दहै निरजीव ॥ १८ ॥
‘देहु’ वचन यह निंद है, ‘नाहिं’ वचन अति निंद ।
‘लेहु’ वचन सुभरूप है, ‘नाहिं’ महा सुभ इंद ॥ १९ ॥
जुगल राग अरु दोषकी, हानि करौ बुधवंत ।
रुकै करम सिव पाइयै, यह ‘जुहार’ विरतंत ॥ २० ॥

१ दूसरी तीसरी प्रतिमें ‘रेचा गमत (?) मग चार’ पाठ है।

२ जुगनू या खद्योत ।

यन यन होत न कल्पतरु, तन तन वुध न अगाथ ।
 फन फन होत न मन सहत, जन जन, होत न साध ॥२१
 सुगुन बढ़े अभ्याससाँ, भाग बढ़े नहिं कोय ।
 कान बढ़ावै जोपिता, आंख बड़ी क्याँ होय ॥ २२ ॥
 निसिका दीपक चंद्रमा, दिनका दीपक भान ।
 कुलका दीपक पुत्र है, तिहुं-जगदीपक ग्यान ॥ २३ ॥
 दोप बुरे सबके लगें, आतम दोप सुहाय ।
 धूआं सबहीका बुरा, अगर धूम सुखदाय ॥ २४ ॥
 घरकी सोभा धन महा, धनकी सोभा दान ।
 सोभै दान विवेकसाँ, छिमा विवेक प्रधान ॥ २५ ॥
 एक समैमैं सब लखा, ऐसा समरथ सोय ।
 आगें पीछें सो लखै, जो हगहीना होय ॥ २६ ॥
 पूरन घट बोलै नहीं, अरथ भए छलकंत ।
 गुनी गुमान करै नहीं, निरगुन मान करंत ॥ २७ ॥
 मैं मधु जोखौ नहिं दियौ, हाथ मलै पछिताय ।
 धन मति संचौ दान दो, माखी कहै सुनाय ॥ २८ ॥
 कला बहत्तरि पुरुषकी, तामैं दो सिरदार ।
 एक जीवकी जीविका, दूजै जी-उद्धार ॥ २९ ॥
 सोम सुक गुरु चंद सुभ, मंद भौम रवि भान ।
 बुद्ध उभै सुर प्रात सुभ, कहै सुरोदय ग्यान ॥ ३० ॥
 घर वसि दान दियौ नहीं, तन न कियौ लप लेस ।
 ‘जैसैं कंता घर रहे, तैसैं गए विदेस’ ॥ ३१ ॥

नर भौ पायो धरमकों, किया अर्धर्म बनाय ।
 “विटते (?) कारन आनकें, पूंजी चले गमाय” ॥ ३२ ॥
 चलौ भविक तहां जाइयै, जहां वसत जिनराज ।
 दुःखनिवारन सुखकरन, ‘एक पंथ दो काज’ ॥ ३३ ॥
 कर भाजन कूआ निकट, गुन बिन लहै न नीर ।
 सो गुन क्यौं नहिं धारियै, जो बुधि होय सरीर ॥ ३४ ॥
 तन बल धन बल कपट बल, टाल बांह-बल जोय ।
 अजस पापतैं ना डरै, पंच कहावै सोय ॥ ३५ ॥
 पंच परम पद नित जपै, पंचेंद्री सुख टारि ।
 पंचनके पीछै चलै, पंच वही सिरदार ॥ ३६ ॥
 एक कनक अरु कामिनी, ए दोनौं दिढ़ वंध ।
 त्यागैं निहचैं मोख है, और बात सब धंध ॥ ३७ ॥
 मान मुधा रस दूरि करि, दान छुधा रस देय ।
 ध्यान छुधारस ठानिकैं, ग्यान सुधारस पेय ॥ ३८ ॥
 समरथ हैं ते मीत नहिं, मीत न समरथ कोय ।
 दोनौं बातैं कठिन हैं, औषधि मीठी होय ॥ ३९ ॥
 समरथ प्रीतम प्रभु बड़े, तिन सेवौ मन लाय ।
 इह पर भौ इन सम नहीं, मनवांछित सुखदाय ॥ ४० ॥
 कहूं सफल आदर विना, कहुं आदर फल नाहिं ।
 दोनौं लहियै धर्मतैं, वृच्छ सफल अरु छाहिं ॥ ४१ ॥
 क्रोध समान न सत्रु है, छमा समान न मित्र ।
 निंदा सम न गिलान है, प्रभुकी सम न पवित्र ॥ ४२ ॥

गोराठा ।

कहुं विन ग्यान विराग, कहुं ग्यान वैराग विन ।
दोनौं विना अभाग, ग्यान विराग सहित मुश्ली ॥ ४३ ॥

चौपाई ।

देव धरम गुरु आगम मानि, चार अमोलक रतन समान ।
तजि मन क्रोध लोभ छल मान, भजि जिन साहित्र मेरु समान
दोहा ।

पाप पुन्य दोनौं वसें, दरव माहिं भ्रम नाहिं ।

‘द्यानत’ कीने पाप हैं, पुन्य अमानत माहिं ॥ ४५ ॥

बड़े बृच्छकौं सेइयै, पूरन फल अरु छाहिं ।

जो कदाचि फल दे नहीं, छाहिं बहुत तप नाहिं ॥ ४६ ॥

ताड़ ताप छेदन कसन, कनक-परीच्छा चार ।

देव धरम गुरु ग्रंथसौं, सम्यक परखौ सार ॥ ४७ ॥

दाना दुसमन हू भला, जो पीतम सनवंध ।

बड़े भाग्यतैं पाइयै, ‘सोना और सुगंध’ ॥ ४८ ॥

धन जोरैतैं ऊच नहि, ऊच दानतैं होत ।

सागर नीचै ही रहै, ऊपर मेघ उदोत ॥ ४९ ॥

यह सिच्छा पंचासिका, कीनी ‘द्यानतराय’ ।

पढ़ैं सुनैं जे मन धरैं, सब जनकौं सुखदाय ॥ ५० ॥

इति शिक्षापंचासिका ।

जुगलउत्तरती ।

दोषा ।

(१)

पंचाचार छत्तीस गुन, सात रिद्धि चहुं ध्यान ।
गनधर पद बंदौं सदा, आचारज सुखदान ॥ १ ॥

चौपाई ।

एक परम परतीति विख्याता, दो दिच्छा सिच्छाके दाता ।
तीन काल सामायिक धारी, चारौं वेद कथन अधिकारी ॥ २ ॥
पंच भेद स्वाध्याय बतावैं, पट आवस्यक सब समझावैं ।
सातौं प्रकृति हनी दुखदानी, आठौं अंग अमल सरधानी ॥ ३ ॥
नौ विध प्रायचित्त सिखलावैं, दस विध परिगह त्याग करावैं ।
ग्यारै विधा जोग जिन मानैं, वारै अंग कथन सब जानैं ॥ ४ ॥
तेरै राग प्रकृति सब नासैं, चौदै जीवसमास प्रकासैं ।
पंद्रै मोह प्रकृति सब नासी, सोलै ध्यान-रीति परकासी ॥ ५ ॥
सत्रै प्रकृति लखै उद्बेली, ठारै खै उपसम विधि झेली ।
परनै जिन उनईस बखानैं, वरतमान बीसौं जिन मानैं ॥ ६ ॥
इकईस गनत भेद सब सूझैं, वाइस भाव दसम गुन बूझैं ।
भवनत्रिक तेरईस बताए, कामदेव चौबीस सुनाए ॥ ७ ॥
विकथा नाम पचीस बखानैं, छविस गुन दरवौंके जानैं ।
क्रोध भेद सत्ताइस भाखे, अडाईस विषै सब नाखे ॥ ८ ॥
रतनत्रै उनतीस प्रकारं, तीसौं चौबीसी निरधारं ।
करम भेद इकतीस सिखाये, खेत विदेह बतीस सुहाये ॥ ९ ॥
तेतिस देव इंद्रके थानं, चातीसौं अतिसै परिमानं ।
पैतिस धनुष कुंथ तन बंदै, छत्तीस गुन पूर्न अभिनंदै ॥ १० ॥

दोहा ।

एक एक गुनर्म कहे, हैं अनेक समुदाय ।
 'ग्यानत' प्रभुकां वंदते, मोह धूरि झरि जाय ॥ ११ ॥

राजमला जैन (२)

वी. प. वी. ११ सोरथा ।

ग्यारे अंग वखान, चौदै पूरव समझ सब ।
 गुन पच्चीस प्रधान, उपाध्याय वंदों सदा ॥ १ ॥

बौपाइ ।

पहला आचारांग वखानं, पद अढारै सहस प्रमानं ।
 दूजा सूत्रकृतं अभिलाखं, पद छत्तीस सहस गुरु भाखं २
 तीजा ठानाअंग सुजानं, सहस वियालिस पद सरधानं ।
 चौथा समवायांग निहारं, चौसठि सहस लाख इक धारं ॥ ३ ॥
 पंचम व्याख्याप्रगपति दरसं, दोय लाख अद्वाइस सहसं ।
 छट्ठा ग्यातृकथाविस्तारं, पांच लाख छप्पन हजारं ॥ ४ ॥
 सातम उपासकाध्ययनंगं, सत्तरि सहस ग्यार लख भंगं ।
 अष्टम अंतकृतं दस ईसं, ठाई सहस लाख तेईसं ॥ ५ ॥
 नवम अनुत्तर दस सु विसालं, लाख बानवै सहस चवालं ।
 दसम प्रसनव्याकरन विचारं, लाख त्रानवै सोल हजारं ६
 ग्यारम विपाकसूत्र सुभाखं, एक कोरि चौरासी लाखं ।
 चार किरोर पंदरै लाखं, दो हजार पद गुरु सब भाखं ७
 बारम दिष्टवाद अवधारं, तामैं पंच बड़े अधिकारं ।
 प्रकरनसूत्र प्रथम अनुयोगं, पूरव अरु चूलिका नियोगं ॥ ८ ॥
 चारौं पद छप्पन हजारं, तेरै कोड़ी लाख अठारं ।
 पूरव प्रथम नाम उतपातं, ताके एक कोड़ि पद ख्यातं ॥ ९ ॥

पूरव अग्रनीय जुग नामं, लाख छानवै पद अभिरामं ।
 तीजा पूरव बीरजवादं, पद हैं सत्तर लाख अनादं ॥१०॥
 चौथा पूरव अस्त—नास है, साठ लाख पद बुध प्रकास है ।
 पंचम पूरव ग्यान प्रवीनं, एक कोड़ि पद एक विहीनं ॥११॥
 छठा पूरव सत्य वखानं, एक कोड़ि पटपद परवानं ।
 सातम पूरव आतमवादं, पद छविस कोड़ी सुख स्वादं ॥१२
 आठम पूरव करम सु भाखं, एक कोड़ि पद अस्सी लाखं ।
 नौमा पूरव प्रत्याख्यानं, पद चौरासी लाख वखानं ॥१३॥
 दसमा पूरव विद्या जानं, पद इक कोड़ि लाख दस ठानं ।
 ग्यारम पूर्व कल्यान वखानं, पद छविस कोड़ी परधानं ॥१४
 द्वादस पूरव प्राणावादं, पद किरोर तेरह अविखादं ।
 तेरम पूरव क्रियाविसालं, नौ किरोर पद वहु गुनमालं ॥१५॥
 चौदम पूरव विंद त्रिलोकं, साडे बार कोड़ि पद धोकं ।
 साडे पच्चानवै किरोरं, पंच अधिक पूरव पद जोरं ॥१६॥
 इकसौ बारे कोड़ि वखाने, लाख तिरासी ऊपर जाने ।
 ठावन सहस पंच अधिकाने, द्वादस अंग सरव पद माने ॥१७
 क्यावन कोड़ि आठ ही लाखं, सहस चौरासी छैसै भाखं ।
 साढ़े इकीस सिलोक बताए, एक एक पदके ए गाए ॥१८॥
 ए पच्चीसौं सदा विथारैं, स्वपर दया दोनौं उर धारैं ।
 भौ सागरमैं जीव निहारैं, धरम वचन गुन धार निकारैं ॥१९॥

दोहा ।

केवलग्यानि समान पद, स्रुतकेवलि जग माहिं ।
 उपाध्याय द्यानत नमौं, बढ़े ग्यान भ्रम नाहिं ॥ २० ॥
 इति जुगलभारती ।

(२२?)

वैरागशतीसी ।

दोहा ।

अजितनाथ पद वंदिके, कहुं सगर अधिकार ।
साठि सहस्र सुत आप नृप, सरव चरम तन धार ॥१॥

चौपाई ।

नगर अजुध्याकौ चकेस, सुर नर खग वस दिपै दिनेस ।
भूप गयौ वंदन जिनराय, परभौ मित्र मिल्यौ सुर आय ॥२॥
हम तुम हुते विदेह मझार, तुम थे मो भगनी-भरतार ।
तुमरै दोय पुत्र थे धीर, एक पुत्र खायौ जमवीर ॥३॥
दूजे सुतकौं देकरि राज, हम तुम तप लीनौ हित काज ।
उपजे सोलै स्वर्ग मझार, तहां कियौ था तुमैं करार ॥४॥
पहलै जा सो दिच्छा लेय, इहां रहै सो सिच्छा देय ।
सुतवियोग दिच्छा परनए, तातैं साठि सहस्र सुत ठए ॥५॥
भोगे भोग तृपति न लगार, दिच्छा गहौ न लावौ वार ।
समझ वूझ नृप लह्यौ लुभाइ, पुत्रमोह छोड़यौ नहिं जाइ ॥६॥
सुर जानौ इसकै संसार, फिरि आयौ मुनिकौ व्रत धार ।
जो चनवंत काम उनहार, रवि ससितैं दुति अधिक अपार ॥७॥
चारन रिद्धि महा तपवान, नृप वंद्यौ चैत्याले आन ।
पूछै भूप तज्यौ क्यौं गेह, व्यौरा सरव कहौ धरि नेह ॥८॥
घर वंदीखाना सुत पास, नारी सकल दुःखकी रास ।
राजा सुनिकै रह्यौ लुभाइ, मोह उदैवस कछु न वसाइ ॥९॥
इक दिन सरव कुमारन आइ, कहौ भूपसौं वचन सुनाइ ।
तुमैं काम करना है जोय, हमकौं आग्या दीजै सोय ॥१०॥

भूप कहै मेरैं यह काम, भोगौ भोग सरव सुखधाम ।
 गए विलखकैं सरव कुमार, फिरि आए सब हैं असवार॥११॥
 हमकौं काम कहौं कुछ सार, हम तब ही करि हैं आहार ।
 जब हम छत्रीकुल जगमाहिं, आप कमाई लछिमी खाहिं ॥१२॥
 खंड छहौं मैं साधे सबै, मुझे साधना कुछ नहीं अवै ।
 कुमर कहैं अब होहि दयाल, हमैं काम करि करौ खुस्याल ॥१३॥
 भूप कहैं कैलास पहार, तहां बहत्तरि जिनगृह सार ।
 आगैं काल होयगा दुष्ट, तिनकी रच्छा कीजै पुष्ट ॥१४॥
 दंड लेइ ता खाई करौ, गंगा लाइ तासमैं भरौ ।
 सुनत वचन सब चले कुमार, खाई करि जल भरि सुख धार ॥१५॥
 इस औसर सुर है फनधार, कियौ मूरछा सरव कुमार ।
 सुनी खबर मंत्रिनने सही, नृप सुत मोह जान नहिं कही ॥१६॥
 तब सुर भयौ वृद्ध द्विजराय, मृतक पुत्र इक कंठ लगाय ।
 धर्मभूप तू दीनदयाल, मेरौ पुत्र हन्यौ है काल ॥१७॥
 तेरे राज दुखी नहिं कोय, मम सुख होय करौ तुम सोय ।
 भूप कहै सुनि हो द्विजराय, जमसौं काहूकी न वसाय ॥१८॥
 सिद्ध विना सबहीकौं खाय, काल गालमैं है पटकाय ।
 जो तू जीता चाहै तेह, पुत्र मोह तजि दिच्छा लेह ॥१९॥
 बांभन कहै सांच जो बात, तो सुनियै विनती विख्यात ।
 भूप कहै धोका नहिं कोय, दिच्छा विन जम नास न होय ॥२०॥
 मेरा सुत इक मारा सार, मारे तेरे साठि हजार ।
 जो तुम लखौ अधिर जग धाम, दिच्छा क्यौं न धरौ नर स्वाम
 मेरा बैरी तनक कृतांत, तेरा बैरी बड़ा न भ्रांत ।
 तुम क्यौं नहिं जीतौ जमराय, अमर होहु सब दुख मिटिजाय

दोहा ।
 वात कहन भूपरि गमन, करन खड़ग खगधार ।
 कथनी कथ करनी करें, ते विरले संसार ॥ २३ ॥

सुन मूरछा नृपकों भई, सीतल-दरब-जोग मिटि गई ।
 मू भावै भावन चार, भौ-तन-भोग अथिर संसार २४
 दोहा ।
 चौपाई ।

भूप कहै संसार सब, कदली वृच्छ समान ।
 केले माहिं कपूर ज्यौं, त्यौं यामैं निरवान ॥ २५ ॥

दुर्लभ नर भव पायकैं, जो मैं साधौं मोप ।
 तो मेरौं जीवन सफल, मिटै सरव दुखदोप ॥ २६ ॥

पुत्र मोह फांसी पख्यौं, मैं न लख्यौं हित काज ।
 अब सब फांसी कटि गई, दियौं भगीरथ राज ॥ २७ ॥

जहां धरम दिड़ जिन तहां, पहुंचे वहु नृप संग ।
 दिच्छा लीनी भावसौं, सुर हरख्यौं सरवंग ॥ २८ ॥

चौपाई ।

गयौ जहां थे साठि हजार, किये सचेतन सरव कुमार ।
 पिता वारता सबसौं कही, मैं तुम कुलकौं प्रोहित सही ॥ २९ ॥

सोरठा ।

धन्य हमारे तात, राज काज तजि बन बसे ।
 हम हूं जाय विख्यात, पिता किया सोई करैं ॥ ३० ॥

चौपाई ।

सब कुमरन तब दिच्छा लई, देव प्रगट है वानी चई ।
 हम कीनौं अपराध अपार, छमा करौं तुम सब मुनि सार ३१

मुनि बोले सब जगत दटोय, तुम सम उपगारी नहिं कोय ।
 भोग कीचतैं सर्व निकार, धरे मोखमैं धनि तू यार ॥ ३२ ॥
 मधुर कठिन दो बात बनाय, करै धरम उपदेस सुनाय ।
 सो पीतम कहियै सिरदार, इस भौ पर भौ सुखदातार ॥ ३३
 दोहा ।

नरम कहै करड़ी कहै, करै पाप उपदेस ।
 सो वैरी तातैं बढ़ै, दोनाँ जनम कलेस ॥ ३४ ॥
 देव सुखी थानक गयौ, सब मुनि करि तप घोर ।
 करम काटि सिवपुर गए, वंदत हौं कर जोर ॥ ३५ ॥
 सगर-विरागछत्तीसिका, हेत भवानीदास ।
 कीनी ध्यानतरायनैं, पढ़ौ सबन सुखरास ॥ ३६ ॥

इति वैरागछत्तीसी ।



(२२९)

बाणी-मंडुया ।

दोहा ।

बंदों बानी वरन जुग, वरग किये पट जास ।
अच्छर एक घटाइके, अंग उपंग प्रकास ॥ १ ॥
'नेमिचंद' मुनिराजपद, बंदों मन वच काय ।
जस प्रसाद गिनती कहूं, जैनवचन-समुदाय ॥ २ ॥

बौपदे ।

अच्छर दोय गनतके काज, राखे भाखे स्त्रीजिनराज ।
तिनकौ वरग फलै विसतार, एक वरगसौं एक निहार ॥ ३ ॥
तातैं लीजै अच्छर दोय, वरग छहौं इस विध अबलोय ।
पहला वरग चार परवान, दूजा सोलै वरग बखान ॥ ४ ॥
तीजा दोसै छप्पन अंक, भाखौं चौथा वरग निसंक ।
पैंसठ सहस पांचसै धार, छत्तिस अच्छर अधिक निहार ॥ ५ ॥
चार सतक उनतीस किरोर, लाख पचास एक कम जोर ।
सतसठि सहस दुसै छानवै, पंच वरग गिनती यह ठवै ॥ ६ ॥

दोहा ।

इक लख चौरासी सहस, चौसै सतसठि जान ।
इनकौ कोड़ाकोड़ि करि, आगै सुनौ बखान ॥ ७ ॥
लाख चवालिस जानियै, सात सहस सै तीन ।
सत्तर एते कोर हैं, और कहूं परवीन ॥ ८ ॥
लाख कहे पच्चानवै, सहस एक पंचास ।
छै सै सोलै गनतका, छंठा वरग परकास ॥ ९ ॥

^१ अंकोमें यथा—१८४४६७, ४४०७३७०, ९५५१६१६ ।
घ. वि. १५

बीस अंककी दूसरी, गनती कहुं समुशाय ।
सावधान है के सुनी, सब संसै मिटि जाय ॥ १० ॥
रोरठा ।

विंजन हैं तेतीस, आदि ककार हकार लौं ।
स्वर हैं सत्ताईस, हस्व पुलत दीरघ नमौं ॥ ११ ॥
जोगवहा है चार, अं अः लख परगट वरन ।
चौसठि जैन मझार, आनमती भाखैं कभी ॥ १२ ॥
दीरघ क्र लृ नहिं संसकृत, देस भापमैं जान ।
ए ए ओ औ हस्व ए, प्राकृत भाषा मान ॥ १३ ॥
मूल वरन चौसठि कहे, अरु संजोग अनेक ।
ते अच्छर पुनरुक्त सब, परमागम यह टेक ॥ १४ ॥
ई चौसठि वरनकौं, भिन्न भिन्न करि राख ।
इक इक पर दो दो धरौ, गुनौ परस्पर साख ॥ १५ ॥
चौपैँ ।

पहले दो दूजे दो चार, तीजे दो गुन आठ निहार ।
चौथे सोले पांच छतीस, छठे चौसठि कहे गनीस ॥ १६ ॥
सात गिनौ सौ अट्ठाईस, आठै दो सै छप्पन दीस ।
इस विध चौसठि लौं गिन सार, बीस अंक उपजैं निरधार ॥ १७
दोहा ।

इक वसु चौ चौ पट सपत, चौ चौ नभ सत तीन ।
सत नभ नौ पन पंच इक, पट इक पट गिन लीन ॥ १८ ॥
लीने थे दो एककै, पूरव गनती काज ।
सो या माहिं कमी करौ, यौं भाख्यौ मुनिराज ॥ १९ ॥

वीस अंक गिनती विषें, हँ से सोलै अंत ।

एक घटा बाकी रहे, हँ से पंद्रै संत ॥ २० ॥

इक वसु चौ चौ पट सपत, चौ चौ विंदी सात ।

तिय सत नभ नौ पंच पन, इक पट इक पन ख्यात ॥ २१ ॥

अब इनके पद वरनज्ज, सो पद तीन प्रकार ।

प्रथम अरथ परमान विय, वितिय मध्य पद धार ॥ २२ ॥

जेते अच्छर जोरिकैं, कहैं परोजन नाम ।

धरम करौ यौं आदि दै, प्रथम अरथ पद धाम ॥ २३ ॥

सोरठा ।

नमः समयसाराय, आठ वरनतैं आदि दे ।

सो प्रमान पद गाय, भूपर परगट देखियै ॥ २४ ॥

दोहा ।

इक पट तिय चौ आठ तिय, नभ सत वसु वसु आठ ।

ए अच्छर ग्यारै करै, कह्यौ मध्यपदपाठ ॥ २५ ॥

चौपई ।

सोलै सै चौतीस किरोर, लाख तिरासी ऊपर जोर ।

सात सहस आठ सै वखान, अद्वासी अच्छर पद मान ॥ २६ ॥

दोहा ।

वीस अंक इक पांचलौ, इक पद ग्यारै अंक ।

भाग दिए कितने भए, पद गन लेहु निसंक ॥ २७ ॥

एक एक दो आठ तिय, पंच आठ नभ सुन्न ।

पंच सकल पद वंदना, कीजै लीजै पुन्न ॥ २८ ॥

सोरथा ।

इक सौ बारे कोर, लाख तिरासी जानियै ।
 सहस अठावन जोर, पंच अधिक पद होत हैं ॥ २९ ॥
 वसु नभ इक नभ आठ, एक सात पन वरन वसु ।
 बाकी राखा पाठ, यातैं हुवा न एक पद ॥ ३० ॥
 आठ कोड़ि इक लाख, आठ सहस अरु एक सौ ।
 पचहत्तर हू भाख, ए अच्छर बाकी रहे ॥ ३१ ॥
 पदकै द्वादस अंग, कीनै गौतम स्वामिने ।
 चौदै भेद उपंग, ते बाकी अच्छरनिके ॥ ३२ ॥
 चौपई ।

द्वादस चौदस अंग उपंग, भद्रबाहु जानै सरवंग ।
 नाम मात्र हू वरननि करौं, अदभुत धीरज हिरदै धरौं ॥ ३३ ॥
 पहला आचारांग प्रधान, तामैं जतिआचार विधान ।
 सहस अठारै पद हैं तास, वंदन करौं क्रिया परकास ॥ ३४ ॥
 सूत्रक्रान्त है दूजा अंग, धर्मक्रियाके सूत्र प्रसंग ।
 पद छत्तीस हजार प्रमान, वंदन करौं जोरि जुग पाना ॥ ३५ ॥
 तीजा ठानाअंग विसेख, तामैं दरव थान वहु पेख ।
 एक जीव जग सिध द्वै भेद, उतपति वै धुव तीन निवेदा ॥ ३६ ॥
 गतिसौं चार भावसौं पांच, चौ दिस अध ऊरध पट सांच ।
 सात भंग वानीतैं सात, इस प्रकार वहु थानक वात ॥ ३७ ॥
 पुदगल एक खंध अनु दोय, सरव दरव थानक यौं जोय ।
 सहस वियालिस पद अवधार, वंदौं सुज्ज थानदातार ॥ ३८ ॥
 चौथा समवायांग विसाल, तहां कथन सम वहुविध भाल ।
 दरव खेत काल अरु भाव, जुदे जुदे वरनौं विवसाव ॥ ३९ ॥

दरवित धरम अधर्म समान, खेत पंच पैताले जान ।
 सरवारथ सिध सातम जान, तेतिस सागर काल समान ॥४०
 केवल व्यान वरावर जान, केवल दरसन भाव समान ।
 पद इक लख चौसठि हजार, बंदौ मनमै समता धार ॥४१॥
 व्याख्याप्रगपति पंचम अंग, ताके भेद कहौं सरवंग ।
 जीव अस्तिकौ क्यौं करि नास, किह विधि नित्य अनित्य प्रकास
 साठि हजार प्रसनके काज, सब उत्तर व्याख्यान समाज ।
 अटाईस सहस द्वै लाख, पद बंदौ उत्तर रस चाख ॥४३॥
 धर्मकथा है छढ़ा नाम, रतनत्रै दसलच्छन धाम ।
 पांच लाख छपन हजार, पद बंदौ मैं धरम विचार ॥४४॥
 सातम उपासकाअध्यैन, तामैं स्नावककी विधि ऐन ।
 पूजा दान संब उपगार, ग्यारै प्रतिमा वरनन सार ॥४५॥
 अनाचार अतिचार विचार, घरकी सब किरिया विसतार ।
 ग्यारै लाख छपन हजार, पद बंदौ स्नावकपदकार ॥४६॥
 दोहा ।

अंतकृतंदस अष्टमा, अंग कहे पद तास ।

तेईस लाख वखानियै, सहस अठाईस भास ॥ ४७ ॥

इक इक जिन घारै भयौ, दस दस गुन उपसर्ग ।

सहि सहि सब सिवपुर गए, कथन सकल रिपिवर्ग ॥४८॥

अनुत्तरोउपपाददस, नौमा अंग वखान ।

लाख वानवै पद कहे, सहस चवालिस जान ॥ ४९ ॥

दस दस मुनि उपसर्ग सहि, पहुंचे पंच विमान ।

एक एक जिनके समै, तिनकौ कथन विनान ॥ ५० ॥

नौपई ।

प्रसन व्याकरण दसमा अंग, ताके भेद सुनौ वहु रंग ।
दृत प्रस्तुति भाखै वात, धन कन लाभ अलाभ विख्यात ॥५१॥
सुख दुख जनम मरन जय हार, और भेद सुनि चार प्रकार ।
अच्छेदिनी थपै निज धर्म, विच्छेपिनी हरै पर मर्म ॥५२॥
धर्मप्रभावक संवेजनी, भव दुख उदास निरवेजनी ।
लाख तिरानू सोल हजार, पद वंदौं संदेह निवार ॥५३॥
विपाकसूत्र ग्यारमा देख, कर्म उदैकी वात विसेख ।
तीव्र मंद सुभ असुभ सुभाख, एक कोरि चौरासी लाख ॥५४॥
ग्यारै अंग कहे समझाय, नाम अर्थ पद संख्या गाय ।
चार किरोर पंदरै लाख, दो हजार सबके पद भाख ॥५५॥
मिथ्यादृष्टी वहु विध जीव, झूठ धर्ममैं मगन सदीव ।
जान तीनसै त्रेसठ जात, थोरे माहिं कहूं सब वात ॥५६॥
किरियावाद असी सौ जीय, अक्रियावादी चौरासीय ।
अग्यानवादी सत्सठि दीस, विनैवादधारी वत्तीस ॥५७॥
सबकौं जीतै नै समझाय, विविध भाँति वहु जुगति उपाय ।
सोई दिष्टवाद है अंग, द्वादसमा जानौ वहु भंग ॥५८॥

सोरठ ।

इक सौ आठ किरोर, अड़सठ लख छप्पन सहस ।
पंच अधिक पद जोर, कहे वारमैं अंगके ॥ ५९ ॥
पंच भेद हैं तास, प्रथम परकरन सूत्र विध ।
प्रथमान जोग भास, पूरव गन अरु चूलिका ॥ ६० ॥
पंच भेद परकर्न, ससि रवि जंवूद्धीप भनि ।
दीप उदधि सुनि कर्न, व्याख्याप्रगपती सहित ॥ ६१ ॥

(२३?)

चौपहि ।

चंद्रप्रगपती मुनौ वखान, ससि ग्रह नश्च तारे जान ।
 आव काय गति उद्दे निश्चार, व्रत्तिस लाख पांच हजार ॥६२॥
 सूर्यप्रगपती माहिं विचार, देवी देव सकल परिवार ।
 सूरजविंशतना विस्तार, पांच लाख पद तीन हजार ॥६३॥
 जंबूद्धीप प्रगपती जान, मेरु कुलाचल आदि वखान ।
 तीन लाख पच्चीस हजार, बंदौं चैत्याले सिर धार ॥६४॥
 दीप उदधि प्रगपती सोय, असंख्यातकी कथनी होय ।
 नाम मानि वरनन पद सार, वावन लाख छतीस हजार ॥६५॥
 व्याख्याप्रज्ञसी है नाम, जीव अजीव दरव अभिराम ।
 रूप अरूप विंव पद दीस, चौरासी लख सहस छतीस ॥६६॥

दोहा ।

प्रथम भेद परकरन यह, पद इक कोर वखान ।
 लाख इकासी जानियै, सहस पंच परवान ॥ ६७ ॥

चौपहि ।

सत्र भेद दूजौ परवान, जीव अबंध अकरता जान ।
 सुपरप्रकासक वहु विध भाख, याके पद अडासी लाख ॥६८॥
 प्रथमानजोग तीजा जथा, त्रेसठ पुरुष सलाका कथा ।
 नाम काय थिति भेद प्रकास, पंच हजार कहे पद तास ॥६९॥
 पूरव चौथा भेद वखान, ताके चौदै नाम सुजान ।
 साड़े पंचानवै किरोर, पंच अधिक सब पदका जोर ॥७०॥
 प्रथम कह्यौ पूरव उतपात, एक कोरि पद कहे विख्यात ।
 उतपत व्य धुव तीनौ काल, नौ विध दरव भेद वहु साल ॥७१॥

अग्रनीय दूजों अभिराम, तहाँ सुनै दुरनै वहु नाम ।
 भेद सात सै तिनके कहे, लाख छानवै पद सरदहे ॥७२॥
 तीजा वीरजवाद विसाल, निजवल परवल जुग वल भाल ।
 खेत काल तप भाव अपार, सत्तर लाख कहाँ पद सार ॥७३॥
 चौथा अस्ति नास्ति है नाम, तामैं सप्तभंग अभिराम ।
 दर्व अस्ति साधनिकौं कहे, साठि लाख पद पंडित गहे ॥७४॥
 पंचम ग्यानप्रवाद विधान, पांच ग्यान तीनों अग्यान ।
 संख्या विषै रूप कल जोर, एक घाटि पद एक किरोर ॥७५॥
 छठा सत्य परवाद विचार, द्वादस भाषाकौ अधिकार ।
 दस विध सत्य वचन तहं कहे, एक कोर पट पद सरदहे ॥७६॥

दोहा ।

आतम प्रवाद सातमा, पूरव सवतैं जोर ।

जीव भाव अधिकार वहु, पद छव्वीस किरोर ॥७७॥

चौपाई ।

कर्मप्रवाद नाम आठमा, ग्यानावरनादिककी जमा ।

सत्ता वंध आदि वहु भाख, एक कोर पद अस्सी लाख ॥७८॥

नौमा पूरव प्रत्याख्यान, पापक्रियाकौ त्याग विधान ।

भेद संघनन पालन काज, पद चौरासी लाख समाज ॥७९॥

दसमा पूरव विद्या भाख, पद इक कोरि कहे दस लाख ।

लघु सात सै पांच सै महा, विद्या अष्ट निमित सव कहा ॥८०॥

कल्यानवाद ग्यारमा पेख, पंच कल्यानक कथन विसेख ।

पोड़ुसकारन भावन जहाँ, पद छैवीस कोर हैं तहाँ ॥८१॥

द्वादस पूरव प्रानावाद, इडा पिंगला सुपमना स्वाद ।

अंग उपंग प्रान दस भेद, तेरह कोड़ लास पद वेद ॥८२॥

तेरम पूरव क्रियाविसाल, कला वहतरि कही रसाल ।
 चौसठ गुन नारीके कहे, सील भेद चौरासी लहे ॥ ८३ ॥
 गरभ आदि सौ आठ प्रकार, सम्यक भेद पचीस प्रकार ।
 नौ किरोरपद जग व्योहार, जिनवानी सवतैं सिरदार ॥ ८४ ॥
 विंद त्रिलोकसार चौदहां, लोक अलोक कथन है जहां ।
 अकृत अनादि अनंत प्रकास, वारे कोरि लाख पंचास ॥ ८५ ॥

दोहा ।

पूरव चौथे भेदका, कह्यौ सकल व्योहार ।
 नाम चूलिका अब कहूं, पंचम भेद विचार ॥ ८६ ॥

चौपाई ।

जल थल माया नभ अरु रूप, पंच भेद चूलिका अनूप ।
 पद दस कोड़ि लाख उनचास, सहस छियालिस वरन्यौ तास
 सोरठा ।

दो किरोर नौ लाख, सहस नवासी दोय सै ।
 एक एकके भाख, पांचौंके पद एकसे ॥ ८८ ॥

चौपाई ।

नाम जलगता कौ आरंभ, जलमैं मगन अगनकौ थंभ ।
 अगनि माहिं परवेस निकार, मंत्र जंत्र अरु तंत्र विचार ॥ ८९ ॥
 नाम थलगता कहियै सोय, मेरु कुलाचलमैं गम होय ।
 सीध गमन भुवमैं परवेस, मंत्रादिक क्रिरिया उपदेस ॥ ९० ॥
 मायागता नाम है तास, इंद्रजाल विक्रिया प्रकास ।
 मंत्र जंत्र तप भेद वखान, जिनवानी सवतैं परधान ॥ ९१ ॥
 नाम अकासगता है तहां, व्योम गमन वहुविध है जहां ।
 जप तप क्रिया अनेक प्रकार, उपजै चारनरिद्धि निहार ॥ ९२ ॥

रूपगता है ताकौ नाम, हयगय आदि रूप अभिराम ।
चित्रकाठ अरु लेप अनेक, धातवाद रसवाद विवेक ॥९३॥
सोरठा ।

द्वादस अंग सरूप, पदसंख्या पूरा भवा ।
वाहज अंग अनूप, सो चौदै विधि वरनजं ॥ ९४ ॥
चौपई ।

इहां पदनिकी संख्या नाहिं, थोरे अच्छर हैं इन माहिं ।
आठ किरोर अधिक कछु भने, चौदै वाहज अंगनितने ॥९५॥
पहला सामायिक है सोय, समभावनिमै आयक होय ।
नाम थापना दरवित भाव, खेत काल पट भेद लखाव ॥९६॥
दूजा स्तव कहिये है सोय, चौबीसौं जिनकी थुति होय ।
तीजा भेद वंदना जान, एक जिनेस नमन विधि ठान ॥९७॥
चौथा प्रतिक्रम कहियै सोय, किया दोप निरवारै जोय ।
पंचम विनै पंच परकार, ग्यान दरस ब्रत तप उपचार ॥९८॥
छठा कृतक्रम क्रिया विसाल, पंच परम गुरु भगत त्रिकाल ।
सातम दसवैकालिक कहा, मुनि अहार विधि सुध सरदहा ९९
आठम नाम उत्तराध्यैन, सब उपसर्ग परीसै जैन ।
नौमा नाम कल्प व्यौहार, मुनि विधि गहन अवधि परिहार १००
कलपाकलप दसम लख लेहु, सिख्या कथन कहा गुन गेहु ।
दरवित खेत काल अरु भाव, मुनिकौ जोग अजोग लखाव
महाकलप ग्यारम अभिधान, साध क्रिया उत्किष्ट प्रधान ।
पुण्डरीक द्वादसम बखान, चउविधि सुर उपजनि तप दान ॥
तेरम नाम महापुण्डरीक, इंद्र उपजनि क्रिया तप लीक ।
चौदम नाम निषधि परवान, दोप प्रमाद त्याग गुनखान ॥

दोहा ।

चौदै वाहज अंग ए, अगले वारह अंग ।
 वीस अंककी गिनतिका, पूरन भया प्रसंग ॥ १०४ ॥
 मनपरजै मति औधिकी, केवल सम्या नाहिं ।
 चुतकेवलि केवल कह्यौ, बड़यौ ग्यान जग माहिं ॥ १०५ ॥
 लिंगज चुत अच्छररहित, सवदज अच्छर रूप ।
 दोय भेद चुत ग्यानके, सवदज चुत सुभरूप ॥ १०६ ॥

चौपाई ।

विकल चतुक एकेन्द्री माहिं, लिंगज चुतमैं सम्यक नाहिं ।
 चहुं गति सैनी सवदज ग्यान, उपजै सम्यक दरस प्रधान ॥
 सीजिन गुन अनंत भंडार, ओंकार रूप धन सार ।
 इच्छा विना अनच्छर झरै, अच्छरमै हैं संसै हरै ॥ १०८ ॥
 धुनि समझैं गनधर भ्रम नाहिं, और सुनैं निज भाखा माहिं ।
 प्रभुकौ कथन समझ गनधार, सो गनती को लखै अपार ॥ १०९ ॥
 जो गनधरने रचना करी, सो बहु हम कहं तक विस्तरी ।
 वामैं भूल चूक जो होय, बुध जन सोध लीजियै सोय ॥ ११० ॥
 रवि ससि दीपक तम नहि हरै, अंतर तमवानी छै करै ।
 सो वानी नित करौ उदोत, हमैं तुमैं परमात्म जोत ॥ १११ ॥

दोहा ।

वानत वानी कथनतैं, बढ़ै ग्यान घट माहिं ।
 ज्यौं नैननितैं देखियै, घट पट धोखा नाहिं ॥ ११२ ॥

इति वानीसंख्या ।

पल्लु-पचीसी ।

दोहा ।

कल्प अनंतानंत लौं, रुलै जीव विन ग्यान ।
 सम्यकसाँ सिवपद लहै, नमाँ सिद्ध भगवान ॥ १ ॥
 जो कोई पूछै इहां, एक कल्पका काल ।
 कितना सो व्यौरो कहां, कहां सुनाँ तजि लाज ॥ २ ॥

चौपाई ।

एक कल्पके सागर कहे, कोड़ा कोड़ी वीस सरदहे ।
 इक सागरके पल्ल वखान, कोड़ा कोड़ी दस परवाना ॥ ३ ॥

दोहा ।

तीन भेद हैं पल्लके, प्रथम पल्ल 'व्यौहार' ।
 दूजा पल्ल 'उधार' है, तीजा 'अज्ञा' धार ॥ ४ ॥

सोरठा ।

प्रथम रोम गिन देह, दूजा दीप उदधि गिनै ।
 तीजा भौ-तिथि एह, चहुं गति जिय वस करमके ॥ ५ ॥

दोहा ।

प्रथम पल्ल व्यौहारकौं, कहुं जिनागम जोय ।
 अंक पंच चालीसकी, गनती जातै होय ॥ ६ ॥

सबैया-इकतीसा ।

नभका प्रदेस रोकै पुङ्गल दरव अनूं,
 औधिग्यानी देखै नैनगोचर न सोई है ।
 अनंत अनंत मिलि खंध सज्जासन्न नाम,
 रजरैन त्रटरैन रथरैन होई है ॥

उत्तम भू मध्यम जघन कर्मभूमि वाल,
 लीख तिल जौ अंगुल वारै रास जोई है ।
 सज्जासन अंगुललौं वारै आठ आठ गुनै,
 जिनवानी जानी जिन तिन संसै खोई है ॥ ७ ॥
 दोहा ।

भोगभूमि उत्तम विषे, उपजेके सिरवाल ।
 जनम सात दिनके कहे, महामहीन रसाल ॥ ८ ॥
 तिनसेती कूवा भरौ, जोजन एक प्रमान ।
 अति सूच्छम सब कतरिकैं, खंड होहि नहिं आन ॥ ९ ॥
 भोगभूमि उत्तम मधम, जघन करम भुवि लीख ।
 तिल जौ अंगुल आठ ए, भेद लेहु तुम सीख ॥ १० ॥
 अंगुल हाथ धनुप कहे, कोस जु जोजन पंच ।
 तीन भेद पांचौं लखे, संसै रहै न रंच ॥ ११ ॥
 प्रथम नाम उत्सेध है, दूजा नाम प्रमान ।
 तीजा आतम नाम है, अंगुल तीन बखान ॥ १२ ॥
 सवैया इकतीसा ।

वाल आदि गनती सो उत्सेध अंगुलतैं,
 चारौं गति देह नर्क स्वर्गके प्रसाद हैं ।
 यातैं पांचसै गुनेकौ अंगुल प्रमान तातैं,
 दीपोदधि सैल नदी जैनधाम आद हैं ॥
 छहौं काल वृद्ध हानि आतम अंगुल तातैं,
 भौन घट रथ छत्र आसन धुजाद हैं ।
 इसी भाँति हाथ चाप कोस अरु जोजन हैं,
 सबकौ लखैया जीव ताके गुन याद हैं ॥ १३ ॥

उत्तम सु भोगभूमि मेप वाल कोमल हैं,
मध्यम जघन्य कर्म भूमिनकौ वार है ।
लीख तिल जौ अंगुल आठाँ आठ आठ गुनै,
अंगुल चौबीसनकौ एक हाथ धार है ॥
चारि हाथ एक चाप दो हजार चापनकौ,
एक कोस चारि कोस जोजन विचार है ।
ऐसैं पांचसै गुनैकौ जोजन प्रमान एक,
ताकौ पल्लकूप गोल ढोलके अकार है ॥ १४ ॥
वाल महा जोजन लौं गनती लंवाई करौ,
नव अंक पट सुन्य सव पंद्रै दीस हैं ।
लंवाई चौराईसेती गुनैं हाथ तीस अंक,
पंद्रैकी ऊंचाई गुनौं भए पैतालीस हैं ॥
गोलकी कसर काज उन्निस गुनो समाज,
चौविसका भाग देहु भाखत मुनीस हैं ।
सत्ताईस अंक ठारे सुन्य पल्ल रोम कहे,
धन्न जैन वैन सव वैननिके ईस हैं ॥ १५ ॥

੮੦੫੩੨੦੬੩੬੮੦੦੦੦੦ || ੬੪ ੮੫੧੮੩੪੬੩੪੧੩
 ੫੧੪੨੪੦੦੦੦੦੦੦੦੦੦ || ੫੨੨੫੫੯੫੪੦ ੭੩੫੧੯
 ੮੦੩੪ ੭੩੦੬੮੦੩੨੦੦੦੦੦੦੦੦੦੦੦੦੦ || ੧੯੨
 ੨੮੬੩੧੨੭੩੯੬੮੭੬੨੬੫੯੮੮੨੯੨੬੦੮੦੦੦੦੦੦੦੦
 ੦੦੦੦੦੦੦੦੦ || ੪੧੩੪੫੨੬੬੩੦੩੦੮੨੦੩੧੭੭੭੪੯੫
 ੧੨੧੯੨੦੦੦੦੦੦੦੦੦੦੦੦੦੦੦|| ਏਤੇ ਏਕਠੇ ਮਣੁ ||

सवैया इकतीसा ।

एक महा जोजनके उत्सेध अंगुल हैं,
अड़तीस कोडि लाख चालीस वताइए।

बीस लाख सत्तानुं सहस्र एक सौ वावन,
 अंगुलके एते रोम दुहंकाँ फलाइए ॥
 आठ कोड़ा कोड़ी पांच लाख तीस ही हजार,
 सहस्र छत्तीस कोड़ि असी लाख गाइए ।
 एही पंदरैकौ धन किए अंक पैतालीस,
 एते काल जीव भम्यौ ऐसे भाव भाइए ॥ १६ ॥

अंकनाम, अडिड ।

चौ इक तिय चउ पांच दोय पट तीन हैं ।
 नभ तिय नभ वसु दो नभ तिय इक कीन हैं ॥
 सत सत सत चौ नौ पन इक दो इक कहे ।
 नौ दो आगै ठारे सुन्न सरव लहे ॥ १७ ॥

सधैया इकतीसा ।

चार सै तेरैकौ पट वार कोटि पैतालीस,
 लाख सहस्र छब्बीस सत तीन तीन जी ।
 पंच चारि कोड़ि आठ लाख बीस हैं हजार,
 तीन सत सत्रै चार चार कोड़ी कीन जी ॥
 सतत्तर लाख सहस्र उनचास सै पंच,
 बारहकौ तीन बार कोड़ा कोड़ी बीनजी ।
 उनईस लाख बीस ही हजार कोड़ा कोड़ी,
 पैतालीस हैं अनादि भाखे न नवीन जी ॥ १८ ॥

दोहा ।

इक इक रोम निकारिए, सौ सौ वरस मझार ।
 जव जव खाली कूप है, यही पल्ल व्यौहार ॥ १९ ॥

समैया इकतीसा ।

सब रोमकाँ फलाय एक एक न्यारौ करौ,
असंख्यात कोड़ि वर्पके समै फलाइए ।
एती एती रोम एक एक रोम पर राखौ,
सबकी गनतीकै उधार पल्ल गाइए ॥
कोड़ा कोड़ी पच्चीसके दीपोदधि राजू माहिं,
उज्ज्वार रोम सौ सौ वरसमै गिनाइए ।
सोई अज्जापल्ल दस कोड़ा कोड़ीके सागर,
ऐसी धिति भोगिकै कपाय न घटाइए ? ॥ २० ॥

चौपहु ।

चहुगति माहिं रुला तू जीव, अधापल्ल धिति लही सदीव ।
तेतिस सागर नरक मझार, इकतिस सागर ग्रैवक धार ॥ २१ ॥
जगमै दुख सुख लहे अनेक, पायौ नाहीं ग्यान विवेक ।
सबमै दुलभ नर अवतार, आय सुधाट चलै मतिहार ॥ २२ ॥

दोहा ।

इस गिनतीका हेत यह, जानि होय वैराग ।
जो सुनिकै समझै नहीं, ताके बड़े अभाग ॥ २३ ॥
कही सुनी भोगी लखी, जिन यह धिति बहु भाय ।
सो हम जान्यौ आतमा, रहूं तास लौ लाय ॥ २४ ॥
गोमटसार निहारिकै, भाषी द्यानत सार ।
भूलचूक यामै कह्यौ, लीजौ संत सुधार ॥ २५ ॥

इति पछनचीसी ।

पद्मगुणी-द्वानि-वृद्धि-चीमी ।
दोहा ।

संख असंख अनंत गुन, भए वृद्धि पट हान ।
सुद्ध अगुरुलधु गुनसहित, नमाँ सिद्ध भगवान ॥ १ ॥
पुगल धर्म अधर्म नभ, काल पंच जड़रूप ।
छहाँ दरव ग्यायक सदा, नमाँ सिद्ध चिद्रूप ॥ २ ॥

सबैया इकतीसा ।

धर्म अधरम नभ एक एक दर्व सव,
काल असंख्यात दर्व चेतन अनंत हैं ।
पुगल अनंतानंत काहकी न आदि अंत,
परजै उतपात वै गुन धुववंत हैं ॥

जीव दर्व ग्यायक सरीर आदि पुगल है,
धर्माधर्म दर्व गति थिति हेत तंत है ।
व्योम ठौर देत काल नौ^१-जीरन भाव हेत,
ऐसी सरधासौं संत भौ-जल तरंत है ॥ ३ ॥

एक एक दरवमै अनंत अनंत गुन,
अनंत अनंत परजाय पेखियत है ।

एक एक गुन माहिं अनंत अनंत भेद,
एक एक भेद न्यारे न्यारे देखियत है ॥

कई भेद काह समै वृद्धिरूप परनमै,
कई भेद काह समै हानि लेखियत है ।

अद्भुत तमासा ग्यान आरसीमै प्रतिभासा,
दर्वित अलेख कर्मसेती भाखियत है ॥ ४ ॥

१ नवीन तथा जीर्ण (पुराना) करनेका कारण है ।

दोहा ।

अस्ति अमूरत अगुरुलघु, दर्व प्रदेस प्रमेय ।
वस्तु अचेतन मूरती, चेतन दस गुन गेय ॥ ५ ॥

सर्वया इकतीरा ।

दर्व खेत काल भाव चारौं गुन लियैं अस्त,
परसंग बात सान(?) सदा गुन वस्त है ।
उतपात वै धुव परनतसौं दर्व तत,
गढ़ै उड़ै नाहिं सो अगुरुलघु समस्त है ॥

दर्व गुन परजायकौ अधार परदेस,
आपकौं जनावै गुन परमेय लस्त है ।

मूरत अमूरत अचेतन चेतन दसौं,
गुन छहाँ दर्वमाहिं जानैं भ्रम नस्त है ॥ ६ ॥

जीव माहिं चेतन अमूरत ए दोन्यौं गुन,
पुगलमैं मूरत अचेतन दो पाइए ।

अमूरत अचेतन ए दोऊ हैं तिहं काल,
धर्माधर्म नभ काल चारौंमैं बताइए ॥

अस्त वस्त दरवतैं परमेय परदेस,
अगुरु लघु ए छहाँ सबहीमैं गाइए ।

तातैं एक एक दर्व माहिं आठ आठ सधैं,
मुख्य गुन चेतनकौ ध्यान माहिं ध्याइए ॥ ७ ॥

जो तौ दर्व गुरु होय भूमैं वसि जाय सोय,
जो तौ दर्व लघु होय उड़ जाय तूल ज्यौं ।

ताहीतैं अगुरु लघु बड़ा गुन दर्व माहिं,
जातैं दर्व अविनासी सदा मेरमूल ज्यौं ॥

ताही गुनका विकार ताके बारे भेद धार,
 केवलीके ग्यानमें विराज रहे थ्रूल ज्याँ ।
 तिन्हें कहि सकं कोय समझे सो बुध होय,
 किंचितसे भाखत हाँ मिटे धर्म भूल ज्याँ ॥ ८ ॥
 जीवमें अनंत गुन तामें एक ग्यान नाम,
 मूल पंच भेद भेद उत्तर अनंत हैं ।
 दूजे गुन दर्सनके चार भेद मूल कहे,
 उत्तर अनेक भेद लोकमें भनंत हैं ॥
 तीजा गुन सुख सुखी चक्री जुगलिये जीव,
 फनी इंद अहमिंद सिद्धजी महंत हैं ।
 चौथा बल गज सिंघ चक्री देव जिनराज,
 ऐसैं ही अनंतकौं जे ध्यावैं तेई संत हैं ॥ ९ ॥
 पुगल दरवमें अनंत गुन रुखा एक,
 ताके बहु भेद धूल राख रेत मान है ।
 दूजे चिकनेके भेद हैं अनेक रूप पानी,
 छेरी गाय भैसि ऊटनीकौं दूध जान है ॥
 तीजा गुन कड़वा है भेद निंव इंद्रायन,
 विष और महाविष लोकमैं निदान है ।
 चौथा गुन मीठा गुड़ खांड सर्करा पीयूप,
 ऐसैं ही अनंतनिसौं मेरौ ग्यान आन है ॥ १० ॥
 दर्वमें अनंत गुन एक जीवमैं अनंत,
 एक अस्त भाव ताके चौदै गुनथान हैं ।
 एक पुदगलमैं अनंत बीस नाम कहे,
 एक फास बेल काठ हाड़ औ पखान है ॥

चारों दर्वं माहिं तौ विभाव गुन जमा नाहिं,
 सुध भाव गुन भेद साधै बुधवान है ।
 आत्मके साधनकौं साधन वताए सब,
 वस्त सिद्ध भए साध हेत दुखदान है ॥ ११ ॥
 चार अंक भाग दोय गुण करै सोलै होय,
 नव भाग तीन गुन एक असी धन(?) हैं ।
 सोलहकौ भाग चार गुनतैं दोसै छप्पन,
 पच्चिसका भाग पांच सवा छैसे गुन हैं ॥
 छत्तिसका भाग पट गुन वारै सै छानवै,
 सौ भाग दस गुन दस हजार सुन हैं ।
 संख्यात असंख्यात अनंत यौही भाग गुण,
 पट वृद्धि पट हानि जानत निपुन हैं ॥ १२ ॥
 वारै अंक दोय भाग पट तीन भाग चार,
 चार भाग तीन पट भाग दोय जाने हैं ।
 वारै दुगुने चौबीस तिगुने छत्तीस दीस,
 चौगुने अठतालीस पांच साठ ठान हैं ॥
 इसी भाँति उतकिस्ट मध्यम जघन्य भेद,
 भागाकार गुनाकार भावनमै माने हैं ।
 आलसकौं टारि नैक अंतर विचार देखौ,
 परनाम भेद जान मिथ्याभाव भाने हैं ॥ १३ ॥
 अनंत-भाग-वृद्धि औ असंख्यात-भाग-वृद्धि,
 संख-भाग-वृद्धि संख-गुन-वृद्धि थानजी ।
 असंख्यात-गुन-वृद्धि औ अनंत-गुन-वृद्धि,
 अनंत-भाग-हानि असंख-भाग-हानजी ॥

संख-भाग-हानि संख गुनहानि असंख्यात,
 गुन-हानि औं अनंत गुन-हानि मानजी ।
 एई परनामनके बारै भेद थूल कहे,
 एक एक भेदमैं अनेक भेद जानजी ॥ १४ ॥
 काहूँ समै संख-भाग भावनिकी वृद्धि होय,
 काहूँ समै संख-गुन भाववृद्धि रिद्ध है ।
 काहूँ समै असंख्यात-भाग भाववृद्धि होय,
 काहूँ समै असंख्यात-गुन-वृद्धि निद्ध है ॥
 काहूँ समैमैं अनंत-भाग भाववृद्धि होय,
 काहूँ समैमैं अनंत-गुन-भाव वृद्ध है ।
 इसी भाँति छहाँ भेद हानिकौं लगाय लीजै,
 धन्न ग्यान केवलमैं सब वात सिद्ध है ॥ १५ ॥
 जहाँ लौं गिनै सो संख्यात अगिन असंख्यात,
 जाकौं अंत नाहिं सो अनंत ठहराया है ।
 संख भेद संखके असंखके असंख भेद,
 जाहीके अनंत भेद सो अनंत भाखा है ॥
 जातैं भेद घाट होय भाग नाम कह्यौं सोय,
 जातैं भेद बाढ़ होय सोई गुन गाया है ।
 संख्यात असंख्यात अनंत भाग गुन पट,
 वृद्धि हानि बारै भाव सूधा समझाया है ॥ १६ ॥
 ग्यान गेय माहिं नाहिं गेय हू न ग्यान माहिं,
 ग्यान गेय आन आन ज्यौं मुकुर घट है ।
 ग्यान रहै ग्यानी माहिं ग्यान विना ग्यानी नाहिं,
 दुहं एकमेक ऐसैं जैसैं सेतपट है ॥

भाव उत्पात नास परजाय नैन भास,
दरवित एक भेद भावकौ न वट है ।
द्यानत दरव परजाय विकलप जाय,
तब सुख पाय जब आप आप रट है ॥ १७ ॥

निहर्चैं निहार गुन आतम अमर सदा,
विवहार परजाय चेतन मरत है ।

मरना सुभाव लीजै जीव सत्ता मूल छीजै,
जीवरूप विना काकौ ध्यान को धरत है ॥
अमर सुभाव लखै करुना अतीव होय,
दया भाव विना मोखपंथ को चरत है ।
अविनासी ध्यान दीजै नासी लखि दया कीजै,
यही स्वादवादसेती आतमा तरत है ॥ १८ ॥

पट गुनी हानि वृद्धि भाव हैं सुभावहीके,
सुद्धभाव लखैसेती सुद्धरूप भए हैं ।

सरवथा कहनेकौं आप जिनराजजी हैं,
आचारज उवझाय साधु परनए हैं ॥

कुंदकुंद नेमिचंद जिनसेन गुनभद्र,
हम किस लेखे माहिं सूधे नाम लए हैं ।

द्यानत सबद भिन्न तिहूं काल मैं अखिन्न,
सुद्ध ध्यान चिन्न माहिं लीन होय गए हैं ॥ १९ ॥

दोहा ।

बुद्धिवंत पढ़ि बुधि वढ़े, अबुधनि बुधि दातार ।

जीव दरवकौ कथन सब, कथननिमैं सिरदार ॥ २० ॥

इति पटगुणी हानिवृद्धि ।

पूरण-पंचासिका ।

सवैया इकतीया ।

नाथनिके नाथ औ अनाथनिके नाथ तुम,
 तीनलोक नाथ तातैं सांचे जिननाथ हौं ।
 अष्टादस दोप नास ग्यानजोतकौं प्रकास,
 लोकालोक प्रतिभास सुखरास आथ हौं ॥
 दीनके द्याल प्रतिपाल सुगुननि-माल,
 मोखपुर पंथिनकौं तुमी एक साथ हौं ।
 व्यानतके साहव हौं तुमही अजायव हौं,
 पिंड ब्रह्मंड माहिं देखनिकौं माथ हौं ॥ १ ॥

चौबीसा-छंद (आठ रण)

भान भौ-भावना ग्यान लौ लावना,
 ध्यानकौं ध्यावना पावना सार है ।
 स्वामिकौं अच्चिकै कामकौं वच्चिकै,
 रामकौं रच्चिकै सच्चकौं धार है ॥
 सल्लकौं भेदिकै गल्लकौं छेदिकै,
 अल्लकौं वेदिकै खेद खैकार है ।
 रोपकौं नट्टकै दोपकौं भट्टकै,
 सोपकौं लट्टकै अट्टकौं जार है ॥ २ ॥

सवैया इकतीसा ।

चाहत है सुख पै न गाहत है धर्म जीव,
 सुखकौं दिवैया हित भैया नाहिं छतियां ।
 दुखतैं डर है पै भर है अघसेती घट,
 दुखकौं करैया भयदैया दिन रतियां ॥

लायी है बवूलमूल खायी चाहे अंब भूल,
दाहजुर नासनकाँ सोवै सेज ततियाँ ।
चानत है सुख राई दुख मेरकी कमाई,
देखौं रायचेतनिकी चतुराई वतियाँ ॥ ३ ॥

सवैया तैर्शा ।

को गुरु सार वरै सिव कौन, निसापति को किह सेव करीजै ।
कौन बली किम जीवनकौ फल, धर्म करै कव क्या अघ छीजै ॥
कर्म हरै कुन कौन करै तप, स्वामिकौ सेवक कौन कहीजै ।
चानत मंगल क्यौं करि पाइयै, पारस नाम सदा जपि लीजै ॥
कौन बुरा तम कौन हरै, तजियै न कहा किहकौं तजि दीजै ।
क्या न करै किहकौं न धरै, किहसुं लरियै किहमै न रहीजै ॥
का सहुभिन्न चलै कि नहीं, व्रत स्वामिकौ देखिकैं क्या उचरीजै ।
चानत काम निरंतर कौन सो, पारस नाम सदा जपि लीजै ॥
का सहु दान कहा उपजै अघ, को गृह ऊपर काहि पड़ीजै ।
कौन करै थिर कैसे हैं दुर्जन, क्यौं जस कौन समान गनीजै ॥
का कहु पालियै धर्म भजै किम, धर्म बड़ा कहु कौन कहीजै ।
चानत आलस त्याग कहा सुभ, पारस नाम सदा जपि लीजै ॥

सवैया इकतीसा ।

निज नारि खोय पूछैं पसुपंछी वृच्छ सब,
तुम कहीं देखी सु तौ तीनलोक ग्याता है ।
हर्नाकुस पेट फाख्यौ कंस जरासिंधु माख्यौ,
ताकौं कहैं कृपासिंधु संतनिकौ त्राता है ॥
बैल असबार दोय नार औ त्रिसूल धार,
गलमै वधंवर दिगंवर विख्याता है ।

ऐसी ऐसी वात सुनि हांसी मोहि आवत है,
 सूरजमें अंधकार क्याँ करि समाता है ॥ ७ ॥
 चारौं गति भाव यार सोलहाँ कपाय 'सार',
 तीनाँ जोग 'पासे' ठारं दोप 'दाव' परं हैं ।
 जीवै मरे कर्म रीत सुभा सुभ 'हार जीत'
 संयोग वियोग सोई मिलि मिलि विश्वरं हैं ॥
 चवरासी लाख जोनि ताके चवरासी भाँन,
 चारौं गति विकथामें सदा चाल करें हैं ।
 चौपरके ख्यालमैं जगत चाल दीसत है,
 पंचमकौं पाय ख्यालकौं उठाय धरें हैं ॥ ८ ॥
 सुनि हो चेतन लाल क्यौं परे हौ भवजाल;
 बीते हैं अनादि काल दीसत कंगाल हौं ।
 देखत दुख विकराल तिन्हीसौं तेरौ ख्याल,
 कछु सुध है संभाल डोलत वेहाल हौ ॥
 घरकी खवरि टाल लागि रहे और हाल,
 विष गहि सुधा चाल तज दीनी वाल हौ ।
 गेह नेहके जंजाल ममता लई विसाल,
 त्यागिकै हूजै निहाल द्यानत दयाल हौ ॥ ९ ॥

सबैया तेरेसा ।

संग कहा न विषाद बढ़ावत, देह कहा नहिं रोग भरी है ।
 काल कहा नित आवत नाहिं नैं, आपद क्या न नजीक धरी है ।
 नर्क भयानक है कि नहीं, विषयासुखसौं अति प्रीति करी है ।
 ग्रेतके दीप समान जहानकौं, चाहत तो बुधि कौन हरी है ॥ १० ॥

कोध सुई जु करै करमौपर, मान सुई दिहं भग्न (?) बहूवि ।
 माया सुई परकष्ट निवारत, लोभ सुई तपसौं तन तवै ॥
 राग सुई गुरु देवपै कीजियै, दोप सुई न चिपै सुख भावै ।
 मोह सुई जु लखै सब आपसे, व्यानत सज्जन सो कहिलावै ॥२१
 पीर सुई पर पीर विडारत, धीर सुई जु कपायसौं जूझै ।
 नीति सुई जो अनीति निवारत, मीत सुई अघसौं न अरुझै ॥
 औंगुन सो गुन दोप विचारत, जो गुन सो समतारस बूझै ।
 मंजन सो जु करै मन मंजन, अंजन सो जु निरंजन सूझै ॥२२
 ध्यान सुई कछु चिंत करै नहीं, ग्यान सुई कछु वात न गूझै ।
 दान सुई जु विवेकसौं दीजियै, जान सुई दुख जानकै ऊँझै ।
 वानि सुई सुभ ग्यान बहै घट, ग्यान सुई परमै नहिं मूझै ।
 मंजन सो जु करै मन मंजन, अंजन सो जु निरंजन सूझै ॥२३
 मालिनी ।

कर कर नर धर्म पर्म सर्म प्रदाता,
 हर हर नर पार्ष दुःख संताप भ्राता ।
 यह जिन उपदेसं सर्व संसार सारं,
 भवजलनिधि धारं जान चढ़ि (?) होहि पारं ॥१४॥

तूही जिनेस करुनाकर दीनवंध,
 स्वामी त्रिलोकपति ईसुर ग्यानखंध ।
 वंदौं त्रिकाल जगजाल निकाल मोहि,
 दाता महंत भगवंत प्रसन्न होहि ॥ १५ ॥

सुन्दरी ।

रहित दोष अठारै देव हैं, गुरु सदा निरग्रंथ सु एव हैं ।
 धरम श्रीजिनभाख प्रमान है, मुक्तिपंथ यही सरधान है ॥१६

मुत्रंगप्रयात ।

सहे दुःख नर्के निगोदं अपारं,
अजौं नाहिं छाड़त अक्षं विकारं ।
सुहृके विवेकी भए जात वारे,
भले जी भले जी भले प्राणप्यारे ॥ २७ ॥

करखा (रवं लघु) ।

अथिर सब जगत बन तनक नहिं कहिं सरन,
चतुरगति दुख धरन हरन साता ।
इक सु अध उरध भुव अन सु तन अन सु तव,
असुच पुदगल अधुव तजत ध्याता ॥
ममत असरव करत निरममत सबर रत,
सुहित निरजर भरत धरत ध्याता ।
मुनत विभुवन अचल गुनत अवगम अटल,
दुलभ अनभव अमल सिव प्रदाता ॥ १५ ॥

सबैया तेईसा ।

भूख लगै दुख होहि अनंत, सुखी कहियै किम केवल ध्यानी ।
खात विलोकत लोक अलोककौं, देखि कुदर्व भखै नहिं प्रानी
खायकै नींद करै सब जीव, न स्वामिकै नींदकी नाम निसानी
केवल ध्यानी अहार करै नहिं, सांची दिगंबर ग्रंथकी वानी १९
जिन गुण सम्पत्ति व्रत के तिरेसठ उपवास, छप्य ।

पोड़सकारन जान, ठान पड़िवा व्रत सोलै ।
पंच कल्यानक सांच, पांच पांचै अघ छोलै ॥
दस जनमत दस ध्यान, वीस गुन वीसौं दसमी ।

चौदे गुन सुरकृत्य, बार दस चौदस भरमी ॥
 गुन आठ प्रातहारजनिके, आठ अष्टमी कीजिये ।
 व्यानत त्रेसठ उपवास कर, तीर्थकर पद लीजिये २०
 विश्वाराघातभावलाग, सबैया इकतीसा ।

भूमि कहै मोपै गिरि सागरकौ बोझ नाहिं,
 कौलसेती टलै दुष्ट ताकौ महा भार है ।
 दसरथ बोल सार रामकौं दियौ निकार,
 राजनीति लंधी बात लंधी न करार है ॥
 नख सिख अंगनिमैं एकै मुख गुनकार,
 सांच वचन प्रभुजीकै भयौ ओंकार है ।
 ऊट वाड़ गाड़ी पाड़ चलता ही भला कहै,
 ऐसे वे सरमके जीवनकौं धिकार है ॥ २१ ॥
 धैर्य भाव ।

अंजनी सुसर सास मात तातनैं निकास,
 सीता सती गर्भवती रामजीनैं छारी है ।
 प्रदुमन सिला तलै धख्यौ पाप ताप भख्यौ,
 रामचंद वनवास महा त्रासकारी है ॥
 पंडवा निकलि गए कैसे कैसे कष्ट भए,
 सिरीपाल कोटी भट सह्यौ खेद भारी है ।
 व्यानत बड़ौंका दुःख छोटनिकौं सीख कहै,
 दुखमाहिं सुख लहै सोई ग्यानधारी है ॥ २२ ॥
 दर्सनविसुद्धि विनै सदा सील ग्यान भनै,
 संवेग सुदान तप साधकी समाधजी ।

वैयावृत अरहंतभक्ति आचारजभक्ति,
 वहुश्रुतभक्ति प्रवचनभक्ति साधनी ॥
 पट आवस्यक काल मारगप्रभाव चाल,
 वातसल्प प्रतिपाल सोलहाँ अराधजी ।
 तीर्थकर कारन हैं कर्मके निवारन हैं,
 मोखसुख धारन हैं टारन उपाधजी ॥ २३ ॥

उनसठि लाख सहस सत्ताईस चालीस,
 कोड़ाकोड़ि वर्ष आदिनाथजीकी आव है ।
 तीन कोड़ाकोड़ि ग्यारे लाख चौ सहस कोड़,
 एते वर्ष ब्रह्मा आव लोकमैं कहाव है ॥
 उन्नीस लाख पचपनसै पचपन ब्रह्मा,
 आदिनाथ आवमैं हुए मुए फलाव है ।
 एक कोड़ाकोड़ि वहत्र लख असी हजार,
 कोड़ि वर्ष वाकी रहे जानौ धर्म न्याव है ॥ २४ ॥

सर्वेया तेहेसा ।

इंद्र अनेक विवेककी टेक, तुही प्रभु एककौं सीस नवाँवैं ।
 मौलि महा मनि नैन दिखैं धन, लाल सुपेद नखौं महि अवैं ॥
 पाटल वर्न रमाघर चर्न, सरोज उभै गुन प्रीति बढ़ावैं ।
 भौ रज नाहिं धैर जड़भाव हरैं, सुमरैं सुख क्यौं नहिं पावैं ॥ २५ ॥
 बुद्धि कहै बहुकाल गए दुख, भूर भए कवहूं न जगा है ।
 मेरौ कह्यौ नहिं मानत रंचक, मोसौं विगार कुनार सगा है ॥
 देहु री सीख दया तुम जा विध, मोहकौ तोरि दै जेम तगा है ।
 गावहुंगी तुमरौ जस मैं, चलरी जिसपै निज पेम पगा है ॥ २६ ॥

धर्मप्रशंसा, सर्वेया इकतीरा ।

चिंतामन जान कहीं पारस पाखान कहीं,
कल्पवृच्छ थान कहीं चित्रावेलि पेखियै ।
कामधेनु रूप कहीं पोरसा अनूप कहीं,
बनी है रसायन जवाहर विसेखियै ॥

नृपकौ प्रताप कहीं चंद भान आप कहीं,
दीपजोति व्याप कहीं हेमरासि लेखियै ।
फैलि रह्यौ ठौर ठौर भेख गह्यौ और और,
एक धर्म भूप सब लोक माहिं देखियै ॥ २७ ॥

रतनौंकी खानि कहीं गंगाजल पानि कहीं,
सीत माहिं धाम पौन सीतल सुगंध हैं ।
बड़े वृच्छ फल छांहिं अतर गुलाब माहिं,
मेघकी भरन परै वहु मेवा खंध है ॥

तंदुल सुवास कहीं आभूपन रास कहीं,
अंवर प्रकास अति मोहकौ निवंध है ।
एक धर्मसेती सब ठौर जै जै कार होय,
ताही धर्म विना घर वाहरमैं धंध है ॥ २८ ॥

नक्क पसुतैं निकास करै स्वर्ग माहिं वास,
संकटकौ नास सिवपदकौ अंकूर है ।
दुखियाकौ दुख हरै सुखियाकौ सुख करै,
विघ्न विनास महामंगलकौ मूर है ॥

गज सिंह भाग जाय आग नाग हू पलाय,
रन रोग दधि वंध सबै कष्ट चूर है ।

ऐसौ दयाधर्मकी प्रकास ठौर ठौर होहु,
 तिहुं लोक तिहुं काल आनंदकौ पूर है ॥ २९ ॥
 इधैं कोट उधैं वाग जमना वर्हे हैं वीच,
 पच्छमसौं पूरवलौं असीन (?) प्रवाहसौं ।
 अरमनी कसमीरी गुजराती मारवारी,
 नरौंसेती जामैं वहु देस वसैं चाहसौं ॥
 रूपचंद बानारसी चंदजी भगोत्तीदास,
 जहां भले भले कवि व्यानत उछाहसौं ।
 ऐसे आगरेकी हम कौन भाँति सोभा कहैं,
 वडौ धर्मथानक है देखियै निवाहसौं ॥ ३० ॥
 सहरमैं नहर है ठौर ठौर मीठे कूप,
 बाजार वहुत चौरा वसती सघन है ।
 आन देसौंसेती जहां स्नावक अधिक वसैं,
 सुखी सब लोग अति ही उदार मन है ॥
 दान नित देत पूजा भावसौं परम हेत,
 साख्त्र सुनैं हैं सचेत होत जागरन है ।
 इंद्रपथ नाम वन्यौ इंद्रहीकौ सांचौ धाम,
 दिल्ली सम और देस माहिं नाहिं धन है ॥ ३१ ॥
 आगरेमैं मानसिंह जौहरीकी सैली हुती,
 दिल्ली माहिं अब सुखानंदजीकी सैली है ।
 इहां उहां जोर करी यादि करी लिखी नाहिं,
 ऐसे भाव आलससौं मेरी मति मैली है ॥
 आगरेमैं वडे उपकारी थे विहारीदास,
 तिन पोथी लिखवाई तब थोरी कैली है

दिल्ली माहिं लागू होय पोथी पूरी लिखवाई,
 ऐसी साहिवराय सुगुननकी थैली है ॥ ३२ ॥
 दिल्लीमैं नहरि आई तैसैं यह कविताई,
 धाम धाम जल ठाम ठाम यह बानी है ।
 केर्इ पूजा पढ़ै केर्इ पद रागसेती रटैं,
 सुनि सुख बढ़ै वह धर्मबुद्धि सानी है ॥
 बहुत लिखावै वहु साखकौं बचावै सदा,
 लिख लेय जावै वहु सांच प्रीत ठानी है ।
 दिल्ली माहिं सब ठौर ग्रन्थ यह फैलत है,
 तैसैं सब देस फैलौ सबै सुखदानी है ॥ ३३ ॥
 आगरौ गुननिकौ जहानावाद रहै कोय,
 सुधरूप धरमविलासकौ प्रकास है ।
 धरमविलास धर्मके कियैं सदा विलास,
 धर्मकौ विलास यह धरम विलास है ॥
 धर्मकौं करै है कोय आपहीमैं धर्म होय,
 वस्तुकौ सुभाव सोय कभी नाहिं नास है ।
 निज सुद्ध भावमैं मगन रहौ आठौं जाम,
 बाहज हू हेत बड़ौ ग्रन्थकौ अभ्यास है ॥ ३४ ॥
 पूजा वहु परकार दानके कवित्त सार,
 चरचा अपार पट दर्वकौ विचार है ।
 भगतिकौ अधिकार पदनिकौ विसतार,
 अध्यात्मकौ निहार बानीकौ विथार है ॥
 अखर बावनी धार लोकालोक निरधार,
 कोप भाव निरवार कथा हू उदार है ।

धर्म विलासमें अनेक ग्यान प्रकास,
 सब माहिं भगवान भगवान भगवान तार है ॥ ३५ ॥
 अग्र नाम तपसी बसेसौं अगरोहा भया,
 तिसकी संतान सब अग्रवाल गाए हैं ।
 ठारे सुत भए तिन ठारे गोत नाम देये,
 तहांसौं निकसिकैं हिसार माहिं छाए हैं ॥
 किर लालपुर आय व्यैक 'चौकसी' कहाय,
 गोलगोती वीरदास आगरेमैं आए हैं ।
 ताहीके सपूत स्यामदासके द्यानतराय,
 देस पुर गाम सारे साहमी कहाए हैं ॥ ३६ ॥

छप्पय ।

पुरनि माहिं आगरौ, आगरौ आन नाहिं तुल ।
 अगर सुवास प्रकास, तास सम अगरवाल कुल ॥
 वीरदास महावीरदासतैं, नाम धख्यौ जन ।
 नेमिनाथ तन स्याम, दासतैं स्यामदास भन ॥
 धन द्यानतदार विचारिकैं, द्यानत नाम प्रवानिया ।
 कवि नगर नाम दादा पिता, निज नामारथ आनिया ३७
 सबैया इकतीसा ।

सत्रहसय तेतीस जन्म व्याले पिता मर्न,
 अठताले व्याह सात सुत सुता तीन जी ।
 छ्याले मिले सुगुरु बिहारीदास मानसिंघ,
 तिनौं जैन मारगका सरधानी कीन जी ॥
 पछत्तर माता मेरी सील बुद्धि ठीक करी,
 सतत्तरि सिखर समेद देह खीन जी ।

कछु आगरेमैं कछु दिल्ली माहिं जोर करी,
अस्सी माहिं पोथी पूरी कीनी परवीनजी ॥ ३८ ॥
छप्य ।

गाय हंस उतकिए, मधम मृतिका सुक जानौ ।
चलनी छांज पखान, फूटघट महिप प्रवानौ ॥
जोंक बोक फनधार, और मंजार उल्द हूब ।
ए दस भेद जघन्य जान, स्रोता चौदह धुब ॥
जो जो सुभाव धारक सहज, सो सो नाम धरावई ।
सो धन्य पुरुष संसारमैं, धरम ध्यान मन लावई ॥३९
सवैया इकतीसा ।

सात विस्त्र त्याग वारै ब्रतसौं कियौ है राग,
कंदमूल फूल साग सब त्याग करे हैं ।
बैगन करोंदे तूत पेठा वेर तरवूज,
जामुन गौंदी अंजीर खिरनीसौं टरे हैं ॥
चामधीव तेल जल हींग वासी पकवान,
विदल अचार मुखेसौं (?) थरहरे हैं ।
जल छान लेत रात पानी नाज तजि देत,
दर्सनसौं हेत ऐसे ग्याता गुन भरे हैं ॥ ४० ॥
छप्य ।

आप पढ़ा कछु होय, सुना कछु होय जथारथ ।
समझ ग्यान वैराग, क्रिया नित करत मुक्त पथ ॥
नई उकति नहिं धरै, जुगत वहु विध उपजावै ।
पिछले आगम देखि, कठिनकौं सरल बनावै ॥
सुभ अच्छर छंद प्रगट अरथ, परमारथ वरनन करै ।
द्यानत ममतात्यागी सुकवि, जब जस बानी विस्तरै ॥४१

रावेया इकतीसा ।

कोयलकौ बोल जहां काक हू कलोल करैं,
मोरनिकौ धोर तहां मैंडककौ सोर है ।
तूतीकौ सबद उहां तीतुर हू बोलत हैं,
पानी माहिं मच्छकौ न मछलीकौ जोर है (?) ॥

खग विद्याधर खग पंछी नभ गौन करैं,
बनमै मृगेंद्र मृग चाल ताही ओर है ।
तैसैं वहु कवि तामैं मैं भी लघु कवि तामैं,
युन लीजौ दोप मति कीजौ लखि खोर है ॥ ४२ ॥

भानके प्रकास दीपके उजास दीसैं वस्तु,
राह माहिं वारी माहिं गज दिष्टि आवै है ।
उरदू वाजार छोटे वडे हैं दुकानदार,
थोरा ब्रत वहु ब्रत ब्रती नाम पावै है ॥

राजा परजाकै सुतका उछाह एक सा है,
नौ ग्रहमैं (?) हीरा अरु मूँगा हू कहावै है ।
तैसैं कविताकी गिनतीमैं हम कविता है,
बचन विलाससेती न्यारौ आप भावै है ॥ ४३ ॥

घातिया करम नास लोकालोक परकास,
सरवग्य कैसौ ग्यान हम कहां पायौ है ।
संसकृत प्राकृत न भाषा हू अलप बुद्धि,
नाममाला पिंगल हू पूरा नाहिं आयौ है ॥

इस माहिं कवि चातुरी कछु करी है नाहिं,
सूधा धर्म मारगकौ उपदेस गायौ है ।
भूमंडल माहिं रविमंडल ज्यौ उदै करैं,
धरमविलास सबहीके मन भायौ है ॥ ४४ ॥

छप्पण ।

अच्छर मात्रा छंद, अरथ जो अमिल बखाना ।
जान अजान प्रमाद, दोपते भेद न जाना ॥
संत लेहु सब सोध, बोधधर हो उपगारी ।
बालक ऊपर कटक, कौन धारै मतिधारी ॥
इस सबद गगनमैं सुकविखग, अपना सा उद्यम गहै ।
पावै न पार सुभ धान वसि, परमानंद दसा लहै ॥ ४५ ॥

सबैया इकतीसा ।

अकवर जहांगीर साहजहां भए वहु,
लोकमैं सराहैं हम एक नाहिं पेखा है ।
अवरंगसाह वहादरसाह मौजदीन,
फरकसेरनैं जेजिया दुख विसेखा है ॥
चानत कहां लग वडाई करै साहवकी,
जिन पातसाहनकौ पातसाह लेखा है ।
जाके राज ईत भीत विना सब लोग सुखी,
वडा पातसाह महंमदसाह देखा है ॥ ४६ ॥
जैनधर्म अधिकार दीसै जगमाहिं सार,
और मतके फकीरसेती जती सुखी है ।
सब मत माहिं रात दिन पसु जेम खाहिं,
खावक विवेकी निसत्यागी गुरुमुखी है ॥
जल अनछानेसौं नहारु आध व्याध होय,
पानी पीयै छान कभी होत नाहिं दुखी है ।
सांच धर्म सब लोक जान जान सुखी होय,
सांच वात कही, नाहिं कही आप रुखी है ॥ ४७ ॥

चैत सब मास माहिं उत्तम वसंतसेती,
 सर्व सिद्धा त्रोदसी कहे हैं सब लोकमें ।
 सतभिखा है नद्यत्र सतकी कथन अत्र,
 सुभ जोग महा सुभ धर्मके संजोगमें ॥
 गुरु पूजनीक गुरुवार कृत्य पच्छ धार,
 सेत है तीन वार आगम प्रयोगमें ।
 सत्रहसै अस्ती सोले भाव रीत चित्त वसी,
 ग्रंथ पूरा कीना हम सुद्ध उपयोगमें ॥ ४८ ॥

एक सुध आत्म सधै है सात भंगनतैं,
 आठौं गुनमई परभावनसे सुन है ।

यही सुभ संवतके सोले सब आंक भए,

सोले भावसेती वंधै तीर्थकर पुन है ॥

इसमै अधिकार भी उनासीके सोले आंक,

सोलहौं कपाय नासकारी महा गुन है ।

जातनमै ग्यान जात वातनमै ध्यान वात,

धातनमै वडी धात जैसै हेम हुन (?) है ॥ ४९ ॥

छप्पय ।

जबलौं मेर अडोल, छोड़ि भ्रम रुचि उपजाऊ ।

जबलौं सूर प्रताप, पाप संताप मिटाऊ ॥

जबलौं चंद उदोत, जोति सबके घर भासै ।

जबलौं स्त्री जिनधर्म, सर्वकौ सुख परकासै ॥

जबलौं भुव मंगल गगन थिर, तबलौं ग्यान हिये धरौ ।

इस धर्मविलास अभ्याससौं, सब ही भवसागर तरौ॥५०॥

सर्वेया इकातीया ।

कथा देखो आदिनाथजीके दस परजाय,
वृत संघ निकीडत चंद्रामन भेव है ।

गनती अनंत विरलन देय औ सलाक,
दीपोदधि नाम गिनौ आवै नाहिं, छेव है ।
जीव कर्म दर्व तत्त्व ग्यान पूजा ठानी लोक,
सबै वहु भेद भाखै तीर्थकर देव है ।

भोग चक्रवर्तीजीकै समोसर्नकी विभूति,
जैनधर्मके समान जैनधर्म एव है ॥ ५१ ॥

बुद्धिका निवास होय सुख्ता प्रकास होय,
मुख्ता विनास होय उख्ता प्रभावना ।

दानकी पिछान होय ग्यानका निदान होय,
ध्यानका विग्यान होय मानका मिटावना ॥

इंद्री सब जेर होय मन जैसै मेर होय,
मोहका अंधेर खोय जोतिका जगावना ।

जगतैं निकास लेह मोख माहिं करै गेह,
धरमविलास ग्रंथ आगमकी भावना ॥ ५२ ॥

छप्पय ।

सावन जल विन दियै, मैल गुनका सब खोवै ।
जाका डर अवधार, कवित निरदूखन होवै ॥

जो दुख देय न सोय, कौन सम ताकौं जानौं ।
दोष विराने चूरि, आपने सिरपै ठानौं ॥

यह दुष्ट पुरुष जैवंत जग, चार बड़े उपगार हैं ।
दुरजनकौं सज्जन सम लखैं, ते ग्याता सिरदार हैं ॥ ५३ ॥


कुड़लिया ।

अच्छरसेती तुक भई, तुकसों ह्रए छंद ।
 छंदनसों आगम भयो, आगम अरथ सुछंद ॥
 आगम अरथ सुछंद, हमार्नैं यह नहिं कीना ।
 गंगाका जल लेय, अरथ गंगाकों दीना ॥
 सबद् अनादि अनंत, ग्यान कारन बिन मच्छर ।
 मैं सबसेती भिन्न, ग्यानमय चेतन अच्छर ॥ ५४ ॥

छप्य ।

धन धन स्त्री जिनराज, काज सब जियके सारौ ।
 धन धन सिद्ध प्रसिद्ध, रिद्ध सब विध विसतारौ ॥
 धन धन हौ तुम सुर, सूर दुखकौ निरवारौ ।
 धन धन हौ उच्चाय, लाय अंमृत विष डारौ ।
 जग धन्न धन्न सब साधु तुम, वकता स्त्रोता सुख करौ ।
 व्यानत है माता सरसुती, तुम प्रसाद् सब नर तरौ ॥ ५५ ॥

इति पूरण पंचातिका ।



जैनग्रन्थरत्नाकर कार्यालयमें मिलने-
वाली कुछ पुस्तकें ।

बनारसीविलास—बनारसीदासजीकी समस्त कविताओंका संग्रह
और उन्हींका लिखा हुआ जीवनचरित सहित १-८-०

बृन्दावनविलास—कविवर बृन्दावनजीकी कविताओंका
संग्रह ०-१२-०

प्रद्युम्नचरित्र—सरल हिन्दी भाषामें २-१२-०

सप्तव्यसनचरित्र—सात व्यसनोंके सेवन करनेवालोंकी क्या
क्या दुर्दशा होती है यह सरल हिन्दी भाषामें विस्तारके
साथ दर्शाया है ०-१४-०

चर्चाशतक—सरल हिन्दी टीकासहित ... १२-०

न्यायदीपिका—मूलसंस्कृत और सरल हिन्दी
टीका सहित ०-१२-०

मोक्षमार्गप्रकाश—बचनिका पं० टोडरमलजीकृत १-१२-०

ज्ञानसूर्योदय नाटक—श्रीवादिचन्द्रसूरिके संस्कृत ग्रन्थका
सरल हिन्दी अनुवाद ०-८-०

इनके सिवाय और भी सब जगहके छपे हुए जैनग्रन्थ संस्कृत,
हिन्दी, मराठीके हमारे यहाँ मिलते हैं । सर्व साधारणोपयोगी
उत्तमोत्तम पुस्तकें भी बिक्रीके लिये हर समय मौजूद रहती हैं ।
बड़ा सूचीपत्र मंगाकर देखिये ।

• मिलनेका पता—जैनग्रन्थरत्नाकर कार्यालय
हीराबाग पो० गिरगांव—बम्बई.